


John
Cranford,
M.D.



W. J. V. C. S. m

HERMANNI BOERHAAVE

Philosophiae & Medicinæ Doctoris
& Professoris, &c.

Johannes Graevius

METHODUS

D I S C E N D I

MEDICINAM.



AMSTELODAMI;

Apud J. F. BERNARD.

M. D. CC. XXVI. LIBRARY

Founded 1813

19149



ЗАДАНИЯ И МИЛЯЗ

ищет в себе то, что
всеобщий и единственный
закон природы.

СУДОНОВАМ

ДАКЕМДА

МАНЮСКЕМ

$$\frac{a}{c}$$



Crawford

АМЕРИКАНСКАЯ

АБДИЛЕБДИНАР

М. Д. СС. КУЛГИНОВЫЙ
1819

ОБРАЗОВАНИЕ

PROÆMIUM.

SCOPUS noster in præsentiarum jam est exponere quænam sit hodie cognita conditio Medica, & simul tradam ejus statum perfectissimum, quatenus ex his adjunctis, quæ nobis præsto sunt, acquiri potest.

Itaque tria exponenda, & tractanda propono.

1. Quænam ea sint; qua per industriam hominum omnium Sæculorum hodie inventa habentur, & ea proponam absque ullo errore, ita ut de iis nihil dubitari possit, ergo tantum quæ vera & bona Separaturus quicquid obnoxium & inutile huic arti esse possit.

Tum. 2. in singulis Medicinæ partibus indicabo hos authores, qui etiam in singulis partibus his

IV PROÆMIUM.

exornandis fuere Principes : non qui exscripserunt alios, eosque emaculando sape emanciparunt ; sed eos, qui sua industria singulis partibus, & omnibus ad Medicinam necessaria invenere ornamenta.

3. Dabo consilium breve quomodo hi authores legendi sunt.

Et hisce jam tribus absolvetur hicce propositus labor.

Jam vero ut rem summi momenti in Medicina feliciter auspicer, non multum morabor de Medicinæ definitione ipsa , alteri rei intentus, totam rem à filo ad telam usque perducam.

Rem suscipio maximi momenti, qui enim honorem Medico ambit debitum , eamque scientiam sibi propriam facere cupit , adeoque sapientiam hujus honoris causam necessariam habet , ad hanc scientiam sibi acquirendam , scire debet quo tempore quibus adminiculis illa exorta fuit , verum ergo quomodo
eam

PROÆMIUM. v

eam scientiam sibi poterit acquire-re, nisi sciat uti laboribus eorum, qui jam scripsere, sed quomodo Tyro sciet inter omnes hos Autho-res, quinam eligendi sunt, ut er-rores & ambages evitet, brevi-que suum scopum attingat, quam plurimi enim in hanc rem scrip-se-runt; ergò necessarij videmus, quod æquè prælectiones Authorum obesse quam prodesse nobis possunt.

Qui enim animo omni Doctri-na vacuo se applicans Medicinæ, pessima calamitate incideret in Authores, qui & minus neces-saria & futilia proposuere, id de-mum lucrabitur, quod postea vi-debit se tantum didicisse ea hu-jusmodi, ex quibus nihil ad suum finem persolvendum exhauri-re queat.

Hinc in Medicina nihil plus uti-le video, quam ut quis sciat quonam ordine incipiendum, unde incipien-dum, quomodo pergendum, quibus

VI PROÆMIUM.

*Authoribus utendum ad Medicam
scientiam acquirendam habeat.*

*Qui verò eam vult discere scien-
tiam , debet bonam sequi Metho-
dum, bonos legere Authores, qui
viam dant ad hanc scientiam ac-
quirendam, nihil admittere debet,
quod non faciat ad illam , & ni-
hil omittere quod necessarium est,
ut acquiratur illa scientia , &c.*

DE

LIBRARY C

Pag. 7

UNIVERSITATE MARBURG

METHODO DISCENDI

ARTEM MEDICAM

PARS PRIMA.

Physica Generalis Primam & Se-
cundam Partem Complectens.

CAPUT I.

De Medicina in genere, de ejus definitione &
partibus, & a quibus sit incipiendum in
hujusce Scientiae discende Methodo, &c.

I. **M**edicina est Scientia docens hu- Defini-
mani Corporis vitam integrum tio Me-
& Sanitatem conservare & dicæ
restituere. fientiae.

Medica enim scientia docet
octo diversas partes sive implet octo Scopos,
quibus optinendis insistit humana mens, ut

scientiam possideat Medicam. Debet ergo scientia Medica I. explicare intellectui, quid sit corpus.

Divisio
& partes
Medici-
nae.

2. Quid sit corpus humanum.
3. Corporis humani vitam integrām.
4. Vitam mutilam.
5. Sanitatem integrām.
6. Sanitatis detrimentum.
7. Quānam sint auxilia conservandā & reparandā vitā & sanitati propria.
8. Quānam sit Methodus utendi his auxiliis ad reficiendā vitam, & sanitatem conciliandā.

Hæc sequuntur ex definitione, debet enim I. Medicina explicare, quid sit corpus, & quid corpus humanum, ergo debet I. de corpore in genere cognitionem dare, & tum de corpore humano in Specie, si enim velit Medicus explicare machinæ nostræ constitutionem, debet dare omnia, quæ in ea possunt reperiri, sed sunt in ea plūrima omnibus corporibus propria, nonnulla ipsi tantum, sed non tantum explicare, quæ sint illi propria, sed etiam quæ communia sunt omnibus, quatenus illa obnoxiasunt omnibus legibus omnium corporum, ergo ea cognoscere debet Medicus.

Debet igitur Medicina generalem corporum ideam explicare, talia quidem sunt extra

tra Medicinam, ad eam enim tantum proprie faciunt, quæ pertinent ad corpus humanum sed quæ communia sunt, ut grave esse, mobile esse, impenetrabile esse, extensem esse, &c. illa propria sunt omnibus, verumtamen hæc Medico perspecta esse debent ut totum corpus in sua natura intelligat. Ergo tantum ab Anatomia non debet incipere Medicina, ut consilia dedere plurimi, certè tantum abest, ut unquam futuri sint perfecti Medici, qui toto hiatu reliquo suum incepere Studium non considerando prius corporum naturam in genere. Medicus igitur 1. corporis, deinde corporis humani cognitionem claram habere debet; sic ipsa definitio indicat, quod Medicina beat in genere considerare corpus, & verus Medicus non erit, qui totam Medicinam non possidet, sed ille totam Medicinam non possidet, qui definitionem non implet, nam ille definitionem non implet, qui non prius considerat, quid corpus sit, hinc est quod Medicina à corpore incipit; tum ab humano corpore.

§. 2. *Medicus vocatur, cuius intelligentia definitio
hanc scientiam possidet, & qui eam exercere Medici.
potest.*

Duo enim requiruntur in Medico 1. ut scientia medica probe sit instructus, &

tum 2. ut habeat promptitudinem ingenii, per quam suam scientiam in emolumentum ægrorum possit exercere, non enim sufficit Medico omnia scire, quæ ad Medicum pertinent, sed debet hanc dictam facultatem præsertim simul possidere, ut exerceat Medicinam cum facultate jucunda in ægris præsentibus.

Quænam
Medico
cognos-
cenda
sint.

§. 3. Debet igitur Medicus cognita habere omnia illa octo Thematæ supradictæ. Qui cupit esse Medicus, nunc debet antequam finem impleat hoc efficere, ut sciat 1. quid sit corpus, tum 2. quid corpus humanum 3. quid ejus corporis vita, & integra seu perfecta.

4. Quid vita, mutila, læsa, sit, 5. quid sanitas sit perfecta, 6. quid læsa sanitas, 7. quid ingenium humanum hactenus invenerit ad vitam illam conservandam, sanitatem illam tuendam & restituendam, sed hæc non sufficiunt, verum debet simul 8. scire hanc scientiam oportuno tempore & hæc auxilia proprie, certo tempore, certo modo, certa dosi &c. applicare; hinc Medicus 1. scire debet, quid sit corpus in genere.

Quid prius nosce oporteat.

§. 4. Cum autem humanum corpus plura habeat communia cum aliis corporibus, illas proprie communes qualitates corporis in genere nosse prius oportet, si ergo demum ab iis,

iis, quæ corpus humanum habet communia omnibus corporibus æque morbi obi oriri possunt, quam abiis, quæ sibi propria sunt.

Pro experimento, si humanum corpus ex alto demittitur sine fulcro cadet, & faciet sibi contusionem aut fractionem, an vero ex idea humani corporis, simpliciter spectati hujus rei causa patescit! minimè; sed ex idea gravitatis hoc concipietur (ex Mechanicis) atqui ea gravitas omnibus corporibus ergò est communis, videmus causam morbi posse ex illa communi proprietate oboriri, qui ergò aggreditur humanum corpus addiscere ex Anatomia, quæ tantum singulares proprietates humani corporis exponit, ille non omnem scientiam causarum morbificarum possidet. Rursus quod corpus ita stabile sit pendet tantum ab ejus gravitate, nam si una pars levior esset aliis, illa pressione adjacentium dimoveretur, unde totius læsio, sic in liquidis si aliqua esset levior particula reliquis, illa ex corde cum reliquis non ita expelleretur & in pulmonibus restitans laderet respirationem, quare patet necessitas ut omnes partes ad eandem soliditatem & gravitatem reducantur.

Hinc itaque ut jam dictum est Medicus noscere debet, (ut accuratus sit Medicus) corpora

pora quæcunque & quæcunque communia
in iis occurrant.

In Medico re-
quiritur
cognitio
generalis
corporis.

§. 5. Namque hæc ipsa etiam respicienda erunt in humano corpore, quæ communia sunt omnibus. In Medico etiam requiritur cognitio generalis corporum hoc est quod hoc & illud sit corpus, sed quod respiciatur in omni corpore, unde dicatur corpus.

Hoc etiam necessum est, quia quod in aliis corporibus à natura fuit positum, unde corpora dicuntur, hæc in suo etiam corpore inveniet Medicus.

Ergo jam incipimus explicare omnia, quæ omnibus corporibus communia sunt &c.

P A R S I.

Physicæ generalis.

C A P U T II.

De Natura & de Proprietatibus corporum.

Cognitio
corpo-
rum in
generere-
digitur ad
tria capi-
ta & quæ
sint.

§. 6. **I**lla generalia communia omnibus corporibus infinita fere sunt diversitate sua, sed revocari possunt ad tria digerentur ad gesta & ordinata capita.

Ex omnibus corporibus, & ex iis, quæ ipsi

ipfis sunt communia oritur tantum Idea corporis , hæcque tum percepta vocatur Natura corporea.

C A P U T . 1.*Explicabit.*

QUænam sit res in intellectu hominis , qui intelligit corpus in genere , & hæc est idea quæ vocatur Natura seu Physis.

C A P U T . 2.*Delineabit.*

IDeam (& Speciem & rem cogitatam) quæ est in intellectu dum mens percipit quamcunque mutationem corporum & vocatur hæc idea Motus.

C A P U T . 3.*Docebit & delineabit.*

Generalia hæc omnia juxta quas leges corpus mutationes suas recipit & efficit. Hæc est delineatio i. operis.

Ergo brevitur videndum est i. quænam hæc

14 *Methodus discendi*
hæc tria sint capita; 2. quomodo cognoscantur; 3. quinam optimè de his scripsere,
4. quoniam pacto hi legendi à medico tyrone sint.

C A P U T I.

Physicæ generalis.

Quomo-
do for-
metur i-
dea cor-
poris in
genere. §. 7. **I**nquirendum hic quomodo forme-
tur conceptus generalis corporis.
Conceptus & Idea generalis cujusque
corporis formatur ab intellectu humano,
tum quando considerat omnia, quæ de cor-
pore cognoscit, atque deinde advertit inter
illa omnia, quæ de corpore perspecta haben-
tut nonnulla esse communia hoc est quæ in
omni quocunque corpore obtinent, alia verò
esse singularia hoc est quæ in nonnullis
quidem obtinent, & abesse non possunt,
in aliis verò absunt, & abesse possunt, re-
manente tamen natura corporea.

Si tum illa, quæ communia deprehendit
in iis corporibus seorsim colligit (ea nempe
quæ in omni reperitur, & à nullo absunt,
abfuere, nec abesse possunt) & ea in u-
num conceptum redigit, ut una inde o-
boriatur quasi Idea, tum formavit con-
ceptum generalem corporis.

§. 8.

§. 8. Quæritur ergo quomodo mens humana format ideam generalem omnibus corporibus communem; dicimus etiam intellectum humanum plura intelligere de corpore; extensum esse scilicet impenetrabile esse, spatium occupare, grave esse, mobile esse, mutabile, figuratum, divisibile, coloratum magnum, parvum, frigidum, calidum esse &c. quando jam intellectus humanus perfecta hæc omnia simul habet, & videt nonnulla communia, quæ semper adsunt, ut extensum esse, mobile, impenetrabile esse &c. tum singularia videt quæ aliquando absunt, ut frigus, calor, figura, sic tum est secundus status, 1. enim mens concipit omnia, 2. videt nonnulla, quæ aliquando adsunt, & aliquando absunt, quæ semper adsunt, & quæ non semper adsunt, & quando nunc hæc 4. quæ communia sunt, retinet, ut mensurabilitas, extensio, gravitas mobilitas, & impenetrabilitas, & format hinc ideam, illa vocatur conceptus corporis, quando tempore mens excludit singularia, & generalia communia sola tantum colligit, & inde format ideam, tum habet ideam claram de corpore, quomodo jam illa idea acquiri possit, & quæ ex ea sequuntur in sequentibus exponendæ sunt.

§. 9. Examinare debent itaque Philosophus &

Quidexa- & Medicus, 1. omnia, quæ de corpore co-
 minare gnoscuntur, & à Mathematicis & à Physi-
 debent cœlos proposta sunt, 2. advertet, nonnulla es-
 Philoso- se inter ea, quæ in omnibus quibuscun-
 phus & Medicus. que corporibus obtinent, & quod etiam non-
 nulla sunt, quæ non in omnibus reperiuntur,
 sed tantum in quibusdam contingunt, ita ut
 quod vera corpora sint, in quibus hæc non
 inveniuntur, vocantur singularia, & hæc
 rejicere debet Medicus, tantum retinens ea
 communia, quæ ubique inveniuntur, &
 nunquam ab ullo corpore absunt, si enim
 generalem conceptum, & ideam corporum
 dare vult, debet tantum ea, quæ in genere
 in omni corpore quocunque etiam fuerit, in-
 veniuntur considerare & consideranda præ-
 bere.

Ubi jam pergit, tum ea communia, quæ
 in omnibus obtinent corporibus, sola cepit,
 & ex omnibus conjunctis simul sibi forma-
 vit hanc ideam generalem corporum concep-
 tum dictam; si etiam Philosophus ita agit
 in corporibus inveniet supra dicta 4. quæ
 semper in intellectum ingrediuntur, ubi idea
 corporis repræsentatur, & idea illa dicitur per-
 ceptio corporis, nam hæc quatuor ita corpo-
 ribus adhærent, ut si unum tollatur pereat
 idea corporis, illa etiam quatuor uti diximus,
 sunt.

§. 10. I. Extensio est omne illud, cuius Quatuor
 partes sunt extra alias positæ, nulla alia idea propriæ
 tradi, nec concipi potest, est ergò extensum corporum in
 omne illud, cuius pars constituens genere
 cum aliis unum totum semper extra aliam qualitatem,
 existit.

2. Impermeabilitas, inpenetrabile vocatur,
 illud quod spatum quoddam replens excludit
 ex illo omne ingressarum illud spatum, dum
 præsens adest; si tollis de corpore extensionem
 omnem, jam nullum conceptum de eo cor-
 pore formare potest, nam pereunt statim
 omnia reliqua, v: gr: concipiamus lapidem
 illumque esse figuræ quadratæ, ergò occu-
 pat tale spatum, sed concipio etiam illum
 esse Mobilem, ponas jam extensionem tolli,
 an non statim perit quadratum, an non e-
 tiam tunc pereunt omnia quæ de eo lapide con-
 cipi possunt, perit enim simul mobilitas,
 quia si nihil concipio extensum, non pos-
 sum concipere motum hoc est translationem
 de loco in locum, quia verò non concipere
 possum corpus occupans locum sine mu-
 tatione, ergò in omni corporis idea requi-
 ritur conceptus accuratissimus extensionis,
 & 2. accuratissimus etiam impermeabilitatis
 nam corpus simpliciter consideratum, om-
 nia alia ex suo loco dum adest excludit,
 (loquor de corpore perfectè solido, non

quod spatia in se continet) nam si corpus perfectè solidum concipio in spatio quadra-
to, & simul concipiā aliud corpus in idem
spatium ingredi, jam non duo corpora am-
plius, sed unum tantum concipiā, & aliam
ideam sibi formare intellectus neget.

Alterum jam, quod à nullo corpore po-
potest abesse, si finitum concipitur, est.

Limita-
tio verò
in super-
ficie vo-
cantur fi-
nes Ma-
themati-
cæ.

3. *Figurabilitas*, est delineatio limi-
tum sed nullum corpus est absque limiti-
bus, nam pro varia positione linearum ter-
minos corporis constituentium varia semper
erit figura, ita ut nullum corpus absque fi-
gurabilitate sit nec concipi possit.

Sed dicendum præterea omne corpus est
mobile.

4. *Mobilitas* deprehenditur in omni quo-
cunque corpore ; nam si sumatur v: gr:
Sphæra etiamsi concipitur de ea, quod sit
extensa, impenetrabilis, figurata inde non se-
quitur ex ea scilicet idea, quod semper in
eodem sit spatio, illa enim poterit esse, &
ibi etiam concipi, nam licet ibi sit tamen de
ea omnia concipio, quæ concipiebam cum
ibi erat, ergo potest ubique esse & tamen
corpus esse, nam idea quam habeo de cor-
pore, non figit conceptum in uno spatio,
sed in omni spatio possum ideam habere cor-
poris, ergo in omni corpore adest Mobili-
tas,

tas , hoc est quod motum accipere possit.

Motus non est ipse tantum successiva existentia in parte hac vel illa spatii , hoc est quando concipio corpus motum , concipio illud existere , & ibi , & ibi , & ibi , &c. nam mobilitas est potentia existendi. Hinc patet corpus non posse concipi absque hisce quatuor attributis , quorum una desinente , destruitur idea corporis.

Ergo cum definitur corpus , non sequendi sunt Cartesiani , qui tantum definiunt corpus , quod est extensum in longum , latum & profundum ; hoc enim ideam minimè dat corporis ; Cartesiani contra Epicureos & Democriteos insurgentes , illud ex triplici dimensione tantum voluerunt definire , sed certè si attendant , an hæc idea etiam spatio non convenit ; & sic spatum totius universi ex hac idea possem intelligere , & sic tum omnia in universa rerum natura essent eadem , & in nulla re poterit esse diversitas.

§. 11. *Corpus est propriè , res extensa , impenetrabilis , figurata & mobilis.*

Dici potest hanc definitionem non esse uicta leges Aristotelis , qui vult definitio- nem constituere genus & differentiam speci- ficam , fateor verum nemo mortalium unquam scivit , quid corpus in se sit , errant certè qui hoc putant , sed proprietates quas-

dam corporum tantum novimns , & eas ra-
tiocinio assequimur , tum si inter eas quas-
dam qualitates videmus , quæ omni corpori
absolutè conveniunt , & semper adsunt ,
quamdiu corpus dicitur corpus , eas tum in
definitione admittimus , si tum etiam quis
dicit illa definitio perfecta non est , nihil
habebo , quod dicam , nisi quod ultra non
possimus.

Jam igitur videndum est , quid sint hæc
quatuor qnæ in omni corpore semper inve-
niuntur ; hæcque brevi spatio conabimur ita
explicare , sicut per optimos Mathematicos
inventa fuere.

Si ergo concipio hæc quatuor in qua-
dam re , omnia concipio , quæ de omni cor-
pore in genere concipi possunt , adeoque ;
cum corpus sit primum Medici objectum , er-
gò necessariò illa inquirenda habemus . Nam
dum concipio extensionem , concipio etiam
divisibilitatem , concipio etiam augmen-
tum posse fieri in infinitum , & sic porro ,
quando lconcipio impenetrabilitatem , con-
cipio jam omnes leges percussionis , nam ex
incursu & resistentia , omnis percussio ori-
tur , & sic etiam concipio mutabilitatem
figuræ , & in eo corpore varios gradus mo-
tus posse oriri & excitari .

Jam dico , quo præsente omne concipi-
tur

tur de corpore & quo ablato nihil concipiatur, illud voco proprietates primarias corporis aut etiam naturam.

§. 12. Ex his quatuor proprietatibus id quod fundamentum est cæterorum adeoque; quod primum in conceptu est vocatur natura corporea & natura corporis, alia etiam illa, quæ in illo conceptu immediatè continentur, vocantur proprietates corporeæ.

Jam verò ex Mobilitate, figurabilitate, & impenetrabilitate non potest oriri idea corporis primaria, quæ in mentem venit; si unica ex his proprietatibus scorsim spectetur, mobilitas enim v: gr: præsupponit aliud & sic de cæteris, an verò ab extensione sola hanc ideam obtinebo, certè non video quomodo ex idea extensionis solius concipiam corpus, nam extensum est tantum quod mensurari potest, & nihil aliud, nam mensurabilitas est tantum aptitudo ad locandum corpus, dat ergo tantum conceptum spatii, nam licet celeberrimus *Hugenius* prius istius fuisset sententiæ, ipse tamen in egregio illo tractatu paulo ante mortem ejus edito, dicit concipio nunc non ut olim, quod illa definitio corporis non sit vera, sed tantum describat spatiū, nam concipio, quod omnia non possint esse repleta, sed absolute dari & requiri vacuum admoti-

tum omnium corporum , ergo quænam idea corporis erit stabilienda idem est res extensa impenetrabilis.

Concipiamus hæc duo , nempe extensionem , extensio etiam est , cujus partes constituentes totum extra se mutuo positæ sunt , & tum impenetrabilitatem hoc est resistentiam contra illud quod intrare tentat , tum omnem figuram , magnitudinem , mutabilitatem &c. concipiemos , hinc jam enim per extensionem & impenetrabilitatem poterit concipi natura corporis ; omnia etiam reliqua ex hac sequentia vocantur proprietates corporum seu attributa.

Illæ verò proprietates , quæ sunt separabiles dicuntur accidentia.

Qui corpus etiam cognoscere ritè debet , hæc omnia ipsi sunt persecutanda.

Pro exemplo , pono v: gr: me habere sphæram , illamque esse diametri duorum pedum , jam quanto ad naturam hujus corporis conciendam requiruntur , non possum dicere , an sit ex auro aut argento , si perfectè est solida sphæra , quo perfectè est solida , sed ultima corpora , qualia sunt non novimus , concipio ergò eam diametrum duorum pedum , & pono nosci hanc mensuram , ergo scio eam in tale spatium esse extensam , & novi esse perfectè solidam , ubi illa

illa adest nihil admittitur , quo impenetra-
bilis est , jam verò perfecta hujus sphæræ
natura concipitur , & si in æternum conci-
piam , hoc semper concipiam , ergo erit
hoc natura hujus corporis , jam est ex ea
natura , quod occupet spatum duorum pe-
dum , concipitur facilè quod sit divisibilis
in duas semispheras singulas unius pedis ,
hoc sequitur ex prima idea necessariò & dici-
tur hoc attributum ; jam potest etiam mo-
veri hæc sphæra , verum hoc non pendet
ex natura sphæræ , sed ex aliis causis ad
sphærām non pertinentibus , & ex ejus idea
concepta non pendentibus productum , ergò
quod concipiatur sphæra mota , non ex so-
la idea sphæræ , sed ex aliis simul conceptis
sequitur.

Medicus enim cuius corpus cognoscere
est , debet naturam proprietates , accidentia
corporum intelligere ;

Jam verò accedendum ad harum exposi-
tionem ;

§. 13. Erit ergo vera corporis (in gene-
re) Definitio , *Extensio* , *Impenetrabilitas*.
Eius etiam proprietates Individuæ sunt *Fi-
gurabilitas* , *Mobilitas*.

Hæc satis clara esse arbitror , incipiam
nunc breviter agere de Extensione , ut tan-

24 *Methodus discendi*
tum sufficiat ad dirigendum Studium Me-
dicum.

C A P U T III.

De Extensione.

§. 14. **E**xtenſio eſt poſitio partium totum
confluentium extra alias , at-
que mensuratur ab uno punc̄to per tres per-
pendiculares lineas in illud punc̄tum concur-
rentes & in eodem punc̄to ſe mutuo ſecantes.

Idea hæc paulo explananda erit ex Ma-
thematicis , demonſtat *Euclides* , quod si
ſumitur punc̄tum in planicie aliqua , im-
poſſible fit plus quam duas lineas perpen-
diculares ad ſe invicem per hoc punc̄tum du-
cere , ponamus in figura.

i Tab.
Fig. 1. Sit Punc̄tum A in planicie quadam , per
hoc ponam lineam ductam quamcunque ; ut
BC ; nunc *Euclides* , ad hanc BC in eo-
dem plano tantum potest duci una perpen-
dicularis linea , ſit ea DE , quid enim per-
pendicularis linea ! DA eſt perpendicularis
ipſi BC ſi ejus inclinatio non eſt major
verſus AB , quam verſus AC , illius lineæ
partem , quo eſt linea perpendicularis , quæ
ab utraque parte æqualiter inclinat , verum
dicit *Euclides* , quod illa DA tantum per-
pen-

pendicularis esse potest ad BC, quia illa facit tantum ab utraque parte duos angulos rectos, nam quæcunque alia hoc non faciet, ergo tantum una perpendicularis ad illam lineam duci potest; si dicis alia potest duci, sit illa AF, ponamus hoc, ergo angulus FAB est æquè rectus & æquè magnus ac angulus DAB hoc est pars æqualis toti, quod impossibile est, & etiam erit tum FAB, tam magnus, quam FAC, quod itidem impossibile, ergo si ex puncto A linea BC sit una perpendicularis erecta, impossibile est aliam erigere.

Ergo omnis Planaties est tantum mensurabilis in longum & latum, nam quia tantum omnis Planaties duos perpendicularares admittit, ideo tantum versus unam & aliam perpendiculararem mensurari potest, sic ex C versus B & ex D versus F mensuratur, hinc ejus mensura vocatur duplex mensura sive duplex in longum nempe & profundum.

Verum si ponatur quod punctum hoc non amplius in superficie, sed in spatio hæreret, jam non tantum duæ perpendicularares per hoc punctum A, sed quidem tres, at non plures etiam duci possunt; ponimus illud punctum in digito hominis hærere, jam potero ducere per illud quandam lineam juxta longitudinem digitii, & aliam lineam præ-

cedenti perpendicularem à superiori parte versus inferiora , sed & tertiam jam quoque ducere potero , quæ quasi ex illo homine extensi digiti partem jam corpus intrans , ad alteram partem digiti transibit & præcedens itidem perpendicularis erit , verum jam quartam etiam reliquis perpendiculari ducere non possum , quod Mathematici facilè demonstrant uti ergo planum tantum versus duas partes poterat mensurari , jam hoc corpus versus tres mensuratur , nam versus tria loca varia se extendit ; ergo omnis extensio corporea est tantum Mensurabilitas , ut ait *Galilæus* in triplicem dimensionem , scilicet in altitudinem , longitudinem & latitudinem : itaque omne quod concipere possum corporeum tantum triplicem dimensionem habet.

Mathematici etiam ita definierunt corpus , quia omnis mensura plani est tantum in quadrato , si v: gr: planum hujus urbis dicitur esse millionem pedum , per singulum pedem intelligo quadratum ; sed tot pedes ac intelligo , tot intelligo quadrata : si mensuratur per cubum jam habebo corpus.

Fig. 3.
Tab. I. *Cubus vocatur corpus , quod finitur sex superficiebus nempe una super altera inferior & quator lateribus omnibus quadratis. Quadratum etiam est figura quatuor lateribus*

constans, quæ quatuor latera sunt omnia aqua-
lia & cujus omnes anguli sunt recti & aqua-
les.

Hinc cubi superficies & limites sunt sex
quadrata quorum singula sunt termini trium
perpendicularium in unum punctum con-
currentium, & per cubum hinc mensuratur
omne corpus; hinc Mathematici dixerunt
corpus esse quod triplicem habet dimensio-
nem nempe longitudinem, latitudinem &
profunditatem.

Ex natura nunc extensionis sequitur di-
visibilitas ejus.

Etenim quid est extensio; *positio partiū totū constituentium extra se mutuo*, ergo pars una hæret extra aliam, ergo accipitur necessariò divisa ab alia.

Patet etiam hanc divisibilitatem fieri posse
in infinitum, quia semper concipitur ali-
quid divisibile, quotiescumque concipi-
tur aliquid extensem, quamdiu vero concipi-
cio lineam, tamdiu concipio extensi-
onem, & sic omnis linea constat ex lineis,
non propriè ex punctis, sed ex aliis lineis,
plana constat ex planis non lineis, nam ut-
cumque dividam planum, semper fiet minus
planum, nam si dicis ultimum planum sit
linea, ergo jam duæ lineæ facerent spatium,
quod est impossibile, ex his igitur constat

cubum v: gr: divisum semper facere cubum minorem & sic in infinitum , nec in nihilum redigi posse ultimum illud quicquid sit per extensum , nàm si idem foret nihil dividendo , & si iterum velles componere & in infinitum multiplicare facerent nihil.

**Corol-
laria.**

Ex qua ergò doctrina jam intelligitur.

1. Quod sit mensurabile omne , nempe quod extensum est inter spatia punctorum.

2. Quomodo fiat mensura scilicet in longum latum & profundum per cubum.

3. Vidimus quod linea ex lineis, punctum ex punctis, planum ex planis , cubus ex aliis cubis constaret , & sic corporea ex corporibus non ex aliis.

4. Vidimus quod in infinitum possit dividiri corpus , nam quamdiu idea manet corporea tamdiu manet extensio , & quamdiu extensio , tamdiu manet mensurabilitas.

C A P U T IV.*De Impenetrabilitate.*

§. 15. **I**mpenetrabilitas est idea extensionis una cum infinita rtsistentia , contra omne illud aliud impenetrabile , quod nititur ingredi illud spatum , in quo habet prius illud

illud impenetrabile ; non potest dari clarior idea.

Dico si ponitur illa triplex mensurabilitas cum alia idea concepta , hoc est resistentia , ut si illud mensurabile in quodam determinato suæ figuræ spatio hæreat , & omne quod ibi ingredi vult tantum repellat , ut non admittatur tum hujus mensurabilis concipimus impenetrabilitatem , cum etiam loquimur de impenetrabilitate corporis , supponimus corpus esse perfectè solidum , nam ut sit perfectum & solidum corpus , debet illa vis resistendi esse infinita , alias non est impenetrabile sed condensabile tantum , concipiamus enim quod ultimum omnium corporum sit perfectum punctum , si totâ suâ naturâ est corporeum , nullos poros habebit amplius , ergo nulli corpori ejus spatiū ingredi tentanti cedet.

Ergo vocamus impenetrabile , *quod collatum in spatio infinitè resistit contra omnem vim , que aliud impenetrabile introducere tentat.*

Si verò non est infinita illa resistentia , tum non est perfectum corpus & solidum impenetrabile , sed tantum condensabile . Aurum enim v: gr: etiamsi densissimum non est perfectè solidum cum habeat poros ,
sed

sed partes sunt in Auro poris carentibus , ergo illæ partes sunt impenetrabiles.

Formavi conceptum impenetrabilitatis, jam claram ideam eorum immediatè exinde sequentium trademus.

Incepimus simul expendere ea quæ à Medico in suorum Studiorum fundamentis , jacientis scitu necessaria requiruntur , quæ certè ejus sunt naturæ ut ab uno quoque qui rerum corporearum naturam investigare vult , sciri debent , ut & omnia nempe ea , quæ sequuntur donec ad anatomiam ipsam pervenimus sunt præsupponenda.

Inter ea nunc I. incepimus generalem omnibus corporibus communem naturam cuius vidimus duas esse partes & attributa & proprietates , Extensionem nempe quæ divisibilitatem involvit , & tum impenetrabilitatem.

Extensionem , unde mensurabilitas , & mensurabilitatem unde Divisio sequitur explicavimus , impenetrabilitatis excitavimus ideam claram , & docuimus esse eam proprietatem corporis , per quam infinitè resistit cuicunque alio impenetrabili , etiam posita infinita vi tentanti introductionem per illud spatum , quod occupat primum impene trabile , dixique absolute esse intelligendam in fini-

finitam resistentiam , & hæc est veterum Philosophorum præsertim Epicuri & Democriti Autituptia , quod nihil aliud est , quam reverberatio à voce illa "Auti & τύπτω verbero , quia nempe illud quod intrare tentat in locum ejus corporis reverberatur & repellitur ; hinc nunc pergendum ad lequentia.

§. 16. Ergo omne illud quod impenetrabile est , Extensum est , sed non omne extensum habetur nobis impenetrabile.

Hoccè dicimus in propositione , omne impenetrabile debet necessariò esse extensum nam quod est impenetrabile , est quod locum occupat , ita ut infinitè resistens repellat id , quod in illud , hoc est impenetrabile intrare tentat.

Verum alterum in hac paragrapho dicimus , idea extensionis non involvit ideam impenetrabilitatis ; formemus enim conceptum impenetrabilitatis & extensionis , nemo etiam est , qui non possit concipere , quod si inter binas manus v: gr: corpus solidum hæreat , ut ex: gr: aurum , & concipiimus ideam , illud non ablatum esse , facile concipiemos , nullum aliud corpus huc posse intrare , licet Cartesiani & alii hoc non consideraverint , & illo corpore jam ablato , licet nihil intret in illud spatum intra manus , tantum illud esse

esse extensum & triplicem habere dimensionem, ergo videmus illud extensum non esse impenetrabile, admittit enim aliquid; verum illud solidum quod pono perfectè solidum quovis falso, aurum nempe erat impenetrabile hoc est infinitè resistebat omni corpori tentanti occupare suum spatiū.

Ergo idea extensionis non involvit ideam impenetrabilitatis, & cum nullum fundatum in Philosophia habeamus distinguendi res nisi per ideas, quum omne quod concipimus in intellectu ideam format, hinc dico extensionis ideam, non involvit ideam impenetrabilitatis, ut possimus distinguere spatiū à corpore ipso.

§. 17. Omne impenetrabile erit mensurabile & proinde divisibile.

Quid enim est mensurabile, tantummodo illud in quo assignare possumus certo numero positum partes æquè magnas esse; ac certa quedam mensura; si v: gr: pollicem video quinquagesies ponit posse intra hoc spatiū, dico illud spatiū mensurari posse per 50. pollices, hoc est 50. partes ejus æquè magnas esse ac 50. pollices; mensurare, ergo tantum est assignare, quod certa mensura potest toties applicari alicui corpori mensurando scilicet enti extenso, ergo omne im-

pe-

penetrabile absolute est mensurabile , quia est extensum , & omne extensum valet sæpius recipere certam quandam mensuram.

Verum omne mensurabile habet partes , quarum una potest mensurari extra alteram , ergo omne impenetrabile est extensum , mensurabile & proin divisibile.

§. 18. Ergo omne impenetrabile poterit in infinita semper minora & impenetrabilia dividi.

Est enim hoc clarè pro fundamento Physico concipiendum.

Dico omne impenetrabile potest dividi in infinita minora , singula adhuc divisibilia , ergo omne corpus impenetrabile habet suam naturam ut semper ex aliis minoribus constet , sed semper ex impenetrabilibus hoc est nullum punctum corporis amittit resistentiam ; pono enim corpus componi ex mille partibus singulis seorsim penetrabilibus , arte nulla poterit inde confici corpus extensum & impenetrabile , nam se mutuo penetrant , sed impenetrabiles sunt , partes tum quando tantum una superficie se mutuo contingent , & applicare ad se invicem facient corpus impenetrabile iterum divisibile.

§. 19. Ergo omne corpus eget aliqua
C cau-

causa quæ facit ut una pars impenetrabilis cohæreat alteri.

Est elegantissima certè hæc propositio est que illud quod perfectè docet facile insufficiam omnium Philosophematum exceptis Epicureis & Democritæis.

Omne enim quod est impenetrabile habet hic 1. impenetrabilem partem , hic alteram & sic porro & singula hujus modi pars habet hic suum impenetrabile & hic suum , & sic porro , & omnes hæ impenetrabiles partes habent suam positionem hanc & juxta hanc & sic deinceps.

Ergo idea extensionis & impenetrabilitatis involvunt tantum positionem impenetrabilis alicujus , juxta hoc & hoc.

Verum cohæsio est aliud quid , nam nihil aliud est quam appositiō infinitarum impenetrabilium ad se mutuo ; cohæsio etiam est resistētia contra omnem solutionem & separationem , idea corporis non involvit ideam cohæsionis nam impenetrabile est tantum , quod hic habet unum impenetrabile , hic alterum , & sic porro , verum cohæsio est id quod facit , ut non possit una pars moveri istius impenetrabilis , nisi etiam alia moveatur , estque cohæsio unio partium , ergo cohæsio non includitur in conceptu & idea extensionis & impenetrabilitatis ; nam poterat abesse cohæsio ,

sio , & partes continuo se continere possent , ut v: gr: si duo digiti se mutuo contingant , sunt duæ partes , pono impenetrabiles juxta se mutuo positas , sed una potest moveri , immota altera ; verum unus digitus solus non potest moveri , nisi omnes partes moveantur , & una pars non movetur , nisi altera etiam , ergo ponit cohæsio ideam quamdam per extensio- nem & impenetrabilitatem in corporibus & hoc est , quod vocamus causa egere .

Nam quando in alicujus rei idea non concipio aliquid , quod ei rei adesse potest , cum inquiero causam , & postea cur hæc aderat , v: gr: cum inquiero triangulum , video ipsum habere tres lineas , illas tres lineas facere tres angulos , hos angulos tres esse æquales duobus rectis & sic in infinitum , tum horum causam dico esse triangulum , quia hæc omnia continentur in idea trianguli & sequitur ex ejus natura , cum absque iis triangulum esse nequeat , verum quamdiu triangulum est , hæc adsunt , & cum dico omnes hæc proprietates sunt in triangulo , quia tota ratio harum est in triangulo & est natura trianguli .

Verum si video aliquid aliud , quod non ex natura trianguli ipsa sequatur , ut v: gr: quod triangulus moveatur ; hoc non ex ipso sequitur , ergo hæret alia causa , cur hæc

idea in triangulo noscatur. Et sic cum videmus aliquid, quod ex ipsa rei natura non sequitur tum dicimus eget quādam causā, quando nempē in conceptu hujus rei non percipio fundamentum, cur illa res ibi hæreat.

Est jam magna inter Philosophos quæstio ; an in idea impenetrabilitatis & extensionis hæreat idea cohæsionis, sanè si repeto tantum quæ dicta sunt hoc facilè percipiems, quid enim est cohæsio? est tālis contactus partium, qui separationi repugnat, Impenetrabilitas verò & extensio est tantum existere juxta aliud & aliud ; jam ex idea juxta aliud existere non video, cur non separari unum ab altero possit, hoc à me non concipitur ex simplici illa Idea impenetrabilium juxta se mutuo existentium ; verum sequitur necessariò alia causa, cur nixus ille partium & pressio ad se invicem adsit, & cur una ita alteri cohæreat, nec per motum parvum divelli à se mutuò partes possint, hinc concludimus quod ex Idea Extensionis & impenetrabilitatis nihil aliud inveniatur, quam impenetrabilium parvorum spatia juxta se mutuo existentia replentium sed si cohæsio simul adest & concipiatur, debet quādam alia causa adesse quæ diversa sit ab extensione & impenetrabilitate, quæ cau-

sa certè non concipitur , & tamen facit ut partes cohærent & nitantur in se mutuo , licet magnus & parvus ille nixus fuerit.

§. 20. Hanc causam hujus cohæsionis ignotissimam omni homini vocamus Monadam , vim Attractricem , vim Elementalem pro ut volemus.

Hoc dico , quod illa causa quæ cohæsionem producit omni cuicunque Philosopho omnino sit incognita , verum possumus pro lubitu eam vocare , hinc vocamus eam Monadam cum magno *Leibnizio* , vim attractricem cum *Newtono* , vim gravem cum *Epicuro* & *Democrito* , causam duritiei cum aliis Philosophis. Nihil intelligimus de hac causa , tantum hujus effectum novimus nemo scit quomodo illa cohæsio fiat ; hinc tantum definitio dari potest.

Quo ad naturam , *μονος* est tantum unum , sed nemo potest dicere unum , nam si tu dicis unum pedem , jam concipis aliquid constans ex duobus semipedibus hinc quod vocas unum est tantum collectio unorum , jam illud quod facit , quod infinita una faciant unum voca Monadam , vim attractricem cum *Newtono* , nec alia voce uti voluit magnus vir , non quod aliquid ridiculi ad sit , ut plurimi voluere ridiculam facientes hanc opinionem , credentes quod putaret

talem esse tractionem in natura , minimè , sed ignorat ille causam illam , verum deprehendit quod omnia corpora haberent in se causam quæ facit , ut partes separationi repugnant , hanc vocat vim attraticem , & possum aliud quid dicere , inquit , si vellem , hinc dicit tantum præter corpus & cohæsionem debere adesse tertium , quod hanc producat inter partes ; quid sit ignotum est.

§. 21. Hujus etiam causæ effectum vocamus Duritiem , hinc sensim totum systema corporeum brevi intelligetur .

Quid est Durities ! durum corpus est cuius partes coherent ita ut separationi resistant ; si tam magna est illa resistentia , ut in sensu incurrat , vocatur durities respectu sensus ; aliam non habemus ideam .

Nunc dico , quod causa duritiei incognitissima fit omnibus & Clarissimus Cartesius , qui in quiete partium ejus causam esse posuit , certè non intellexit rem , neque enim concipio unde hoc habuerit , quum ipse ex Mechanicis facile noverit quiescentes partes esse in æquilibrio , & indeterminatas cuiuscunque motui , & sic minimo motu posse moveri , ergò hoc modo minimo motu posset separari una pars ab alia , hoc sequitur ex evidentissimis Philosophiæ principiis ;

nam

nam si hoc constaret in quiete partium , ergò motu minimo dato omne corpus se invicem destrueret , sed Durities est , quando motu unius parti dato , omnes simul reliquæ partes sequuntur.

Est ergo effectus cognitus , sed causa non , quicquid illustrissimus Bernouilli natu junior illud adscribat pressioni ætheris , & quicquid alii dicunt de Atmosphæra premente , ea omnia petunt principia & supponunt jam corpora esse dura antequam sint , nam quærimus de origine duritiei , quod debet esse aliquid , quod faciat nixum esse inter partes ita ut separationi resistant . Verum non sequitur hoc ex idea corporis & extensionis & impenetrabilitatis.

§. 22. Si hæc cohæsio & Durities tanta sit in parte aliqua , ut omnem cognitam vim motus superet , tum illa pars vocatur Atomus & Elementum corporeum. Docuimus omne corpus esse extensum , impenetrabile , figurabile , mobile , visum est tum , quod illa corpora Impenetrabilia cohæreant cum aliquo nixu se opponente omni separationi & vocatur illa Durities , si jam illa cohæsio ; ille nixus , illa vis (ut volueris) tam magna sit in corpore illo , ut nullus motus in rerum natura sit , qui non superetur à resistentia harum partium , tum illa pars dicitur

Atomus ex à privativa & τὸν sectio, ergo Atomus propriè est pars non amplius secunda.

Et sunt hæ atomi *Democriti*, qui certè accusatur falsò Geometriam ignorasse, quia atomos posuerat, certè ille Philosophus ex Phœnicia scientia satis intelligebat nullam particulam esse in rerum natura, quæ non adhuc esset divisionis capax, sed hic voluit quod si vis uniens corporis partes major sit, quam omnis vis, quæ posset imprimi, nullam esse tam validam vim in rerum natura, quæ hanc unionem in quadam corporis particula superare posset; tali nunc particulæ deprehensæ dabat nomen *Atomi*.

Quæritur an hujusmodi Atomi in natura dentur, quod ut examinetur i. videndum est quod nihil se mutat in natura, sed omnia manent uti fuere, corpora enim licet mutantur quædam in forma nunquam mutantur in sua essentia, ergo ita cohærere debent illa, quæ rerum essentiam componunt, ut nulla vis tanta in natura sit, quæ hujusmodi particulæ applicatu eam superet, ita ut eam scilicet Atomum mutare nequeat, nam si inciperent mutari, & destrui illa corpora; tota rerum natura destrueretur, quod enim nunc est aqua, si habuerit partes mutabiles, ita ut forent partes ignis, certè omnis

nis rerum facies mutaretur , & omnia ab igne jam incipiente abundare destruerentur.

Sic contra etiam , si quid jam est ignis posset fieri aqua impossible esset , ut idem calor in natura per 6000. annos & amplius perdurare potuisset , uti fecit.

Ergo tota rerum natura clamat , principia unde reliqua constant esse immutabilia , quod si non esset , non possent ita manere , ut ante sœcula fuerunt , ergo illud primum cohærens , quod principium dat rebus est Elementum & immutabile ; non quod Mathematicè dividi non posset , hoc enim in infinitum fieri potest , sed quod nulla vis possit , ejus partes ab invicem separare & hoc facit stabilitatem naturæ .

Illa nunc causa , quæ facit , ut quod extensum est , ita cohæreat , ut suo cohæsionis nixu superet omnem vim in natura tantam suam cohesionem immutare , est ordo naturæ , & est eadem semper causa cohaesioneis , hoc est idem ille Deus .

Jam ostendimus quidem Elementa rerum , an denter Atomi & quid sint .

C A P U T V.

De Elementis Corporum.

§. 23. **S**I Atomus & corpus ex Atomis confectum partes suas cohærentes ita habet unitas, ut nullum spatiū vacuum intercipiatur inter partes unitas, tum illa atomus, & illud corpus vocabitur perfectum solidum.

Hæc est inter magna viros agitata quæstio, quod nempe idea sit solidi. Peripatetici & Cartesiani dicunt, quod extensio sit idea solidi, sed demonstrandum est facilè hoc non ita intelligi, nam dico Atomus constat ex aliis partibus cohærentibus, sed non separabilibus, hoc notat Atomum, verum illa non est perfectè solida adhuc, nam si esset una particula creata, & altera creata sic & ita (A) conjunctæ, hæ partes

fuissent per vim cohæsionis, ut unum corpus & una pars non separari posset ab altera, non esset perfectè solida atomus, cur! quia daretur spatiū inter ejus partes; verum si ita () fuissent unitæ, ut nullum vacuum reliquissent inter suas par-

partes, tūm Atomus illa esset perfectē solida sive nullum spatiū haberet in se, ubi alterum posset recipi & contineri corpus, ergo perfectē solida esset, hæc nunc idea est formanda in primis fundamentis.

Quid vocatur perfectē solidum! jam corpus illud, quod ex atomis constat ita junctis ut nihil vacui inter partes hæreat. Alterum jam vocatur perfectē solidum corpus quod ex aliis perfectē solidis corporibus conflatum est absque ulla intercapidine seu spatio relicto inter partes constituentes.

Ergo tres perfectē solidæ habentur.

1. Atomus quod constat ex partibus sibi mutuo unitis sine ullo spatio vacuo interposito.

2. Corpus perfectē solidum quod constat ex Atomis seu partibus perfectē solidis, sed ita unitis ad se invicem ut nullum spatiū intermedium relinquatur.

3. Corpus ex corporibus constans (nam quod ex Atomis jam constat etiam dicitur corpus) ergo ex corpusculis perfectē solidis ita sibi mutuo applicatis ut nullum porū inter se constituant.

Intelligitur hoc facilè iterum est enim tantum definitio.

Jam perfectē solidum mensuratur per mensuram spatiī: supponamus molem esse quan-

quandam unius pedis cubicī (in exemplo melius intelligetur,) habebo ergo cubum perfectē unius pedis, hoc est sumo spatium quoddam quod sit exactē unius pedis cubicī, & pono hoc spatium à me jam repletum esse corpore, in quo nullum omnino vacuum sit, tum vocabitur illud corpus perfectē solidū, & mensura ejus erit mensura spatii; quia exactē illud spatium replet, ergo tantum erit impenetrabilis massæ, ac magnitudo est spatii. Hoc benè retinendum erit, quia postea in mechanicis nobis inserviet.

§. 24. Si *Atomus* partes impenetrabiles ita junctas habet, ut intercipientur inter unitas partes spatiola vacua, aut alia materia non unita repleta, tunc vocatur illa atomus *corpus porosum*.

Ut verò habeatur mensura corporis porosi supponamus v: gr: aurum esse perfectē solidum, ergo occupabit pedem cubicum, jam auferatur aurum, hujus auri ex hypothesi mensura est capacitas istius spatii cubicī; verum si jam impletur spatium aqua & aqua sit constans ter pluribus pororum, quam aurum, ergo habet $\frac{2}{3}$ partes suæ substancialiæ porosam & $\frac{1}{3}$ pars cubicī pedis erit mensura substancialiæ corporeæ istius aquæ, nam reliqua sunt tantum vacua non corporea,

Hoc

Hoc multùm facit in viribus corporum inquirendis, nam vires inveniuntur ex quantitate materiæ, sed quantitas materiæ cognoscitur, cognita magnitudine pororum, quia tum subtrahuntur à reliquis, nihil enim faciunt ad vires corporum, quia sunt tantum spatio vacua, sed quod præter poros spatio replet, illud dat quantitatem materiæ, ergo hæc est mensura corporeitatis.

Hinc videamus quod si Aristotelis & Cartesii vera esset sententia in his, quod extensio est idea solidi, tum ubique esset eadem corporea substantia, & si non daretur vacuum iterum, hoc verum esset, hoc est si aurum & aqua ubique essent idem, ergò essent æquè gravia illa corpora sed hoc verum non esse demonstravit Magnus Newtonus Mathematicis evidentissimis demonstrationibus in experimentis de pendulis.

Ex dictis patet quomodo à simplicissimis inceperimus in hac Methodo exponenda hoc est ab elementis corporum, demonstravimus enim Atomos esse elementa corporum, quæ definiuntur à Philosophis corpora simplicissima ex quibus alia fiunt & in quæ iterum resolvi possunt, nunc diximus quod Atomus possit esse perfectè solida, & non perfectè solida sed porosa, & quod proinde corpora, quæ ex iis conflantur poterant esse

&

& perfectè solida & porosa, & quod corpora porosa dupli sensu dicerentur nempè porosa simpliciter ubi nihil in poris continetur, & porosa cum materie interna in poris fluctuante ; & ut dixi quando meatus habent tantummodo seu spatia penetrabilia non repleta hoc est vacua Philosophica, hinc diximus quod cum Physicè non Geometricè mensurare corpora ad vires volumus , debemus distinguere molem à massâ corporeâ , nam moles est tota extensio corporis, sed illa potest esse vacua in quibusdam locis & non.

Hinc distinguendum est inter molem & inter illud , quid substantiæ in eo corpore est.

Si perfectè solidum est corpus , tum mensura molis est mensura substantiæ. Sed si in mole sunt loca vacua , tum mensura debet esse distractis vacuis.

C A P U T 6.

De Pondere Specifico corporum.

Materies
corporea
in quo-
spatio ha-
bet eam
propor-

§. 25. **I**nvenere duo Maximi Viri ultimo elapsi sæculi *Isaacus Newtonus* cùnque nempe & *Christianus Hugenius* , ambo per diversa ratiocinia quod materies corporea in quocunque spatio deprehensa haberet eam pro-

proportionem , ut pondus erat illius molis tionem
ponderatæ.

Est certè elegantissima propositio si ulla lius molis
est in Physica , & utilissima quoque ad cor- ponde-
porum vires eruendas ; in Mechanicis jam ratæ.
explicanda est , Massa corporea , quæ vo-
catur totum quod conspicitur.

Quantitas etiam coporea in eâ dicitur co-
pia illius impenetrabilis perfectæ solidi , quod
in ea massa est .

Invenit nunc *Newtonus* , quod illud non
cohærens & inter poros interceptum , ad
corpus verum esse , nihil plus facit quam si
vacuum esset respectu virium agentium ,
per experimenta clara illud deducit in tra-
tatu suo de pendulis , Invenit nempe quod
si Pyxis plena esset auro & plumbo , &
altera vacua , sed accuratè clausa , si tum pon-
derans Pyxidem & plenam & vacuam respi-
ceret ad actiones , quæ actiones erant tan-
tum respectu ponderum illorum corporum :
itaque supputat , quod si materies hærens
inter poros faceret ad corpus & corporeita-
tem ejus , tum deberet aliquid efficere , at-
que in experimentis faciebat nihil , hoc est
si Pyxis ponderata clauderetur ; tumque ali-
qua actio per eam foret , illa actio tantum
agebat respectu illius ponderis , reliquum
agebat nihil , sic etiam si ponderaretur au-
rum

Hinc si in auri poris hæret materies quæ-
dam, ut materies subtilis *Cartesii*, seu alia
si facit ad corpus debet etiam agere, verum
ut hoc facheret, deberet induere naturam so-
lidi, sed tum non amplius esset fluctuans
sed pertineret ad corpus, omnia enim corpo-
ra agentia agunt ut solida. non ut fluida
nam si v: gr: habebo aquam in tubo, isque
non claudatur, tum tubus tantum agit ali-
quid, sed aqua effluit, quia non coeretur
verum si comprimens illam aquam in tu-
bo, ibi coercedum tum aqua induens natu-
ram solidi agit cum tubo, ut integrum cor-
pus, & tubus tanto plus impetus edet, quo
aqua intus contenta plus molis habuerit.

Verum materies in his poris se non ita
habet, nam si agerent illa corpora, quæ in
his poris continentur, deberent esse aliæ
actiones pendularum, dicit *Newtonus*, sed
pressio tantum agit, & ea respectu ponderis
corporum, ergo reliquum nihil agit.

Hinc prout sunt corporum pondera eo
sunt vires, si enim in uno corpore duplo
plus virium habebo, positis reliquis iisdem,
est in eo duplo plus materiae impenetra-
bilis.

Magnus *Hugenius* idem observabat per experimenta pendulorum ; sed Cartesianis Principiis imbutus non tam cito conclusio-
nem vidit ac *Newtonus* , sed postea *New-
toni* scripta videns optimè fatetur experimen-
tis captis se observasse quod pondus sit tan-
tum à materiâ corporeâ.

Hoc posito fundamentum aptum nempè
veram materiæ impenetrabilis in certo loco
contentæ constitutionem cognitionemque si
illa ponderatur , habemus ; verùm perfectè ,
ut propriè se habet nondum novimus , quia
nullum perfectum solidum est cognitum ,
possemus tantum cognoscere vires naturæ ,
quatenus inde pendent.

Ergò pondus est tantum relativa scientia
ad nos , verum si exactè possem scire , au-
rum continet in pede cubico tantum mate-
riæ perfectè corporeæ , tum ponderarem
aquæ pedem cubicum , & statim scire aqua
tanto minus habet ; ergò tanto plus vacui
in ea est & tum ponderarem aërem , qui tan-
to lœvior est , unde etiam accuratè scire
tanto plus vacui in eo est respectu solidioris
& ponderosioris corporis ; ergò tanto minus
est in eo materiæ perfectè corporeæ , sic ac-
curatè illi determinare possemus Ivacua in
omnibus corporibus ; hinc vera hydrostati-
carum materia , ut & Mechanicarum in ge-

nere doctrina tradi potest; vide de hac propositione Newtonum in Principiis Mathematicis Philosophiae naturalis paginæ 1. linea antepenultima, ibi, inquit, magnus vir inveni quantitatem materiæ corporeæ, semper respondere ponderi & illud demonstrativè explicat parte tertiam, ubi experimenta illa de pyxide habet, tum videatur Christianus Hugenius traitè de la gravité, pagina 163. quod hi jam viri tantis experimentis adstruxerint, assumimus pro Principio.

C A P U T 7.

De Diversitate corporum.

Ex ipsa natura corporea habetur idea diversitatis, hactenus vidi mus quod omnis materies divisibilis infinitum constaret ex infinitis, quasi nihil diversitatis, sed quod sit vis, quæ faciat ut respectu nostri illa fiat aliqua, & fiant atomi, & ex Hugenio & Newtono vidi mus quod aliquam gravitatem haberent, ergò pro Principio Physico esse materiam extensam, impenetrabilem, formatam, divisibilem infinitum, & omnes partes divisas quandam habere gravitatem toti massæ perfectè convenientem assumimus; ex Idea corporeæ naturæ sequitur

quitur triplex diversitas 1. ergò diversitas erit ex diversitate Atomi, Atomus una non est æquè magna ac altera si modo sit divisibilis hoc enim non est necessarium ad constitendum corpus; non requiritur, ut omnis atomus sit æqualiter solida ac altera, nam una potest esse perfectè solida, & altera unita ex indi-visibilibus sed tantum habere vacuum; deinde potest esse una atomus aliis figuræ & magnitudinis quam altera.

2. Diversitas est, una atomus composita alteri, corpusque unum compositum alteri corpori majori minorive cohæsione inter se uniri potest, si corpus ex atomis confectum est, posset iterum partes ultimæ majori & minori vi sibi mutuo adhærere, & hoc facit distinctionem in rerum naturâ inter corpora.

3. Diversitas oritur, ex diverso uniendi modo unam atomum alteri, & unum corpus alteri, v: g: duæ atomi possunt (A) hac

ratione & (B) hac ratione tangi, & sic plus & minus spatii inter se relinquent, videmus itaque clarè quod triplex ingens diversitas resultans ex rerum elementis ipsis comprehensis concipi potest, quod certè ex alia Physica non sequitur.

Si enim agimus de diversitate ex rerum elementis deducimus eam ad tria capita, in primo capite considero, quod triplices casus esse possint; unde diversitas in corporibus contingere queat, nempè si atomi fuerint diversæ magnitudinis, quod facilè fieri potest; tum si fuerint diversæ soliditatis, & tandem prout fuerit diversa eadem figura: in secundo capite annotavimus, quod corpora diversimodè magis & minus in se uniri possint, & quod est essentialis iis proprietas non ex causis externis dependens, & 3. vidimus, quod varius modus cohaesionis possit esse, ita ut pars alteri cohaerens poros habeat vel non, & hinc porositatis densitatisque diversitas oritur: hæc sunt jam vera principia Physica ex ipsa rerum natura hausta.

C O R O L L A R I A.

§. 27. Primum quod quidem Medico clare & distinctè distinguendum est ex Philosophicis, est vera idea corporum & eorum, quæ pendent immediatè ex hac generali idea.

Dico, recapitulando nunc quod primum quod Medicus ex Physicis petere debeat est.

1. Extensio.
2. Divisibilitas.

3. Im-

3. Impenetrabilitas.
4. Durities.
5. Α'τομος seu Atomus.
6. Soliditas & Densitas absoluta.
7. Porositas & Raritas.
8. Mensuratio solidi perfecti aut Imperfecti.
9. Diversitas corporum triplex ex ipsa Elementorum natura.

§. 28. Hæc etiam nona capita recapitulantur, quoniam omni Physico ac proinde Medico cognita esse debent, utpote fundamentalia & scitu necessaria, sed satis superque jam expositum & demonstratum est ; nunc agendum de dirigendo studio.

C A P U T II.

P R I M Æ P A R T I S

Physicæ generalis

De Dirigendo Studio.

§. 29. **T**JT recta sit Methodus i. jacienda sunt fundamenta, dicenda principalia cujusque partis studii capita , excitanda clara singularium idea , jam verò nobis dicendum , qui sint authores unde dicta petuntur.

D 3

Qui

Qui ordine his indagandis incumbere vult
(his novem thematibus supradictis §. 27.)
sequentes legere debet auctores *a.* *Epicurum*
& *Democritum*, eorumque dogmata hoc est
antiquissimam Phænicium & Ægypti Phi-
losophiam, quam invenies optimè descrip-
tam apud magnum illum Nobilem Roma-
num Poëtam *Titum Lucretium Carum* patrem
in tractatu de Principiis rerum, qui certè om-
nium præclarissimus scripsit jam ante tem-
pora Ciceronis. Hic etiam *Lucretius* pri-
marius est, apud quem *Epicuri* & *Democriti*
principia elegantissimè deducta habemus
b. Legantur hæc apud *Diogenem Laertium*
Græcum in vita Democriti, & in primo li-
bro de vita Philosophorum Antiquorum
descripsit hicce Philosophorum dogmata, sed
nullus tam amplio sermone exponit quan-
Democritus, & quamvis videatur plus ama-
re *Democritum* quam *Epicurum*, tame-
certum est *Democritum* omnia sua ab *Epi-*
curo habuisse.

y. Verum si hæc omnia cognoscere per-
fetè vultis, tum *Petrus Gassendus* in *Com-*
mentariis in primo libro Diogenis Laertii de vit-
Philosophorum est legendus, qui *Gassendi*
Democriti Philosophiam summoperè repu-
gnavit. Solis etiam sufficit ad hæc noscer-
da, nam habet quicquid *Diogenes Laertii*

& quicquid Epicurus tradidit, deinde quid boni & veri Mathematici tum temporis addiderant.

Qui verò jam in scientia Mathematica plus sunt periti, legant Isaacum Newtonum palmam præcipientem omnibus, uti & Christiani Hugenii tractatum de la Lumiere & de la Pesanteur, qui prius Cartesianus fuerat, sed paulo ante obitum Newtoni Epicuri ac Democriti doctrinam sequutus est.

Eadem etiam jacta fundamenta videntur apud Keilium in introductione ad veram Philosophiam, si quis nolit Gassendi omnia opera simul emere, potest sibi comparare illum tractatum dictum nempè commentaria in Diogenem Laertium de Philosophia Epicuri; jam absolvimus hanc primam partem, nunc sequitur ut dicamus de corporum figura.

Omne enim corpus erat extensum, impenetrabile, figurabile, mobile, de Extensione & Impenetrabilitate, & iis quæ exinde sequuntur dictum est, ergo hæc secunda pars Physicæ generalis debet agere de figura nunc etiam Geometricè agendum est; sed dabis operam, ut omnia ita dilucida sunt, ut ab omnibus & etiam à Geometriæ imperitis intelligi queant.

PHYSICÆ GENERALIS.

PARS SECUNDA.

CAPUT I.

De Figura Corporum.

§. 30. Postquam Medicus naturam generalem communemque omnibus corporibus cognovit, corpora esse finita facile intelligit, hoc etiam ex Philosophia Peripatetica & Cartesiana fluere non potest; nam apud eos idea corporis est extensio, sed extensio est infinita, verum in hacce Philosophia, aurum est ponderosum, sed flexible, ergo habet poros, ergo erit finitum, quod levius est auro adhuc plus pororum habebit, ergo plus finitum erit, nam ubi sunt pori ibi jam est vacuum, ibi jam corpus esse cessat. Sed ex Spinofiana & Cartesiana sententia sequitur naturam corporum ubique esse eandem, nam extensio est ubique; hinc etiam optimè iis dicit *Gassendus* in locis citans, si dicis finem esse, quod ibi erit extra, ponas te esse in eo loco universi ubi dicis finem esse, quod tunc ibi habebis, non potes, inquit, aliud quid di-

dicere ; quam extensionem rursus adesse , nam si hic finem ponas , & res corporea fuerit , ergò juxta eam erit iterum extensio , verum extensio tibi dat ideam corporeitatis , ergò nullus est finis secundum te.

Sed ex hac Philosophia hoc sequitur , quod ubi finem pono , jam ibi iterum vacuum est , ergò ex hac Philosophia corpus est finitum ; verum pergamus .

Ubi finitum est corpus , ibi limites habens esse desinit , & illud extremum ubi corpus desinet esse corpus , ibi vocatur ejus superficies . Hæc jam superficies varias formas induere potest ; quæ forma tum vocatur Figura ; hinc videmus quid figura Mathematicis sit , nempè extremum formatum , & singularis uniuscujsque corporis finis , & superficies ; ergo omnis superficies hoc est figura , quæ simplex dicitur , habebit nihil corporei . Patet facile quid est superficies ? est limites corporis , quid est limes ? Est extremum corporis figuratum , quid est figura ? Ejus corporis extrema forma ; hinc figura tantum consideratur ibi extensa , ergò figura habet densitatem nullam , sed tantum corpus illud ambientis longitudinem & latitudinem non profunditatem habet ; hinc dicunt Geometræ

omnem figuram juxta longitudinem & latitudinem tantum mensurari posse; ergo duplii mensurabilitate præditâ habetur omni figura simplex.

Figuræ nunc sunt, quarum ope mensuratur corpus, hoc demonstrabitur in sequentibus; nemo enim posset mensurari cameram v: gr: nisi figuram faceret, sed figura est limes seu superficies: hinc quid faciunt Geometræ, sumunt illam lineam longitudinis unius parietis, & alteram lineam alterius parietis, quæ dant latitudinem & multiplicant has mensuras per se mutuo, tum dicunt, en area hujus cameræ, sed ut tota Cameræ capacitas habeatur, sumunt jam ad unum parietem illam latitudinis lineam, & ad superius tabulatum & alteram latitudini lineam, multiplicent hæc iterum per se mutuo, & addunt præcedenti numero & tum dicunt, en hæc est tota camera. Ergo Mathematici Philosophi nunquam mensurant substantiam corpoream, sed superficiem & superficies determinet massas corporeas, verum illa mensurari nequit, sed lineæ superficie mensuratae dant quantitatem massæ, & sic per figuræ mensurationem habemus corpus; corporum vires à figura & mole dependentes (ex Mechanicis) nobis sunt mensurandi; nam id corpus sub variam figuram variæ

variè agit; ergò accurato Philosopho corporum figuræ sunt cognoscendæ: jam illud quod *Euclides & Archimedes* invenere de figuris corporum & qualis usque inde scientia Physico-Medico accedat, exponentes breve Trigonometriæ fundamentum simul dabimus.

§. 31. A superficiei cognitione pendet ars mensurandi corporeum spatum, à mensura corporei spatii pendet mensura virium; adeoque Medicus ubi vires corporeas idagare incumbit, superficerum cognitione carere non poterit. Notissimum est ex Geometricis, quod ille qui novit superficies ambientes corpora & spatia corporea, ille potest invenire quanta sit area, & quantum sit spatum comprehensum intra has superficies sive in harum figura; ergo ille etiam cognoscet quantum sit spatum corporeum comprehensum intra has superficies.

Verūm qui vult vires indagare corporum duplo debet cognoscere 1. celeritatem corporis moti tum 2. ejus magnitudinem, sed magnitudo corporis dependet à superficie ejus cognita, ergò qui vires corporum indagare vult, ille superficies mensurare, tumque celeritatem cognoscere debet; hinc patet quod ars mensurandi superficies necessaria sit Medico, qui vires corporum noscere de-

debet, hocque commendatur ab *Hippocrate* suo filio scilicet addiscere Arithmeticam & Geometriam, sed Geometria est tantum contemplatio superficierum, nihil enim aliud faciunt Geometræ.

§. 32. Nemo potest noscere magnitudinem, nisi noscat superficiem, quæ limitata superficies à Geometricis vocatur figura, ergo contemplatio figurarum requiritur ab omni homine, qui explicabit vires corporeas.

C A P U T II.

De Figurarum Mensura.

§. 33. **O**Mnes superficies cognoscuntur cognitis prius linearum mensuris, hoc est cognitis lineis rectis harumque mensurâ quod idem est. Hic demonstrabimus, quomodo Medicus Geometriæ cognitionem facile acquirere possit; quod ut optimè fiat, medicus corporum viribus instructus esse debet, verum ut corporum vires sciat; duo intelligere debet, ut jam dictum est & celeritatem alicujus corporis moti, β magnitudinem ejusdem corporis, sed magnitudo non potest intelligi, nisi superficies cognoscatur, superficies non potest inveniri, nisi consideretur figura, figura nosci nequit,

quit, nisi noscatur linea recta per quam men-
surantur omnia, ergò Medico & Physico
illud quod Geometriæ in lineis rectis con-
siderant, cognoscendum est.

G E O M E T R I A.

In his Lineis & in superficiebus & fi-
guris atque in ipsis corporibus & corporeis
spatiis spectat; considerat 1. Magnitudinem
2. Incrementum 3. Decrementum 4. Pro-
portionem ad alia ejusdem corporis hoc est
lineæ 5. Transmutationem in aliam diversæ
naturæ sed ejusdem magnitudinis. Explicabo
nunc, quomodo Geometria concipit lineam
rectam, omne quod *Euclides* in *quindecim libris suis*, quod *Archimedes* in demonstrationibus
linearum rectarum & curvarum, quod Geo-
metræ in demonstrationibus suis de lineis
invenere, quæ est res magni momenti; ab iis
enim consideratum fuit 1. magnitudo, quæ
tantum est *intra* *datos terminos* *sive* *inter* *duo*
puncta, *sive* *inter* *duos limites extensiō*; ergo
inter *punctum* *hic* *positum*, & *inter* *pun-*
ctum *hic* *positum* *ponitur* *extensiō*, & sic
linea *est* *id*, *quod* *inter* *duo* *puncta* *ita* *in-*
terjacet & *vocatur* *magnitudo*, *figura* *voca-*
tur, *quando* *extensiō* *hujusmodi* *continetur*
intra *limites* *ex* *lineis* *formatos*. *Area*, *voca-*
tur

tur ejus figuræ magnitudo: si contemplor magnitudinem areæ, debeo cognoscere quantitatem spatii intra suos limites contenti, sic enim magnitudo cubiculi est: si cognoscens quadratum inferius, & quadratum superius sive Lacunarum ea per se invicem multiplico, tum magnitudo etiam harum linearum quadratarum per lineas invenitur, ergo magnitudo est tantum extensio jacens intra suos limites; quando dicit Geometra concipio planum istius magnitudinis, dicit tantum aliquid extensem intra limites & in lineis, est extensio inter puncta, in superficiebus seu figuris inter lineas, in corporibus inter superficies.

2. Est Incrementum, nam non possum conciperet extensionem intra hos limites, quin concipiam extra eam talem extensionem, hoc est incrementum, nam Geometra non creat aliam extensionem; sed tantum creatam cogitat; nam cum cogito extensionem extra limites, cogito statim ab utroque punto huc versus, ab illo punto huc versus, iterum dari extensionem, ergo illam certam magnitudinem, quæ intra hæc duo puncta erat, posse augeri; statim cogito augere lineam rectam in geometria, est cogitare tantum eam extendi posse hoc est de superficiebus de corporibus &c.

3. Decrementum, si inter quatuor lineas, cogito planum, statim cogito ab hac parte hujus lineæ, & ab hac parte illius lineæ, & sic porro aliud hujusmodi posse esse planum statim cogito, & tum dicor auxisse planum, non quod addiderim aliquid, sed quod ulterioris ejus extensionem cogitaverim v: g: non possum cogitare cubiculum intra suos parietes comprehensum, quin ad singulam ejus superficiem limitatam addi posse cogitem; simile constat, si limitetur sex superficiebus, quæ sunt quadratae, & non possum hoc cogitare quadratum, quia extra illud simile concipiam, & extra illud etiam simile, & si ita pergo dicor augere.

Est ergo incrementum tantum *cogitatio extensionis alicujus extra similem datam extensionem*, non est propriè augmentatio materialis, nam Geometræ hoc non facere possunt, sed est tantum idea quædam aucta extra primam ideam.

Ut est etiam incrementum; sic oppositum sive contrarium ejus est decrementum, sed uti est incrementum & decrementum, sic est divisio & multiplicatio linearum, nam dividere lineam, est extensionem intra limites hos quoties habetur illa diminuere; est v: g: intra hos limites linea tot pedum, tum dicit Geometra hanc magnitudinem datam; nunc si petit Geometria ut di-

64 *Methodus discendi*

vidatur illa data linea inter partes æquales, quod est ut cogitem tot lineas, quarum singula, quæ est $\frac{1}{3}$ pars hujus totius sit æqualis reliquis duabus, quæ æquales inter se constituunt simul totam lineam.

Ergo dividere lineam, nihil aliud est, quam concipere tanto minorem ac potest habere partes in illa data magnitudine.

Quid est multiplicare? sit v: g: ibi linea 100 pedum vult Geometra eam multiplicare, considerat illam lineam datam simulque ejus limites tum similem lineam & post hanc iterum similem, hocque sexies repetit, tum illud dicitur multiplicare lineam, & hoc vocatur Incrementum apud Geometras, sed Decrementum est considerare lineam datam, & tum quasdam ejus partes quæ aliquoties iterum applicatæ faciunt totam partam.

Id nunc facile applicari potest superficiebus & corporibus; ergo dividere & distrahere est tantum limites cogitare, & assignare magnitudinem cogitatam si multiplicamus sed minorem magnitudinem, si dividere volimus.

4. Tractatus de proportione est primarius totius Matheseos, nam certè tota Mathesis sive Geometria, sive Algebra, sive Arithmetica est tantum inventio proportionum,

su-

sumamus v: g: in lineis, nam est idem; habebo lineam datam ibi, & ibi ejus sunt limites, & ibi sunt limites, inter eos limites datur extensio seu magnitudo, quæ est linea ipsa: & datur ibi alia linea, cuius etiam novi limites, ergo & magnitudinem, si Geometra scire velit quænam proportio sit unius linea ad aliam, tum considerare deberet quot partes sint in hac linea, & invenit partes v: g: centum, & in alia invenit partes 200, proportio nunc erit inter has lineas, ut 100. ad 200. hoc est ut 1. ad 2. Proportio ergo est tantum inventio mensuræ communis duobus extensis, & invenitur quando vera utriusque extensi magnitudine cognitâ comparatio fit unius magnitudinis ad aliam, quantum differat; & hoc vocatur Proportio à Geometris sive ratio uti loquuntur, nam non possum dicere habet se ad hanc, quin dicam partes in hoc extenso sunt hæ, & in hoc sunt totidem, si jam conferantur inter se, & dicatur hæc est differentia unius ad alteram, tum dicunt rationem; hinc nunc dicitur linea ratio duplex, triplex, quadruplex &c.

Veteribus dicitur proportio, Neotericis ratio, quando sic linea cum lineis, superficies cum superficiebus, corpora cum corporibus, velocitates cum velocitatibus &c.

Comparantur; quando itaque ambæ ejusdem generis res ad magnitudinem cognitæ comparantur inter se, & invenitur, quantum ejus magnitudo & mensura unius extensi se habeat ad aliam, tum rem explicantes eandem rationem non obtinere dicunt, quod falsum est; docuerunt enim multi, quod si in infinitè parva pervenitur eadem sit proportio.

Proportio nunc est ut dicit *Euclides rationum similitudo, aequalitas*, nam si dicis quemadmodum ultimæ partes primi se habent ad ultimas partes secundi, ita ultimæ partes tertii ad ultimas partes quarti est Proportio vel sic porro.

Proportio igitur requirit, ut cognoscatur quantitas, cognitio quantitatis, ut cognoscatur mensura, mensura utriusque quantitatis requirit cognitionem, quomodo mensura sit in altero mensurante & alio mensrato, & si numeri in primo conferantur cum numeris, in secundo vocatur ratio; ergo quid est proportio in extensis si datur mensura (nam illa semper dari debet) utriusque ergo hoc loco mensuram hic & hic mensuram & tum cogitare & invenire, quoties hæc mensura ingrediatur eam, v: gr: habebo unam mensuram, qnæ est 1. & alteram quæ est 2. ergo illa quæ est 1.

in-

ingredietur aliam 3. ergò ut se habet 1. ad 3. sic se habet mensura in hoc extenso ad mensuram in eo extenso hoc est se 1. ad 3; ergò proportio est tantum mensura, verum duo ergò requiruntur, 1. cognitio mensuræ utriusque & 2. applicatio mensuræ.

Quod jam de lineis dictum est, sic est de superficiebus, de solidis itidem, ergò iis non inhærebimus, verum dicimus.

5. Transmutatio est nobilissima Mathe-
seos pars, quæ dicitur Quadratura in
figuris & evolutio in lineis; sit hæc AB.
cognita, vocatur hæc linea recta, si nunc Fig. 4.
rogat Geometra, fac mihi lineam curvam, Tab. x.
ut inveniatur ejus natura & magnitudo ac
lineæ AB; tum rogat transmutationem li-
neæ in aliam, si v: g: scirem, quod linea
circularis facta limites æquales haberet cùm
AB. jam invenissem transmutationem li-
neæ rectæ in curvam, & lineæ curvæ in
rectam; verum nemo mortalium hoc no-
vit facere in curvis lineis: si haberem li- Tab. x.
neam curvam C. & rogarem ut foret El. Fig. 5.
lipsis, & figura ovalis, hoc vocaretur trans-
mutatio linearum. Hoccejam quantum novi- Tab. x.
mus ex rectis in curvas & ex curvis in rectas Fig. 6.
inveniri vix potest; sed quod rectarum inter
se & curvarum inter se fieri potest, in
E 2 mul-

multis hoc invenere Geometræ, ut *Euclides* demonstrat in multis: dabo exemplum.

Tab. I. beo v: gr: quadratum, rogo ut fiat triangulum æqualis magnitudinis, dicit *Euclides*; cogita hoc latus externum DA, & hoc latus externum AB, tum sumo ut linea DC sit æqualis linea AB & AD, & duco lineam illam DC, semper erit area trianguli æqualis areæ quadrati, sed poterit mutari in infinita triangula, ut *in 6 libris Euclidis* patet; nunc etiam videtur clarè quod si figura sic transmutari possit ex curvis in quadratas, tum vocatur quadratura circuli & curvarum, quæ nihil est, quam mutatio superficierum lineis curvis comprehensarum in superficies lineis rectis terminatas: sic ergò vocatur quadratura Circuli, Ellipseos &c: hujus infinitè inventa sunt, ut Ellipseos ab *Archimede*, & lunularum ab *Hippocrate*, & Mathematici recentiores hæc applicarunt superficiebus corporibus &c: qui jam nunc est ultimus limes Geometriæ. Hæc sunt quinque objecta, quæ contemplantur Geometræ & nihil aliud habent; ergò Medicus ad suum perficiendum studium hoc tantum scire debet.

CAPUT SECUNDUM.

SECUNDÆ PARTIS.

De Methodo Studendi.

§. 34. **U**T quisque hoc brevissimè & facillimè addiscat, i. debet Arithmeticam cognoscere, quam omnium optimè inter auctores docuit *Andreas Tasset* in *Arithmetica sua liber est* in 8. hoc etiam præstítit sed majori opere *Joannes Prestet* in libro dicto *Elementis de Mathematicis* 2 vol: in 4. Paris reliqui fere dant omnes operationes sine demonstratis, sed hic inveniuntur, quomodo inventæ sunt operationes, & quibus ratiociniis innitantur Arithmeticæ i. addiscenda est, quia mensuram sine magnitudine supputare non possumus absque numeris; nam mensurare est numerare, debetis eo usque progredi donec fractiones multiplicare, dividere, & regulam auream cognoscatis. Postquam Arithmeticam semel quis didicerit, potest aggredi Geometriam, & 6. priores *Euclidis libros*, & considerare figuræ, quas à *Fourniero* optimè editas descriptæ sunt à *Fourniero*, quam-

vis Melderus suas vocet, aut si malit 15 libros addiscere, debet eligere illos qui à Baronvio editi sunt, optima editio est Londini. & præstat quam Francofurti. erat ille Philosophus, Musicus, Theologus, emendavit errores in *Euclide*. Si autem quis vult hæc simul discere una cum usu proportionum legat 15 libros *Euclidis editos à Christophero Clavio*, sed debet haberi si potest editio Romana, duobus voluminibus in 8. hic enim non solum proportiones docentur, sed omnia, quæ in Philosophia, Mechanica, Geometrica, Practica &c. peti possunt.

Verùm fatendum est hos omnes Auctores non observasse ordinem, quem *Euclides* ipse non bene observavit; ergò si quis ordine hæc omnia vult addiscere, legat librum illum incomparabilem *Bernardus Lamy Elementis de Geometrie, ou traitè de la mesure des corps*, ibi enim optimè omnia Euclidea & Archimedea ad finem usque contenta sunt, tunc haberetur tota Geometria.

Geometria etiam tantum figuræ contemplatio dicitur (hoc præmittendum erat) sed Geometria propriè non ita est dicenda, nam propriè est mensuratio figuræ, ad quam requirebantur quinque, quæ dixi ut magnitudo &c. itaque hæc Geometriæ pars, quam jam explicaturus sum, est propriè Geometria,

tria, tractat nempe de figurarum, linearum & corporum mensurazione.

§. 35. Figura & superficies corporum seu corpora curva & non regulares per planas ad ordinata intelliguntur, & ad has revocantur, adeoque cognitis prioribus figuris planis cognoscuntur & hæ posteriores.

Jam etiam explicatum est, quid sit superficies & figura, quæ est superficies descripta; figura verò plana est ea, ad quam linea recta applicata cum omni puncto congruit ubique, quando nempè nulla puncta superficiei infra lineam subducentia supra eam emergunt, tum dicitur plana superficies, quænam est superficies plana ordinata? cuius latera se eodem modo ut hæc superficies habent; & ad hanc revocari potest superficies gibba, quæ est figura, quæ ambit sphærā, nam illa neutiquam plana unum punctum circiter attingit, & linea rectâ applicatâ reliquæ se subducunt partes, ergò revocantur figura & superficies ad figuram & superficies planas, nam figuræ curvæ mensurantur tantum, quando revocantur ad planum; idque fit methodo, quâ jam antiquissimi usi sunt Mathematici, dabo unum exemplum quod sufficiet.

Concipiatur circulus, cujus centrum sit Tab. 2.
C jam quomodo mensurant illum Geome- Fig. 1.

træ? Ille circulus est figura plana, sed terminus est figuræ curvæ; inscribant ergo Mathematici quadratum ABDE, & dicunt illud quadratum est minus circulo, jam etiam conscribentes quadratum, &, inquiunt, illud quadratum est majus circulo, pergunt & dicunt, si ergò invenerim magnitudinem quadrati circumscripti & magnitudinem quadrati inscripti, & differentiam sumpsero, hoc est inscriptum ademerim à circumscripto, & remanentis sumpsero dimidium, jam reliquum plus accedit ad circulum, tum inscribentes octogonum, simile octogonum circumscribunt, ut jam istud concipiatur facile, oportet invenire magnitudinem octogoni inscripti & magnitudinem octogoni circumscripti, & videre quantum differant, si nunc adderim dimidium restantis, illud jam plus accedit ad aream istius circuli, si enim habeo nunc magnitudinem utriusque octogoni, dico tantum est inscriptum, & tantum circumscriptum, si subduco octogonum inscriptum de circumscripto adhuc plus accedit reliquum ad circulum, si verò reliqui dimidium sumo, tum plus accedit adhuc ad circulum, tum inscribens & circumscribens 16 subduco iterum inscriptum à circumscripto,

to, & sumo iterum dimidium differentiæ restitantis, & jam proprius accedo ad circulum.

Itaque nunc cum sic multoties perrexi-
rim, illa ultima differentia est nulla,
ut dixit Archimedes, hoc est possum to-
ties inscribere & conscribere, ut cum ac-
cederim ad finem, differentia sit ferè nulla
adeoque quod superest pro nullo haberi
potest.

Hoc est quod dico, omnis figura cur-
va concipiatur ut ex lineis, infinito nostro
rectis, quæ omnes sibi mutuo junctæ
constant, & si concipiatur illa, ut linea
recta poterit mensurari: jam videtur, ut
ordinem sequutus sim in hac utilissima par-
te totius Matheseos; consideravi enim i.
lineas rectas tum curvas, sed curvæ con-
stituunt figuram planam, ut circulum, &
gibbosam ut sphærā & cylindrum, & hæ
figuræ sunt revocandæ ad rectas lineas,
ut mēsurentur, & quæ non possunt ad
rectas revocari, non possunt mensurari,
quæ tota est scientia Geometræ, nempe
ut figura curvilinea ea plana ad rectam
ut in circulo sic inscribat, & conscribat
toties; donec perveniat ad illum terminum
ut subtrahendo minus à majore, tandem
dimidium reliquum sumendo ferè nulla sit

differentia, tum remanebit tantum semper aliqua, sed tam parva, ut minor sit omni cogitabili; & hinc pro nihilo habebitur, ergo si jam possit ita inscribendo & conscribendo pergi in infinitum, ut nempè in circulo figuræ recti-lineæ inscriptæ, figuræ recti-lineæ conscribantur, jam omnes tres figuræ nempe circulus & figura inscripta & conscripta forent eadem, quod jam est facile, nam omne inscriptum semper aliquid minuit, ita ut nihil remaneat ad subtrahendum, adeo convenit cum conscripto & circulo, & hoc jam factum est in utilissimis operationibus de quadratura circuli. Jam de figuris gibbis agendum, consideretur i. exemplum, sumam cylindrum; vocatur etiam cylinder, corpus

Tab. 2. quod fit, si sint duo circuli perfecti A & B Fig. 2. paralleli inter se, & directè supra se mutuo positi si tum recta linea semper manens circa superficies horum circulorum circumagatur, ita ut lambat binorum horum superficies, quæ continentur sub hac superficie ita descripta, dicitur cylindre.

Jam figura cylindrica est gibba, & non potest considerari ut plana, quomodo nunc Geometræ hanc reducunt ad figuram rectilineam? Hoc pacto, sit illi circulo i. A inscriptum quadratum, huic B inscriptum quadratum, quod clarius nunc est intel-

ligere, quum nunc habetur corpus, quod inscriptum è cylindro habet quatuor latera erecta: nam concipitur facilè, si huic circulo A quadratum inscribens illi B quadratum inscribo, & concipientur hæc quadrata per lineas rectas continuari.

Habetur intus in cylindro figura corpora hujusmodi ac tab: 2. fig. 3. quæ vocatur Prisma illa nunc ponitur, ut concipiimus intra cylindrum hunc, sed si extra hos circulos circumscribam quadrata, tum Prisma erit hujusmodi extra cylindrum circumscriptum, nunc superficies hujus primæ inscripti est minor hacce superficie circumscripti, & dimidium differentiæ accedit plus ad cylindrum, si pergo jam ita inscribere & circumscribere in infinitum; omnia latera Prismatis convenient cum latere gibbo hujus cylindri, & tum videbimus, quod illa superficies consideratur, ut figura plana constans ex lineis rectis, adeoque si concipiatur ille cylinder volvendo tantum rectam circa circulos terminantes confectionem & inscribendo & circumscribendo pervenerim ad finem, habebo aream æqualem magnitudinis ac superficies gibba, & latitudo & altitudo erit ut quadrati hoc est cylinder est factus quadratum. Idem est de omnibus quæ cogitari possunt v: g: de sphæra,

sphæra, quando nunc Geometræ Sphæricam superficiem, ut fecit Archimedes revocare volunt ad figuram mensurabilem, inscribentes & circumscribentes ei quadrata, agunt ut de circulo diximus, & pergunt sic in infinitum, adeo ut tandem fiat una figura cum figura sphæræ, consistit ergò ars mensurandi in figuræ planæ mensuratione, & reductione planæ curvæ ad rectam, & gibbæ ad planam rectam, sed quomodo jam corpus & spatium contentum concipiatur & mensuretur: hoc jam explicandum est.

§. 36. Quicunque ad hæc attendit, videt requiri ad mensuranda corpora, i. mensurationem spati hoc est superficie, figuram extensam tantum in duas partes (nempe longum & latum) hoc est figuram superficie ad mensurandam superficiem requiri mensurationem quadrati, ad mensuram recti inveniendam requiri i. lineæ rectæ mensuram.

Mensura est magnitudo quædam cognita, ad quam applicatur alia cognoscenda eo fine, ut sciamus quoties cognoscenda, & mensura cognitam complectatur, seu quod idem est quoties cognita contineatur in illa cognoscenda: ergò omnis mensura debet esse simplex & certa, aut non est mensura; ergò ad mensurandum corpus necessariè adhibenda

benda est superficies simplicissima ad mensurandam superficiem, & applicanda simplex recti-linea figura, sed simplex recti-linea figura est triangulum, verum triangulum per quadratum mensuratur, sed quadratum mensuratur per lineam rectam, ergo requiritur ad mensurandum linea rectæ mensura; hinc Geometræ primo mensuranda est linea recta, tum quadratum & per quadratum denique omnes superficies.

Verum quadratum adhuc est nimis compositum, hinc sumunt Geometræ triangulum; nam habet triangulum verum angulum, & unum latus minus quam quadratum; ergo omnes Geometræ mensurant per triangulum; & illa pars Matheseos quæ docet mensurare triangulum vocatur Trigonometria, quæ Geometræ cognoscenda est; ergo postquam vidimus opera Euclidis & Lamy, jam primum quod Medico & Mathematico est discendum, est mensurare triangulum; nam per ea mensurantur omnia.

Porro qui posset triangulum mensurare, potest etiam & omnia mensurare, nam proponamus circulum, quomodo potest ejus mensura inveniri, quando scio longitudinem peripheriæ, si hoc scirem, tum scio ejus magnitudinem esse tantam ac trianguli, cuius altitudo BA est B diameter hujus

Tab. 2.
Fig. 4:
cir-

circuli; ut Archimedes demonstravit, ergò omnes figuræ curvæ tantum per triangulum mensurantur; hanc etiam Trigonometriæ scientiam nempè nosce oportet, ut cognoscantur vires, ergò ex duobus cognitis noscitur vis mutationis in natura, sed mollem cognoscere non possum, nisi cognoverim corpora, quæ mensurantur per triangulum ope Trinogometriæ.

TRIGONOMETRIA.

§. 37. In triangulo jam occurrunt tria latera, tres anguli & area; ergò tota Trigonometria seu anguli mensuratio est *id quod explicat, quomodo ex tribus datis inveniatur omne quod occurrit in triangulo & in hoc consistit illa ars*; v: g: triangulum. in toto hoc triangulo possunt considerari septem diversa, nempè tres lineæ, quæ facientes triangulum faciunt tum spatum per has tres lineas coercitum, quod vocetur area, hæc sunt septem; jam tribus ex his septem datis, reliqua quatuor semper inveniuntur per tria illa data; propono jam triangulum, & dico in eo triangulo sunt septem consideranda; sic si v: g: mihi dantur tria latera, inveniam tres angulos & aream; dentur ergò tria latera AB. AC: jam docuit

cuit Euclides libro secundo elementorum, datis tribus lineis tres angulos invenire perpendiculares ad basim; verum si perpendicularis hæc linea v: g: AD, cognita est, ex libro secundo Euclidis jam basis BC Tab. 2: multiplicatus per illam perpendicularem AD Fig. 5. tum habebo duplex triangulum; nam tum habebo hoc spatium, EBCF, sed B dimidium productum hujus parallelogrammi semper dat aream trianguli ex propositione 41. lib. I. Euclidis; verum possum trianguli hujus tres angulos invenire per doctrinam ex tabula sinuum tangentium & secantium haustam; itaque si tria latera data sint, trianguli aream per secundum librum Euclidis, & per tabulam etiam tangentium & secantium triangulum invenire possum, si duo latera & unus angulus dentur; reliqua etiam inveniam, verum si tres anguli tantum dentur, est tantum ac si duo anguli darentur, quia tres anguli cujuscunque trianguli tantum faciunt duas rectas lineas, sive æquales sunt duobus rectis, sed si duo anguli dentur & unum latus, tum potero reliqua deducere, eaque ratione mensurantur triangula ope Trigonometriæ.

Geometræ jam hanc artem, quæ est nolissima in tota Mathesi, invenerunt, exin-

80 *Methodus discendi*

exinde quod *Euclides* demonstravit in libro decimo maximum angulum maximo lateri semper esse oppositum; hinc usque quod in omni triangulo æqualis lateris omnes anguli etiam sint æquales &c: sic porro; ergò videbant, quod intra magnitudinem lateris & capacitatem anguli semper erat quædam proportio.

§. 38. Nam ex angulorum proportione elegans oritur cognitio rationis inter latera per tractatum de sinibus tangentibus & secantibus, si quis principiis Euclideis, imbutus sit, tum rem istam poterit intelligere, præsertim si sequentes tum evolverit Authores.

Lansbergius de Geometria Triangulorum libri quatuor est in 4. editus apud Blaen Amstelodami 1631, quæ optima est editio.

Aut si velit eundem tractatum amplius & clarius deductum, legat *Andrea Tacquet* Geometriam practicam, est liber in folio Antwerpia 1669.

Aut etiam tabulas sinuum Tangentium & Secantium editas per *Adrianum Vlach*, & renovatus per *Franciscum van Schooten*, (olim Lugduni Batavorum Matheseos professor) Dordraci editas anno 1664.

Hi Authores totam hanc rem dilucidè do-

dōcent, verum non possunt intelligi, nisi prius intellecto *Euclide*, & propositione hodie exposita; Authorum autem illorum optimus est *Tacquet*.

Si quis dicta accurate noverit Geometriam propriè absolvit, nempe cum Trigonometria Elementis *Euclidis* adjunctis.

§. 39. Ex præmissis principiis mensura cognoscitur omnium spatiorum planorum recti-lineorum & curvi-lineorum quæ ad recti-linea referri possunt; tum quoque spatium gibbum cavorum quorumcunque quæ ad plana reduci possunt; adeoque etiam corporum his superficiebus contentorum habetur mensuram.

Hocce verissimè sic addisci patet, quoniam *Euclides* 1. accurate docet mensuram recti-linearum; *Archimedes* agit de curvis quæ ad plana reduci possunt, & sic porro, adeoque si quis accurate addiscat ea, totum fundamentum adjecit pro suis studiis, quæ omnia sequentibus nituntur 1. mensura lineæ rectæ; 2. mensura quadrati 3. mensura trianguli. 4. mensura cubi; & mensura etiam lineæ rectæ fit, quando quædam longitudo cognita applicatur successivè illi lineæ & retinetur in memoria, quoties illa ingredi hanc lineam possit, & tum conci-

piatur, quod illa linea contineat toties illam magnitudinem cognitam; notum est, quod Geometræ mensuraturi quandam longitudinem duos stylos ponunt, tum longitudinem quandam cognitam ab uno stylo usque ad alterum totius applicant, ac applicari potest, tumque norunt, quod illa longitudo mensuranda contineat toties mensuram cognitam, & hæc est mensura lineæ rectæ.

β mensura quadrati; nam omnis mensura spatii per duplarem extensionem mensurabilis fit per quadratum: v: g: sit spatium ABCD, quod fit dum dicitur illud spatium mensurari; habetur 1. spatium quoddam cognitum, non linea jam tantummodo, sed spatium quoddam & illud semper sumptum quadratum concipitur, adeoque quando dicitur spatium cognitum centum pollicum, tum intelligimus semper pollicum centum in quadrato, hoc est quod in eo spatio imponi possent centum quadrata, quorum singulorum longitudo & latitudo sit unius pollicis; habent ergò Geometræ hujusmodi spatium ABCD: mensurandum; sit v: gr: latus AB trium pedum & latus BD duorum pedum, quod in hac figura plus mensurari debet quam latera; hinc concipitur singulus pes horum laterum uti qua-

quadratum; hinc dicunt, multiplicetur numerus partium in linea AB per numerum partium in linea DB & $\frac{1}{2}$ ergo hoc faciet 6. hujusmodi quadrata, ut patet in figura; ergo area continebit sex pedes quadrati, hoc est sex quadrata, quorum singulorum longitudo & latitudo est unius pedis, ergo etiam quando dicitur area continet decem pedes, tum intelligitur quod continet decem spatia, hoc est decem quadrata applicari ei possunt, quorum singulorum longitudo & latitudo est unius pedis, & sic omnes mensuræ spatii fiunt.

¶ Mensura trianguli; fiunt enim omnes Tab. 3.
mensuræ per triangulum hác ratione, ACB, Fig. 1.
fit triangulum, si jam detur numerus partiū in linea AB, & numerus partiū in perpendiculari CD & multiplicentur per se invicem statim habetur area trianguli; nam sint partes quatuor in linea AB, & sint præter 3 in linea CD multiplicentur per se $\frac{1}{2}$ habebuntur 12 partes hujusmodi, & sumatur dimidium hujusmodi, habebitur area trianguli, patet facile, nam hac multiplicazione fiet hic rursus æqualis magnitudinis figura quadrangularum rectarum EABF, hæc enim figura continet duodecim spatia hujusmodi, sed dimidium hujus rectanguli est

triangulum ut docet *Euclides libro primo*
 & sic area trianguli semper fit multiplicando numerum baseos cum numero perpendicularis, & sumendo dimidium summæ; hinc si AB est pollicum quatuor & linea CD facit tres, tum si quæritur quanta sit area trianguli? erit sex pedum quadratorum, & sic porro jam facile concipitur.

¶ Mensura cubi adhuc demonstranda est, nempè quomodo mensurentur ipsa corpora hoc est spatia illa realia, & divisibilia per tertiam dimensionem, dicunt Geometræ fit per cubos, *Cubus est est figura terminata sex quadratis superficiebus & omnis simplicissima, qua in Mathematica excogitari potest corpora spectantibus*, sit linea AB hæcce, supra hanc sit descriptum quadratum ex obliquo visum, & tum $\frac{1}{2}$. quadrata erecta ad istius primi quadrati latera constituuntur, quæ quadrata sibi mutuo applicentur, jam corpus hoc vocatur cubus, nam habet sex superficies, unam superius, alteram inferius, alteram ad latus C, alteram à posticâ parte ad latus D, & tum sextam erectam supra lineam AB.

Jam omnis alicujus corporis mensuratio, quam intelligit Geometra fit per hujusmodi cubum, cum enim dicunt v: g: dolium
 con-

Tab. 3.

Fig. 2.

continet decem pedes, tum intelligunt pedes cubicos, & tum cubus ille constat sex superficiebus, quarum singulorum quadrata habent pedem unum longitudinis & latitudinis, quod perfectum est quadratum; mensuratio jam dicitur *applicatio cubi ad hoc spatium*, quod memoria est retinenda, quoties possit applicari cubus cognitus isti corpori & spatio, si v: g: cubiculum volo mensurare, sumam mensuram longitudinis; sit v: g: viginti pedum, tum latitudinis quæ etiam sit viginti pedum; multiplicabo hæc per se invicem $\frac{20}{20}$; ergo quadratum erit 400 pedum tum summam altitudinem alius lateris, quæ etiam sit viginti pedum, & postea mensuram lacunarum, quæ itidem viginti pedum; multiplico iterum per se invicem $\frac{20}{400}$ jam habebo iterum quadratum 400 pedum, illudque multiplicans per quadratum prius inventum habebo $\frac{400}{76000}$ ergò habebo 160000 pedes; hinc continet spatium hujus cubiculi 160000 pedum, hoc est si haberem cubum, cuius unum quodque latus esset unius pedis quadrati, & si illum haberem 160000 ies posset contineri in hoc cubiculo: & mensura Geometrica, est nihil aliud, quam quod cubus notus toties possit applicari corpori mensurando;

do; de hisce nunc si quis accuratè vult videre, quomodo nempe varia corpora variæ figuræ & variæ magnitudinis mensurantur, videat illam partem Geometriæ stereometriam dictam, nam $\varsigma\pi\epsilon\sigma\omega$ significat solidum & $\mu\epsilon\tau\pi\epsilon\nu$ metiri, hinc $\varsigma\pi\epsilon\sigma\omega\mu\epsilon\tau\pi\epsilon\nu$ est mensuratio solidorum, alias etiam dicitur $\sigma\omega\mu\alpha\tau\omega\mu\epsilon\tau\pi\epsilon\nu$, nam $\sigma\omega\mu\alpha$ significat corpus; hinc somatometria est, mensuratio corporum.

Hæcce pars optimè descripta habetur ab *Andrea Tacquet*, qui scripsit tres libros in folio *Anwerpiae editos*, quorum ultimus agit de Stereometria, ubi egregiè styloque brevissimo conscripsit illam Geometriæ partem.

Absolutum ergo est hoc caput, & illa pars Physices, quæ agit de natura corporum, iisque quæ ex ea immediatè sequuntur jam etiam dixi medico sciendum esse de corpore in genere deinde corporis naturam & mutationem.

De natura dixi omnia, quæ potui; & indicavi Authores, quibus minimo tempore; & ullis vix impensis ea res addisci potest; sequitur ergò ut de mutatione corporum, quæ semper à motu pendet, agamus.

CAPUT TERTIUM

PHYSICÆ GENERALIS

De Motu.

§. 40.

Qui novit generalia corporis in se spectati attributa, ordine ducitur, ut mutationes corpori possibles intelligat, quamdiu cogitamus corpus quoddam simpliciter, prima illa idea manet in æternum, si haberemus illam ideam, ut sic continuò de eo corpore cogitemus, in æternum tum cogitemus, non concipiemos ullam mutationem, sed manet idea illa istius corporis, nisi alia idea tum simul occurrat, ergò duo occurront in rebus consideranda 1. rerum essentiæ, hæ nunquam mutantur in rebus, sed in æternum eadem manent. 2. ea, quæ sequuntur ex ea, sed quæ non obtinent ex rei essentia considerata, sed quatenus concipitur illa res cum alia quadam, hoc est fundamentum Metaphysices; in re enim nunquam concipitur mutatio, quamdiu sola concipitur, sed si duo corpora concipiamus, simul jam est aliud, ut v: gr: cogitamus sphæram quiescentem, quamdiu ni-

hū simul cum ea idea concipimus, in æternum concipiēmus in idea sphæram quiescentem: verum si illa sphæra movere dicitur, jam debeo concipere aliam rem diversam à sphæra & ejus naturam simul cum ea sphæra, quia jam eam concipio cum motu, & statim cum solam in tota natura absolute quiescentem concipiebam, ergo dico est aliquid in ea sphæra, quod antea non aderat, hoc est mutatio facta est in ea, & hæc mutatio est à motu, qui jam in ea sphæra est, & statim non erat. Ergo omnis mutatio ponit, quod præter rem solam jam concipio simul aliud quoddam, quod non erat in re sola.

Sed præterea notandum est, si duas res jam simul concipio, & quod inde concipio jam & illud quoque erit immutabile v: g: concipio sphæram cum motu, jam dico omnes proprietates, quæ sequuntur ex sphæra cum motu, erunt inseparabiles à sphæra cum motu, nam si eam concipio cum motu, & nihil aliud simul concipio, momento post iterum concipiā eam cum motu & momento post iterum; ergo in æternum eam concipiā cum motu, quamdiu nihil aliud simul conceperim, verum si concipio sphæram cum hoc motu incurrere in aliam sphæram, jam concipio illam sphæram cum mo-

motu scilicet cum alia adhuc, quod statim non concipiebam in idea; hinc jam ab hac idea poterit oriri idea istius sphæræ cum minori motu, & cum motu aliter determinato, hoc est erit mutatio facta; hinc cernimus, quot mutationes in rebus sint, & quomodo semper orientur ab alio quodam, quod concipitur simul cum ea & ante, cum ea enim concipiebatur, quia non aderat, & in ejus natura dimidium continebatur.

§. 41. *Unum corpus vocamus id cuius partes ita inter se cohærent, ut motus uni parti datus totam molem moveat, non vero attractam partem à non attractis separet.* Nunquam possumus dicere, quid sit mutatio in rebus introducta, nisi hoc annotemus. I. enim nobis est dicendum quid sit corpus, hoc est quid sit unum corpus, omissione hujus definitionis causa fuit, cur Mathematici & Physici plurimi longè erraverint, eosque in confusionem deduxit, nam unum corpus constat ex partibus ita cohærentibus, ut si una moveatur, non separetur à reliquis, sed moveantur omnes; ergò quid vocabimus unum corpus, an Atomum; verùm illa constat ex aliis partibus, quid ergò dicemus unum corpus! ego revolvendo totam hanc materiem voco

unum corpus hoc frustum cretæ , cur? quia si motus quidam impingit , ut motus digiti in unam partem frusti cretæ , tota moles movetur simul , & illa pars , quæ motum recipit ab alia non discedit ; non enim mihi est dicendum , unum corpus est , quod una superficie continetur , (ut pluri-
mi dixerunt) hoc enim est nihil dicere , nam sunt , quæ unâ superficie continentur corpo-
ra , & tamen corpora non sunt , ut aqua quidem
continetur una superficie , verum constat infi-
nitis numero corporibus ; quorum unum , si mo-
vetur statim ab aliis recedit , sed aqua tan-
tum vocatur unum corpus , quando in vase
quodam coërcetur ita , ut una pars mota
ab aliis recedere nequeat ; ergo unum cor-
pus est tantum , quando motus in unam
ejus partem impingens non separare potest
ab aliis quæ non attingit ; sed omnes simul
movet , quænam ergo corpora multa vo-
cabimus , ea quæ constant ex partibus mutuò
ita sibi junctis , ut si motus impingat in
unam partem separet illam ab aliis , & reli-
quas non moveat ut in magno v: g: sâ-
xo , si malleus tanta vi agat , ut unam par-
tem separet à reliqua mole , tum vocantur
duo corpora , & in aqua exemplum etiam
habetur ; jam igitur quid unum sit corpus ,
in Mechanicis mox exponendis res erit cla-
rissima .

§. 42. In uno corpore simul concepto ut uno, nulla potest concipi, & quod idem est, accidere mutatio, nisi locus totius & figura & unitas sint mutatae; etenim hoc est fundamentum totius Physices omnium mutationum. Explicanda etiam sunt hæc tria, nam præter ea nulla contingit mutatio. Frustum cretae v: g: sit iterum unum corpus ex definitione, si concipio illud mutari, hoc est si jam illud concipio cum alio quodam, quod ex ejus natura non fluit, hæc poterunt contingere.

α Et manet figura, manet unitas partium sed loco mutatur illud corpus, hoc est tota moles sive totum unum jam hic existit, jam hic, sicque porro.

β Et manebit unitas partium, manebit in eodem spatio, hoc est manebit, ut ante in loco suo, sed partes quædam ab aliis tantum non recedentes mutabunt suum situm, ut si v: g: corpus quoddam esset ex cera non mutato loco, possem digitum imprimere & facere, ut quædam partes plus peterent centrum quam ante, adeoque motus transponeret quasdam partes; verum totum unum retineret totum suum locum, sed mutaretur figura.

γ Et potest fieri, ut hoc unum fiat plura

ra corpora , manente tamen eo in eodem
loco sed fiet plura corpora hoc est frange-
tur , seu reducetur in fragmenta hoc est
pars quæ motum recipit separabitur à re-
liquis.

Hæc est jam omnis mutatio Physica,
quæ in rerum natura dari potest. Omne
ergò corpus semel conceptum tantum tres
diversas admittit mutationes, quæ semper
à motu dato pendent ; 1. & mutat locum
suum remanente ejus integritate id est co-
hæsione partium & figura 2. & mutata
ejus superficies, hoc est figura remanente
tantum unitate & non mutato loco to-
tius; 3. una pars secedet ab aliis, id est si
motus impingit unam partem, non trans-
feretur tota moles, sed pars mota & par-
tes motæ separabantur à reliquis & hoc vo-
catur *Divisio*.

C A P U T IV.

Physicæ Generalis.

De legibus motus. Prima proprietas motus.

§. 43. Ergo debet unus quisque prius studere cognoscendo motui totius corporis, in quo consideratur, i. si transfertur totum corpus per motum uni parti impressum, ubi cohæsio in partibus requiritur tanta, ut per impetum primo attractu datum illi parti tolli non possit à reliquis, hoc est ut motus illud corpus non dissolvat, seu illam partem attractam ab aliis non separet; sumamus exemplum, habeo v: g: frustum cretæ, pono hoc ibi supra mensam, occupat certum locum, ut nunc hunc locum relinquit, debent ejus partes ita cohærere, ut si digitus impingat in hanc partem cretæ, eam non separet à reliquis, nam tum illa sola moveretur; non verò totum corpus, si cohæsio tanta est, si tum digitus impingit in hanc cretam, ille motus huic parti datum facit ut creta hæc hoc spatiū relinquens jam momento post in spatio vicino existat, hoc jam est motus totius corporis, & hæc est prima proprietas motus.

S E.

Secunda motus proprietas.

§. 44. Requiritur etiam ut tota motus copia uno momento communicetur toti corpori, hoc est ut tota moles corporis simul moveatur sive mutet integrè locum, quod requiritur, ut motus datus statim omni parti communicetur, alias hæc pars movetur, illa non ergò fit separatio partium, id est dissolutio corporis & non motus totius, quod contra hypothesin; nam illâ cretâ iterum ibi positâ, ponamus digitum huic cœtæ motum applicare; ergò eo momento, quo motum applico huic parti, necesse est, ut eo momento ipso in omnibus aliis excitetur idem ille motus, aliter illa pars mota eo versus perget hoc momento, & reliquæ non, hinc erunt desunitæ, & non fiet motus totius, quod est contra hypothesin; nam agimus hic de corpore uno, quod locum suum omnino mutat servata unitate partium & figuræ.

Tertia motus proprietas.

§. 45. Requiritur etiam, ut illa motus copia per totam molem æquabiliter & proportionaliter distribuatur. Sunt utilissima totius naturæ, quæ jam consideramus, jam ve-

verò pono corpus divisum v: g: in centum partes, ex quibus constat, & ponam motum unius gradus applicari uni parti, jam dico necesse est, ut si totum corpus moveri debet, simul ipso momento quo applicatur ille motus uni parti, ille distribuat eodem momento ita per totum corpus, ut singulæ partes eodem momento $\frac{1}{100}$ hujus motus accipient, alias secederent à se mutuo partes, & tota massa non moveretur, nam illa pars mota primo momento moveretur, dum aliæ adhuc quiescerent, ergò partes illæ non manerent junctæ, sed discederent à se invicem; nam si duo corpora se mutuo hæreant contigua, & unum eo momento movetur, dum alterum quietum manet, separantur a se invicem, & fit desunio, & hæc est certissima impenetrabilis naturæ vis; motus ergò, qui uni parti communicatur debet necessariò communicari eodem momento omnibus partibus, uno momento, inquam, & eadem proportione hoc est æquabiliter adeoque cum una pars in hoc corpore, quod ex centum partibus constare ponitur, recipit unum gradum motus, retinebit tantum $\frac{1}{100}$ & reliquæ 99 partes etiam singulæ habebunt eodem momento $\frac{1}{100}$ partem, est lex naturæ incognitissima, sed quæ necessariò continet,

git, quum totum corpus movetur, debent singulæ partes eodem momento æqualem acquirere proportionem motus, aliter enim tum esset una pars in hac mole, quæ moveretur celerius, alia tardius, hoc est secederent partes à se invicem, & tum nulla unio in motu unquam manere possit.

Quarta motus Proprietas.

§. 46. Sed corpus perget moveri per illum motum jam inhærentem. Hoc corpus cretæ prius quiescebat, illud (nempe digitus) impingebat in id, hinc accepit motum, ergò jam concipiebam in idea hoc corpus cum motu, verum si nihil aliud jam concipio in hoc corpore, quam præcedenti momento; quando illud concipiebam cum motu, ergo hoc secundo momento tantum enim cum motu concipiā, nam eadem causa faciet eundem effectum, illa adhuc concipitur remansisse, quia nihil aliud fuit conceptum cum eo moto corpore, quam quod concipiebatur, quum illud motum concipiebam.

Quinta motus Proprietas.

§. 47. Ergo movebitur corpus in infinitum,

tum, si illud spectetur, & concipiatur ut solum; hoc jam explicui in præcedenti sectione.

Sexta Proprietas motus.

§. 49. Et semper per lineam rectam, quæ producitur per primum inchoatum motum; hæc sexta proprietas dicit, quod si corpus moveatur ab hoc puncto ad hoc, per lineam rectam movetur, si pergit moveri, semper per lineam rectam movebitur, si nihil aliud accedit, hoc nihil difficultatis in intellectu parit, nam causa, quæ hoc momento per lineam rectam corpus hoc movet, quum altero momento sit eadem, movebit iterum per lineam rectam, & cum eadem sit causa; etiam eadem velocitate hoc momento ac præcedens movebit corpus, & nemo dicere posset, cur aliter contingere; ergo semel motum corpus per lineam quandam, semper æqualibus temporibus æquales producentes partes lineæ rectæ absolvet, quamdiu ille idem motus manet, quod indubitato fit.

Septima Proprietas Motus.

§. 50. Nec mutabitur in eo corpore aliquid præter solam variam existentiam in variis locis.

G

Hæc

Hæc est ultima lex motus, quam sic explico; hoc corpus accepit motum ut spatium jam occupatum relinqueret, & aliud, quod de eo non concepi; ergò nihil patitur nisi quam quod per motum inhærentem existat nunc hic nunc illic & sic porro, & quum semel concepta res maneat eadem in idea, quamdiu aliud quid non additur, ergò si conceperim hoc corpus semel motum, & nihil quod resistat, tnm concipio in æternum hoc corpus motum, & nihil aliud; hinc non possum aliud intelligere, quam quod illud corpus in omnibus manens idem ut primo momento illud conceperam, nunc hic, nunc hic, nunc ibi existat.

Si causa motus manet eadem semper æquilibus temporibus æqualia spatia illud absolvet corpus, & semper per lineam rectam à primo inchoatam, quia nullum tertium accedit, sed omnia hoc momento sunt eadem, quam primo momento conceptus. Hæ sunt proprietates omnes, quæ in uno corpore moto cum absque alio quod concipitur contingunt: absolvi igitur primum genus mutationum; sequitur jam secundum hoc est figura.

Vidimus mutationes eas, quas motus producit in corpore, quod vocamus unum, non posse plus quam triplicem mutationem corpori illi quod vocamus unum inferre, nem
pè,

pe, & movere totum corpus ex loco servata figura & unitate, β servato loco & servata unitate mutare figuram. γ servato loco, & servata figura dimovere partes a se invicem, hoc est dissolvere; quænam leges sine, quæ obtinent in uno scilicet corpore considerato; ut moto exposui, quum nempe simpliciter totum locum mutat; hinc ad reliqua pergens considerabo nunc ea, quæ separant partes a se mutuo.

§. 51. Si motus detur uni parti corporis Divisio
corpo-
rum live
secun-
dum gen-
nus.
unius, & si per eum motum pars mota rece-
dat à reliqua mole non attractum illa reli-
qua moles quieta manet, & tardius
mota retrogreditur.

Est sanè maximè amænum, & necessarium in Physicis à priore posse definire, quid ex motu dato fiet; hinc contemplatio hujus propositionis utilissima est, agitur enim nunc de principiis Physicis & Mechanicis omnium mutationum, quæ in natura fieri possunt; hinc jam dico, si corpori uni (quid sit corpus unum jam explicatum est) applicatum motum ad aliquam partem, in aliam non acceperit, & ille motus separaverit illam partem a reliquis non attractis; oritur tantum triplices casus, qui accuratè definiuntur a Mechanicis. Ponamus enim iterum corpus creter esse unum corpus (uti jam diximus) si

LIBRARY
Founded 1813
SCHOOL OF MEDICINE
recipiens ejus $\frac{1}{3}$ pars motum diversum à re-
liquis hoc motu secedat, tum triplices casus
obtinere potest. Hæc pars mota secedet ab
hoc motu dato, tum fieri potest ut reliqua
moles ibi in loco maneat, & ut hac parte
mota etiam reliquæ partes versus eandem ple-
gam moveantur, sed tardius quam pars, quæ
diversum motum accepit, hinc hæc pars
semper præcedat, & illa parte mota & huc
versus pulsâ reliquæ partes retrocedunt huc
versus, ergò triplex est tantum corporum
dissolutio, quum nempè quædam partes se-
cundant reliquis quietis manentibus in loco,
& omnibus quidem simul motis, hocque
quidem præcedit reliquas, & una parte mo-
ta antrorsum, reliquæ retrorsum moventur,
hæc est nunc omnis mutatio, quæ in secun-
do genere fieri potest.

§. 51. Pars non attracta causam sistentem &
retropellentem saltem majorem absoluta qui-
ete requirit. Est profundæ speculationis
theorema, quod hic proponimus; dico in
hac propositione, si in separatione una pars
recedit ab altera, ergò illa pars quæ motum
non accepit, proinde remanet, & tamdiu
movetur retrorsum; quædam causa eam si-
stens, & retropellens est habenda, quæ cau-
sa saltem major esse debet quam absoluta qui-
es; consideretur v: g: corpus cretæ in men-
fa

sa repositum, & per propositionem 51 ad ventatur, motum separare hanc cretam in duas partes, jam eo momento quo motus impingit in hanc partem, reliqua moles eo momento est quiescenda respectu hujus massæ motæ & separatæ, aliter actum est de separatione, nam si eâdem motâ etiam altera pars moveatur, tum partes simul transentes manent sibi mutuo oppositæ, quod contra hypothesisin; agimus enim de corpore dividendo, verum si simul moveantur omnes partes, est tantum motus localis corporis; hinc ut fiat separatio & divisio, eo momento, quo communicatur motus, hæc pars ab hac secedere debet; cohæsio itaque parva utcunque est major quam absoluta quies, nam quies partium erga se mutuo nullum nixum in cohæsionem ponit, nihil minus, nam partes cohærentes habent nixum in se mutuo; ergò cohæsio negat quietem, si cohæsio sit causa major quiete & causa separans sive motus fiat major, quam illa cohæsio, ergò ille motus erat etiam major quiete, & causa, quæ facit, ut una pars hac versus moveatur seu retrpellatur, quum dato motu altera antrorsum pellitur, debet esse major quiete, nam si esset absoluta quies, non moveretur tum illa pars retrorsum, ergò ponit semper separa-

ratio causam naturalem quandam, quæ major est, quam cohæsio, & quam absoluta quies, quæ facit, ut illa pars quiescat, cum ea movetur & quæ facit, ut illa retrorsum pellatur, cum hæc antrorsum pellitur. Nam si aliud nihil concipiam, quam cohæsionem & quantitatem partium in hoc corpore, & tum simul motum datum uni parti, nulla potest fieri separatio corporearum partium, utcunque violentissimus sit motus datus, nam si cohæreant partes istius corporis, & una pars motum accipiat, & nihil præterea adsit in eo corpore, non nullæ separabuntur partes, sed totum debet deferri corpus. Ponamus v: g: corpus absolutè in partibus cohærens ut Cera & nullus aër sit resistens; dum eam ceram maximo impetu projicio, non separatur illa pars ab altera, sed ut fiat motus separatorius, debet hic esse obex resistens, in quam incurrat quædam corporis pars, & obex retrourgens hanc partem retropellens, dum illa pars sic movetur, & tum fiet separatio.

Si corpora omnino non essent gravia, possem facilè aliquod exemplum dare; hinc si ponerem corpora non esse gravia, & hic versūs centrum triangularis descenderet quoddam corpus, quod si gravitatis deorsum

sum truderetur, & pelleretur, si nihil esset in via, nulla foret divisio & separatio corporis, sed si obex esset in via, & corpus una parte sua in eum incurreret, dum interim gravitate reliquæ partes pelluntur, ergò una pars pelleretur deorsum, altera pars sisteretur, & tardius mota retropelleretur hinc duo requiruntur in separatione α , una causa, quæ unam partem moveat corporis β altera, quæ retineat aliam partem, nam si duæ causæ diversæ non adessent, foret tantum transpositio totius corporis; vidimus enim paulo superius, quod cum una pars corporis unius aliquem recepit motum, eodem momento totum corpus recipiat motum omnem, sed divisum per omnes partes æquabiliter, & tum semper motus tantum locatio foret; ergò semper in separatione corporum aliis debet esse motus, sistens & retardans debet esse major, inquam, absolutâ quiete, aliter corpus non vocaretur unum, nam si non esset major absolutâ quiete, id esset, quia nulla foret cohaesio, quæ ipsa quantitate jam major est; hinc non vocaretur corpus unum, nam partes quiescerent tantum juxta se mutuo.

§. 52. Hæ binæ causæ, quo majori vi seu nisu sibi mutuo opponuntur, eo violentior fit separatio partium, hoc est de-

structio totius. Hoc facilè intelligitur & illud evincit experientia per plures Mechanicas operationes, omnes enim separatio-nes debent semper per unum motum sisten-tem & obicem & causam retropellentem, & per aliud validè versus aliam plagam agentem fieri. Quo nunc plures causas in diversas partes agentes possumus applicare, eo citius fiet destructio; v: g: si cretam hanc vel-lem omnino in pulverem reducere, ponerem in mortario &c: & sic variis agitationi-bus & variis retropressionibus, & resi-stentiis à parte mortarii, omnino solvere-tur hæc creta in pulverem; Absolvi nunc omnes motus separatorios; motus etiam, qui separat partes à se mutuo est semper localis motus respectu partis separatæ: hæc dicta de motu lo-calitatum repetenda sunt, & addenda ea, quæ diximus de causa resistente, & retropellen-te, & his binis dando habemus causas seu causam divisionis corporum, & sic semper contraria causa esse debet causæ moventi, cum separatio & ruptura fiet corporis, hinc si 200 causæ agunt, nempe 100 causæ moventes & 100 causæ resistentes, & sic porro, adeoque quod Physicus debet in-telligere in suis fundamentalibus studiis de motu & separatione hoc ex dictis omne peti potest. Jam quodnam erat tertium

genus mutationum? quando retento spatio & integritate corpus mutabatur in figura; ago hic de perfectè duris corporibus, ut conceptus sit clarior.

§. 53. Si unius corporis figurâ mutatâ, ^{Tertium} moles corporea manet una, tunc erunt quæ- genus dam partes separatæ à loco veteri & tamen mutatio- adhuc coharentes toti. Suppono esse frustum ^{num.} ceræ libræ unius, illi frustulo ceræ digito imprimò foveam, si antea sphæricum per- fectè v: g: esset corpus, jam non erit per- fecta sphæra, ergò pondere, mole, loco non mutatis, mutatur tamen figura; hinc ejus superficies mutata tamen manet libra ceræ, hoc est tota moles adhuc adest, omnes par- tes adhuc cohærent, & si simul transferan- tur, manet corpus unum.

Hæc est tertia species mutationis corpo- reæ per motum data.

§. 54. Ergo pars veteris cohæsionis su- pererit, licet post separationem nova cohæsio introducta fuerit.

Constitui unum corpus AB pendere li- Tab. 3 bra una, ponamus nunc illud habere figuram, ^{fig. 3.} quam videmus, parallelogrammi & hujusmodi Prismatis: supponamus quoque; nunc cor- pus illud mutare figuram & tamen eadem moles supersit. Dico nunc, potest hoc fieri dupli- modo, i si illa pars CB nunc ibi

ponitur in loco DE, & tamen sic pendens libra una cohæret, & tantum pars illa transposita fecit hunc motum FE, ergò est idem adhuc corpus constans ex duobus partibus **AD** & **CB**; sed pars **CB** mutata est in **DE**, ergò corporis figura est mutata; hinc quædam partes locum mutarunt; quædam cohærent adhuc, ut in puncto **D**; & sic corpus in figura mutatur manens tamen in unum, & omnem molem conservans, nam etiamsi hoc obtainuerit, quod dictum est tamen idem pondus remanet, sed & alter modus est, si nempè una pars separata sit, tamen statim iterum alteri eidem est, sed alio modo cohæret v: g: si esset hoc corpus **AB** cera & haberet partes tenaces, & ego subito flecterem, jam quidem in flectione quædam partes separarentur, sed iterum cohærerent, nam ex hac flexura mutatus est locus **CB** in locum **DG**; hinc jam habetur hæc figura **CG**, quia pars corporis **CB** perfecit hunc motum **BIG**, ergo in hoc casu hoc fit, ut cohæsio partium mutata fiat statim alia cohæsio, nam cohæsio, quæ prius fiebat per **CD** jam fit per **DH**.

Tertius casus jam non datur, quod sciam, ergò in omni separatione, ubi tamen corpus manet unum, ibi alteruter horum duorum casuum fieri debet, nempè, & partes

tes quædam separantur cohærentibus adhuc aliis, unde adhuc tota moles manet & quædam partes cohæsionem mutent.

§. 55. Si prior causa obtinet, corpus vocatur Flexile, exponitur hic idea vera corporum flexilium seu mollium dictorum, hoc est si partes ita cohærent, ut in aliam cohæsionem mutari possint, & tamen cohære, tum dicitur corpus flexible, nam semper alia cohæsio partium fit, dum aliquod corpus flectitatur.

§. 56. Flexibilitas hæc si tenax sit est, situs figuræ impressæ, & vocatur Mollities.

Flexilitas quid sit jam intelligitur, verum ponamus semper quasdam partes separatas, & alias adhuc cohærentes, ut in fig: 3 tab: 3. litt: ADE, si manet jam pars ea in situ illo mutato, tum vocatur corpus Molle.

§. 55. Si verò mutata sit figura per flexibilitatem desinente causa flectente se restituit in veterem situm & figuram, vocatur corpus *Elasticum*.

En hæc tota idea, quæ potest concipi corporum figuram mutantium, mole retentâ, adeoque hisce paucis fundamentalibus omnia habemus, quæ à mutatione & motu fiunt, si v: g: haberemus cylindrum ex cera illumque flexerimus & ita manserit;

est

est molle, sed si habeamus virgam ferream illamque utroque extremo flectamus, fletetur, est enim corpus flexible, sed cum desinimus premere, tum restituetur propria vi in lineam rectam & hæc vis vocatur Elater seu Elastica vis.

§. 58. Ergò omnis motus, qui est in rerum natura, fit, 1 à gravitate, 2 ab alio impingente, 3 à vi attractrice. En intimas rerum causas detectas, illud etiam patet facile, corpus unum conceptum solum absque ulla alia re, concipitur quiescens in æternum, & nihil unquam aliud de eo concipitur, sed si corpus quoddam concipiatur cum nixu descendendi versus centrum terræ, vocatur illud grave, v: g: si creta hæc, quæ concipitur quiescens, destructa aut subtracta mensa caderet in terram & descenderet versus centrum terræ, tum inciperet in eo motus à principio ipsi inhærente, & vocatur ille motus *Gravitas* seu vis *Centripeta* ut vocavit Magnus Newtonius, quod est idem.

Verum tollatur gravitas, & concipiatur hoc corpus unum quiescens, & simul aliud in hocce impingens, jam hæc corpora movebuntur, & illud unum jam in hoc spatio quiescens feretur in illud, & hoc voco motum localem. Vel etiam con-

ripiatur hoc corpus quiescere absolutè, &
esse ferrum, & me habere magnetem, quam
nunc corpori appropinquarem, jam incipiet
moveri, tum haberet motum, quam voca-
mus attractricem; nescio quomodo aliter
vocare possumus, & est illa eadem cau-
sa vis, qua corporum partes inter se mu-
tuò cohærent; v: g: habeo illud corpus,
quod constat ex infinitis partibus, sed ad-
eo cohærentibus inter se, ut eodem motu
potius tota massa, quam una sola movea-
tur, sed si considero illud corpus nihil in-
venio, quam partes, quæ constituunt ejus
naturam, & cohæsionem inter illas partes.
Nam idea cohæsionis est distincta ab Idea
naturæ, ergo vis est quædam, quæ facit
naturam cohærere, nunc nesciens, quænam
illa vis sit, dico quod quædam sit præter
naturam & cohæsionem, & voco vim illam
attractricem; ergo i motus est gravita-
tis in omnibus corporibus naturæ, hoc est
ixus tendendi versus centrum telluris, a-
lia forsitan corpora versus alias plagas trahunt;
nunc dicit Newtonas omnia trahunt versus
solem nempe Planetæ, stellæ fixæ forsitan
habent alia sua universa, & trahunt aliorū,
tum est motus localis, hoc est mo-
tus, qui datur ab altero corpore alicui corpori,
quo ex uno spatio in aliud fertur. Vel 3 motus

in natura excitatur, inde quia corpus approquinquans alteri habet in se vires, ut illud moveat, illæ vires dicuntur Electrices & vires Attractices, sed fateor me nihil dicere & tantum Phænomena, quæ contingunt enunciare, non verò causam, sed nemo hactenus perscrutari causam voluit, jam peracta sunt, quæcunque possunt cogitari circa fundamenta mutationum, postquam nunc tyro Medicus hæc novit; sequentia debet aggredi.

C A P U T V.

Mechanica.

§. 59. *Mechanica est supputatio quantitatis motus, qui datur vel demitur per causas propositas (59) uni corpori ab alio corpore.* Hæc est optima, quæ potest dar hujus artis definitio. Mechanica dico est supputatio &c: nihil enim est aliud, quam calculus, & designatio quantitatis illius motus, qui per gravitatem & motum localem, & vires attractrices conciliatur un corpori ab alio, nam motus localis est tantum transmutatio totius & unius partis quiescente altera, & partium inter se; hinc si corpus mutatur, semper aliquem motum amittens absentem recipit, & pondus in-

vertitur; hinc semper amittit & recipit quantitatem motus, nam si quieta maneret moles, & ejus pars non mutaretur; hinc propriè mutatio est, & imminutio hujus & alia directio motus & receptio motus. Ars nunc quæ docet quomodo hoc fiat, & quid inde fiat, dicitur Mechanica apud Mathematicos. Hanc etiam artem necessariam esse Medico nemo non videt.

Prima Pars Mechanices.

§. 60. Facultas præsens corpori & illi inhærens ad motum dandum & auferendum alteri dicitur ejus corporis vis. Magna est quæstio inter Philosophos de viribus corporum, quod sint inter se, & dico vis in aliquo corpore est tantum facultas seu potentia illi corpori inhærens, quâ valet motum dare & motum auferre alteri corpori & nihil præterea.

§. 61. Est ergò omnis illa & resistens & impetum faciens, vim resistentem vocat magnus *Newtonus* vim inertiarum, & alteram vim impetus. Vis enim quid est; est tantum motum posse dare & minuere & aliter dirigere. Ut Newtonianam elegantem hanc sententiam intelligamus, sic res concipienda est, sit v: g: massa marmoris decem pedum cubicorum ea-
que sit v: g: ex filo pendula illa quiescat
per-

perpendiculariter ad horizontem, detur jam per alteram massam unius pedis cadentem in eam motus, quod in attracta habetur massa decem pedum quiescens & massa unius pedis mota in ipso impacta sunt una massa undecim pedum, & jam moventur simultanquam una massa, sed tanto minus jam movetur celeritate illa massa, quam moles nunc conjuncta major erit, ergo liquet, quod ex resistentia decem partium pedum cubicorum minuitur motus massæ unius pedis, quia distribuitur per decem illos pedes motus ille ex massa unius pedis communicatus, illa massa pedis unius tantum amittit ac communicat, quod clarum est, ergo causa resistens hoc est tantum movet ac movetur sive quantum movetur, tantum labefactatur alia massa mota, quia suum motum debet distribuere per partes resistentes: hoc bene est concipiendum, nam si vellemus corpus decem pedum movere, oporteret habere vim, quæ posset decem partes virtutis amittere; & tamen aliquid servare, si enim non amittit de sua quantitate motus, non movebit resistens, quia omnis mutatio est tantum variatio quantitatis motus; ergo in ea causa, quæ aliam mutat est vis & resistens & impetum faciens, & resistens semper æquè mutat impellentem, ac impellens mutat resistens,

tem, tum æquè mutat ac mutatur.

Actio & reactio, hoc est actio & passio, seu impetus & inertia æqualiter agunt, si enim quid frangat ovum, non est tantum impetus suæ manus, qui hoc facit, sed erat resistentia ejus ovi, quæ etiam agit, nam si non habuisset resistentiam, non fuisset attractum, non fuisset motum, ergò non fuisset fractum, sed si debeat recipere motum, debet resistere, sed si recipiat motum, ergò amittit tantum sui motus illa causa, quæ dat motum, alias non frangitur ovum, nam si ovum liberè hæreret in aëre, & tamen manu premeres, non frangeretur, sed pelleretur ante manum, sic si velles ovum v: g: ad parietem frangere licet ovum nihil agat, tanta tamen vide te tollit, sed illud de te tollere vocamus actionem etiam in ovo seu potius vis & quædam vis inertiarum; ergò tantum mutatur omnis causa agens ac mutat: illa causa mutans quæcunque est semper motus seu impetus & inertia; ergò omnis vis corporea hoc est omnis potentia mutandi motum, quem prius aliud corpus habebat (nam illa tantum est vis) quod est duplex nempè & impetum faciens & resistens.

- *Impetus est tantum concutio motus;* ergò impetum facere, est motum communicare.

H

Re-

Recipere motum est resistere sive in sua substantia quantitatis motum accipere, quam impetum faciens habebat & dabat.

Jam dixi quantum unum corpus mutat, tantum illud mutatur ab eo quod mutat, & omnis illa mutatio motus, est tantum ratio & mutatio motus; ergo prius non aderat, & cum ille motus de nihilo non possit mutari; hinc tantum perit corpori facienti hoc est corpori quod mutat, quantum dederat, iac proinde actio & reactio sive mutationes acti-
væ & passivæ seu mutationes respectivæ sunt semper eadem iisdem in corporibus.

Jam Mechanica est illa scientia, quæ docet quantum possit communicari & demi in motu, ut motus inter duo corpora & augeatur & tollatur, mutetur: *Mechanica enim est tantum supputatio quantitatissimotus qui crescit & demitur alicui corpori;* Mechanicus enim, nunquam novum motum facit, ut vulgo creditur, minimè; Mechanici enim tantum motum creatum applicant corpori movendo, & tum corpus movens tantum exactè amittit, quantum motum corporis accipit, quod certè si non foret, ut motus communicaret alteri corpori, destrueretur totus motus in natura, & si nondemeretur alteri, cresceret motus in immensum; atqui hoc non sit, jam dico.

§. 62. Ut ergò relatio impetum facientis & relatio resistentis inveniri queant, ordine requiruntur sex tantum demonstranda.

1. Actio perfectè duri moti in perfectè durum quiescens hoc est primum quod debeo scire: pono duo corpora perfectè dura, explicui ante quid esset perfectè durum, pono unum perfectè resistere hoc est quiesceré, & alterum motu quodam impingere in illud quiescens, jam debeo scire ex mole & velocitate data istius impingentis, & ex mole data quiescentis, quid fiet post impactum.

2. Debeo scire actionem perfectè duri & moti in aliud perfectè durum, & motum in adverso directè, id est debeo scire quid fiet, quando duo corpora perfectè dura moventur motu opposito in unum idemque punctum in eadem linea motus existens.

3. Debeo cognoscere actionem perfectè duri moti in alterum perfectè durum motum præcedens in eadem linea, hoc est tertium scilicet unum corpus durum præcedit in eadem linea, alterum sequitur & assequitur illud, quod præcedebat; ergò velocius moveretur assequens quam præcedens; hinc debet sciri, quid fiet in contactu & post

contactum, ambo ponuntur perfectè dura.

4. Debeo cognoscere actionem perfectè duri moti in aliud perfectè durum quiescens obliquè impingentis; cognoscere, inquam, debeo quid fiet post impactum inter duo corpora, quorum unum quiescit, & alterum quod impingit in quiescens, obliquè in illud incidit, quid hoc est directè impingere, quid est verò obliquè impingere? dicuntur duo corpora directè impingere in se mutuo, quando linea quæ punctum contactus amborum conjungit, etiam transit directè per centrum utriusque, dum se mutuo contingunt; nam omne corpus habet centrum gravitatis, hoc est punctum quoddam in se; unde si suspenderetur, hæret in æquilibrio hoc est ab omni parte hujus puncti eadem quantitas massæ esset, si jam dicam linea quæ per centrum utriusque corporis transit, etiam transeat per punctum, ubi se mutuo contingunt, tum dicuntur directè impingere illa corpora, sed obliquè impingere dicuntur corpora, quando non per centrum gravitatis horum corporum, sed aliam quamcunque plagam horum transit illa linea, quæ puncta contactuum conjungit.

Jam facile inveniemus, quid fiet ex incursu, si ut præcedenti modo incurruunt

tum dico, facile invenimus mutationem illam vicissitudinariam, si linea recta simul centra gravitatis utriusque corporis transseat, sed si illa linea, quæ puncta contactus conjungit, non per centra gravitatis utriusque transit, tum non præcedit motus ille per lineam rectam, sed ad latus incidit unum in alterum; ergo 4. intelligendum est, si corpora in se mutuo obliquoruant motu, quid tum ab eo motu faciendum sit.

5. Debeo cognoscere actionem perfecti duri moti in aliud perfectè durum motum obliquè in eandem plagam. Jam inter ambo corpora est quoddam iter versus eandem plagam sed hac cum distinctione, quod unum præcedat, & alterum velocius motum, illud obliquè assequatur, & quod linea, quæ transit per centrum non transit per puncta contactuum, sed ad latera est; ergo quinta diversitas.

6. Debeo intelligere actionem perfectè duri moti in aliud perfectè durum motum obliquè in oppositum. Directè in eadem linea moventur corpora, quando linea, quæ per centrum transit, etiam parallelos est huic linea rectæ, in qua moventur, & quando puncta contactuum conjungit, tum corpora in eadem linea moyentur. Verum

si unum corpus huc versus, alterum huc versus fertur, & tamen incurruunt in quodam puncto in se mutuo, tum non occurruunt per lineam rectam sed obliquè; hinc qui novit mathematico calculo supputare, mutationes motuum, quæ ab his sex pendent, potest ille omnes leges motuum in perfectè duris explicare; nam alias non contingit in perfectè duris.

Proposui jam negotium sequenti Methodo hoc addiscendi.

§. 63. Si quis hæc sex proposita (62) brevissimè & clarissimè intelligere vult, evolvat sequentes Auctores. & Joannem Wallisium in tractatu de percussione in 4. Londini 1670, pag: 660. agit de percussione, & ante de Mechanicis, ille hanc rem ad finem usque optimè deduxit.

β. Vel in Philosophicis Londini anno 43, sive in transactionibus Philosophicis londinensis ibi hæc invenientur, sed sunt tantum conclusiones, non verò demonstrationes à priore.

Sed si non facilè affequi eos libros quis valeat ea quoque reperiuntur apud Joannem Keilium in introductione ad veram Physicam ex fundamētis deducta. quamvis laus omnis Wallico debetur, qui nihil omittit, sed ut summus Mathematicus a primis ad ultima usque prosecutus est. Jam igitur has

habemus auxilia addiscendæ primæ partis Mechanics, & hæc omnia apud dictos Authores inveniuntur. Jam videamus quomodo res se habeant inter elastica.

Secunda pars Mechanics.

§. 64. Deinde verò hæc sex eadem leges & proprietates demonstrandæ & inveniendæ sunt in corporibus perfectè elasticis.
 i. Mechanics pars considerat leges motus quæ in perfectè duris obtinent, de hisce jam egimus. 2 pars considerat leges motuum in perfectè elasticis, ibique rursus occurunt illæ sex eadem proprietates. Addenda etiam sunt semper ea quæ in § 62 dicta sunt; nunc actio cognosci debet corporis perfectè elastici moti &c; & sanè tum habebuntur omnia demonstrata, quæ omnia sunt eadem. error fuit summus in magnis etiam viris partim *Cartesio*, qui candidè exposuit leges motus inter corpora elastica, ita ut ab ipsis suis sequacibus hac in re desertus tandem fuerit.

Videbat quidem motum in perfectè duris sed videbat tamen aliquid inde sequi, quod nesciret inde producendum; hinc conclusit motum non destruere, sed tantum unum motum aliter dirigere alterum

motum elastica corpora suum motum semper
restituunt, hoc ignorabat quia omnia ut perfe-
ctè dura considerabat; hinc tantus error ei fuit;
primùm paulis que advertendus est, si sint cor-
pora perfectè dura, & concurrant in hoc puncto
& æqualis fuerint magnitudinis & velocitatis,
perfectè quiescent in hoc punto: *Carte-
sius* dicit, retrosilient eodem motu, sed
cur hoc dixit? quia vidit in natura quidem
quædam corpora post impactum re-
cedere eadem quantitate motus, quo acces-
serant, sed distributa vicissim, cum hoc
viderat, noluit explicare per Mechanicam
& non novit elastica corpora; hinc dixit,
motus motui non opponitur sed directio
directioni; quod non est verum, nam duo
sint corpora æqualis magnitudinis & ve-
locitatis, ambo dura occurunt sibi mutuo
in hoc puncto, illud jam premitur; hinc
per quantitatem motus æqualem quantitati
motus hujus, & hocce illud reprimit per
eandem quantitatcm motus huc versus; er-
gò illud corpus premitur per duas poten-
tias æquales: an non ergò debet quiesce-
re? hoc clarum est; idem nunc fit in alte-
ro corpore; ergò ambo quiescunt, hoc in-
tellexisset *Cartesius* si corpora elastica no-
visset, verum si sint duo elastica corpora,
tum se comprimit & per vim suam se

res

restituunt, & tum repellunt se a se mutuo, tum resiliationis causa non est in motu, quo occurrebant, sed in eo, quo se restituunt; ergo hæ regulæ sunt omnino diversæ in elasticis à regulis datis in duris; hinc has leges ex dictis Philosophis deducere quis nequit, nihil omnino; prius enim eas in duris tum in elasticis differentiam videre debet.

§. 65. Has etiam leges (nempe inter elasticas) denuo invenere & docuerunt maximi viri, & quod maximè mirabile est: tres diversi tribus diversis modis eodem tempore idem conclusere. Hi tres fuere (ex illis quibus societas regia Londinensis eam demandavit provinciam anno 1662 nempe inquirere leges mutationum in collisis corporibus) *Christianus Hugenius*, *Christophorus Wren eques auratus*, tum professor *Nobilissimus Johannes Wallius*. Et cum omnes sedulo ad hoc negotium attendissent, invenere hasce leges per pendula, hoc est sumpserunt corpora æqualis gravitatis, & magnitudinis & ab æqualibus filis suspenderunt & tum cum per corporum ascensum & descensum in circulo gradus notabant, longitudinem ascensus & descensus advertere potuerunt, & sic omnem corporum in se mutuo noverunt notum, tum annotavere exactè per exper-

riimenta, quænam mutationes ex incursu corporum contingebant, tandem singuli inventa sua, chartis, sigillo occlusis tradidere, quas societas diu non aperuit; quum tandem nihil scirent de conclusione horum Virorum, invenerit apertis chartis in societate congregata, quod observata & conclusiones erant eadem. De hisce conclusionibus legantur transactiones Philosophicæ ad eundem numerum 43, verum ibi tantum sunt conclusiones non demonstrationes, sed demonstrationes sui inventi dedit *Wallisius* in codem tractatu jam laudato pag: 686. nec melius addisci potest illa scientia quam apud Clarissimum illum Virum.

Hæc eadem etiam possint inveneri apud *Hugenium* in tractatu suo de motu corporum ex percussu, qui tractatus habetur in operibus ejus posthumis editis apud *Boutestein* Lugduni Batavorum 1703. cum *Wallisius* sua experimenta per pendula sumpserat, *Hugenius* ut suum inventum magis admirabile redderet per Scapham, in qua homo erat constitutus, & alteram, in qua nemo erat, sua experimenta cepit, licet credam ipsum suum negotium etiam debere pendulis, verum si quis velit videre quomodo *Clarissimus Christophorus Wren* sua invenerit quam

quamvis ipse non ita ediderit, videte etiam Keilium pag: 159 libri illius jam laudati seu introductionis ad veram Physicam operum suorum Philosophorum.

Ex iis Aucttoribus hæc omnia facillimè dignoscuntur apud Wallisium: præpositis hisce, nunc secunda pars Mechanica habetur cognita.

Mechanica enim est supputatio motus, qui datur vel demitur uni corpori ab alio seu moto seu quiescente, in hac supputatione inveniendam habemus primam quæstionem in perfectè duris corporibus; in se cunda parte egimus de corporibus elasticis; tertia nunc pars Mechanics sequitur.

Tertia pars Mechanics.

§. 66. Hæc (a 59 ad 65.) edocitus gravium corporum leges in perfectè duris & in perfectè elasticis addiscat.

Si quis velit brevissimè & clarissimè hæc cognoscere, videat Galilæum in tractatu ejus de moto locali ex gravitate orto; est sane profundissimæ subtilitatis, in 4. Lugduni Batavorum & alibi etiam editus, ut Piss ibi fundamenta dat de motu locali, & primus certè juvit omnes Mathematicos, ut omnes leges motuum partim in gravibus invenire possint. Le-

Legat etiam *Alphonsum Borellum*, discipulum *Galilai*, saltem & ejus discipulum *Torricelli*, apud eum enim habentur reclusa omnia *Galilai* arcana; tractatus est de vi percussione, nam *Galileus* dum scripsit de percussione tractatum mirabilem, sumpsit biancem & ab utraque parte imposuit v: g: uncias decem, si jam uncia una plus imponeatur unilanci, tum alteram elevabat, verum si caderet illa uncia in lancem, tum plus elevabatur lanx; si vero duplo altius caderet, illa uncia duplo plus elevabat oppositam lancem, & tantum elevabat, ac si tanto plus imponeretur, & sic voluit incrementum motus invenire, sed in eo aliquid mirabile invenit, de quo adhuc moriens amicis suis conquerebatur, quod non potuerat intelligere, quare cadens uncia adhuc plus elevarentur unciae decem appositae, quam si tantum imposuisset lanci, sed *Borellus* demonstrat, quod illud inhærens nihil agat, sed quod cadit plus agat, quia quies est absoluta in gravi quiescente, nam grave dum quiescit nullum habet motum, sed dum descendit, habet motum quendam realem, & hinc plus virtutis habet hoc jam in tractatu *Borelli* supra laudato de vi percussione invenitur explicatum, quo certè libro ullus Medicus carere non potest. Legat supra eadem re etiam

Johannem Wallisum in ejus *Mechanica* pag:
33: ubi explicata sunt inventa Galilæi. Dis-
cere hæc etiam potest apud Keilium pag:
263.

Quarta Pars Mechanices.

§. 67. Post hæc discendum est, quid va-
leat figura corporis (seu Instrumenti) mo-
tum communicantis in aliud, cui motus
communicatur. Consideremus ibi quidnam
faciat corporis figura, dum suum motum
communicat alteri, de hoc tam multa scrip-
ta sunt, sed possum uno momento in uno &
altero casu explicare. Sit corpus cubicum Tab. 3.
A, illud movetur juxta lineam, AB, & Fig. 4.
impingit in obicem resistentem CBD, pon-
atur hoc corpus habere vim determinatam,
hoc est motum quemdam determinatum, si
nota est moles hujus corporis v: g: libra una
& nota sit ejus velocitas, erit vis ejus cog-
nita, ponatis esse cognitum, quod jam in
ipso contactu fiet; hærebat hocce corpus
A, hicce loci (in A) verum post motum
jam hæret in B; ergo impinget totum cor-
pus suo latere integro in partem obicis
æqualem magnam ac est suum latus; ergo
omnibus partibus sui lateris attinget eum o-
bicem, & tota ejus vis per omnia illa pun-

cta

&ta distributa communicabit obici.

Tab. 3.

Fig. 5.

Verum ponamus illud corpus jam transmutari in hanc figuram A , eamque lineam AB , esse lineam directionis , & ponamus illud corpus ex figura cubi jam in Conum mutata in mole & ridigitate manere idem ; massa ejus habebit eandem copiam virium ; nam si velocitas hoc est spatium percussum eodem tempore eadem maneat , pondus corporis est idem ; ergo est eadem quantitas materiae , & idem motus ; Jam impingatur in obicem CD illud corpus A , hærebit nunc hic loci in B ; ergo tantum impinget uno puncto in obicem , hoc est tota quantitas motus in unum punctum obicis incidet , quia unum punctum corporis tantum attingit obicem ; ergo jam quod i . distributur in tot infinitis punctis , jam tantum per unum punctum distribuitur , quia tota quantitas motus seu virtutis hujus corporis , tantum unum punctum resistens invenit , tantumque per unum punctum attingit obicem ; hinc tanto plus jam debent moveri illud unum punctum obicis ; hoc est instrumentum erit hocce tanto plus aptum ad divisionem obicis , quanto hoc corpus fig : 5. minoribus punctis suum motum communicat , quam hoc fig : 4. pluribus communicat . Hinc fundamentum hoc Mechanicum totum intelligitur , si præcise

quæ habeo eandem rigiditatem, molem & velocitatem corporis, sed figura mutetur, ita ut per unicum punctum omnem suum motum corpori communicet, tum omnium maximè poterit mutare, sed illa figura corporis, quæ motum suum per plura puncta communicat, erit minus apta, quia ejus vis distribitur per plura puncta resistentis; hinc facit tanto minorem vim in singulis partibus.

Hæc demonstratio nunc necessaria est in actionibus solidorum, & fluidorum, quia fluida sæpe constant ex ejusmodi partibus; retinendum est ergo in memoria, quod figura mutet collisionem motus, non etiam majorem motum facit, ut vulgus putat; nam putant vulgo, quod hujusmodi telum (ac fig: 5. tab: 3.) plus aptum sit ad motum excitandum, neutquam; nam si hoc mutaretur in laminam ferream, haberet adhuc totam suam massam, sed tum pluribus punctis corporis communicaret suum motum in id, in quod impingeret, sed si iterum illa lamina in acum mutaretur, tum in unum punctum tantum posset incidere tota sua mole & velocitate, quod punctum in quod incidit, tum tantum accipit motus ut debebat recedere à reliquis.

Qui nunc vult ea ex altero inquirere quamvis non ex hoc fundamento inveniet in

tracta-

tractatu de Mechanica pag: 572 apud Wal-
lisum præprimis, ubi agit de Cuneis & telis.
De Hisce quoque videre poterit apud Car-
tesium in tractatu suo de la Mechanique su-
pra his bene ratiocinantem. Videre quo-
que potest de hisce apud omnes ferè Au-
thores ubi agit de Cuneo. Ab solvi jam
quartam partem Mechanics; verum quin-
ta nunc agit de Fluidis, quibus absolutis
tum pervinimus ad Physicam. Absolvi-
mus expositionem eorum, quæ Medicus
ex partibus Matheseos cognitu necessaria
habet, ut omnium perfectissimè suum ab-
solvat studium, ita ut ultimò viderimus
quid ex Mechanica strictè dicta scire de-
beat; ea nempe, quæ explicant propriè
quomodo motus communicatur alicui cor-
pori ab alio, & quomodo unum corpus
alteri demat, jam consideramus hoc in flu-
idis, de solidis propriè dictis hactenus tan-
tum egimus.

Quinta Pars Mechanics

Hydrostatica.

§. 68. Peractis hisce studiis & absolu-
tis restat adhuc discenda illa Matheseos pars,
quæ considerans generales omnium fluidorum
proprietas, hydrostatica vocatur. *Flui-*

Fluidum vocatur illa omnis corporum congeries, cuius partes insensibiles, & nullo & facile mutando nexus inter se cohærent. seu vocatur massa corporea constans ex partibus visum & sensum fugientibus, facile solvendo, nulloque ferè nexus inter se cohærentibus.

Illæ etiam partes sunt iterum una corpora, nam illa pars, quæ vix cohæret alteri est unum corpus; ergo quæ de uno corpore ante dicta sunt ratione solidorum, vera etiam sunt in iis corporibus, quæ fluida constituant, adeoque ea generalia præmissa hic iterum locum habent.

Verum 2. quod spectatur in iis quatenus componant fluidum, considero pretium, molem, variam figuram & cohæsionem inter se, & ab hisce tribus diversis pendet omnis varietas fluidorum. α nam unum fluidum habet partes maiores altero. β & unum fluidum habet partes alio modo figuratas quam alterum, γ . fluidum unum habet partes majori vel minori nexus cohærentes quam alterum; ergo hæ tres varietates faciunt variare fluida, & hinc omnia varia fluidorum genera; hinc nempe fluidum tenui, cujus partes minimæ & vix cohærentes sunt; ergo fluidum viscosum, cujus partes majori nexus cohærent, quam in alio fluido & sic porro.

Hoc posito videmus, quod Mathemati-
ci posuere in fluidis nihil aliud certe quam
proprietas, quae communes sunt omni-
bus, non ut se habent in aqua, & in oleo,
sed tantum communes sunt in omni-
bus, quænam ergo sunt? Hydro-
statici hoc considerare voluerunt, quod
foret si conciperentur fluida 1. con-
stare partibus quibusdam 2. tam lubri-
cis supra se mutuo, ut fluere possent, &
3. eas partes graves esse, & ex his tribus
deduxere, quomodo massa corporea ex iis
constans re vera se haberet, hæc est hydro-
statica.

Hæc etiam pars, quam necessaria sit non
tantum Physico, sed etiam Medico nemo
non videt; nam omnes ferè mutationes
Physicæ fluidorum ope contingunt, vi-
deamus enim incrementum animalium, Plan-
tarum, Vegetabilium, mineraliumque & nu-
trimentum eorum, Hæc omnia fiunt ope
fluidi, omnia per Aquam, per aërem, &
per sales solutos (quæ omnia sunt corpora
fluida) mutantur.

§. 69. Ut addiscat quis partem hanc
quem optimè legendi sunt hi Authores.
1. Antiquissimus Archimedes in tractatu
suo de his, quæ humidis insident, hunc

titulum ferè dedit. 2. *Illum tractatum Archimedis emendavit, & ante obscurum; elucidatum jam optimè edidit, Isaacus Borrؤ celebris Geometer Anglus. Londini 1675.*

3. Scripsit de hac parte pariter quam optimè. *Stevinus professor olim Matheseos extraordinarius in Academia Lugduno-Batava & præsertim in hoc tractatu quem edidit, van de Water-wigten, reperitur in ejus operibus, quæ constant tribus voluminibus in folio titulo de hyponeumatibus Mathematicis.*

4. De his scripsit optimè, qui solus Medico Tyroni sufficere potest *Johannes Wallius pag. 708. sue Mechanices editæ anno 1670. titulo de hydrostacis in 4.*

5. Consideravit etiam hanc partem egregiè in multis, quamvis eam non tractavit ex professo *Johannes Alphonsus Borellus in nunquam satis laudato tractatu de vi Percussionis, qui liber est editus Bononiae, que verò editio quam carissima est, & difficile acquiritur, editus est quoque Lugduni Batavorum apud van der Aa, qui satis acquiri potest.*

6. In hanc partem experimenta contulit *Robert Boyleus in tractatu illo non satis lau-*

132 *Methodus discendi*
dando de experimentis hydrostaticis Paradoxis.
Si reliquos habere quis non potest, modò
habeat, *Wallisium Borellum & Boyleum*, ex il-
lis egregiis viris intra paucos certè dies,
rem hanc satis intelligere poterit, & sic
habebit tum oportunitatem intelligendi reli-
quos scriptores Neotericos adeoque post
quam præcedens studium absolverit, tum
hoc studium aggrediatur, præsertim apud
Wallisium, & sine magistro hoc addisere
poterit.

Sexta Pars Mechanica.

Hydraulica.

§. 70. Pertractata hacce parte (§. 68.
69.) restat ut indaget motuum leges, quas
fluida in hydrostatica nota, per vasa &c:
canales. Elastica & non elastica figuræ cu-
juscunque motu & contenta agant & pa-
tiantur. Hæc pars, quæ hoc explicat vo-
catur *hydraulica* à vocibus græcis ὕδωρ aqua
& αὐλὴ fistula hinc ὕδατιν est illa pars
Matheseos, quæ explicat, & demonstrat mo-
tuum leges quæ observantur à corporibus flu-
idis per fistulas motis, seu vasa fint, seu ca-
nales, sive etiam canales sint elastici, ut ar-

teria, sive non elastici, ut canales ex plumbo, & etiam dico prout figuræ variæ sunt, unde iterum motus variare certè quam maximè potest; Hinc Medicus iterum nosse debet, quæ leges à natura hisce corporibus datæ fuerunt, dum per vasa & canales moventur, & in iis hærent, quod, inquam, faciant hisce, & quod patiantur ab illis. Si ulla Matheseos pars Medico scitu est necessaria, est Hydraulic, nam quidquid Medicus explicat de corpore humano, est tantum hydraulicè semper, sive enim digestionem sive circulationem, sive secretiōnem, excretionem quamcunque, explicet est tantum hydraulicè explicare hoc est explicare motum fluidi moti per canales motas. Sed Medico hæc scientia non est addiscenda? antequam sciat Hydrostaticam, id est solam corporum fluidorum naturam uti & Mechanicam, quæ docet, quid faciat corpus incurrens v: g: in parietem & obicem resistentem, quid in eum agat, & quid ab eo patiatur, & tum tandem hydraulicam potest addiscere; nam canalis latera sunt obices, & fluidum motum massa corporum mota. Hydraulicam ut addiscat, debet 1. scire hydrostaticam, quæ etiam continet Mechanicam, tum 2. Inclinationem fluidi in vasa, quæ

duo dum scit, jam potest cognoscere & determinare tale fluidum ita incurrens in latera hujusmodi vasis; ergò faciet & patietur tales reactiones. Hoc explicare nunc est hydraulicam docere.

§. 71. & Antiquissimus *Hero de Spiritu-
libus peripneumaticis*, ita transulere de
spiritualibus interpretet, est liber antiquus græ-
cus, in quo Mathematica contemplatione na-
tura fontium explicatur; hinc quæ de aquæ
ductuum legibus desiderantur, & ad motum
liquidum per canales spectant, ibi continentur.
S legi potest in hac parte magnus *Torricellus
Galilæi* discipulus, & successor, qui dum de
tubo suo Torricelliano, hodie Barometro
dicto scribit plura de hydraulicis habet, ita
ut exinde tantum laudem meruerit.

γ. *Benedictus Castelli*, scriptor Italicus
Torricelli discipulus scripsit *tractatum in 4.
Italico Idiomate*, sed continet egregia, scripsit
etiam objectiones quasdam ad *Borellum*, sed
opusculum hocce seu *tractatum de motu a-
quarum rarissimus* est, explicat etiam ibi in-
genio Mathematico, & miranda certè accu-
ratione, quid patientur ripæ fluentorum,
quid partes, quid cataractæ ab aquis motis, &
hac occasione incomparabili studio explicat
& demonstrat, quid aqua decurrens ex alti-

tudine & in altum faciat & patiatur &c.
& multa alia in hydraulicis apprimè cognoscendis perutilia, ita ut iste liber pretiosissimus sit, & perutilissimus.

§. Verum hanc partem excoluit egregiè, per experimenta Clarissimus Abbas Mariotte, in tractatu in 8. dicto experimens hydrostatis, tractatus ille certè est optimus, & ibi multa explicat egregia, sed quæ non capi facile possunt à Mathesi imperitis, cæterum est liber non satis laudandus.

E. Borellus etiam in suo tractatu de repercussionis ubi habentur ea, quæ possunt optari,

Septima pars Mechanices.

§. 72. Ultimo denique, ex Mathematicis Medico prodest illa Scientia, quæ considerat solidi cogniti per fluidum cognitum moti actionem & retardationem: Hæc est illa nobilissima sed secretissima Mechanicæ pars, quæ ingenio humano patet: olim putabatur, quod absolvissent omne id, quod Mathematici in rebus Physicis possunt considerare, si novissent præcedens: verum postea considerarunt mox laudandi Philosophi, quod restaret id, ut explicaretur, quod si de-

tur solidum talis molis, talis figuræ, & detur illud moveri, non in abstracto ut reliqui Mathematici considerarunt, sed in pleno fluido, quid fieri? Si nempe noverim pondus, figuram, velocitatem hujus corporis, & nota sit resistentia, quid fieri in illud solidum per illud solidum.

Est pars necessaria maximè omnium, & quam solus ferè excusat illustrissimus *Isaacus Newtonus* partim in tertia parte principiorum suorum, ubi considerat, quid patiatur corpus, si moveatur per unum notum velocitatis gratum in quodam fluido, & tum demonstrat, quod certam inveniet resistentiam, si augeatur ejus velocitas in duplum, tum quadruplo plus resistentiæ patietur, & si in triplum augeatur ejus velocitas, quod tum in nocuplum plus resistentiæ sit occursum, & sic porro in ratione quadrata spe augeatur ejus resistentia in corpus in fluido quodam motum, & certè hinc deduxit ingeniosissimè quomodo fluida in solida, quæ per fluidum moventur, & solida iterum in ea fluida agunt quo ad omnes proprietates requisitas, sed unum fuisset sperandum, ut non tantum hicce liber à tribus seu quatuor hominibus in tota Europa, qui se huic negotio dedere, sed ab omnibus posset intelligi, sed sanè est liber secretissimus.

Pariter hanc partem excoluit nobilissimus *Christianus Hugenius*, qui etiam in tractatu de refractione, de lumine super hanc partem egregia habet.

Absolvimus primam partem studii Medici in qua si sic se exerceat Medicus, ut eo ordine addiscat illa, quæ proposuimus habebit se dispositum ut omnes Physicorum, Mechanicorum, Medicorum Scriptorum libros intelligens sua exinde deducat.

Quantum jam hocce propositum studium in Medicina valeat discimus exinde, quod quicquid Theoria Medica ratiocinans non experimenta in unum ducens boni habebat, illud debetur solis his viris *Borello*, *Malpighio*, *Bellino*, *Pitcarnio* aut aliquibus ex hisce, qui commentati sunt, & omne tantum, quod summi hi viri habuere, tantum hisce partibus exultis antequam ad Medicinam se accingerent; debuerunt; ergo Medici animus imbutus prius hisce principiis esse debet, antequam se studio medico accingat.

Convenit nunc nostrum consilium cùm consilio istius Viri, qui omni tempore summum & Principis nomen in Medicina meruit *Hippocratem* putà, qui in ea epistola quam ad suum filium *Thessalum* scribit, consilia dat addiscendae Medicinæ & monet serio,

138. *Methodus descendit &c.*

ut ante omnia Arithmeticam & Geometriam
probè addiscat, atque hæc duo tantum fa-
ciunt summam eorum, quæ hactenus dixi,
cum tantum Mechanica hisce binis innitatur,
adeoque consilio principis Medicinæ habe-
tur nostrum consilium confirmatum. Jam
verò habuimus primum προγυμνάσμα, stu-
diorum Medicorum.



D E

D E

METHODO DISCENDI

ARTEM MEDICAM

PARS SECUNDA.

Ea quæ ex Physicis Medico sunt cognoscenda Complectens.

C A P U T I.

Consilia Physica.

§. 1. **P**hysicæ est cognitio rerum corporearum in mundo adspectabili existentium. Hæc est illa pars quam omnes Veteres Philosophi vocaverunt Φυσικὴν, non quod jus habuerint eam sic separandi, nam *Metaphysica & Pneumatica* etiam agit de Naturalibus, verum jam nivaluit. Dico est cognito corporearum rerum

rum in aspectabili mundo , quia nolimus ut *Anaxagoras* disputare de aliis mundis , an den-
ter nec ne , agimus tantum de hisce , quæ
in mundo nobis cognita existunt . Hoc enim
pertinet ad Philosophum non Medicum .

§. 2. Acquiritur hæc (1) per observa-
tiones sensuum , per ratiocinia ex observa-
tis incognita deduentia ; habentur ergo in
tota Physica duæ partes ; una , quæ per
sensus observat omnia , quæ observari pos-
sunt ; altera quæ observata per sensus inda-
gando per ratiocinium ex iis deducit ea ,
quæ non per sensus patebant .

§. 3. Pars Physicæ ritè observans col-
lecta historia naturalis dicitur . *Historia e-
tiam naturalis est collectio ritè digesta omnium
eorum quæ in rebus corporeis sunt , intelligo in
animalibus , Vegetabilibus , Mineralibus ,
Astris , Meteoris &c : omne enim illud quod
observat & describit Physica pertinet ad hi-
storiam naturalem , quæ 1. pars Physics
est historia naturalis , & qui eam describit ,
dicitur historicus .*

§. 4. Hæc (3) tantum describit (dabo
enim limites historiæ naturalis) omnes actio-
nes quæ exercentur inter corpora , quatenus
sensuum externorum ope accuratè ob-
servari , & notari possunt in omni circum-
stantia ; nulla enim conditio est omittenda .

§. 5. Al-

§. 5. Altera Physicæ pars, quam disce-
re debet Medicus ex observatis prius notis
(erga 4) per illa, quæ jam vidimus in præ-
cedenti §. 72. primæ partis, deducit ea,
quæ sensibus externis detegi non possunt,
& tamen in ipsis rebus naturalibus obti-
nent. Norunt omnes quod sensus nostri
tantum apti sint ad detegenda quædam
Phænomena: verum quod præterea in ip-
sis rebus corporeis fortè infinites plura sint
quæ sensibus assequi non valemus; hinc
quæritur quænam sit secunda Physicæ pars?
Hæc videtur in duo occupari, nempe ha-
bet primam partem pro suis datis, & dein-
de pro fundamento ratiocinii ea, quæ ex
Mathematica petuntur ad observata primæ
partis Physicæ, conducunt hæc ad scientiam
eorum, quæ in Physicis corporibus haben-
tur, & tamen sensibus nudis non apparent.
Istud clarè patet; α observando Phæno-
mena singula ab omni parte sua, β com-
parando singula inter se; γ . Applicando eis
leges ex Mathematica & Mechanica dedu-
cit alias proprietates prius tectas, hoccé di-
co absolvit secundam partem Hæc igitur
sunt partes quibus hoc acquiritur. Dico. 1.
examinanda sunt Phænomena (4) tum 2.
Singula comparanda sunt cum aliis & sic
omnia inter se, ut videat Physicus, quid
com-

commune; quid diversi inter se habeant.

3. Pars condendæ Physicæ est, ut leges Mechanicæ explicentur his (i. 2.) & comparans illa cum iis vicissim videat quomodo jam ex iis, ut causa plurima egregia effluant.

An hæc non est verà Methodus condendæ Physicæ & hæc ultima pars jam æqualis est & ita certa ac prima; nam cum tantum ex datis certis quædam deducat; hinc non deducit quam ista, quæ iis insunt & quæ non patebant sensibus. Hæc est etiam totius Physicæ Scenographia id est quomodo Physicus gerere se debeat, ut acquirat veram corporearum rerum cognitionem. Restat nunc ut in hanc rem dentur quædam consilia.

C A P U T II.

Consilia in Physicam experimentalem.

§. 6. UT prima pars (§. 4.) descripta (nempe historia naturalis accurate discatur) legi meretur Aristoteles in omnibus suis libellis, quos descripsit de historia rerum naturalium, ille Magnus Philosophus, qui plus scivit, quam recentiores volunt, & minus quam olim ei imputa-

tarunt, hic enim præditus liberalitate *Alexandri Magni* in varia loca terræ transferens naturalia exquisitè indagavit, & cum omnibus eruditis ubique locutus est, scripsit & collexit illos libros, ubi est historia naturalis de generatione animalium, de natura animalium, de Meteoris, & similia multa, quæ quo ad historiam naturalem legi merentur; nam ingentem observationum copiam suppeditant. Deinde inter antiquos legi meretur *Plinius Major*, qui unicus est ex tota antiquitate, unde scire possumus, quid tota antiquitas habuit in observationibus; hinc non est aspernandus, quamvis fabulas multas contineat, nam habet quicquid veteres in rebus naturalibus scivere, de animalibus, Vegetabilibus, eorumque natura, de Meteoris, Astronomia, Botanica, Medicina, Chemia &c: & quicquid ferè potest cogitari, habet, non quod ipse observaverit hæc omnia, sed ut ipse fatetur, omnia observata ex omnibus Authoribus magna cum sedulitate, non ratiocinia dando collegit.

Hi etiam bini Authores (*Aristoteles* neme & *Plinius Major*) cum cautione admodum legendi sunt, habent enim multas fabulas & nugas, sed tamen plurima bona apud eos reperiuntur, & dabo unum indici-

cium, quod etiam vera habeant, est illud
v: g: quod *Plinius* plurimas plantas optimè
jam notas melius & exactius describat, quam
ullus Botanicus ante eum fecerat, quod cer-
tè designat veritatem Physicam in ejus li-
bris contineri, quod etiam plurimas fabu-
las habeat, hoc certè tantum illius tempo-
ris genio adscribendum est, quod ut no-
vimus, fabulis delectabatur. Qui commen-
tari in eos voluerint, eos commendare noi-
audeo, nam inter eos, qui ut Physici ic-
fecere, non novi certè qui illud efficer-
valuerint, sunt enim quos novimus certi
viri minoris eruditionis, Arabes enim illi
& Scholastici qui commentati sunt, certi
non digni sunt ut legantur, sufficit ut præ-
monitorium *Aristotelis* videamus, & illo
commentatores non admittamus, nam v-
g: *Salmasius* nullatenus potuit unquam a
liquid boni facere, cum Philosophus totu-
non erat, præstat ergò legere *Aristotelis* &
Plinii, opera sola absque commentariis, *Pli-*
nii etiam optima editio est illa quam nobis
communicavit Dominus *Daleschamp* Medi-
cinæ Professor.

Hi sunt etiam Authores Antiqui, qu-
i inservire possunt, & qui ex tota antiqui-
tate usque ad saeculum decimum sextum his-
toriæ naturalis studio supplere possunt: Ve-
rum

rum nunc elucet decimum sextum sæculum, quod adeo excellit, ut omnibus antecedentibus antecelluerit, quod omne meretur nobis illo *Baconi Verulamio* de quo pauca jam dicam.

§. 7. Hærebat certè totus orbis litteraturæ immersus tantum nugis Peripateticis & superstitionibus non dico *Aristotelis* sed commentatorum ejus, partim scholasticis, qui totam Physicam reddiderunt Logicam ratiocinantes nempe de rebus non intellectis unquam. Jam illo decimo sexto sæculo assurrexere Chemici qui vilipensis nugis experimenta induxerunt; hincque occasionem dedere magno illo *Baconi Verulamio*, Cancellario & Sigilli Britanniae custodi qui tum surrexit elapso sæculo, & adhuc vivit sub regno Elisabethæ, qui sanè unus meruit hanc laudem, ut de uno hoc descendendo plus perfectum sit in promovendo scientiam corporum naturalium, quam ab omnibus præcedentibus & subsequentibus; Edita sunt ejus opera in folio anno 1665. francofurti ad manum, quæ optima est editio, nam ibi omnia collecta habentur exceptis epistolis nonnullis Anglis ad politicam spectantibus, dividuntur ejus opera in duas partes. 1. In Moralia, Ethica, Politica, 2. Altera pars dicitur mera Phi-

losophica & Physica, & in ea sine ulla præsuppositione cujusque sectæ, & judicii simpliciter narrat ea, quæ in rebus corporeis contingunt, & quæ ad unum caput reduci possunt, hæc egregiè reduxit Methodo accuratissima & dicit *juxta methodum meam hæc Phenomena convenient in eo & nullum deviat ab hoc*; ergò videtur hujus rei esse causa hacce, si quis velit exemplum, legat tantum tractatum de ventis, & si velit distinctum tractatum, videat illum de calore & igne, & videbit, quod in nullo Authore unquam legerit cum majori jucunditate & satisfactione, ita ut magnus ille Vir non tantum reliquis Britannicis, sed & Europæ maximis Viris antecellat, quicquid Cartesius, si quid boni habuit, hoc unicè isti debet & melior Author haberi non potest, licet ejus nomen ab imperitis adeo supprimatur.

§. 8. Magnum hunc Virum excepto fato quodam *Robertus Boyleanus* pariter Britannus, ille totius angliae decus succedens in locum *Baconis Verulamii* ejus præcepta adeo asseditus est, ut in quo inchoaverat Verulamus perficere incepit, opera ejus omnia edita sunt genevæ tribus voluminibus anno 1714 in 4. At quænam ejus Boylei opera commendabo? certè omnia, nam
ig-

ignis, aeris, aquæ, animalium, Vetegabilium, fossilium secreta debemus illi, adeo ut ex ejus operibus totam Physicam deducere possimus, si quis enim velit v: g: de corpore humano legat ejus apparatus ad historiam sanguinis & sic porro. Opera ejus edita sunt sparsa prout tempus ferebat, & sparsim quoque impressa ut Oxoniæ & aliis locis & in actis Philosophorum sparsa quoque ex his reperiuntur, sed hoc tempore omnia collecta in *editione Germanica & Genevensi* habentur, sed translata sunt nonnulla, ut non bono sensu habeantur, nec intelligi possent nisi abeo, qui rerum probè peritus; hinc ejus opera sparsa plus laudanda, quam quæ in unum Volumen sunt congesta. Hi nunc sunt bini maximi Viri, quos legere & tractari quis debet, si in cognoscendis rebus naturalibus ingenium excolere & perficere velit, sed cum ubique non systematicè scripserit, hinc ex iis ei, quæ ad unum caput pertinent, colligenda, & in indicem quemdam reducenda sunt, hocque faciendo omnia statim quæsita inveniuntur.

§. 9. Hic compendio recitabo omnes reliquos Auctores in omni physicæ parte quam optimos qui præter *Verulanium & Boyleum* scripsere; & historiam enarrabo prout tem-

poris serie accidit. Quo tempore *Boyleus* incepérat edere quosdam libellos de Physicis, & tota Anglia esset excitata exemplo magni *Verulamii*; tum instituta est *Londini Societas*, quæ dicitur *Regia*, rebus naturalibus indagandis tantummodo dicata. Statim eodem tempore in Gallia, in Italia, & simul in Germania idem opus inchoatum & institutum est, ut nempè Doctorum Virorum institueretur Societas, qui summi Viri sub legibus communibus communicandis omnibus negotia sua ita dirigerent, ut summo candore non tantum invenire plura conarentur, sed & inventa sibi invicem comunicarent; in hunc finem sunt institutæ societates, non ad ratiocinandum, sed tantum ad colligenda experimenta. Tum omnium primo Galli in libello illo dicto *Journal des Scavans seu Ephemerides seu Diaria eruditorum*, (ut quidam vocarunt) incepere *Parisiis* an. 1665 edere hunc libellum, & continuarunt hoc opus usque in hunc diem edendo singulis mensibus parvum libellum, in quo omnia non solum singularia sed & privata experimenta & observata continebantur: in hoc opere habentur omnia, quæ scriptis cognita erant; hinc nunc tam magnum est opus ut plus quam centum constet voluminibus; habetur in hoc nul-

nullo omisso experimento, quidquid publici & privati libellis facti in Europa experimentum contigit; in hoc libello admista sunt & Theologia & Moralia multa; unde vastus quidem factus est, sed si alicujus industriâ eligeretur omne quod tantum ad Physicam, Chemicam & Medicam pertinent, optimum posset colligi opus; verum tam vastum opus commendare ut legatur durum certè est, hoc tamen boni est, quod in singulis illis libellis index rerum habebatur, adeoque si quis velit per indicem sic colligere, quod in iis ad se spectat, tum consultum & aptum indicem habebit, requirit hoc aliquid laboris, sed incredibile est quantum juvat, si scribere, publicè legere, & aliosqus docere debeamus; habebimus enim sic omnia ultimis hisce temporibus observata; est unicum opus, quod tam cito incepit, & tamdiu duravit. Statim allegabo egregios præprimis viros, qui inter cæteros in illis continentur libellis.

Inceperunt eodem tempore Britanni publicè libellis communicare orbi litterato ea, quæ in suis colloquis recitassent, quæ omnia cum essent instituta ad leges *Verulamii*, ibi egregium emersit opus, nam ibi Duces & præpotentes erant optimi Mathematici, ut *Newtonus*, *Wallisius*, deinde sum-

mi Anatomici Britannici, qui & omnes
incitati mutuâ æmulatione ad experimenta
plurima egregia inventa communicarunt,
non ratiocinando, sed narrando simplici-
ter; illud opus fuit editum titulo *Transactio-*
nūm Philosophicarum, conscriptum 1. à socie-
tate secretario Oldenburgi, incepitque hoc opus
an. 1665, & productum est usque ad 1708,
sed quod dolendum est, nunc subsistit,
edita adhuc habentur pluribus voluminibus
in 4. quædam opera eodem titulo sed lin-
guæ Anglicæ; primæ partes hujus operis à
Secretario hujus Societatis Oldenburgi in lin-
guam latinam translatæ impressæ sunt in
Germania Lipsiæ 1675. tribus volumini-
bus in 4. sed continet tantum paucos
annos, & si opus esset complectum, iam
multo plura essent volumina: verum reli-
qui Secretarii in linguam latinam non tran-
stulere, at quid bonum est, Galli in suis
dictis Diariis excerpere semper quicquid
optimum erat in actis Philosophicis Londinen-
sibus; Vasta quidem sunt illa volumina
transactionum Philosophicarum, sed etiam
plurima parvi momenti ibi continentur,
Clarissimus ille Medicus Lowthorp compen-
dium fecit omnium aëtorum, & sic ille
yastissimum opus ad compendium reduxit
stylo tam claro & puro, ut specimen dede-
rit,

rit, quomodo quis scribere debebat, hujus operis sunt tria volumina lingua Anglicā conscripta, sed non sperandum est, ut unquam in latinam possint converti, nisi Author ipse illud succeperit negotium, nam certè est opus hujusmodi, ut qui hoc aggredi vellet, ille deberet i accurate scire omnes scientias, & 2. accurate idioma linguae Britannicæ intelligere; hoc opus est secundæ basis veræ Philosophiæ & in illis operibus inveniuntur plus ferè quam centum egregii Viri inventa. Postea anno 1667. Florentiæ in Etruria editus est liber in folio titulo Italico hocce, *Sazzi di naturale Experience fatta di ella Academia di Simento* Hoc est narratio experimentorum naturallium captorum in Academia Clementina, adeoque binis annis postquam societas Britannica incepit edere sua inventa, incepserunt itidem in Italia hocce dicto libro, est liber Regio impresso typo ex Academia Clementina, quam Magnus Dux *Hetruscus* impensis providens, magnos Viros ibi tantum huic negotio dicatos advocaverat, & ita eos sua præsentia excitavit, ut præsens omnibus experimentis fuerit, habentur in illo libro egregia sanè experimenta recitata de igne, de aëre &c. verum Italico sermone, sed quod bonum est adhuc in

Diariis Gallorum modo laudatis habentur
plura egregia excerpta, ipse autem liber ra-
rissimus est.

Tum anno 1668 in Italia iterum est
editum opus quoddam titulo *Giornali de Lite-*
rati per Abbatem Bazarum conscriptum,
bonus ille Philosophus tradit nobis in illo
tractatu, quæ apud alios non habentur, nem-
pe egregia experimenta in Italia capta à ma-
ximis illis Viris.

Anno deinde 1670. instituta est *societas*
Germanica adscitis ex tota ferè Europa
omnium scientiarum Viris eruditis sub cer-
*tis legibus titulo *Academico Leopoldinæ &**

Academia naturæ Curiosorum, incepit edere
etiam sua inventa & communicata anno
1670 ex tota Europa ab omnibus suis Pro-
fessoribus publicis, & privatis ad Medici-
nam & Physicam pertinentibus collecta,
illi viri omni mense scripsere *Lipiam*, ubi
tum edita sunt illa collecta *titulo Miscela-*
neorum Curiosorum; inceperunt ergo
anno 1670, & continuarunt; usque ad an-
num 1708 quando desierunt; in illis con-
tinentur, quam multa egregia, quæ nulli
bi alibi prostant: verum etiam plura fabu-
losa & vana, sed hoc evitari non potuit,
quia à tot Viris & in tam diversis locis
conscripta & collecta fuerunt; oporteret igi-

tur; ut quis bona collecta feligeret, optimum certè haberet opus, nam illo opere carere quis Medicus vix potest.

Jam etiam versamur in eo ut ordine recensemus optimos Authores, qui in Physicis scripsere historiam naturalem, hoc est ipsa solummodo experimenta; sive arte instituta notatis eventibus seu etiam à rerum natura facta & observata tantum; de hisce incepimus enumerare magnifica illa opera à Societate integrè collecta & facta summa accuratione notatis experimentis & summa fide narratis.

Itaque post *Miscelanea Curiosa*, de quibus mox dictum est emersit *historia Academiæ Parisiensis conscripta & edita per Joannem Babitastam du Hamel* liber est in 4. incepit ab anno 1665 disinit in annum 1698, pulchrior liber hocce, vix invenietur; eo certè nemo carere potest, & editus est lingua latina sed debet haberi ultima editio, nam prima editio caret plurimis inventis subsequentium annorum, quamvis alioquin sit bona, continet hic liber omnia inventa egregiorum virorum Academiæ Parisiensis, quæ dicitur *l' Academie Royale des Sciences*, quæ à toto litteratorum orbe nota in maximo habetur pretio; habentur in hoc opere omnia ad Physicam necessaria

ria ferè experimenta tradita, & stylo egre-
gio conscripta; adeo ut nemo hoc libro
carere possit, & omnino debeat possideri
ab his, qui Chemicis & Medicis arcanis
incumbere student. *Acta* nunc sequuntur
Lipsiensia, quæ anno 1682 inchoata fuere
& *Lipse* quotannis volumen in 4. editur,
aliquando in plures tomos distribuitur, in
quo opere certè illi viri pluribus palmam
præripiere, singulis Mensibus compendium
edidere præcipuarum rerum, quæ continen-
tur in singulis libris nec hoc tantum, sed
continet hoc opus experimenta observationes-
que hactenus ineditas, sed quas commu-
nicarunt hic viri illi in tota Europa, cum
quibus commercium litterarum habent, adeo
ut quod in Astronomia, Medica & Physi-
ca in tota Europa notatu dignissima quo-
tidie observatur, in hoc opere contineatur,
continuantur in hunc usque diem, omni
nempe mense quaternion edunt, & quo-
tannis conficitur inde liber in quarto, non
est *Acta Eruditorum*. Prodiit postea liber
quidem quem admirari omnes, qui rebus
preiūm imponere valent, debuerunt, cum
sit omnium ultimus editus. Scilicet *his-*
toria Academie Regiae Scientiarum. Me-
moire de l'Academie Royale des Sciences, li-
ber incomparabilis, quo nullum unquam
plus

plus profuit scientiis institutum, omnes enim, norunt qui litterarium vel primum salutarunt limen Ludovicum XIV Galliæ Regem undequaque collegisse eximios quoque Viros ad componendam suam istam Academiam; tales fuerunt & quidam adhuc sunt, *Hugenius*, *Reinerus*, *Cassini*, *de la hire* & hujusmodi præterea *Iсаac Newtonus*, & uno verbo omnes mundi litterati sydera, in qua societate lex sancita est, ut ad finem singuli anni, ederetur libellus in quarto, ubi nihil nisi à societate bene, examinatum & observatum contineretur, & sic ab iis comprobatum in lucem ederetur, incepit anno 1696. editus est Parisiis in quarto, sed in Batavia haberi potest in octavo, in his etiam voluminibus habetur quicquid ad Astronomiam, Astrologiam, Physicam, quamcunque partem Medicinæ, quam cunque partem Matheſeos & Mechanices spectat, adeo ut quæ ad perfectum Medicinæ studium requiruntur, hic inveniantur, ita ut fatear ex nullo opere me unquam plus rebus meis adjumentum intulisse, quam per illum libellum; Ubi jam huncce librum quis possidebit additum prioribus, habebit Bibliothecam Physicam egregiam, nec aliis indigebit Authoribus. Habet jam Tyro Medicus & Physicus aliquod schema,
quod

quod laudabit in toto suo studio, cum
inde sciat, quid boni sit, eo ut noscat e-
ligere Authores veros, qui illum non in
errores & tricas industrias scholasticas, sed
scitu necessaria tantum proponent, nam le-
gere omnes Authores indiscriminatim est
tantum discere cognitionem multorum ho-
minum; hinc æquè falsa ac vera discere
possimus, & diu judicare non potest ty-
ro, an verum aut falsum discat, unde &
tantum hoc inde videt, tandem plures o-
piniones falsas esse iterum rejiciendas quam
veritates acquisitas retinendas; nam Physici
quidam hoc modo ex suo capto scribentes
paulo post ab aliis eversi fuerunt, & sic
semper cum illis deberemus sententias mu-
tare; Isti verò Authores jam allegati du-
rabunt & prostabunt in æternum, quamdiu
scilicet orbis litteratorum supererit. Sed
præter hos nunc sunt Authores, qui enim
philosophando in singulis partibus Physi-
ces scripsere v: g: *Ulysses Aldrovandus* mag-
nus scriptor Italicus, cuius opera *multis*
voluminibus in folio constant, vir ditissimus
ille omnia, quæ habuit impendit ut tantum
scriberet hoc opus, non tantum, ut alii
Authores quibus indigebant plurima experi-
menta, & qui ex Musæo aliquando non exi-
erant, sed quibus indigebat experimentis hæc
in-

instituit, & itinera instituendo & emendo
ubique rarissima & carissima collegit; unde
tandem confecit thesaurum & Musæum,
ubi egregia illa omnia asservaret, quod ad-
huc hodie Bononiæ est, descripsit magnus
ille vir (qui tandem ob immensa impensa
pauper mortuus est) historiam, naturalem
volatilium, & animalium repentium, herba-
rum omnium, omniaque ferè, quæ descrip-
sit specimine vivo in thesauro suo haberi
curavit, quod certè egregium quidem est,
& quorsum hodie adhuc Principes Italiæ
quotannis curiosa mittunt, est majoris
impensi hic liber ut ematur, & ut
fateamur, etiam multas fabulas continens
nimis liberalis est in citatione Authorum,
unde plura quæ non vidi æquè ac vera
etiam allegavit, cæterum egregia certè plu-
rima Physica continet.

Sequitur *Conradus Gesnerus*, qui monstrum
est eruditionis; Tigurinus ille excellentissi-
mus Vir in scientia omnium linguarum,
Medicinæ, Botanicæ, & animalium fuit
sanè incomparabilis, ita ut videatur natura
constituisse prodigium in eo homine, scrip-
sit de omnibus animalibus, de piscibus, de
plantis &c. non descripsit ex aliis, sed ip-
se quæ expertus est nobis tradit: verum
quod maximè mirum, dum tanta absolvit
fe-

fecit unus tanta & plura experimenta quam omnes alii simul, & tandem expositurus virtute in Radicis Doronici ut sopiret lites Italicos, in semet-ipsum cepit experimentum, & ipsi letale, fuit, nam funestus exitus ejus vim delectoriam in ea radice, de qua disputaretur, demonstravit; ejus opera ubi possunt acquiri emantur, habebitur certè ex iis; unde lucrum fiet in studiis, nam quo plus increscit studium inter mortales, eo plus increscit viri istius fama, fabulas omnes eruditissimè expunxit & vera & utilia exposuit, Prostant ejus opera multis Voluminibus in folio.

Ad scientias etiam provocandas multum fecit *Andreas Cæsalpinus*, medicus à corpore Pontificis maximi, Vir fuit in Naturalibus peritissimus, docent hoc satis ejus opera Botanica, quæ ededit suppresso ejus nomine *Magnus Morisonus*, ille primus fuit, qui dignoscendas plantas ex fructificatione distinxit, primus inventor fuit circulationis sanguinis sed non evulgavit, nec eo usque penetravit uti *Harvæus*, egregia etiam scripsit de re Metallica, quicunque ejus opera acquire possunt, emantur nam optima sunt.

Succedit *Marinus Mercennus Pater dictus ex Minimis* (qui est ordò Monachorum) hic librum conscripsit in quarto duobus

voluminibus titulo de experimentis Mechanicis Hydrostaticis & perfectè congregessit luculenter experimenta, adeo ut qui novit quod liber ille contineat, auro cariorem habebit, nam quod pro novo apud Authores sæpe traditur, apud eum reperitur, & Vir natus erat hujus ingenii, ut omnes eruditos coleret, hinc commercium litterarum cum iis alebat, & in omnibus laudabat quod agebant; hinc solebat bellum inter eos suscitare, ut si noverat duos Mathematicos laudabat sententiam unius & alterius, adeoque uterque ipsi scribere solebant argumenta, quibus suam tuebantur sententiam. atque sententiam alteram destruebant, sicque offendis animis extricabat ex iis, quod veri erat, hocque statim in collectionibus suis annotabat. Jam absolvi præcipuos & principes Authores, qui historiam naturalem experimentis tantum constantem locupletaverunt, nam apud eos data quæcunque pro ratiocinio in Physica acquiri poterunt, dico Principes nam si omnes quis habet, nihil videbit apud alios; quin melius apud hosce inveniatur, itaque si bibliothecam comparare velit, emat potius hos, nam si alios emerit & tantum consulerit nunquam perfectè addiscere Physicam valebit. Jam datur consilium utendis his authoribus, nam omnes sparsim scripsierunt & aliud

aliud fieri non potuit; omnes enim, qui experimenta tantum scribunt, semper ita in ea ponunt prout ad manus veniunt, & impossibile est ut aliter faciant, nam qui vitam impendit in colligendis experimentis, non vacat inde sistema statim construere, hinc brevi oblivioni tradi solet talis homo, verum dictis Authoribus hoc sequenti modo uti possumus.

§. 10. Ex hisce Authoribus omnibus (1) colligenda experimenta (2) revocanda ad suos titulos (3) ordinanda in suas classes & (4) retinenda sunt pro historia naturali. Hæc quatuor debent fieri, si quis in hisce legendis Authoribus proficere velit & ita quondam fecicum hos legerem Authors calamo in manu in indice horum Auctorum quæcunque ad unam rem spectabant, hæcque sparsis circum circa foliis in iis chartis suo loco annotabam, habebam enim undique folia sparsa, singula suo titulo notata, ut v: g: in uno scribebam omnia, quæ inveniebam de aqua, in altero, cui titulus erat de aëre, omnia, quæ inveniebam de aëre, & sic porro; tumque deinde ordinabam hæc, & hac ratione, omnia experimenta colliguntur & revocantur ad suos titulos omnia, quæ in indice ad naturam v: g: aëris spectant, quæ ad

gra-

gravitatem pertinent &c. ad sua loca revocanda sunt, & sic omnia reducuntur ad classes adeo ut aliquid habeat auro non vendibile, qui sibi talem indicem construxit, hoc etiam tam facilè fit ac quod libri legantur, nam dum legis v: g: historiam naturalem & parata habes folia titulis suis ut v: g: aër & B & C notata, in singulis annotatur, quod de ea littera invenitur, & deinde ad singulares titulos omnia revocanda sunt, prius cum colligo, non ordine hoc facio, sed cum omnia collegi, tum ea ordino, quomodo etiam sive ad quænam capita hæc revocanda sunt, hic indicabo.

Dividitur illa Physica experimentalis quantum ad Medicinam spectat 1. in Astronomiam, 2. in Elementalem, 3. in Chemicam, 4. in Qualitatem omnium corporum. Sic divido totum opus, dico quod ex indice horum Auctorum quatuor generalia capita in nostro indice constitui debent, & sic in meum usum tria volumina confeci in folio, quæ dividuntur in quatuor partes, & quicquid in mutatione Physica in meis experimentis deprehendo ex Sole & Luna &c. hoc revoco ad astronomiam, dicetur quid facit Astronomia ad Medicum hoc docent qui hodie scripsere & demon-

stravere actiones astrorum in nostra corpora, non dico de *Cardano*, qui omnino nungax est in hisce, non de *Helmontio*, sed de iis, qui demonstraverunt imperium Solis & Lunæ in corpora humana. β. ad Elementa Physica revoco omne quod ad ignem, aquam, aërem, & terram spectat γ. ad Chemicam statim dicam, quod spectet ea δ. ad qualitatem corporum revoco omnia, quæ sensu percipiuntur, ut colores, odores, sapores & de omnibus sensibilibus qualitatibus

CAPUT TERTIUM

C O N C I L I A

In Physicam Ratiocinatricem.

§. II. ALtera pars Physices, quæ nempe ratiocinatur ex prioribus, habuit & suos Authores; Jam ante dixi quod tota Physica constat duabus partibus, una colligit experimenta, hanc absolvimus; & dedimus consilia eam acquirendi, altera utitur ratiocinio in illo experimento fundato, tumque deducit quædam, quæ &

ex priori parte cognosci neutiquam poterant. Hæc etiam ut à nobis addiscatur, eget prudentissimo consilio, etenim hæc est ubi longè errare possumus, vel incidere in hujusmodi homines, qui nos in errores ducunt facilius, quam in præcedenti parte, nam raro errant in colligendis experimentis, sed sæpè turpiter errant à vero ratiocinio; quinam ergo hi sunt, qui verè commendari possunt in hac parte; sanè diutius hæsi quosnam eligerem, antequam supputarem eos, qui in hoc consilio tradendi sunt, en hæc est quæstio, quisnam verâ fide in Physicis ratiocinat, ita ut veri Duces eligendi sunt;

1. Quicquid *Georgius Galileus* scripsit ad Physicam spectans, omnia illa bona sunt, nam quid veteres ratiocinati sunt in Physicis sanè illud nullius est momenti, ille vero primus ratiocinari, & rigore Mathematico egregia deducere incepit, quæ omnia certè examen sustinere possunt.

2. Ejus Discipulus Nobilissimus *Torricellius* in hac parte etiam primum tenet locum, hic secutus suum præceptorem etiam ratiocinatur exactè ut Mathematicus sed opera ejus rara sunt.

3. *Benedictus Castellus* qui in tractatu a-

quarum jam commendatus fuit, egregius est *Physicus*, & nihil ex hypothesi, sed tantum ex experimentis concludit.

4. *Johannes Alphonsus Borellus* hic etiam egregie scripsit, sed tamen hoc dolendum est in eo quod nimis *Chemicis speculacionibus* indulserit.

5. *Laurentius Bellini*, qui exempla dedit certa, quomodo ex datis *Physicis* possimus ratiocinari.

6. *Mariotte in tractatu Essays de Physique.*

7. *Peraultius (perault) in tractatu itidem Essays de Physique*, & in omnibus etiam suis tractatibus.

8. Meretur & hic laudem primam *Clarithissimus des Amontons Regiae societatis parisinae* socius egregiis suis inventis quæ reperiuntur in libello dicto, *Memoires de l'Academie des Sciences*.

9. *De la Hire* famosus itidem in suis operibus.

10. *Magnus Hugenius* in omnibus tractatibus, quos edidit, ut *de motu*, *de Pendulis*, *de Horologiis*, quod opus nunquam sanè peribit, quamdiu mortales scientias sequuntur, sic etiam *de ludo*, & *calculis inventiendis in ludis*, pariter *de luce*, *de gravitate &c.*

11. Verum qui in hac parte primum funda-

damentum jecit & Princeps haberi debet, est *Isaacus Newtonus*, qui unus tantum hic potest ac omnes mortales simul, hoc docent ejus *Elementa Philosophiae Mathematica*, si etiam quis velit ejusdem viri videre experimenta incomparabilia in historia naturali, & si etiam ratiocinia egregia desideret, videat ejus *tractatum de Luce sive Opticam* ejus primo Anglicè conscriptam deinde in linguam latinam translatam, in quo opere dum prius videbam illud, studui ideo, quia nunquam apud veteres hujusmodi videram, & apud omnes Philosophos nullas leges conscribendi tales, neque ita castigata omnia ratiocinia ad Mathematicam vidi, & nul- libi severius ex ipsis experimentis ratiocinia deducta adverti, adeo ut semper futurum sit optimum omnium exemplar, quod haberi possit.

Dixi ergò jam quibus opus habebat Medicus ex Mathematicis & quibus ex Physicis, at verò quibus ex Chemicis indigeat illud docendum venit.

Vidimus porrò Physicam constare binis diversis partibus nempe 1. observatione & annotatione eorum, quæ sensibus in corporibus possunt deprehendi, deinde, 2. erga veri & severi ratiocinii leges, è prio-

ribus deducendo ea, quæ ex sensibus deduci non poslunt, sed tamen æquè vera ac præcedentia sunt, in prima parte, includitur Chemia, & etiam adjuvat, hinc aggredior nunc illud consilium.



D E

METHODO
DISCENDÆ
ARTIS MEDICÆ.

PARS TERTIA.

Agens

De hisce, quæ ex Chemicis co-
gnoscere debet Medicus.

C A P U T I.

Confilia Chemica.

§. 1. **C**hemia Methodum exhibet
rerum corporearum indagan-
darum tam in Physicis quam
in ipsa Medicina. Hæc etiam est ratio,
cur à Physicis ad Chemica transire debeat

Tyro Medicus, quia nempe Chemia exhibet Methodum, quâ Physicus & Medicus experimenta addiscere possunt, sciunt enim omnes, quod nihil aliud sit *Chemia*, quam corporum sensibilium conjunctio & separatio per quosdam motus excitatos, qui præsentim diriguntur per ignem, & 2. suppeditat hominibus modum, ea corpora, quæ examinat detegendi, & deinde exhibet motus, qui ex separatione & compositione horum corporum observantur. Cum etiam tota Physica tantum observatio motuum & mutationum sit, nemo dubitat, quin hæc scientia Chemica maximum sit adminuculum ad hoc, ut discat corpora singularia, eorumque vires ac facultates. Didicit enim Medicus corporum naturam ex Mathematica, deducit observationes ex rerum natura, deinde ratiocinatus est ex his, verum hic habere debet artem quandam, quâ compondere, composita sejungere, movere quiescentia, ad quietem mota reducere possit, tum semper Medico est animadvertisendum, quod sequatur, hōcque modo cognoscere poterit plurima in corporibus, quæ alias certè non cognosceret.

Dico nunc in hac paragrapho quod *Chemia* æquè faciat ad *Physicum* quam ad *Medium* nam *Chemia* omnia examinat, & in-

quirit, & nullum discrimen facit sive plantas, sive animalia, sive mineralia tractet, habet ubique easdem operationes & instrumenta, quibus tentat ea cognoscere.

§. 2. Chemia indagat maximè singulares corporum indoles, unde pendent præcipuæ actiones. Hoc dico de Chemia, nam indagat & detegit hujusmodi corporum proprietates; ergò nisi per experimenta hæc Chemica præparentur, cognosci non possunt, dicet quis forsan, quid Chemia ergò tantum facit! hoc nimirum facit, Mathematici nullam ideam corporum potuerunt dare nisi generalissimam, quæsivere enim tantum, quid hoc sit illud quod vocatur corpus, demonstraverunt ejus quidem attributa, sed tantum communia, sed non quid in hoc corpore sit, quod hoc corpus faciat esse illud corpus, sed tantum quod in genere facit corpus, hoc est quænam in genere corporibus communia sunt.

Verum Physicus hæc illaque singularia corpora observat; & hinc utitur Chemia; illa enim maximè hoc facit, quod non generalia modò observet, sed perscrutetur indolem corporum singularem; nam corpora, quæ in natura operantur, sunt natura diversa inter se & agunt per illud,

quod singulare habent, non per illud, quo generale & commune iis est, hoc jam debet scire Medicus, quod illud singulare in quocunque corpore sit, per quod edat actionem diversam ab alio: v: g: scio corpus esse grave, mobile, & illud applicetur jam corpori, habet actionem communem omnibus corporibus ex duobus illis attributis: jam arsenicum applicetur corpori, illud corrodet, illa prima scientia nihil juvare poterit, ut intelligam, quare hoc faciat; nam ex Mathematica non patet quare non æquè Arsenico ac nive uti liceat; verum Chemia in eo invenit per sua experimenta vim deletriam corpori inesse huic arsenico, hoc voco singularem naturam corporum cognoscere, hoc nunquam per generalia corporum attributa cognoscere possum.

Illa ergò scientia, quæ naturam singularem; unde actio singularis corporum pendet, explicat, utilissima est totius Physices & Chemia vocatur; nam v: g: quomodò quis sciret in rerum natura esse tale principium motus, ut se ita asscient corpora conjuncta sine causâ externâ, ut nunquam iterum disjungi ullâ arte possint; quis, inquam, hoc unquam scivisset à priori, hoc ex principiis Mathematicis & Mechanicis nunquam deduceremus; sed à posteriore docet

cet Chemia talia esse; nemo enim non scit, quod duo corpora simul mixta ita se associent operationibus Chemicis, ut separari nequeant, & unum tertium corpus conflent: verum hoc nosci non potest, nisi per singulares duorum horum corporum proprietates, non etiam per communes seu generales corporum id est hoc non potest dignosci nisi per Chemiam; etenim naturam aquæ, oleorum, spirituum, salium, terræ &c. sola ferè Chemia detegit, atque hæc cognoscere quanti sit omnes norunt, quia sunt principalia, quæ ingrediuntur in corpus humanum, & unde actiones nostræ omnes pendent, sed nulla ars alia hoc docet.

§. 3. Describit 2. Chemia modum quo possunt excitari actiones corporeæ, quas exercere vult & Philosophus & Medicus; ponit. Medicus vult in stomacho excitare motum, quo liquida ingestæ vult à se mutuo separari, quæ partes à se mutuo & circumiacentibus partibus stimulentur, nisi chemicus sit, hanc actionem novisse non potest. Et aceti destillati unciam unam, spiritus salis ammoniaci dragmas quinque, M. bibat 1. dragmam unam, deinde alteram, sicque sursum deorsumque omnia movebuntur & effervescent, si talis motus exigetur, id solum novit Chemicus & aceti det-

tillat, communis unciam unam seu alteram, addat cretam, idem fiet, rursus ponamus, quod Physici velint uno momento excitare ignem seu tonum & olei caryophilorum dragmam unam, & duplum salis nitri rectificati, excitabitur ignis citissime, sed sine chemiæ cognitione hoc nullo modo facere poterit.

Est ergo usus Chemicus ingens docens nempe quomodo excitari possint quidam motus, & actiones, quas ars imperat, in quibus sola certè aliquid præstare poterit, quod exemplis confirmare necessè non est, cum omnes norint Medicos remedia composita adhibere in curatione morborum, quorum ope sanantur ægri; Physici verò, si experimenta rerum naturalium velint facere, etiam Chemicis uti operationibus, & mixtis corporibus.

§. 4. Indagat Chemia per experimenta naturam ipsam, & vires vel actiones nostrorum alimentorum, potulentorum nostrorum humorum, medendorum, venerorum, vix imitabili aliis artibus auxilio.

Novit Physicus, quod ad naturam corporum dicitur cognosci, quando figura, pondus, soliditas, rigiditas, porositas explicantur: verum illud omne imprimis facit Chemia, dum tentat hæc corpora mutare, immu-

mutabilia reddere, mutata examinare &c. de-
inde quomodò tentamus indigare in corpo-
ribus? illud nempe fiet, si hæc corpora mu-
tata & separata miscentur iterum, hoc opti-
mè facit Chemia post singulam applicationem
corporum separatorum, mutatorum ad se in-
vicem, sic Chemia perscrutatur ferè omnia
in natura; v: g: si quis velit scire quibus par-
tibus constet panis, id faciet per operationes
Chemicas, & sic etiam nostri humores non
melius noscuntur, non quod dicat Chemia
ex quibus partes eo actu constent, sed dicit
v: g: panis erat hoc & sanguis est hoc; er-
gò cum panis exempli gratia habet
hanc naturam & illas actiones, jam in san-
guine habet inde hanc naturam, & has actio-
nes. Idem de omnibus Phænomenis cum ad
Physicam tum ad Medicinam pertinentibus
agit Chemia, quod licet exemplis ostendere
necessè non esset, quia satis intelliguntur, tamen
hoc addam, si scirem datum fuisse mercuri-
um sublimatum, rogo omnes medicos, quid
dandum in hoc casu sepositâ chemiâ, che-
micus dicit mercurium sublimatum estaci-
dum, quod corrodit viscera, ergò dicit su-
me salis tartari dragmas quinque in libra una
aquæ, & detur ægro bibendum, hocque
assumpto fiet ipso momento pulvis subflavus
& minia oritur, & ex aqua mercurius solus præ-
cis-

cipitabitur, nam alcalia hæc acidum corrosivum involvunt, si arsenicum datum esset, tali quoque ratiocinio noscet, quâ arte esset demendum.

§. 5. Ut ergo tam nobilem & necessariam atque utilem artem, breviter atque integrè addiscat in suos usus Medicus, debent 1. doceri Chemiæ generalia, quæ nempè absolvuntur per tractatione Instrumentorum objecti atque operationum ipsarum, harumque productis.

§. 6. Has etiam petractationes docuere candidissimè (nempe ea ; quæ de Instrumentis) causis, objectis, productis agunt, sequentes Auctores.

1. *Nicolaus le Febure*, edito opere Parisiis 2. vol. in 12. repetita impressione Lugdini Batavorum 2 vol. in 12.

2. Descripsit eadem optimè *Clarissimus l'Emery pater*, recuso multoties opere, emenda etiam est ultima editio, vir enim ille quotannis edidit novum librum, & sic ultima editio plura habet observata, quibus carent aliæ, editio ultima est *Lugduni Batavorum* 1716. bona tamen est etiam *Lugduni Batavorum* 1697, quamvis inscribatur *Parisiis*, est tamen *Lugduni Batavorum*.

3. Liber etiam est editus a *Christophorus Morley* (Doctore Britannico) in quarto,

to, cuius titulus est, *Collectanea Chemica Leidenia Macfiana, Marcgraviana, & le Mortiana*, in quo libro etiam quæ ad hanc rem pertinent, habentur nonnulla, editus est, *Lugdini Batavorum in 4.* postea *Amstelodami in 8.* per *Muyckens*.

4. Pariter satisfecit huic parti Chemicæ *Elementa Conradi Barkhausen*, *libro in 4.* *Lugdini Batavorum editus an. 1717.* apud *Haak*, hi authores sufficiunt pro primo fundamento.

§. 7. Ubi ex his Auctoribus operatio-nes addidicit Medicus, tum ei legendi sunt hi Auctores, qui per experimenta hanc ar-tem illustravere, hoc est debet videre illos viros, qui omnem partem Medicinæ & Physicæ per egregia experimenta decoran-tes continuò nova addiderunt. 1. Eminet Princeps omnium *Robertus Boyleanus* jam lau-datus, idque in omnibus suis operibus, & plus facit solus, quam omnes alii, ex hoc opere collecta sunt chemica Londini lin-gua Anglica & dicitur *Chemia contracta*.

2. Præter hunc est *Kunckel*, Chemicus famigeratissimus, & omnium fortè laborio-sissimus, & mirificus in experimentis, ille multum auri impendit ad arcana possiden-da in Chemia, verum hoc dolendum, quod tantum quarebat lapidem Philosophorum, fuit

fuit ille Chemicus sustentatus a serenissimo
Rege Borussiae, & ab ejus patre Frederico
ejus opera sunt dignissima, ut habeantur
sive habemus ejus opera in Antonii Neri
artem fornicariam & Vitriariam: sive ha-
beamus ejus *Experimenta Chemica*, optimi
sunt omnia, fuit vir semper laboriosus, u-
bique commercia habens, itinera varia in-
stituit, & candidè omnia nota revelavit
si non semper inhiasset confiendo lapi-
di Philosophorum, potuisset prodeesse orbis
litterato, supra omnes & forsan ipsum
Boylæum antecelluisset, sed nimis huic Al-
chemiæ deditus erat.

5. Sequitur *Nehemi Greuw*, qui & hoc
referri meretur, in omnibus suis, uti sunt
ejus opera *Botanica in folio seu ejus mundus*,
ubi pulchra experimenta inveniuntur:
sive ejus *Anatomia Plantarum*, qui liber la-
tinè editus est à *Boylæo*.

6. Tum ut Princeps omnium Chemicorum
habetur *Hombergius* vir egregius, ver-
satissimus, & accuratissimus, qui liberalita-
te *Ludovici XIV* instructus pulcherrima in-
stituens experimenta candidissimè scripsit;
ejus opera sparsim inveniuntur in libris il-
lis dictis *Memoire de l' Academie des Scien-
ces*.

7. Huc quoque refertur *Goefroy*, Pro-
fes-

fessor Regis Parisiis ejus opera in dictis
libris *Memoires &c.* reperiuntur.

Nevius de arte vitriaria etiam le-
gi meretur, tum in Anglia etiam habetur
Georgius Starkey, & reliqui etiam, qui in
actis *Philosophorum* inveniuntur, sed eos non
citabo, quia tam breviter scripsere sed tan-
tum ex illis actis excerpere oportet. Illi
sunt præcipui inter Chemicos, qui ita in-
stituerunt experimenta, ut dirigerent ea ad
certum scopum.

Potest addi *Otho Tachenius*, quo ad ex-
perimenta, sed non valet in Theoria. Ex-
pendimus jam una simul quâ ratione 1.
Chemia addiscenda esset scilicet Artificia
operationes dictas) nobis sunt systematicè ad-
liscenda, hâc occasione indicavi Authores,
inde hæc petere possimus. Dixi 2 cum
hoc absolutum esset Medico tyroni hos
Auctores esse evolvendos, qui non sys-
tematicè scripsere; sed qui per illas operationes à
prioribus Auctoribus perceptas & demon-
stratas corpora examinarunt tam pro Phy-
ica quam Medicina; est enim impossibile
os Auctores intelligere, nisi prius perci-
piamus præcedentes; nemo enim Boyleum
intelliget, ubi de sanguine agit, si non ar-
tifica Chemica intelligat, nam nescimus
quid velit, ubi experimenta Chemica citat,

si quomodo experimenta illa fiant ignoramus.

§. 8. Post secundas primorum Auctorum classes evolutas tunc ordo jubet, ut illi consuluntur Auctores, qui ita scripsere in Chemia, ut partem aliquam Medicinæ emendarent, quantum Chemia permetteret.

Hæc est tertia Classis, inquam, quæ digero pro construenda Bibliotheca Auctorum Chemicorum, Primi operationes, instrumenta & objecta describunt; Secundi experimenta pulchra invenerunt; Tertii ita in Chemia operati sunt, ut scopus ; fuerit quan- dam certam Medecinæ emendare partem, quantum pér Chemiam fieri potest; v: g: *Boylæus* scripsit de experimentis in genere, sed etiam de sanguine singulariter, quo ad primam respicit classem Auctorum qui experimeta tradiderunt, sed quatenus singulis agit de sanguine, eatenus pertinet ad hanc classem. Tales etiam ad hanc classem pertinentes egregii memorandi sunt, & ita recensēbo juxta diversas Medicinæ partes.

De Sanguine.

1. Inter Auctores, qui de Sanguine Chemicè tractarunt, eminent primo Illustrissimus *Boylæus* in libello, cui titulus est,

apparatus ad naturalem sanguinis humani,
ac spiritus praeципue ejusdem liquoris historiam;
Liber est Londini editus in 8. anno 1684. sed
ita latet ubique in Bibliothecis; ut venalis
haberi non possit: verum anno 1685 etiam
Genevæ est editus cum appendice suo, ubi
plura egregia iti illo tractatu Nobilissimus
Auctor proponit; primo Mechanice, hy-
drostaticè, Physice, examinat sanguinem;
deinde per Chemicas operationes; secundo
inquirit, quid continet ille liquor, & quo-
modò in qualibet parte se habeat, & quid
partes separatae sint, & quid conjunctæ ite-
rum præsent; non novi in Républica
scientiarum aliquod libellum plus contine-
re; nam certè non tantum examinat singu-
las partes, sed quod quælibet pars agat;
definit; hoc non modo, sed Nobilis Auctor
iterum partes separat, hasque conjunctas,
rursus componit, unde demonstrat sangu-
inem non constare illis partibus, in quas
Chemia illum resolvit, adeoque non opera-
ri per principia Chymica, nam ex admisis
prius separatis partibus non sit sanguis: &
tamen definit plus quam ullus quo usque il-
la experientia seu principia possint inservi-
re, hic libellus optimus est inter illos, qui
sanguinem Chymice non Medicè examinant,
ubi quaeritur, quales partes habeat serosas, &

rubras globulosas &c. ad quod examen hoc opus *Boylai* est tantum unum adminiculum.

2. Pertinet huc *Hieronimi Barbette*, tractatus de sanguine ejusque sero; libellus est in 12. editus Francosurti anno 1667.

3. Legendus est super hanc rem *Johannes Baptista Helmontius*, ubique in suis operibus, quibus multis in locis per Chemiam plura sanguinis principia inventa detexit, quantum novi primus est Auctor, qui observavit insignem illam sanguinis humani proprietatem, dum dicit sales in vegetabilibus igne combusti, concreto sulphure fixi fiunt, eadem etiam salia in officina humana sic mutantur, ut fiant volatilia & quidem in hunc gradum, ut per calorem ex corpore perspirent, est illa egregia observatio, quâ in historia sanguinis pulchrior non datur: dum nempe v: g: triticum comburitur sal ejus jungitur sulphuri, id est igni & cum eo crescit; itaque fit fixum secundum sententiam *Helmontii*: verum hoc istius plantæ sal actione vasorum & liquidorum reducitur ad eam volatilitatem, ut perspirando insensibiliter per cutim sponte absque fæcibus exhalat. Commendandi itidem hic sunt *Othonis Tachenii tres tractatus*, primus est *Hippocrates Chemicus*, alter tractatus cui illud idem

nomen quasi dedit, est propriè defensio ejusdem tractatus contra Zwelferum, semper hi tractatus una sunt compacti, tertius Morborum Princeps, ut vocat seu tractatus de Podagra. Hi tres tractatus sunt satis venales, saepiusque impressi lectuque dignissimi, fateor hoc habent, quod incautum lectorem facilè deducant in sententiam de alcali & acido: verum debemus Auctori ignoscere hunc errorem, nam nullus Auctor de sanguine, urina, calculo &c. secundum Analysim Chemicam fidelius scripsit quam ille; tractatus iste ultimus *de Regina Morborum* non est ita vulgaris, attamen omni studio inquirendus est, quia de salis volatile ex ægrotantium sanguine eductorum natura tractat ibique operationes multaque egregia habentur.

5. Scripsit Joannes Laurentius Bauschius, Germanus, tractatum de Lapide hematite, & de ætate Lapide Aquilino dicto, quod ita accelerabat partus difficiles, in illo tractatu præmisit tractatum seu Proœmium Hemato-Traumatologicum, hoc est de sanguine dissertatio admissis experimentis plurimis, liber est in 8. editus Lipsiæ 1665. cum figuris.

6. Clarissimus Vieussens edidit librum sat magnum, de sanguinis humani natura, ubi voluit demonstrare, sanguinem etiam habere tantum acidi in se; in quo deceptum
M 3 suis-

fuisse Auctorem omnes Chemici hodie norunt, sed tamen ea occasione experimentis plurimis ad trutinam & stateram exactè captis sanguinem resolvit humanum, & docet quomodo constitutus sit; qua de causâ hoc opus est satis bonum, quamvis hoc de acido afferat, cum acidum sanguinis tantum sali marino deberi sciamus. Hi Auctores scripsero in Chemia, ita ut tractarint historiam sanguinis pro usu theoretico.

7. *Vetus Isaacus Hollandui*, in M. SS. in folio, quæ possideo, habet tractatum, cui titulus dedit quinta essentia ex sanguine humano conficiunda, illum bellico sermone scripsit: verum in eo plurima egregia reperiuntur, quæ recentiores sibi adscribentes pro suis vindicant: verum multa optima inventa, & quod mirum est ad Phosphorum usque novit, sufficit hoc pro Tyrone Medico.

De Urina.

Boclaus optima experimenta ubique in suis operibus de urina annotavit. Verum scripsit *Laurentius Bellinus* optimè, & simpliciter de hac re in egregio illo tractatu de *Pulsibus & Urinâ*. Præcedentes Chemici ferè tantum per Chemiam urinam examinabant, sed ille

le tantum per accuratum examen avolantis aquosi principii, & restantis, & optimus omnium quos novi diversos gradus coloris, spissitudinis &c. hac Methodo observavit; nam prout Urina plus & minus aqua in se habet, & quo plus vel minus ad Urinam ægram & sanam accederet, annotavit, hocque modò fructus ex iis in Praxi capere possumus primum ejus capitulum hic est inserendum, nam est ex Chemia, docet enim ibi, quod si urina straminei coloris ad stateram examinetur, paulo gravior aqua parum odoris, saporisque habeat, hæc etiam urina habetur maximè pro sana, deinde ex illa eadem urina exhalat pars aquæ & examinat tum quod restat, & qualem gradum odoris, coloris, saporis & spissitudinis habeat, unde docet, quod si Urina ita in corpore mutetur, quibus tum principiis constituatur, hoc enim ita fecere alii Chemicci; Boyleus enim examinat tantum per Chemiam, sed præmittendus erat, hic tractatus Bellini ut distincta aquæ possit haberi cognitio.

Thomas Willis etiam ubique ferè per omnes suos tractatus tamquam Chemicus plura de Urina ejusque salibus habet.

Optimè etiam *Johannes Baptista Helmontius* in Nobili illo tractatu quem sæpius al-

legare soleo pro optimo specimine in Chemicâ, in tractatu nempè de Lithiasi, seu ortu calculi urinam Chemicè resolvit; In eo scilicet tractatu optima experimentâ quæ apud nullos auctores inveniuntur, habentur; nam recentem putrefactam hominum, Brutorumque urinam omni indagine Chemicâ accuratè resolutam ad sua principia revocans ad usum Medicum applicat.

Illi ergò viri in hac parte sunt consuendi, si nunc à me petantur alii Auctores pro reliquis liquoribus, certè nullos novi citandos; sanguinem enim & Urinam, qui præcipui sunt liquores & præsto sunt tantum examinaverunt Authores.

De Sudore.

Unicus quem novi qui de sudore scripsit est *Otho Tachenius* qui egregio experiento dicit se apud indusiorum Lotrices sumpsisse lixivium, in quo industia tempore æstivo ab hominibus sanis gesta maceravant; coxit illud lixivium leni igne, hocque facto ascendit sal similis sali urinoso, hoc est unum experimentum quod novi; novimus enim si gerantur industria aliquamdiu & si homines fuerint robusti, quod illa hiant flava præsertim ad axillas, & si

di-

diu gerantur, partes illæ sudoris tenaciter adhærent; Lotrices hæc industria in lixivio macerantes postea exprimunt ita ut quod in iis aderat jam sit saponi permistum, nunc novimus, quod sapo vulgaris, quatenus est sapo non det salem volatilem, sed illud lixivium dabat salem volatilem urinosum; unde nos clare docemur, quod in sudore salia sint, ut in Urinis: verum de reliquis humoribus Auctores non habeo referendos.

De Bile.

Bilis curioso examine plus quam studio examinata fuit à *Bohnio*, sed optimè à *Verheyen* in nova editione suæ anatomiae parte secunda, & quamvis non cautè & perfectè tamen satis fideliter experimenta tradit; liber editus est Bruxellæ duobus voluminibus in quarto anno 1710.

Sylvius etiam de bile examen instituit in suis operibus.

De Solidis.

De Solidis non novi Auctores, quia putarunt omnes solida ex principiis Chemicis constare, cum tamen Chemia doceat

illa tantum ex terra constare sine admis-
tione principiorum, nam si v: g: accurate
tollantur omnia liquida, quæ in osse sunt;
os manebit adhuc integrum, sed tum tan-
tum terra in eo reperietur, ut in ossibus
ad pluviam & rorem maceratis, Vento & Sole
iterum exsiccatis appareat & quod in Cæ-
menteriis ipsi rustici docent; si hujusmodi
ossa examinentur, nihil exit; quod est *Mat-
thæi* sententiam, qui de Chemica craniī hu-
mani resolutione scribens, postquam ex illo
osse res varias arte Chemicâ eduxisset, so-
lebat concludere cranium constare ex illis
principijs eductis; novimus enim quod
tantum medulla & liquida, quæ in ossium
vasis continentur; hæc varia principia sup-
pedient.

C A P U T II.

Consilia Pharmaceutica.§. 9. PRO *Pharmacia Medica* scrip-
re *Chemici* quam optimè.

Pharmacia vocatur ars apud *Medicos* cog-
noscendi, debito tempore colligendi, aservandi,
& preparandi medicamenta; has quatuor par-
tes habet vera *Pharmacia*, in quibus ipsi in-
servit *Chemia*.

1. Inservit Chemia Pharmacæ pro resolvendis simplicibus, & corpusculis notis & suis charactibus dandis; unde nascantur vel
2. danda ratione, cur hoc & illo tempore
sint colliganda simplicia. 3. Indicando quænam
pars sit asservanda & non & quomodo
& quænam partes plus & minus volatiles
sint; aut ultimo 4. ad præparationem medi-
camentorum inservit Chemia, si ulla est
pars Chemiæ & Medinæ, ubi Chemici me-
ruere laudem, est hæc, ibi enim eos non fa-
cilè quis errore insimulabit. Quinam ergo
legendi sunt pro materie Medica, rursus distin-
ctionem facere debeo.

I. Pars Pharmacæ est illa, quæ docet cog-
noscere simplicia in sua intima natura qua-
tenus illi Chemia adjuvat.

Quomodo vegetabilia jam ope Chemicæ
in suis principiis cognoscantur, optimè do-
cuit Clarissimus Tournefortius in illo labo-
riosissimo tractatu des plantes qui naissent aux
environs de Paris; est liber in 8. editus
Parisiis 1698. non novi ullum tractatum
unquam editum esse, qui Chemicè ita in-
dagavit notas Plantas, & easdem ita Che-
micè examinat, quam hicce, nam diversos
succos composuit cum salibus diversis &
variis principiis Chemicis, & cum per Boyleum
noverat, qualis sal esset in succo non-
dum

dum per Chemiam turbato, effecit hunc tractatum; v: g: Rosæ habent vim adstringentem, sumit harum succum, & componit cum diversis solutionibus salium, tum demonstrat, en est sal in Rosis, quod ad Aluminosum sal accedit; hinc in sanguine debet facere hoc & hoc, sic etiam cum Fumaria, Veronica, & infinitis aliis plantis fecit, est opus certè incredibilis laboris; verum cum impensa suppeditaret regia liberalitas illud efficere potuit, nam illud solus ferre non potuisset, debemus fateri, quod alii ejus tractatus Chemici non sunt ita egregii, sed hoc opus nunquam satis aestimari poterit. Pro eadem parte cognoscendarum Plantarum videantur *Nehemi Greuw*; *Robertus Boyle*, & *dominus Dedu*, qui tractatus *Lugduni Batavorum* editus est anno 1691 in 12. titulus est *l'anatomie & ame des Plantes par Nehemi Greenw*, *Robert Boyle*, & *Nicolas Dedu*; In eo tractatu simpliciter ex Botanica & re herbaria enumerantur plantæ, per Chemiam resolvuntur, indagantur, & reducuntur ad principium suum, quamvis in eo etiam plura Physica experimenta reperiuntur.

Scripsit etiam de hac re *Dominus Dodartius eminens & Nobile Membrum Academiae Parisinae* in tractatu suo tam in folio quam in

in 8. titulus est l'histoire des Plantes. Tum etiam Dominus du Hamel sparsim in historia Academia Regiae scientiarum quedam habet.

Et nunc etiam Dominus Bignon, qui etiam invenitur in illa historia academica Regie scientiarum.

Ibi jam vera Methodus & analysis Plantarum cognosci poterit ope Chemiae pro prima parte Pharmaciae.

Poterit & etiam hac de re videri Dominus Geofroy membrum etiam praedictæ academie Regiae Scientiarum cujus inventa in eo tractatu poterunt inveniri, sed ante aliquod tempus fatis cessit: verum tum Clarissimus Bolduc etiam membrum ejusdem Academiacæ hocce opus absolvendum in se suscepit.

Si quis velit jam emere libros, qui sine nugis sunt, & unde ingentem fructum percipere queat, legat hos, & omittat reliquos, ibi enim invenitur Pharmacia, quæ ope Chemiae, simplicia sic resolvit, ut eorum habebatur cognitio à Pharmacopœo, quid contineat singulas Plantas, estque hoc fundamentum Pharmaciae.

2. Pars Pharmaciae est, quæ docet Plantas debito tempore colligere, dixi etiam eam habere adminicula ex Chemia. Totum ne-

negotium in eo consistit; dicit *Helmontius* in æstate & verno tempore carent plantæ oleis, & abundant sale; sed jam tota eo tempore principia maximè volatilia calore solis sensim abeunt, ut sunt sal & aqua, & concentrantur maximè fixa & tenacia; quæ sunt oleum imprimis & sal oleis implicitum, sicque circa Autumnum jam abundat oleum in Planta, quod eam conservare debet, si carpatur, & ab injuriis aëris & aquæ defendere si remaneat; hinc si quis jam velit in quadam planta habere salinam materiem, tum circa æstatem & vernal tempus juxta *Helmontii*, sententiam quia ex radicibus incipit germinare; eam legere debeat, verum, si oleum & resinam & balsamum desideret, tum circa hyemem Planta est legenda. Si jam quis meroget, ubi hæ notæ Characteristicæ apud Autatores repetiuntur, vix novi, sed si absque jactantia dicere liceat nostra Chemicâ hoc docet, verum Authores, qui symbolum ad hanc partem attulere, sane non novi.

Dividimus Pharmaciam in quatuor corpora, nempe i. materia Medica est cognoscenda, & nempe quatenus à Chemia dependet, tum per experimenta capta accurate est demonstranda; quænam sint principia & partes, quæ ingrediuntur compositionem corporum, quæ vocantur Medicamenta, & tum qua-

qualis esset effectus horum, quatenus Chemia potest demonstrare. Hos jam viros, qui Physicè & Chemicè Plantas in suum succum convertentes ita exploraverunt, ut omni modo detegere possent, quid huic parti emolumentum contineret, citavi, ut hanc primam Pharmaciæ partem absolvèrem.

2. Requirebatur ut posset de qualibet seu Plantis scire quando eligenda sint hoc est quando maturæ essent plantæ, dixi perfectæ Chemiam hoc posse demonstrare, nam præter aquam, spiritum, saltem volatilem & saltem fixum & oleum, & terram nihil reperiatur in plantis, sed quum Chemia demonstraret, quid proprium avolet interim, dum Planta crescit, & quid fixetur; sic ergo poterit Chemia definire tempora colligendi Plantam pro ut tum hoc & illud proprium in ea requiritur: verum nulli adhuc Medici de omni Plantarum genere dixerunt, quando & sale & aleo abundant. Galenici tantum sciverunt Aromaticas & maximè odoratas Plantas esse maximè oleosas, & flores esse carpendos mane, quando collectum oleum in capitulo florum hæret, noverant pariter quod herbæ, quæ oleum tenuissimum habent & illico sponte odorem secum præbent, nondiu servari possent & illarum plantarum quæ oleum habent, odor integris viribus non ita conservari posset; ut v:g:

ab-

absynthium, Ruta &c. quæ Plantæ non nisi fricentur odorem suum manifestant; hæ integris viribus diu asservari possunt: verum Chemia hujus rei demonstrationem non solum dat; sed etiam dixi 2. quod Chemia expeditaret experimenta quibus non tantum scire possumus, quando abundant plantæ oleo sed quando abundarent maximè sale & oleo; hinc tum si velimus habere oleum ex Planta debet colligi circa autumnum, quando semina sunt matura, quia tum oleum in iis ex tota planta colligitur, sed maximè in seminibus ad eorum conservationem, si velimus salem Plantæ, tum verno tempore illa est carpenda, quando terræ succus sale dives per eam fluere incipit.

3. Dixi Chemiam etiam dare regulas quibus novimus, quænam pars plus olei habet, ut semina, quæ minus terræ, aquæ & sales habent, ergò ea esse colligenda quando matura decidentia oleo suo quasi suffocantur; demonstrat etiam Chemia, quod plantæ perennes hyeme habeant balsamum, quod eas defendit contra frigus; hinc qui velit habere eas plantas oleofissimas, debebit eas colligere, postquam deferbuit jam jam aestas. Hæc dicta ex Chemia patent, sed nulli adhuc Authores ad meas manus per-

venere, qui hoc bene scripserint.

3. Pars Pharmaciae est, quæ asservare debite collecta, & modum, quo hac rite fiant docet; Chemia optimè certè iterum illud docet; quum demonstrat, quod Planta & semina sæpe exsiccata, & sæpe iterum humectata, & exsiccata omnem virtutem amittant; hinc indicat quod nihil plus vires materiae Medicæ labefactet, quam repetita exsiccatio; hinc patet, quod ligneæ capsulæ maximè aptæ sint ad conservandas Plantas. Quo ad locum ubi servari debent, iterum demonstrat Chemia, loca nimis calida huic rei non conducere, quia ignis omne volatile assumens salia alcalia reddit; sed etiam cum hyemè semper frigus humiditatem afferat; hinc & loca frigida non conducunt quoque, sed Borealia loca sunt eligenda, ut semper veteres annotarunt.

4. Pars Pharmaciae tradit præparationem Medicamentorum ex materia Medica; hinc Medicamenta per primam partem cognita, collecta per secundam, asservata per tertiam, per quartam in usum Medicum sunt præparanda.

Hinc indicandi sunt Auctores, qui per artem Chemicam medicamenta præparare docent: nullibi certè plus Chemia inservit Medicinæ, quam in colenda hac parte;

quodcunque osores opponant, certè debent
sateri se Chemia hac occasione indigere,
nam ex ipsis rebus Vegetabilibus minerali-
bus animalibus si aliquid præpare velint,
certè sine Chemia nequeunt, nam cappa-
momi oleum habet vires, quicquid vetus-
tas excogitavit, superantes; quis morta-
lium haberet contra nervi puncturam medi-
camentum nisi spiritum ex therebintina
aërium, quod nullo artificio scirent, nisi
per chemiam, & qui hoc instituerunt ex-
perimentum, invenerunt etiam unam vel alteram
olei fæniculi guttam sanare ægrum flatibus
ex pituita laborantibus, itaque Auctores in
hac parte præstantiores indicabo.

Si ergò quis velit videre quomodo ho-
dierna Chemia pro praxi inserviat, & do-
ceat elegantissimè ex omni rerum genere Me-
dicamenta præparare, videat *Angelum Salam*
cujus opera omnia Medica Chymica in quarto
sunt edita Francofurti anno 1647. Auctor
est in his rebus exactissimus, tam in col-
ligendis præparandis, quam accuratus in de-
scribendo omnia arcana, docet planissimo
sermone tractare omne genus vegetabilium
animalium, mineralium & omnes eorum
partes, ita ut Medicamentis inserviant.
Auctor est natione Italus, sed in belgia
clarus, ubi diu vixit, dignus certè est,
qui

qui omni studio perlegatur.

Similia peregit *Johannes Schröderus* in sua *Pharmacia Medico-Chemica ultimo Francofurti ad Menum edita est anno 1685 in quarto*, que editio est cum indice locuplectissimo sed etiam *Lugduni Batavorum est editus ille liber in 8. anno 1672.* non refert quamnam harum editionem habeamus, utraque est bona, nulla *Pharmacia*, quod scio melior est, & nemo clarius, candidius, exactius, quomodo *Chemia* ex qualibet re educet Medicamenta, simulque intentionem Chemicam & Pharmaceuticam scripsit; hinc superat certè *Angelum Salam*, qui systematicè, pius pro *Chemia* scripsit, sed hic auctor brevissimè & tamen omnia difficillima annotavit; nam nemo est, qui parvo compendio plus docuit, *Methodus ejus est duplex*, 1. omnia describit sub suis titulis, & deinde 2. sub suis simplicibus v: g; dicit absynthium esse collendum eo tempore, eumque habere tales vires in forma cruda & in simplici infusione, dicit, sit talis tintura talis aqua ex absynthio spiritus, sal, essentia alkalina, atque quinta essentia talis, & omnia describit exactissimè & nervosissimè; hinc omnino comparanda est hæc ultima editio.

Eandem rem peregit *Johannes Zwölferus*
N 2 in

in *Pharmacia Regiâ* quam edidit *Norimbergæ*
in folio, anno 1675, sed tamen non meretur
comparari *Schrodero*, quia tam operosa & in-
numerosa congescit, ut pro Galenica & Ara-
bica *Pharmacia* bonus esset, sed exactitudo
artis nostræ splendet apud *Schroderum*. Hi-
bini viri (*Angelus Sala* & *Scroderus*) tam
perfecti sunt, ut plurimi totam eruditionem
suam illis debuerint. Legatur etiam *Josephi*
Onercetani *Pharmacia dogmaticarum restituta*
liber est Parisiis editus & iterum in *Germania*
in 4. est editio utraque æqualis completa, &
etiam egregia est ejus *Pharmacia Hermetica*
constituta uno Volumine in 4. ubi emetur u-
num, sæpe simul habebitur alterum, vir il-
le habet quædam, quæ in reliquis non vi-
dentur, fuit laboriosissimus, & cum esset
famosus multa scripsit, ut *Hermetis Dogma-*
ta; hinc etiam voluit inter Adeptos recense-
ri, & sententiam *Paracelsi* amplexus est;
hinc apud eum omnes sententiæ germanorum
antiquorum invenientur.

Supra omnes commendandus est *Daniel*
Ludovici in *Pharmacia moderno saeculo applicanda* edita in 8. *Gotho Saxonie* anno 1685.
hic auctor compendium totius Bibliothecæ
Chemiæ *Pharmaciæ* scripsit, & vocavit suum
opus *Pharmacia moderno saeculo applicanda* hoc
est considerat, quam diversis & operosis

Medicamentorum formulis tota nostra ætas
aggravetur; hinc ipsi animus est, ex his
omnibus tantum elicere quid necessarium &
boni habent omnes Chemici, non novi apud
aliquem tale quid absolutum esse, quia ille
omnia summo expendit judicio, arcana can-
didissimè tradit imprimis ad Pharmaciam
suam in addimentis, egregium hoc est, quod
indicem habeat, hoc tamen in hoc opere
mali est, quod stylo intricatissimo conscrip-
tum sit, quum enim omnia, ut helluo de-
voret præcedentia, scribit tam intricatè, ut
vix intelligatur, nisi ab iis, qui sententiam
præcedentium cognoverit: verum qui ali-
quid de Pharmacia & Chemia callet, facilè
videt eum palmam omnibus præripuisse, &
eo nemo carere potest.

Absolvi jam enarrare id quod Chemia ad
Medicinam faciat; dividi enim in generale
emolumentum, quod Chemia Medicinæ dat,
& quod partibus Medicinæ tribuit; Utro-
que hoc iterum absoluto habemus jam Me-
dicum præparatum ferè, ut suo se accingat
studio. Habet enim jam animum imbutum
Mathematicâ, Physicâ, historiâ naturali, ra-
tiocinio, & Chemicâ. Hæc etiam scire requi-
runtur, ut perfectus evadat Medicus, ali-
ter enim ignorabit Medicinam qualis hodie
nota est, non enim noster scopustantum est

scire quomodo præscribendum sit Medicamentum, & quomodo habemamus tractandum ægrum, sed quærimus, quid notum sit hodie in Medicina. Hinc tamen si nolint admittere, quæ exposita sunt minus rerum cupidi, saltem nunc sequuntur ea quibus carere non poterunt,



D E

METHODO DISCENDÆ

ARTIS MEDICÆ

PARS QUARTA.

Quæ agit.

De hisce quæ ex Botanicis cognoscere debet Medicus.

C A P U T I.

Consilia Botanica.

Quid primò sciendum est Medico 1. quod remotum est à Medicina, & 2. quod simplicissimum est, hoc est studium de Botanica & materia medi-

ca addiscenda; ergò hæc jam pertractanda veniunt.

Potest aliquis quidem Botanicam addiscere qui non est neque futurus est Medicus, uti fuit *Morisonus*, *Fabius Columna* &c: potest enim addisci hæc scientia sicut historia naturalis; ergò illud est remotum à Medicina & simplissimum, itaque ab illâ incipiet Medicus, non enim petit hoc studium magnum ingenium sed tantum memoriam & bonam Methodum.

§. 3. Postquam Medicus futurus omnium rerum præcedentium cognitione imbutus, (nempe scientiâ Mathematicâ Physicâ & Chemicâ) ordo jubet, ut addiscet ea cognoscere quæ pertinent ad Simplicium cognitionem, & unde materies petatur ex qua conficiuntur omnia ea, qua vocantur Medicamenta. Hoc est propriè Medicamentum (ut notum est omnibus) id quod applicatum corpori vatet, & in fano futurum Morbum arcere, & in ægro Morbum, qui jam adstollere.

Ex hac definitione statim videmus quod hæc medicamenta sunt corporea quæ applicantur vel ingeruntur corpori. Vel sunt (ut ita dicam) spiritualia, quæ per rationalia judicium sic mulcent, sic voco ultima, sed prima propriè voco medicamenta.

Ve-

Verum sanare quid est? sic tollere morbum ut restituatur æger, & hoc quod per Morbum erat prius, maneat quasi destrunctum; non ergò simpliciter sanare est morbum tollere, sed ita tollere, ut id quod per morbum corrumpebatur; restituatur in integrum; debet ergò ut sanatio fiat morbus tolli, & sanitas labefactata restitui in integrum per illud corporeum, quod corpori sive interius sive exterius applicatur; cum ergò Medicamentum sit corporeum quid, quid ergò est materies Medicæ: illud quod *Dioscorides* prius vocavit ὑλὴν ἰατρίκην, hoc est *sylvam* materiæ Medicæ seu ὑλὴν ἰατρίκην; hoc est *sylvam* Medicinae unde apud hodiernos vocatur materies; medica, & sumitur illa vel Physicè seu Medicè; si Physicè sumatur, tum est collectio omnium illorum ex quibus petitur Medicamentum; hinc ut addiscamus materiam medicam, debemus adire Pharmacopeum instructum his omnibus.

Verum hæc Phrasis non tantum sylvam sive acervum simplicium significat, sed etiam collectionem compositorum præparatorum hujus materiæ medicæ; et quando Medici dent materiam medicam pertransandam, tum non afferunt quod tantum ille acervus describatur, sed quod historia tradatur Medicæ omnium horum simpli-

cium tam quod eorum notas quam vires & facultates; si jam inter ea omnia medicamenta aliquid præparatum non reperiatur, ut natura dat, vocatur illud simplex, referunt etiam tantum ad simplicia, quando habentur Medicamenta pro ut à natura expediuntur, sive resolvantur postea in varias partes, sive non, nam v. g. antimonium crudum vocatur simplex, sed tamen constat sulphureâ & metallicâ parte, itaque simplex antimonium dicitur, non quod ex partibus propriè simplicibus constet. Et illud est, quod Itali & Galli vocant *Drogues*, nempe omne quod pertinet ad acervum, unde colliguntur Medicamenta & simplicia & præparata; si non sint præparata Medicamenta, dicuntur simplicia.

Distinguitur nunc materies Medica: 1. in descriptionem simplicium id est enarrationem omnium quæ non præparata à natura suppeditantur, eorumque notas & Charactères. 2. In præparationem & resolutionem simplicium hoc est docet hæc pars adhibere medicamenta & simplicia & composita per artem; ergò materies Medica exponit 1. omnia Medicamenta, & 2. quod ex iis petitur motis sive simplicibus sive præparatis corpori applicatis. Vocat ordo, ut dicamus de studio materiæ Medicæ, qua occasione mone-

monemur addere studium Botanicum non quod absolutè à Medico scitu necessarium requiritur , sed quod ipsi multum profit, ut videbimus.

§. 2. De materia hacce simplicium scripsere authores diversi , qui tyronibus & jam proiectioribus legendi sunt. Sic distinguo si quis velit legere Authores de simplicibus : (nam de præparatis postea) scripsere diverso modo , nonnulli difficili opere rediguntur in concinnum compendium ; unde quisquis compendiariâ viâ discere possit ; verum alii ita scripsere , ut nihil omittant de natura hujus rei quam pertractant ; hinc cum discitur hoc studium , debemus accuratè distinguere quænam ab incipiente , quænam à magis proiecto legendi sunt Auctores.

Marcgravius edidit tractatum in 4. Lugduni Batavorum cui etiam titulus dedit materiam medicam contractam , qui libellus est sic digestus, ut omnia fere simplicia quæ in Pharmacopæis Europæ præscribi soleant quoad unum ibi contineantur , deinde , quoad Characteres deinde notas meliores & pejores describit , & tum brevissimè eorum historiam , & vires tradit , supra hoc opus collegium suum dare solebat , cum Lugduni Batavorum degebat.

Ad hanc rem etiam maximè pertinet Schroderius

derus in *Pharmacia* sua eodem tractatu nuper commendato , & quis potest facile facere Manuscriptum ex eo ad suum usum , nam ille ex omnibus optimis Auctōribus locum naturalem simplicium colligit , tum adjunxit notas optimas , tumque exhibet modum colligendi , asservandi ea , tandemque vires , quatenus ex simplicibus illis dependet , egregiè describit.

Si *Marcgravius* legatur cum *Schrodero* in parte simplici non *Pharmaciā* & *Chemicā* , & colligere animus sit , quidquid commune habent , & sic quotidie horam unam aut duas huic labori impendere , habebitur elegans schema totius materiæ Medicæ quoad simplicia.

Scripsit etiam *Samuel Daale* , *Pharmacologiam seu Manuductionem ad materiam Medicam seu Pharmaciam* est liber in 12. editus Londini an. 1693. in eo brevi Stylo , nec brevi divertente à scopo proponuntur simplicia , ad clasles reducuntur brevissimè , videntur vires , & de notis & Characteribus optimè & summo ingenio scriptum est :

Plurimi adhuc scripsere verum hi tres sufficere possunt pro tyronibus : verum si pro dignitate & eruditione summâ velimus hanc materiem pertractatam , adire tum alios debemus.

Et

Et summus eorum est *Gabriel Falloppius* in operibus suis in folio tribus voluminibus & majore tomo editis, scripsit tractatum de simplicibus & materie Medicā in *Dioscoridem*, est tractatus eruditissimus & contemplacionis profundæ: scripsit secundum Tractatum de aquis thermalibus etiam nervosissimum, in quo ex aquis Medicatis & aquis thermalibus colliguntur Medicamenta, & hic tractatus singulriter est editus, sed etiam in operibus omnibus invenitur. Tertius Tractatus de Fossilibus ab eo habetur, in quo etiam de illis omnibus optimè & eleganter dicit; hinc qui emunt libros, eruditorem dissertatorem supra hisce rebus non invenient quam huncce Auctorem commendatum.

Si quis velit completissimam hanc Historiam, tum legat *Dioscoridem cum notis Matthioli ex editione Gasparis Bauhini*, tum habebit completissimè quicquid optare poterit circa hoc negotium, etiamsi eam rem deberet pertractare pro munere Professoris in eo libro haberet quicquid indigeret, & nihil certè plus sperare super hanc rem potest, si habeat illum librum ex recensione *Gasparis Bauhini*, qui Vir fuit eruditissimus, tam quoad sententias Veterum quam Neotericorum, sua addidit, & castigavit omnia summo rigore, ita ut inde confecerit librum in folio,

folio, unde plusquam 110. figuræ additæ à *Marthiolo* correxit; adeo ut pro perfectissimo opere de descriptione materie Medicæ jam habeatur, illoque ideo ad hanc rem carere nemo poterit.

Huicce eruditissimo opere addere possumus *Claudii Salmasii exercitationes Plinianas in Solinum & Cajum Plinium, hoc opus Lugduni Batavorum & Parisiis. 1624. editum est,* & est eruditissimum, continet quicquid apud veteres historicos, Poëtas &c. de materia Medica invenitur: verum etiam hoc fatendum, quod errores sunt plurimi, fuit vir doctissimus non Botanicus, scripsit enim de Plantis, & has forsitan nunquam viderat.

Agricola in fol. etiam est optimus Auctor de historia fodinaria quo ad simplicia. Sunt hi Auctores unde debemus fateri nos omnia hausisse, quæ de hac re hodie traduntur.

§. 3. Sufficiunt ad hoc studium hi imprimis Auctores, si legantur ordine recentiori, & deinde ex iis Medicus compendio excerpserit accuratissimè quidquid propriè ad scopum Medicum pertinet. v. g. Medicus vult multa habere perspecta de absynthio videat *Marcgravium*, is dicet ejus proprietates & qualitates: verum si velit scire, an sit eadem Planta de qua *Plinius* scribit sub eo nomine, eruditiores Auctores tum adeat, & legat

legat Matthiolum in Dioscoridem ex recensione Bauhini ; qui vir eam plantam correxit in Dioscoride Matthioli & vobis dicet , quid agendum sit , ut habeatur & cognoscatur verum absynthium Ponticum Veterum ; hinc necessariò debent tyrones in usum suum in compendium redigere materiem Medicam ex iis Auctoribus nempe brevissimo verbo excerpere quale sit simplex veterum , videre si conveniat cum descriptione recentiorum , tum certi erunt de Phamacia Veterum , sumendus etiam est Dale in quo brevissimè veteres cum recentioribus comparantur . Quod dixi de hac re , id verum est de omni , & sic veterum sententiam cum sententia recentiorum respectus Plantæ aut simplicis cuiusdam comparando haberi poterit Pharmacia absoluta , dum hæc indagabuntur apud utrosque Auctores ut jam dixi .

§. 4. Si verò præter Generalem hancce materiae Medicæ contemplationem , desiderat præterea tyro Medicus cognoscere rem Botanicam singulatim , & super hac re consilia constare possunt , quorum primum est , ut eligat Magistrum viva voce , & digito indice demonstrantem quamlibet herbam , sed nunquam incipiat ab Auctoribus legendis .

Si intelligamus per Botanicam cognitionem sensibus acquisitam omnes Plantas , quæ inven-

inventæ , detectæ , & cognitæ sunt , hoc non pertinet ad Medicum , nam potest quis perfectus esse Medicus licet nesciat quot sint v. g. Plantæ , Africanæ , Americanæ , &c. Sufficiet Medico scire , quid cognitum sit hoc tempore ad usum Medicum ; hinc sufficient forsitan 100. & 200. Plantæ , quas si noverit Medicus distinguere à reliquis habebit , quod sufficit : verum qui non vult hoc distinguere ut Pharmacopæus , ille vult omnes cognoscere Plantas notas hoc est vult Botanicam scire : verum hoc non tam propriè ad Medicum sed ad Historiam Naturalem pertinet , nam quid juvat pro Medico si describuntur tot species Tuliparum , Hyacinthi &c. nihil quidem : verum si hoc cognoscatur per generalem doctrinam Botanices , & hoc addisci possét , cur repudiaretur ; hinc omes Medici , qui lapsi sunt in illud , quod animum in hoc studio omnino impenderent , quamnam quæso tamen habuere rationem ; habemus plures Plantas descriptas apud Veteres , & apud Hippocratem nonnullas invenimus , si jam medici harum dictarum Plantarum cognoscere effectum velint , oportet , ut eas noscent , si uti velint , Veteres enim eos cognoverunt , alioquin non potuissent in usum revocare ; verum non sufficit cognoscere nomen ; sic si velles

velles *Hippocratis* quandam herbam cognoscendam præbere, non deberes mihi obtrudere. Plantam eodem nomine donatam; verum deberes mihi dicere hanc esse veram plantam *Hippocratis* propter has & has rationes veras. Et si dices en *Absynthium Hippocratis* deberes prius cognoscere omnes species *Absinthii* & ita distinctè cognoscere ut scires quænam species esset *Absynthium Hippocratis*, en hæc est tota ratio; cur omnino se dedere plurimi Botanicæ nempe ut ingenio suo distinguerent omnes herbæ, & tum ut cognoscerent rectè quænam Plantæ essent veterum horum primius fuit *Fabius Columna* de quo statim &c.

Dico in hac §. 4. ex viva voce alicujus docentis, qui nomina det Plantæ & digito indice eas demonstret, debet Tyro Medi-Botanicam addiscere nunquam incipiendo à lectione Auctorum; hoc enim modo hanc sententiam addiscere nunquam poterit.

Nam licet viderit Plantam cum figura apud Auctorem, non poterit cognoscere, an sit eadem ac Veterum, sunt enim omnes figuræ recentiorum, si excipias figuræ *Dioscoridis* vetustissimo in manuscripto, quæ in Imperatoris Bibliotheca servantur; nam antiquas figuræ caremus, nullam apud *Theophrastum* habemus, excipe in ejus manuscriptis.

O

Hinc

Hinc debet incipiens discere apud Magistrum docentem, hæc herba quæ vocatur v. g. Absynthium est hujus figuræ, & hujus saporis &c. ubi hoc addidicit nempe facies illas, & vult videre an Magister bene docuerit, ibit jam in hortum Botanicum cum suo *Dioscoride* seu alio Auctore, & videbit an convenienter Characteres cum iis quos dedit Magister; hinc faciet ut studium, quod alias difficilè videtur & confusum, facile & distinctum reddatur.

Explicui nunc qualis cognitio herbarum, requiritur exquisitè ad studium Medicum, quomodo nempe ille qui officinales dictas hodie plantas tantum novit, possit quidem inquirere & experimenta capere de Virtutibus earum, neutquam verò scire an sint eadem ac descriptsit vetustas, ut aptas ad sanandos nonnullos morbos; verùm si quis velit hoc optimè addiscere, totum systema Botanicum addiscere debet, aliter ingens lis est, ut sciamus an sit nomen à veteribus datum, adeoque ad praxin Medicam non opus est cognitionem habere totius Botanices, sed ad rem Medicamentariam veterum bene cognoscendam absolutè requiritur.

§. 5. Ille qui sequitur methodum Magistri indicantis, sequitur optimum eo ipso studium Botanicum & omnia eo pertinentia,
addis-

addiscet accuratissimè Tyro Medicus , siā
minus ut plerumque contingit, tum oportet
cognoscere paucissimis quænam sint Elemen-
ta sic dicta Botanica.

Hoc asserò in hoc Themate, in anteciden-
tibus dixi , quod Tyro Medicus indigeat
Magistro , qui doceat eum inter noscere plan-
tarum faciem, nomen : verum , si optimam
non sequatur methodum ille Magister, tum
opus erit, ut medicinæ studiosus paucissimis
addiscat fundamenta & principia Botanica
adeoque de hac re consilia dare incipiam &c.

§. 6. *Methodus Doctrinae Plantarum vo-*
catur instructio , juxta quam notæ Plantæ op-
timè in memoria retinentur , & novæ detectæ
facile ad veteres cognitas referuntur. Dico
quod per rem Herbarium intelligimus doctri-
nam juxta quam hactenus cognitæ plantæ
optimè in memoria retinentur, & novæ, quæ
quotidie inveniri possunt ad classes cognita-
rum jam plantarum referuntur ; hæc doctri-
na vocatur *Methodus Botanica*. In hac Me-
thodo quis ergo est scopus , nam diffusè
non agit , non instituitur , ut explicitur
vires herbarum , omnino non , nam cum ad
Aconitum revoco Napellum letalem illam
herbam , non putandum est , quod hoc fiat
quia easdem habent vires , minimè nam si
Napelli exhibuerim radicem , occidet ho-

minem, quod non facit Aconitum, notum est quoque quod Solani illa species Belladonna dicta letalis & furiosa sit herba, ubi Solanum officinale dictum, multum à præcedenti differt, nam Solanum officinale habet refrigerandi vim gratissimam, unde in summo æstu gratissimum refrigerium persentiscunt ægri, ubi contra à præcedenti Solano excitatur rabies, plerumque summa cum anxietate occidens.

Adeoque non putandum, quod per suum Systema Botanici voluerunt tradere cognitionem virium plantarum, omnino non, sed cum infinitæ sint plantæ saltem extra 11000. impossibile est nomen singulare iis omnibus dare, tamen debuere dare nomina, quibus una ab altera dignosceretur; hinc i. nomen quod generale dedere ex foliis & floribus & fructibus, tumque omnes plantæ, quæ hunc Characterem habent, ad hoc nomen referebantur, & tunc addidere adjективum quoddam quod distinguit unam ab alia, ut v. g. in Solano plures sunt plantæ, quæ hoc nomen generale Solani habent, nam unam speciem voco Solanum soporiferam, alteram speciem Solanum scandentem &c. sic genus illud Solani significat nomen generale, tum verò adjективum quod distinguit, additur.

Ergo cum hoc verum sit, queritur, unde

de hoc nomen dandum ; & cum nomen non detur ut explicetur virtus , sed ut retentâ facie unius plantæ reliquæ revocantur ad eam ; hinc optimum est systema *Tournefortii* , ubi tantummodo nomen dandum est.

Videamus fundamentum ; nomen tantum designat , convenientiam inter quasdam plantas propter proprietates nonnullas , quibus convenienter v. g. *Solanum* habet florē monopetalum multifidum ; pistillum convertendo in baccam mollem rotatam , calicem membranaceam pulposam , fætam seminibus compressis & ovatis ; hinc jam nomen illud *Solani* datur plantæ quibus hæc dicta convenient , non quibus virtus *Solani* convenient.

Si nomen jam habeatur & adjectivum ut distinguitur species , jam cum videmus plantam hujusmodi , licet nondum noverimus qualis planta sit , scio quod pertineat ad *Solanum* , tum sumo meum indicem & inquiero ad omnia *Solana* , jam illa planta quam habeo præter dictos Characteres est flore *Borraginis* & *Spinosus* , lego ergo in meo indice , ibique invenio quænam species sit *Solani* , si aliquid aliud habet quod in *Solanis* in indice meo descriptis non invenitur , erit nova species hoc referenda.

Et sic ergo videmus methodum quadam

via paſſim redigendi ita ad classes Plantarum, quas invenio, totum nempè in eo cōſtitit, ut commune nomen idem ex cōmūnib⁹ Characteribus desumptum, jamque & à folio, & à spina & modo crescendi, & radicibus aliquod nomen novum addam, quibus diſtinguuntur inter ſe. Verum præterea dixi quod demonstrarem viam, quomo-
do possem plantas ad classes cognitas re- ferre.

Sunt 660. descriptæ à *Tournefortio* classes usque ad 700. ad ſummum, ſi nunc unius cujuſque classis nominis novimus fundamen- tum, quid facilius erit quam plantæ inven- tæ nomen dare ex Characterib⁹? v. g. ſi inveniam plantam, quæ calicem decaphyl- lum, florem rosaceum pentaphylum, cujuſ ſuccus ex piſtillo oritur, pulpa molli carno- fa, in qua multa ſemina poſt unum florem, quiſ non *Fragariam* eam vocabit, quia in Systemate generali vocetur *Fragaria*, hæc planta, cui hi Characteres adsunt.

Ergo ſufficit 700. classes nominum, in memoria habere, & tum tantum videre plan- tam, unde facile revoco ad eam classem, cui nomen datum eſt. Ergo ſi memoria hoc ferre poſſit, & tum ita redigere plantas ſic inveniuntur & retinetur ſystema.

Rogo jam quænam methodus optima eſt,
scopus

scopus est levare memoriam , & facile redigere plantam ad suum locum ; ergo Systema est omnium optimum , quod facillimum est in hunc finem .

Si jam inquiramus facillimum omnium Systema , quidnam habemus inter omnia ; primo methodum Tournefortii , quia paucissima nomina dat , & tamen distinguit ita , ut facile possint ad data nomina reduci plantas quæ inveniuntur , quæ methodus reducit omnes plantas ad genera paucissima , & tamen redigit alienas ; illa est optima , nam requiritur tantum memoria & revocatio alienarum ad digestas classes . Jam cum Tournefortius omnes classes Plantarum seu genera ad flores & fructus distinguat , ad paucissima nomina revocat , & hinc pauca genera confecit , sic omnes qui hujusmodi fructum & florem habent , ad dictum genus revocantur facile . Si jam queratur an sit perfectissimum systema , hoc est an ad paucissima & distinctissima genera revocaverit ? nondum , nam certè non potest unus hoc facere , ut omnino absolvatur , sed tamen hactenus est optimus in his Auctor , & viam facilem monstravit .

Ergò si velimus addiscere principia Botanica , hoc est leges juxta quas plantæ ad distinctissimas , & facillimas novasque clas-

ses ad justum locum referri possint; legatur tum præfatio *Tournefortii* in ultima ejus operis editione; sed legatur etiam *Appendix post elementa ejus Botanica*, ubi explicuit omnem diversitatem florum & fructuum, & terminos artis, quibus utitur. Si hæc duo legerimus, quod intra spatum duorum & trium dierum fieri potest, jam scimus totum quid docet, reliquum erit tantum index legum juxta quas hoc systema condidit.

§. 7. Methodus quam secutus est *Johannes Rajus* cognoscenda est; exorta est lis inter duos *Principes Botanicos* elapsi sæculi; *Johannes Rajus* habebat semper sibi propositum, ut putaret fundamentum similitudinis, non ab una & duobus notis, sed ab omnibus esse desumendum; hinc nolebat ex convenientia floris & subsequentis fructus totum genus dispici, sed omnia volebat esse simul consideranda, ut modus crescendi, facies plantarum fructuum florum &c. & quæ plura communia habebant plantæ, tūm revocandas esse ad eandem classem plantas, quibus hæc omnia conveniebant, sed ingens fuit lis excitata hoc est in systemate ejus, quod in distinctione ad plura attendebat contra *Tournefortium*, qui ad flores & fructus tantum attendit, ut genera componat, non putavit enim *Rajus*, quod in flore

flore & fructu sit attendendum. Sed quod
 præter hoc ad alia respiciendum esset, & tum
 redigere systema; vocavit hanc methodum
 naturæ plus congruam, quia dicit, quo
 res plura habent attributa similia, eo illæ
 plus convenient inter se: certè si hoc sub
 evaret memoriam optimum esset, sed cum
 uic ad radicum fibras, radices non fibras,
 olia integra &c. & non sit attendendum,
 lebent necessariò enasci plura genera in me
 hodo *Rajana*, quam *Tournefortiana* neque
 am facile est omnes Characteres illas ita in
 memoria habere; hinc debemus fateri quod
 methodus quam secutus est *Tournefortius* est
 melior, quia memoria levatur, & plures
 plantæ ad pauciora genera reducuntur;
 iam si habeam tantum florem & fructum,
 abeo satis ut referam ad genera, & ad me
 noriam tantum levandam; si ergo simul
 sufficiat pro instruendo animo, optimum
 est. Sed simul debemus addere methodum
Rajanam, & sic intra bienium totam Botâ
 nicam intelligemus. Verum dicetur si ar
 gumentum propositum valeat, non valerbit
 tiam *Tournefortiana* methodus, quia facilior
 est adhuc quædam methodus, ut est illa
Rivini, qui tantum à flore distinguit, &
 iti aliorum, qui à fructu tantum ut *Her
 mannus*, sed si hoc fieri posset sanè longè,

facilius foret opus Botanicum ; verum qui hoc fecere , non potuerunt servare leges sui systematis , quia tot debuere addere ad distinctionem specierum , nam in flore Hermanni subdivisiones generum invenimus , adeoque imperfecta est doctrina.

Andreas Cæsalpinus primus eam methodum invenit distinguendi à fructu , fuit Archistar Pontificis , est ille cui prima cognitio circulationis adscribitur quamvis falso scripsit egregium librum de Plantis , qui rarisimus est & carissimus ; hunc descripsit Morison nam primo ille à fructu digessit.

Ex Morisons pleraque habuit Hermanus , qui integrè eum secutus est , nam in folio Blattariæ nomina Morisoni proponit ; non verò nomina Bauhini & aliorum , & melius adhuc in flore hoc patet ubi generales Morisonis Characteres exponit.

¶ 8. Quicunque his Auctori bus perlectis de methodo historiam antiquitatis Plantarum scire vult , legat opera Fabii Columnæ , qui vix habet similem , sed quidem imitatores . Ibi quicquid excogitari potest an sit Planta , Hippocratis , Galeni an Dioscoridis an Plinii inveniri potest , ut demonstratur . Opuscula duo prostant ab eo , nempe a Phytobasano Neap . 1592 . in 4 . & β Ecphrasis id est de historia Plantarum minus cognita .

gnitarum. Romæ 1616. in 4. & nemo certè potest exarare figuræ ut sunt illæ, quæ in hoc libello inveniuntur, est tantum parvus in quarto: verum aliquando 25. libris vel florinis constat prætio, ratiō quod ita se dederat huic negotio videtur hæcce, vexabatur diro illo morbo Epilepsia, plura frustra instituerat, legit tandem *Dioscoridem* & vidit ibi aliquam plantam commendari ad Epilepsiam, & rogavit medicos, an conduceret, & ut hanc ipsi darent; verum irrito successu corpori suo applicuit, unde dubitavit, an quidem verà esset; hinc ita evolvit omnes Botanicos & tantem invenit veram illam plantam *Dioscoridis* quâ etiam se sanasse dicitur.

Veteres jam à 2400. annis scripsere de re Botanica, ut *Theophrastus* &c. v. g. *Theophrastus* per argumenta solida demonstrat, quod hæc herba in hoc morbo hoc agit, hodie in *Botanica* demonstratur hæc herba, cui convenit hoc nomen, Veterum: verum planta quam describimus forsan habebit easdem virtutes, quas illa habuit ab *Hippocrate* descripta, at vidimus tamen aliam plantam quæ eam esse posset; hinc debemus alia argumenta habere, ut istius rei certiores esse possimus; ergo nunc studium Botanicum antiquitatis vocatur illud, quod per argumenta solida demonstrat, quod Veterum Planta sit ea, quæ ibi demonstratur, impos-

impossibile est alias dicere v. g. hæ sunt vires Hellebore *Hippocratis*, nisi evidentissimis argumentis evincatur, quod hæc sit planta *Hippocratis* verè dicta; duo etiam *Tractatus Columnæ*, qui de hisce rebus agunt, editi sunt Romæ cum figuris ipsa manus Auctoris illustrati descriptis, ibi habemus pensitatissimo studio, & minimis circumstantiis omnia explanata, ut certi esse possumus, quid sit planta veterum.

Huic adjungatur *Johannes Bauhinus Vir fuit Celeberrimus in hoc studio tribus Voluminibus historiam Plantarum in folio scripsit*, ubi habetur quidquid potest expectari de plantis, & earumque à veteribus Auctoris descriptis Virtutibus adeo ut sit pandecta Botanica & tanta utilia continet, ut nemo eo libro carere possit.

Post hunc habemus *Morisonum binis & tribus Voluminibus in folio sunt quidem tres tomī sed plerumque duobus Voluminibus compacti pretiosissimum est opus.*

Et tum habemus *Celeberrimum Rajum*, in quibus scriptoribus tanquam in Pandectis omnia, quæ hic quærimus inveniri possunt nam distinguimus, quod scripsit *Fabias Columna* ab eo, quod hi scripsere, nam si velimus videre *Morison* habet plures plantas recentiores, tum habet methodum

dum Cæsalpini deinde videtur Bauhinus de viribus, tum legatur Morison. Videbimus eum integrè ex illis descripsisse, idem est de Rajo, adeo ut vera gloria debeatur Johanni Bauhino, quod ita rem herbariam perficerit, sed recentiores forsan nova quædam habent, & forsan ad Methodum aliquo modò perfectiorem; hinc æstimandi sunt; verum ut videamus quænam fuerat Planta veterum, habemus *Fabium Columnam* & *Johannem Bauhinum*.

§. 9. Sed quæritur ut brevi studio & paucis impensis vires Plantarum cognitas habeamus (nam Morison & Johannes Bauhinus sunt Auctores valde pretiosi) quinam ergò sunt qui bona fide supra his possunt evolvi. Primo Schröderus in *Pharmacia de viribus solis* quatenus spectat ad Pharmaciam optimè scripsit; nam ex Bauchino & Dodonæo colligit, huc refertur etiam *Margravius*.

Si quis velit vires omnes videre legat *Dodonæi opus Antwerpiae editum anno 1644 in folio* non tantum reperitur sententia, sed quidquid Clusius, Egineta, Oribasius habuere, ibi invenitur, ita ut ultima editio. *Dodonæi cum scholiis optima sit*. *Dioscorides cum annotationibus Matthioli perfectum etiam est opus ad vires cognoscendas sic etiam Clarissimus Tournefortius egregia præstítit in libro*

bello in 4. de Plantis crescentibus circa Parisios indagat vires simplicium ex Chemia. Lobelius etiam commendandus est in suis operibus editis in folio titulus est stirpium observationes Mattheæ de Lobel, antwerpia anno 1576. nam quo ad vires est fidelissimus, tum etiam ad pensitationem an sit eadem planta veterum. Hoc est totum quod spectat ad studium Botanicum.

Vidimus jam omnia, quæ extra corpus humanum Medico sunt cognoscenda. Jam vero sequitur aliud consilium, ubi corpus humanum pertractabitur.

DE B R E V I

METHODO DISCENDÆ

M E D I C I N Æ.

PARS QUINTA.

Que agit.

De hisce, quæ ex Anatomicis
cognoscere debet Medicus.

C A P U T I.

Consilia Anatomica.

§. 1. M^Edicus prædictis cognitionibus imbutus instructus est iis lotibus, quæ requiruntur in eo, ut posse cum fructu suum proprium studium aggredi. Dixi jam ante quid ipsi ex Mathe-

thematis meritis sciendum erat, tum quid ex Physico-Mathematica tum ex Physicis ipsis, tum postea quid sciendum esset ex illis, quæ materia medica præscribit ex tribus classibus, & quo ordine se instruere his debeat, dixi verum hactenus de studio medico non habuimus, nam hæcce æqualem pertinent ad Philosophum quam ad Medicum. Verum jam ipsum studium medicum strictè dictum deducet eum, ut sciat, quid sit corpus humanum, quomodo constructum sit, quid agat quomodo agat, quando exorbitet in actionibus suis, quibus remediis instructus perget agere, quibus modis destruatur, quibus remediis restituatur; nihil plus jam huc requiritur, quam ut sciamus, quid discendum habeat Medicus, & tum 2. quo ordine discere debeat. Itaque indicandum est nempe.

1. Quomodo per laborem facillimum.
2. Per impensa minima.
3. Per tempus minimum.
4. Per maxima memoriæ sublevamenta scitu necessaria absorvere possit Medicus, hæc quatuor sibi assumit persolvere, qui vult dare consilia Medica, & tum hæc omnia in usus praticos redigere, docere debet.

§. 2. Quicumque has omnes dictas
per-

perpendit conditiones & ad omnia , quæ in Medicina se offerunt cognoscenda atten- dit, videbit facile quod primum omnium eorum , quæ discere debet , sit Anatome : hanc magnus *Riolanus* vocabulo optimo *An- tropographiam* vocat ; nam ἀνατομη tantum dissectionem significat , de hoc etiam quæri- rimus propriè ἀντροπογραφίαν hoc est De- scriptionem hominis seu corporis humani , qua per ἀνατόμην innotescit , vocari quoque posset jure merito αντροποσωματολογία hoc est ser- mo de corpore humano seu corporis humani fabricā ut etiam *Magnus Vesalius* suum li- brum inscripsit , quem vocat corporis humani Fabricam .

Omnes enim Medici ferè conveniunt incipiendum esse in studio Medico propriè dicto , ab illâ scientiâ , sine qua nihil po- test Medicus & omnia tantum tumultua- riè agit . Quamvis reperiantur quidam qui contrarium dicant , sed eorum ab eruditiori- bus exploditur ubique sententia , nec igi- tur argumenta , quibus sententiam nostram confirmare possumus , afferemus , cum satis per se pateant abundè .

Quid nunc per *Antroposomatologiam* , per *anthropographiam Riolani* , & *somatologiam veterum & Anatomiam recentiorum intelligimus !* hoc prius indicabo , tum consilia

dabimus, quomodò hoc acquirendum sit; intelligimus, dico *bis vocibus descriptionem materiae, figurae, structurae, nexus illarum partium*, quæ *corpus humanum constituunt vivum, quantum manu Artificiosa, dextro ipsi oculo exponi possunt.*

Dico quantum Artificiosa manus hæc omnia ipsi oculo in corpore exponit; non ergo quæ per ratiocinia indagat, quomodo se partes habeant, sed quæ dissecando corpus artificiosè oculo partes detegendas ita præbet, ut describi possint; en hoc nobis est studium Anatomicum; de hoc studio nunc dabimus consilia, quomodò acquiri possit, quæ non nisi certè magnâ lecturâ & meditatione acquiritur.

§. 3. Detegit illa artificiosa sectio partes in toto corpore firmas, & cohærentes, quæ usu recepto vocabulo nunc vocantur solidæ, vel invenit partes, quas magnus *Hippocrates τὰ ἰχόντα, hoc est continentia,* id est partes continentes, & coercentes vocavit vel in nostro corpore deteguntur per Anatomiam partes fluidæ, quæ vocantur *latinis humores*, & hodie vocabulo minus romano, *Liquida seu fluida* & Hippocrates τὰ ἐνιχθόμενα ut optimè Phœsius emendavit id est intus contenta. Hisce addidit ille τὸ ἐνορμοῦ, seu imperum faciens, sed credimus nos *Hippocratem intellexisse impe-*

petum, quem facit mens, quum aliquâ pars movetur; v: g: cum movetur digtus, requiritur motus solidorum & fluidorum (nempe ut fluida in vasa fluant copiosius) & simul mentis directio, quâ moveantur solida & fluida, sed quod nobis ignotum est, hoc credo Hippocratem intellexisse per ἐνορμουν, ille enim non novit spiritus animales, sed ὅρμη significat impetum cum desiderio, qualis etiam habet mens cum nostras partes movet; hinc non puto ut (scholastici) Hippocratem intellexisse hoc verbo spiritus animales, nam ille intellexit ἐνιχόμενα seu contenta, sed per ἐνορμουν intelligit, quod mens non mechanicè sed incognito modo agat in nostra solida & fluida seu ἔχοντα & ἐνιχόμενα; jam hoc est schema Anatomiae, quæ dividitur in duas partes.

α In partes solidas (recepto nunc sed minus apto vocabulo fluidorum enim partes etiam sunt solidæ) dictas: firmæ vocantur latinis & sunt hæc partes continentes.

β In reliqua contenta intra hæc vasæ si velimus etiam cum scholasticis addere τὸ ἐνορμουν habebimus liquidum tenuissimum totius corporis, id est spiritus animales nempe.

§. 4. Ergo tota Anatomia pro diversitate harum duarum partium detectarum,

etiam se ipsam distribuit. Consilia igitur circa hoc studium erunt, quomodo discimus τὰ ἔχοντα, tum quomodo τὰ ἐνιχόντα & apud quos auctores quam facillimè discantur.

§. 5. Prima ergo Anatomiae pars detegit sectione, describit verbis, materiem, figuram, structuram, nexus partium firmarum, quæ ad constitutionem hujus corporis concurrunt. Invenitur igitur primò in his partibus materiem; Materies etiam quid est? per materiem intelligimus, omnes partes, quæ concurrunt ad constituendam unam firmam partem detectam, sed an hoc alibi factum ab Anatomicis, minimè, nam v: g: si musculum describant, dicunt est *corpus tale constans arteriis, venis, nervis*: verum si rogem, quid arteria, dicunt est *corpus constans membranâ inflexâ cavum conicum formante*, sed rogo iterum; quid est illa membrana, & si sic pergam, pervenio ad ultimam simplicissimam partem hunc musculum constituentem, quam cognoscere debo, sed nullibi ubi arteriam describunt non membranam simplicem, sed vas constans ex membrana aliis vasis conflata describunt, & hinc errarunt cum materiem descriptere, dabo exemplum, in simplicissimo corpore; rogo anatomicos, quid sit os? dicunt

os est corpus durissimum, firmissimum ad sustinendum corpus ipsum, si rogem quænam est ossis materies, dicunt si os per Chemiam examinetur, dat aquam, salem, oleum terram, & dicunt, en hæc est materies ossis, sed certè errant quam maximè, nam docemur in cæmenteriis quod ossa sole exsiccata, pluvia humida facta, sole iterum exsiccata, rore iterum humectata tumque vento & sole iterum exsiccata tamen adhuc sint ossa, sed si tum Chemici velint inde educere salia, oleum non possunt, sed materies manet fixa omni sale, & oleo privata, tamen os adhuc erat integrum; ergo patet, quid sit materies ossis, terra nempe, & Anatomia debet docere, quid sed distinctè partem firmam constituat. Alterum exemplum si rogem Anatomicos quid est vas, dicit Membrana sic involuta, ut canalem conicum formet, & sic facit vas arteriosum, rogo quid est Membrana debet dicere, est textura vasorum plurimorum Arteriosorum, Venosorum &c: qua liquida ferunt, & transsudant humores, & iterum forsitan aliorum adhuc vasorum quidem, quod ignoro; Ut sciamus ergo materiam membranæ, debeo tollere omne fluidum, & patet, quod materies membranæ sit iterum terra æque ac in osse. Dixi in definitione, quod si-

gura etiam debeat describi, & in hoc unius *Bellinus* ex solâ consideratione arteriæ plus perfecit quam reliqui Anatomici sua descriptione.

3. Structura ast examinanda, illa etiam est accommodatio materiae, nam figura est tantum superficie definitio, sed structura est compositio, hoc etiam tantum per *Malpighium* & *Ruysschium* est descriptum, quod suo loco dicemus.

4. Nexus etiam est considerandus, quod iterum multum facit. Nunc operam dedi meditatus, ut planè consilia darem de hac re, apud quos Auctores Anatomiam hanc invenire poterit tyro Medicus, & si audeam jectare, supplebo hic quosdam Auctorum defectus, dixi nuperrimè ad quintum nostrum consilium de dirigendo studio Anatomico, quod oporteret omnium primò examinare partium firmarum naturam; jam consilia dabo, quomodo hoc peragendum sit.

§. 6. Ut addiscat quam felicissimè harum firmarum partium totam naturam oportet, ut prius cognoscat illas partes, ex quibus minimis omnes componuntur majores, & in quas rursus resolvuntur corpora. Disputatio accerrima certè neque unquam lis adhuc composita fuit, quænam

essent elementa corporum, ex quibus corpora conflarentur. Per elementum etiam intelligimus partis cuiuscumque firmam originem & stamina. Illa, inquam, firma immutabilia quibus tanquam rerum natura persistit, prima exordia, primas particulas, quæ sua aggregatione corpora constituant, vocamus elementa rerum. Sunt ergo & quædam partes primæ minimæ, quæ nostros partes firmas constituunt, nam pars sensibilis nobis in corpore, non est unica pars, sed plures aggregatae partes; has ergo cognoscere debemus, ut naturam partis cognoscamus.

DE PARTIBUS SOLIDIS

α.

Natura Solidorum.

§. Sunt enim hæ partes, corpuscula exigua satis similia, simplicissima, terrestria, ex fluidis humoribus advectis ad singula loca secreta, & apposita cunctis partibus, & hæc sunt prima elementa, ex quibus hoc nostrum corpus fit. Si rogentur quænem sint ultima stamina minimarum partium nostrarum? dico quod sint corpora

exigua, & hoc clarè demonstratur apud Anatomicos, nam maxima pars sit ex vasis, vasa fiunt ex membranis, quæ involutæ faciunt cavum; hæ etiam membranæ sunt iterum ex vasis, quæ vasa membranam constituentia iterum constant membranis, quæ iterum ex vasis; donec ad ultimum vas perveniamus, quod habet membranam non ex vasis jam amplius; aliter enim non esset ultimum vas, sed illa ergo membrana est ex fibris, non ex vasis, quæ ergo fibræ ultimam membranam constituentes non sunt cavæ, aliter essent vasa, sed sunt mera filaments solidæ, illa constant ex meris partibus solidis minimis exiguis &c: sunt ergo ultimæ partes nostrorum solidorum particulæ valde exiguae, quod erat demonstrandum; Ergo omnium partium firmarum elementa sunt corpora satis parva, sed præterea satis similia, nam certè examinavi per ignem chemicum ultimum solidum omnium ferè animalium, & constituit, quod si os omni membrana sua, omni liquido suo orbatum fuisset, & tamdiu coqueretur in aqua, donec aqua tandem affusa æqualè clara & insipida inde rediret, tum semper fibræ solidæ sibi ubique similes remanerent, idem etiam erat de alijs partibus, v: g: sumo musculi unciam unam & coquo in aqua, hæcque repetto tamdiu assumendo nempè continuò

novam aquam priori affusa, donec ebulliens aqua, æqualis, insipida, & pellucida inde redeat, tum restant fibræ vasorum, sed omni solubili in aqua privatæ.

Neque hoc tantum, sed maxima mutatio-
ne, quæ in natura contingere potest hoc i-
dem semper fit, nam si comburerem mu-
sculum; non destruerentur hæ fibræ, sed
rectæ extensæ manerent quasi integræ, &
sunt ubique in una parte & in omnibus ea-
dem nam & ex osse & ex Arteria, vena,
musculo, pilo capitis &c. ubique eadem
sunt, eandemque præbent in conspectu ma-
teriem. Adeoque ut quod nostro corpo-
ris firmitatem dat, ferè ubique sit idem,
hoc mirum videbitur iis, qui putarunt
singulæ parti adesse singularem firmitatem
seu singularem materiem pro singulari fir-
mitate danda. Sed si sumamus embryonem
an non arteriæ ipsi dabit fibras; membra-
na in Embryone dat etiam idem post co-
ctionem vel combustionem, ac membrana
in adulto, et ex omni parte quacunque
diversa eadem semper habetur materies sive
in adulto sive embryone; ergò quod ma-
ximum & firmissimum est in corpore,
constituitur ex eadem materie, ac quod
minimè firmum est; nam Membrana ex va-
sis lymphaticis constans est ex eadem ma-

terie ac maximum os; ergo differunt tantum nostræ partes firmæ majori minorive aggestione & compositione eorum minimorum corpusculorum; hinc ergò jam concludimus quod ultima corpora, ex quibus majores nostræ partes constant, sint corpora valdè parva & satis similia.

Verum 3. Dico sunt satis simplicia. *Quod nempe in omni corporis puncto præbet eandem materiem, illud vocatur simplicissimum, sive illud vocatur simplicissimum cuius pars est eadem actu tota massa.*

Verum partes nos constituentes sunt sic simplicissimæ, si enim sumam areriam & simul os, eaque comburam ad ignem, remanebit pars fibrosa in utroque ubique eadem simillima. Tandem dico sunt partes terrestres, & hoc vocabulo utor, quia melius non novi, quô hancce materiem exprimam, nam Chemici vocant *terrestria corpora* seu *partes terrestres corpora* seu *partes terrestres illas*, quæ neque igne, neque aqua solvi possunt, sed immutabilia sunt in his. Salinas partes vocant quæ igne & aqua solvuntur, iterumque coeunt in materiem lapideam. olea vocant corpora, quæ igne solvuntur & comburuntur, sed aqua non miscentur.

Spiritus sunt corpora aquæ miscibilia, & combustilia ad ignem. Aqua est corpus, quod ad

ad minimum ignem liquecit & avolat absque adole & sapore. Atque nullis nostrarum partium hi characteres conveniunt, quod ad ignem & aquam insolubiles sint, quam ultimis partibus Nostrarum fibrarum, nam haec revera se ita habent; hinc eas partes terrestres vocare cogor.

Si jam quæratur, quid sint partes simplicissimæ in nobis! Veteres dixerunt partes Elementales, partes etiam Elementales sunt partes in nobis terrestres; nam has ultimas tantum in omni parte eisdem similes ubique & immutabiles invenimus hocque dat firmitatem nostro corpori; sed recentiores (ut dicit Verney quod miror, nam eum certè Principem Anatomiæ habeo) dixerunt pars simplicissima est os: verum profectò in osse sunt adhuc membranæ, si quis medulla lympha &c.: quibus omnibus si privetur os, remanebit tantum pro ultimis staminibus pars fibrosa terrestris, ut in omni parte. Denique dico ex fluidis advecta, etenim novimus quod hoc nostrum corpus quod nunc tantæ molis est, antea fuerit minimum & millesies minus uno grano sabuli, & ex tantilla molecula accrevit, hocque omne factum est appositione minimæ molecuæ ad reliqua, nam si fibræ alicui non apponenterentur aliæ partes, illa longior fieri

fieri non posset, & adhuc simul in partibus suis cohærere; ergo hujusmodi appositione partium increvit hæc machina, hæc omnia fuerunt elongata, aucta, ampliata, vasa, unde & reliquæ partes. Cum autem omnia vasa debuerint increscere ita æquabiliter, ut videmus; hinc ad singula vasa distinctæ debuere applicari particulæ, quod fieri non potuisset nisi cum fluido per vasa recto eo deductæ illæ partes fuissent.

§. 8. De natura etiam harum ultimarum partium nulli scripsere quantum novi; forte possem commendare hic. α Èa quæ hinc inde in theoreticis & institutionibus meis habeo. Tum β ea quæ in praxi præmisæ ad historiam morborum de morbis fibrarum, nec non. γ Tertium, quartum, & quintum Processum nostri Collegii Chemici, ubi omni accuratione, qua possum in ultima rerum stamina inquiero.

Alios quos novi super hac re non possum commendare Auctores.

§. 9. Postquam Anatomes Tyro percepit hæc, tum demonstranda & explicanda clarissimè est fibra minima partium firmarum, quæ non potest ulterius resolvi nisi in elementa (6: 7: & 8.) descripta, ex quibus fibris cum aliis compositis minimæ

mem-

membranulæ oriuntur & quidem simplissimæ.

§. 10. Quaritur ex quibus constet, hæc ultima fibra, quæ combustionē docet se constituere minimum vas! Respondetur minima membrana constat ex fibris (ex § 9.) illa membrana convoluta facit minimum vas; ergo minimum vas constans ex minima membrana; quæ ex minimis fibris, quæ fibræ ex mera terra constant, est etiam merè terrestre; ergo fibræ minimæ sunt terrestres: Vidimus enim in antecedentibus quod ultima materies stabilis firma, unde perennitas solidorum penderet, esset materies terrestris, illa etiam materies applicata faciet & constituet fibras, nam solidum combustum dabat ultiro fibras solidas, quæ resolvebantur in illas partes terrestres descriptas; itaque fibræ constant ex illis partibus, jam illæ fibræ ex hac materia factæ sunt filamenta solida, oblonga non cava, quæ sibi mutuo applata cum aliis fibris conjunguntur & intertexuntur, & sic faciunt membranam, hæc membrana convoluta facit cavum, sicque jam habemus minimum vas; ergo ut cognoscamus nostra solida cognitâ primò materiam, sciendum jam quid sit fibra, ex qua constituunt vasa, ut ex combustionē solidorum patet, illæ enim fibræ eodem modo constituunt membranam, ac videmus filia-

fiamenta lini constituere linteamina intertexta inter se mutuo. Minimum equidem vas diu coctum cum aqua semper repetita affusione recentis aquæ soluto sic omni solubili, vasque Orbatum omni suo succo, & arefactum omnino, si deinceps cum suis partibus firmis oculo exponetur, & Microscopio examinetur demum, nos docet, quid ultimum vas sit. Si pilam comburamus ad flammam alkoholis, ne inquinatio fiat, dissipantur liquidissimæ partes, & si tenaculo subtiliter teneatur, extus adhuc cohærebit, retinebit figuram pristinam tenaciter, & hinc liquet ultimum vas habere membranam constantem fibris, quæ constant partibus nec aqua nec igne solubilibus; ergo terrestribus.

§. 11. Super hac re, qui ad manus meas pervenere, nulli omnino scripsere.

Verum tribus locis citatis § 8. in exercitationibus nostris hæc iterum poterunt inveniri.

§. 12. Postea docenda erit canarium minimorum (9: 10) descriptorum; textura varia erga varios modos, quibus fibræ vel canaliculi sibi mutuo attexuntur, cursu nemdè parallelo, cursu intertexto, & cursu spirali. Jam dicimus quomodò vasæ ex membranis &c: constent, sic enim se habet

negotium, materies ultima terrestris constituit primò fibras, hæ sibi mutuo applicantur, & constituunt simplicem membranam, hæc simplex constituit, si involvatur, vas quod jam est primum & minimum, hujusmodi vasa jam plura sumamus illa intertexta sua constituunt membranam, jam non ex fibris, sed vasis, constantem, illa involuta faciet etiam vas; hujusmodi jam vasa plurima ex membranis non fibras, sed vasculosis constantia; si sumamus, & intertexamus; fiunt iterum membranæ, unde iterum vasa & sic porro.

Intertextus etiam horum vasorum æquè ac in linteis & pannis triplici modo fit. α , quod nonnulla vascula parallelo situ decurrant, & ad se invicem cohærent. β , alia vascula inter illa parallela decurrant recta, situ opposto & ad angelos yarios priora secant. γ Alia sunt, quæ spiraliter intorquentur, & ita inter præcedentia decurrunt. Hocque vasorum intertextu fiunt majores membranæ, unde vasa majora, unde viscera & reliquæ partes, si etiam fibræ tantum sibi applicentur per parallellum; tum membrana est simplicissima, & respectu fibrarum & nexus, si verò fibræ sibi infarciantur cursu intertexto, tum membrana respectu nexus non est adeo sim-

simplex ac præcedens, at si fibræ spiraliter se mutuo involvant, tum fibra est maximè composita.

Vidimus etiam quod vas simplicissimum esset, *vas est omne illud, quod format cāvum, in quo contineri potest aliud corpus, & ut plurimum fluidū.* Ergo simplicissimum vas est, quod componitur ex membrana minima & simplicissima convoluta sic ut cāvum formet. Substantia hujus vasis sunt fibræ simplicissimæ non iterum cāvæ. Hic jam est finis vasorum, nam in infinitum hoc non progreditur, nullus enim terminus datur nostro corpori, ergo nulla figura.

Jam intelligitur simplex membrana, verum quid sunt aliæ membranæ! ille contextæ non sunt compositæ ex fibris, sed si fuerit penultima membrana; hinc constabit ex vasis, quorum membranæ sunt simplicissimæ hoc est ex fibris constantes; ergo tunc erit illa penultima minima vasculosa; hæc vascula jam iterum & secundum parallelismum; & erga decussum contortumque sibi mutuo inveniuntur. Membrana, quæ jam sequetur penultimam, constabit ex vasis, quorum membranæ non ex fibris, sed ex minimis vasculis constant, hanc jam membranam constituentia vasculosa vasa rursus secundum triplicem dictum modum

dum intertexta esse possunt. Et tali modò pergimus usque ad crassissimas membranas, quæ ex maximis constant vasis, & intortu suo iterum maxima vasa constituunt viscera & reliquas partes. Hæc est omnium accuratissima idea, quæ de natura solidorum tradi potest, Anatomici etiam nunquam vasa minima, nunquam membranas minimas, vel fibras minimas sed tantum partes, quæ ex hisce comparantur, demonstrant. Si jam queratur quænam sit causa roboris in homine, Respondetur facile, illa oritur a compressione, & propinqua adunatione vasculorum minorum, expulso suo liquido & concretorum constituentium sic fibræ fortiorēm, ita ut plurimæ fibræ adunatis sic omnibus fibris horum omnium canarium fiat una fibra, quæ ergo tanto robustior erit, quo plures canales ex fibris constantes proinde plures fibræ concreverint; sic enim videmus quod una chorda, si ex 100 prius fibris constaret, jam constet ex 1000 fibris, 100000ies ergo jam fortior erit; & sic in nostro corpore; tales fibræ possunt fieri ex mille minimis fibris.

§. 13. Vascula minima corporis nec oculis nudis, per Microscopia visibilia reddi possunt, quare accurato tantum arguimento, ex majoribus vasis cognitis de-

prompto possunt indagari. Demonstrarē
debeo severissimo argumento, quod in cor-
pore humano vasa sint, quæ nimis minora
ut microscopiis videri queant. Ut
hoc faciam, oportet tamen, ut advocem
Microscopiorum opem, jamque demon-
strabo.

§. 14. Sciri possit esse in corpore ca-
nales, & eos esse minores, quam ut Mi-
croscopis videantur, paucis repetenda est
Microsporum historia.

A

Sit A unus pollex Geo-
metricus hic dividi ad-
huc potest in 100 partes

B Geometricas adhuc conspicuas, sumo hujus
 $\frac{1}{100}$ partem & sit B. hoc posito quidam
 sumpere corpus cubicum cuius longitudo
 esset $\frac{1}{100}$ pars pollicis: hocce facto talem
 cubicum posuere ante Microscopium, &
 deinde ejus magnitudinem visam retinent,
 ut jam viderent, quot vasa in hoc spatio
 contineri possent, hoc fecere omnes, inven-
 nere quod diameter unius globuli rubri
 in sanguine conspicui sit centuplo minor
 quam diameter talis cubici & granuli sa-
 buli hoc est talis diameter hujus globuli
 sumitur, & centies æquabit tunc dia-
 meter grani sabuli, sed unum granum sabu-
 li æquat $\frac{1}{100}$ partem pollicis, ergo globus


sanguis

sanguinis habet diametrum centesimæ partis pollicis, hoc est si 10000 globuli ponentur erga se invicem, possent æquare pollicem: Nam pono $\frac{1}{100}$ partem pollicis, globuli sanguinis est centesima pars hujus $\frac{1}{100}$ partis; ergo in $\frac{1}{100}$ parte pollicis contineri possunt 100 globuli sanguinis; ergo 10000 poterunt in uno pollice contineri globuli. Hæc demonstrat nunc, quot vasa, quæ unicum globulum sanguinis capiunt, in uno pollice contineri possunt: Verùm demonstrat *Euclides*, quod quadrata superficierum sint, ut quadrata demonstratorum; ergo in spatio quadrato pollicis possunt contineri 100000000 vasorum, quæ singula adhuc capiunt unum globum sanguinis, en ut facilius rès patet.

Diameter
globuli sanguinis $\frac{1}{100}$ pars $\frac{1}{100}$ pollicis.

vasa in spatio
pollicis continentur $\frac{1}{1000000}$

ergo in spatio pollicis quadrati ut est figura C continentur.



I
100000000

Hæc sunt quæ oculus Microscopio tantum, quoniam sunt opaca, videt: Verum si nunc 100 milliones vasorum videt in uno quadrato pollicis, illa non sunt minima, quare? quoniam illa habent sanguinem. Quod hæc vasa adhuc sint maxima in nostro corpore, & longè minora adhuc sint, inde patet, quia hæc quæ videmus, dant vasa lymphatica, qui liquorem ferrunt de lato in angustum, nam videmus venas lymphaticas, quæ ab arteriis lymphaticis recipiunt, & necessariò recipere debent. *Leewenhoekius* demonstrat quod globulus lymphæ habeat diametrum sextuplo minorem globulo sanguinis; ergo vasa lymphatica tanto minora erunt: Verum serum exhalans sponte est adhuc multò tenuius lympha, quæ coagulatur ad ignem, & saltem fæces relinquunt; ergo vasa, quæ hoc tene liquidum gerant, parvitatem horum vasorum immensè superant, ita ut numerus incredibilis horum possunt contineri in spatio;

tio; ubi 100 millions vasorum sanguiferorum continentur, quin & etiam multo minora adhuc sunt liquida & solida in corpore. Quod dicam etiam de tenuitate filamentorum cerebri, de quibus videatur *Leerwenhoek in epistola ad societatem Anglicanam in primo tomo suarum epistolarum quarta parte aut circiter*, hic egregius vir dicit sibi constitisse experimentis sensibilibus Microscopii ope, filaments in cerebro esse tam parva, ut in spatio unius pollicis quadrati contineri possint 409600000000, qui calculus etiamsi non sit Auctoris deductus est tamen exactissimè ex ejus primis calculis: Verum quæritur nunc, an hæc sint minima in nobis & in animalibus, sed dico ea adhuc differre à minimis vasis ita ac terra differt à grano sabuli, & hoc jam demonstratus sum. Ponamus quod constat per experimentum Domini *Gokkors*, quod animalculum in semine deprehensum sit basis totius nostræ machinæ, horum animalculorum quæ in semine deprehenduntur, diameter ubique idem semper est visum, verum hujus diametri magnitudo est hæc deprehensa per Microcoscopium $\frac{1}{1000}$ unius pollicis, quæritur, quot ergo esse possunt in pollice cubico. Si multiplicentur in cubum hoc est tres per se

tum hunc dabunt nostrum ²⁷ an
jam non credibile est in hoc animalculo,
si sit basis corporis, hærente quod dicitur
oculus, auris, nasus &c. si quis dicat ex
Malpighio non hærent sic facta, sed di-
cit omnia fieri per instrumenta, non dispu-
tabo, sed omnes saltim dabunt hoc, quod
hæret in illo animalculo illa pars, quæ fiet
oculus & sic porro adeoque omnia discri-
mina rerum, quæ in hoc animalculo sunt
& tempore tantum sensibilia sunt, con-
stant ex diversis vasis & distinctis, quæ
tempore extenduntur, si enim hæc ex vasis
non constarent, quomodo incressere pos-
sent, quomodo augerentur; cogitemus ergo
qualia illa vasa esse debeant, & quot hu-
jusmodi vasorum in uno pollice contineri
poterunt. Si jam mihi aliquis Anatomici-
cus dicat, en ibi vasa minima & ea Mi-
croscopio demonstrat, an concedam ipsi
esse vasa minima, neutquam certè, sed
dicam hæc sunt tantum vasa sensibilia & hæc
minima vasa rubra non sunt minima nisi in suo
génere, nam habemus adhuc vasa lymphatica,
quæ videri non possunt & præterea adhuc mi-
nora, quæ perspirabile *sæcularii* adhuc ge-
runt, & fortè adhuc minora. Hoc modò
jam conficitur nostra Machina ex infinito
ferè, & hoc opere tremulo, nam utcun-
que

que nos putamus, stabiles sumus ex hoc
elemento.

¶. Postquam Medicus hac Idea imbu-tus fuit, jam audebit aggredi, digerere suum Anatomicum studium in quo discet aliud nihil, nisi partes nudo oculo specta-biles sive per se, sive opaco injecto liqui-do vasa distenta fuerint. Hoc præmisso, ut pergere possim in historia injectionum. To-tum studium Anatomicum, jam ipsi tantum dabit vasa oculo conspicua sive per se, sive per liquidum opacum injectum. Hoc dico, ne quis putet cum magnis viris quasi injectio-nes nobis vasa minima in conspectum præbe-rent, minimè, nam jam olim *Galenus* & inter recentiores *Swammerdam* & alii postea ut *Ruysschius* inceperunt injicere in vasa ma-jora tanta vi, ut distenderint vasa extra sta-tum naturalem, injecerunt itidem liquidum crassum opacum, ut cera cum oleo Tere-binthinæ, & hujusmodi, sed optimi viri fassi sunt, se nihil quam maxima minimo-rum replevisse, sed quod jam vi distenta, & liquido opaco repleta melius visui se præbeant quam ante: Verum inter hos sunt nonnulli, qui putant alia non esse vasa præter hæc, & hæc esse minima, ve-rum injectio tantum potest hoc, ut dis-tendat hæc vasa, quæ tam magna sunt, ut

recipiant crassam hanc materiem, quæ injicitur, verum raro illa materies ad sanguifera minima quidem pervenire potest, quomodo ergo ad minima omnium perveniret, quod ad sanguifera minima non perveniat, patet, quia non ex arteriis in venas ex mille vicibus semel perveniat: verum demonstravimus à priore præter hæc, vasa esse adhuc infinites minora quod si non verum esset, unde ergo exhalaret perspirabile *Sanctorii*, & si illud vas sanctorianum esset æquale magnum ac vas minimum sanguiferum, cur sanguis non exiret ipse; ergo vasa, quæ replentur injectionibus non sunt minima, si tamen trahiciatur Mercurius vivus, nihil ferè plus perficitur, quam cera nec multo plura detegi poterunt; ergo concluso totum studium Anatomicum nos nihil docet, quam vasa, quæ & per se spectabilia sunt, & liquido opaco injecto spectabilia fiunt. Totum hoc nunc studium Anatomicum ut à nobis rectè addiscatur in quatuor partes divido. 1. Pars agit de ossibus horumque propriis partibus. 2. De Musculis & partibus eo spectantibus. 3. De Visceribus, & partibus eo spectantibus. 4. De Vasibus extra ossa musculos & viscera in his

his ipsis deprehensis. En conspectum totius studii Anatomici.

ANATOMIÆ

Divisio.

§. 16. Prima pars Anatomiae debet agere de ossibus horumque propriis partibus; debet Anatomia prius agere de illis, quare? ut ideam excitet loci, situs & mensuræ partium de quibus scribit, & quos demonstrat, ut v: g: si dicat de Corde, debet dicere ex quibus partibus firmis pendeat, & inter quas continentur, sed si tantum sint ossa, quæ ad ea spectantur sunt costæ & cartilagines; ergo nulla pars potest assignari in corpore nisi respectu ossium, ut v: g: cerebrum si describatur, ejusque situs enarretur, debemus dicere inter quænam ossa hæreat. Nullus itaque proficere poterit in studio Anatomie nisi ab ossibus incipiat, & ejus sunt sententiæ maximi quique Medici, ut *Hippocrates*, *Oribasius*, *Ægineta*, *Vesalius*, & multi alii: verum præter hæcce ea ossium cognitione est basis totius praxeos medicæ, nam basis indagandi locum affectum in corpore dependet ab accurata osseum cognitione.

Hæc pars jam vocatur *Osteologia* ὥστεον est

os, & λόγος sermo Osteologia igitur est Tractatus de ossibus, hanc absolvam, ubi dixerò tria themata continere, nam dicam omnia, quæ ad ossa pertinent; hinc prima pars Osteologiae dicitur Osteogenia, quæ designet.

α. Quænam sit materies ossium. β Origo. γ. Constitutione ossium in sua substantia, cum jam sunt formata. Secunda pars est Osteographia, quæ cognitionem dat structuræ jam in adultis; hinc delineat fabricam & diversitatem partium in ipso osse perfecto. Tertia pars est synosteologia seu synosteographia, quæ explicat omnes partes in osse, quæ faciunt, ut os ossi annexatur cum motu & sine motu cum cartilagine & sine eo.

§. 17. Altera pars Anatomie dicitur Myographia seu Myologia, quæ pars carnosa mobilis & osse movenda similis est mari, habet enim corpus & caudam, & quum μυς græcè sit illud animalculum quadrupes; hinc latine musculum vocant hanc partem carnosam muri similem; & doctrina musculi est Myologia, hæc pars continet duas partes.

Prima est Sarcologia, hoc est descriptio carnis. Secunda est Aponeurosiologia id est descrip-tio tendinum seu partium, quæ musculos alligant ossibus & punctis fixis; ἀπονεύσος enim est carnis musculosæ mutatio in nervum, & nervi nomine intelligunt veteres tendinem; hinc

hinc ἀποευροτολόγια est descriptio tendi-
num.

Animus est in præsentiarum Anatomicum
indicare studium; hinc duo proposui pera-
gere, & annotare summa capita cuiuscun-
que partis Anatomiae, ejusque generalem
ideam excitare. β Tum optimos Autho-
res ad singulam partem indicare, dixi jam
quænam essent duæ priores partes, sequitur
tertia.

§. 18. Tertia pars agit de visceribus, vis-
ceris etiam nomine intelligitur *corpus notabi-
le*, una *superficie communi* descriptum, con-
stans *vasis plurimis*, & ut plurimum glandu-
lis in unum *corpus adunatis* in effectum mu-
tationis insignis & secretionis cuiusdam; &
hæc pars vocatur *Sphlanchnologia*; hinc nunc
eo referuntur cerebrum, cerebellum, pulmo-
nes, ventriculus, pancreas, hepar, lien, in-
testina, mesenterium & in fœminis etiam u-
terus. Dicit quis, cur non vocas etiam cor,
viscus quia *Viscus* non est, sed *musculus*
hinc ad ejus descriptionem refertur.

Hæc pars vocatur *Sphlanchnologia*, σπλαγ-
χνον enim est *Viscus*; jam ea describit, situm,
nexum & figuram &c. visceris; atque his
octo in viscere de natura visceris constat.

§. 19. Quarta pars est quæ agit de *vasis*,
ad eoque occupatur in *descriptione vasorum*, at-
que

que quis petat , quid est ergo vas , nam
musculi & viscera sunt etiam vasa sed
respondeatur , per vasa hic intelligo cana-
les , qui barent extra ossa , extra muscu-
los , extra viscera , nam alias *Angiologia*
seu descriptio vasorum invenitur in descrip-
tione viscerum , sed hic intelligimus *vasa*
nuda , quatenus nempe hic quæritur , unde
oriuntur , quomodo fulciantur , ubi alias
partes intrent . Nunc quid latinis est vas ,
hoc græcis dicitur ἄγγειον ; hinc ἄγγιολο-
γία vocatur *vasorum descriptio* . Oritur hic
illud dubium , quorum nervos referemus , an
ad viscerum historiam , an ad *Angiologiam* ;
sanè cum nobis omnes nervi mediatè , &
immediatè sint veræ productiones cerebri
& cerebelli ; hinc ad descriptionem horum
viscerum possunt referri , hujus etiam scien-
tiæ descriptio in particulari dicitur *Neuro-
graphia seu Neurologia* : verum cum nobis
etiam sint vasa liquidum ferentia etiam pos-
sumus nervos referre ad *Angiologiam* , ita
tamen , ut hoc dubium restet , ut unus
quoque possit ad alterum etiam referre .
Rem jam ipsam aggredior , non verbis ut
haec tenus distinguendo fecimus , sed re .

C A P U T I.

A N A T O M I Æ.

P A R S P R I M A.

Osteologia, & prima Osteogenesia.

§. 20. **O**steogenesis est descriptio omnium mutationum, quæ à primo conceptu in ovo usque ad ultimam hominis proceritatem observantur.

1. Originem, Materiemque Ossum.

2. Seriem successivam omnium mutationum, quæ deinceps huic ossi à prima origine & materie ad ultimum incrementum usque accedunt. En hæc duo requiruntur in hac parte Osteologie, si quis nunc scire velit quid ex labore tot Auctorum acquirendum sit in hac historia, en hæc sunt. Quid vocatur os, Respondetur: os vocatur, omnis durissima, candissima, levissima seu minus ponderosa corporis pars; ergo ubi hæc quis inveniet, erit os. Quæritur quomodo os factum sit? en deducam obscuritatem, primo observatum est nullum os factum fuisse, quin antequam

quam esset os, fuerit cartilago : Verum quid
jam est cartilago ? est corpus duritie ossi proxi-
mum, verum magis plicabile, & omnium par-
tium in nostro corpore magis elasticum, hæc
est idea cartilaginis, cum etiam plicabilis
& elastica sit cartilago habet usus in com-
parabiles in corpore, nam v. g. ubi vis tra-
hens seu motus perennis esse debet, ibi est
cartilago, nam ubi cavitas est recipiens tu-
berem ossis ibi cartilaginea crusta obdu-
citur os tam *ad epiphysin* quam *ad apophysin*,
ut cum motus factus est, & illa crusta car-
tilaginea est distenta, illa resiliat, & sic mo-
tus perennet, alias os extra locum quasi ma-
neret, jam verò retropellitur in situm, sic
etiam ad nostras costas posuit Deus cartila-
gines quæ costis apponuntur angulo obtuso,
ut cum in inspiratione vi distractionis, illæ
cartilagine se restituant, & costas iterum
reprimant, sicque motus continuo fieri queat,
& hæc est causa sola, cur respiratio in nobis
sit tempore somni ; ergo cartilago est pars
duritie ossi proxima sed maximè elastica & nul-
la pars est in corpore ; unde globi torran-
do fieri possunt, qui ita resiliant, resiliunt
enim in incredibili certè elatere ; versamur
in eo, ut describam omnes mutationes ob-
servatas in osse, dum crescebat, & primo di-
xi fuit cartilago jam descripta.

Tertia series mutationis hæc est , omnis cartilago , sive omne $\chi\delta\omega\delta\varphi\omega$ antequam cartilago sit , cui corpori proximum erat ? membranæ . Sic in fætu nullum invenitur os post mensem adhuc , sed pauca puncta cartilaginea , quæ fiunt ossa , sed proximum corpus cartilagini est membrana .

Quid ergo est membrana ? ὑμὴν græcè dicitur membrana , non tantum claustrum illud virginitatis , sed omnis membrana , unde hymenes & meninges adhuc vocantur membranæ , quæ etiam μίνυξ dicitur membrana , unde non tantum cerebri & cerebelli membranæ duræ & tenuis illud nomen meningis , sed omnibus corporis membranis conveniat , jam membrana omnis quale est corpus ? est corpus plicabile admodum atque proximum cartilagini ; aliter definiri non possum membranam ; nam inciderem in descriptionem alteri parti applicabilem .

Verum quarto dico omnis membrana sic cognita est textura & vasorum & fibrarum constat enim ex vasis uti linteum ex filis intertextis , quæ adunatis triplici modo inter se sic membranam constituunt , sic ergo nostræ membranæ ex fibris & vasis implicatis constant , ex his jam fiunt reliqua .

Adeoque hic est ordo , primo habetur os , secundo illud os semper prius fuit cartilago , tertio

tertio cartilago antea fuit membrana quarto
hæc membrana fuit & vasa & fibræ , quæ
jam intertexuntur ; ergo os est ex vasis &
fibris, verum jam membranæ horum vasorum
unde constant? aliis iterum vasis & fi-
bris , ergo si quis me roget , quid ea vasa
sint , quæ suo intertextu membranam sensi-
bilem constituunt? *sunt membranæ minores*
similes quæ etiam ex minoribus vasis constant,
sed ita sunt involuta, ut fiant cavum, inde
fiunt illi minores canales; hi ergò iterum
constant ex membranis quæ ex aliis minori-
bus vasis conflantur , sed ultima jam mem-
brana primum vas constituens illa non am-
plius est vasculosa, sed fibrosa. *Per fibram enim*
intelligimus corpus oblongum non cavum, hu-
jusmodi fibræ plurimæ constituunt membra-
nam primorum vasorum , jam etiam antea
demonstravimus partes fibrarum esse terres-
tres absque oleo & sale ; ergo ultima ma-
teries ossis est terra quod jam antea clare do-
cuimus.

§. 21. Reascendendum nunc sursum (quæ-
so in intellectu hoc retineatur) os omne est
pars durissima , candida , levissima , omne os
fuit immediate ante cartilago , *Cartilago est*
duritas ossi proxima sed magis plicabile & val-
de

de elasticum corpus; si fuit paulo ante membrana, omnis membrana fuit paulo ante vas a soluta; quæ vasa ex aliis vasis, tandem ex fibris, omnis fibra fuit ante materies soluta in fluidis fluens, & fibris applicata, estque illa materies nutrititia materies terrestris. Omne vas seu ex vasis seu ex fibris constet, sit fibra iterum.
1. Si exprimatur omne liquidum, quod latus à latere distare faciebat. 2. Si ejus exprimantur latera. 3. Si ea latera coeant & concrescant inter se. Hæc tres conditiones ubi adsunt, fibram ex vase facere possunt. Hæc ergo fibra erit, tanta plus elastica ac ejus crassities est major prima, si v. g. minimum vas in embryone constet ex mille filamentis, exprimatur, latera concrescant, fiet ex hoc vase una fibra, ergo mille fibrae fiunt una fibra: verum elasticas semper hæret in unaquaque harum fibrarum, singulæ adhuc sua vi agunt, tunc jam mille vires junctæ agunt; ergo erit milles plus tenax sui situs; hæc ultima fibra ita ex mille aliis composita, quam erat ante, & erit crassior plus tenaciter; ergo plus resiliens etiam, & plus elastica; hinc jam videmus, si membrana aliqua textura talium vasorum constet, & plurima vasa fiant fibræ, tum hæc membrana fiet solidior, durior,

candidior, magis elasta & jam est cartilago.

Cartilago est quando vascula qua sua textura faciebant membranam, non manent vasa, sed concrescunt & solidescunt. Hæc nunc verissima esse videmus, quod plurimis potest probari exemplis, sed videatur *Malpighius* ille docet v. g. in osse bregmatis, quod in fætu adhuc membranosum est, in medio fiat stella alba, ex qua exercent radii albi, si microscopium applicetur, videbitur, quod illa stella, & illi radii sint, ubi vasa plus compingi incipiunt, & quod ibi maiores arteriæ sint pulsantes, hanc compressionem excitantes.

Ultimo dico in hac Cartilagine, dum ita ex membrana sit, tum strata quædam fiunt ex vasis compressis, & simul alia strata ad sunt vasorum non compressorum, sed comprimentium, nam per hæc fluunt liquida pulsantia; ergo cartilago constat stratis solidis perfectis, & intercapedine stratorum ubi vasa sunt, quæ vasa liquido adhuc plena quoque suo motu & pressione reliqua compressorunt vasā, unde illa strata perfecte solida constata sunt. Et sic lamellatim conflatur Cartilago, ita ut inter lamellas has sint vasa liquidum ferentia. Si jam illa strata cartilaginea magis magisque comprimuntur inter

inter se, tum fiunt corpora candidissima, durissima, compactissima, siccissima, & vocantur ossa. Os nunc nihil aliud est, quam conflatio & adunatio plurium membranarum, quae lamellatum sibi mutuo incumbebant, & quarum nonnullae erant jam consolidatae & lamellas duras componebant, inter quas lamellas intercedentes sunt, ubi vasa adhuc tuto suum liquidum ferentia continentur, & totum os nihil aliud est.

Sed jam queritur, cur os in medio sit solidius quam ad apophyses? quia in medio semper prius incipit durescere: verum cur incipit in medio prius durescere? Demonstravit Clopton Hæversius quod in medio sit maxima arteria, & hinc ibi maximus est pulsus, ibi statim fit cartilago, quæ pergit comprimente illam arteriam; & hinc in medio ossa ubique durissima, & compactissima sunt, sed etiam tenuissima, & cur? quia ibi os statim durum factum non amplius crescit in infante, sed statim consolidatur: verum reliquæ ossis partes interim adhuc extenduntur.

¶ §. 22. Postquam explicata fuit ratio, cur omnes Cartilagine, & quæ inde fiunt ossa, diversis constent sibi mutuo incumbentibus stratis, ulterius videndum & examinandum est, an nimis inter strata & lamellas sint

in nonnullis locis decurrentia vasa majora,
plusque liquidi vehentia quam reliqua, quod
dum fit, arteriae majores ibi loci delatae dis-
tendunt a se mutuo lamellas & formant quæ-
dam cava: dico inter strata ea, & lamellas os-
sium demonstratas, in nonnullis locis de-
currunt vasa majora quam in reliquis parti-
bus, adeo que quæ velociori & copiosiori
fluido trajiciuntur; ergo ibi ubi haec vasa sunt
major erit distentio partium, inter quas de-
currunt, quam alibi: verum hinc illa
strata inter quæ decurrunt illa vasa plus
a se removent, quod dum faciunt, fa-
ciunt quosdam sinus, qui (quid mirabile
est) prius non haerent in osse, sed diu post
os factum ibi reperiuntur. In exemplo hoc
patebit, qui *Osteographiam* norunt, sciunt quod
os frontis constet uno osse, & norunt ex
Osteogenia, quod os frontis contra naturam
aliorum ossium, hic supra supercilia prius
ossecat, ubi in aliis ossibus, ut in osse breg-
matis, in medio ejus prius stella ossea appa-
reat, sed os frontis hic ad inferiora prius
incipit naturam induere osseam: in infante
jam trium & quatuor annorum os frontis si
examinetur, ut infra supercilia non inven-
tias sinus, nullamque cavitatem; verum si
post in homine viginti annorum & ultra il-
lud os examines, invenies sinus infra super-
cilia,

cilia, qui non in prima origine adfuit, sed postquam jam os factum est, ibi fit; præterea os maxillæ superius in infantibus nullum conspicuum habet cavum, sed post sexdecim & ultra annos hoc quod prius tuberculum cavum in eo osse erat, jam specus capax & cavum mucum continens fit, & mirum hoc est, in infante cavum ibi nullum est, & contra in adulto. Adeo mirum in osteogenia est, quod lamellæ quæ prius erant complicatae, jam incremento ossis removentur, qua remotione fit intercapedo, quæ est sinus.

Videamus etiam in osse basilari sub sella turcica in infante solidissimum est os ad nostros sensus, inquam, nam perfectè solidum non est: verùm in adulto, si inquirimus, erit ibi os excavatum uno & duobus sinibus septo intermedio accurate distinctis, qui sinus investiuntur intus membranâ, quæ plena est glandulis, & quidem mucum stellantibus ad nares determinandum, ut defendantur nervi olfactiorii. Ergo videmus clare, quod vasa sanguinea in ossibus & non nullis locis sunt maxima, & ibi sensim incipiunt pulsu suo dilatare à se mutuo lamellas, & licet sint pulsus molles arteriosi, & os jam durum sit, nihilominus cum illi ictus bis millies repeatantur una hora, quod 48000 est una die, hinc sensim faciant cavum: sic

etiam nascuntur sinus & cavernæ medullosæ, nam cavitates ossium medullosæ non sunt tam magnæ in infante respectu adultorum ossium, sed ipsæ Arteriæ medullares extendunt spatia, quibus continentur, & sic tandem majores fiunt cavitates.

Dedi jam schema totius Osteogeniæ, & quidquid ex Auctoribus ad hanc rem spectat, exposui, nempe dixi materiem ossium nempe terram, quæ per canales minimos cum fluido advehetur, & fibris applicatur, tum dixi sit fibra, ex qua cum aliis fiunt membranæ, ex quibus membranis convolutis fiunt vasæ, ex quibus vasæ jam minimis sit membrana penultima, ex qua alia vasæ, ex quibus aliæ membranæ, ex quibus strata membranosa, quæ si emungantur suo succo, fiunt duriora, unde tum strata cartilaginea, quæ cum ad se multuo comprimuntur, tum osseæ fiunt lamellæ, quæ nonnullis locis arterias minores, majores habent; hinc uno loco statim consolidescunt, alio loco non verum quis dicet: hoc, si vera fides adhibenda sit magno *Malpighio*, qui in operibus posthumis ubi tractat *Oestogeniam*, ibi concipit os prius constare ex lamellis, & de vasæ non loquitur, sed dicit, quod succus osseus ibi intra has lamellas stillaret extravasatus, & quod ille succus tanquam

tanquam gluten ferruminaret unam lamel-
lam ad aliam : verum magis ille Vir hæc
coactus fuit credere attendens ad regenerationem ossium fractorum , nam in ossibus
fractis observatur , quod liquor quidam ef-
fundatur circa fracturam , & intra lamellas
extravasetur , unde tantus tumor qui tan-
dem coalito iterum osse , durior est osse ipso ,
unde borius ille vir naturæ indagator , videt
succum osseum adferri &c. & os congres-
cere , sed succus ille osseus , nullibi est quam
ubi fracti sunt fines arteriarum , ibi ubique
ad fracturam rupta sunt vasa , & ibi tumor
fit , sed ex *Hawertio* constat millena lamella-
rum compónere os , jam vasa intra lamellas
sunt rupta & ibi tumor , unde ? quia vasa
illa , solutis ipsis lamellis , minus compri-
munt vasa , hinc jam plus distenduntur , &
hinc coguntur lamellæ plus assurgere quam
ante ; hinc series lamellarum omnes elevan-
tur hic ad locum ruptum , semper & inde
fit tumor , qui ergo non designat succum
osseum effundi intra lamellas , sed vasa in
statu naturali compressa inter lamellas jam
libera sunt , unde exercitant , tument , &
faciunt omnia tumere . Jam etiam dixi an-
tea incipere os durescere , ubi fiebat stella
alba , ut vidi in osse tibiæ , in medio erat
punctum album cartilagineum , circaque

fines adhuc erat membranorum, & poli
mensem aderat stella cum radiis, & in me-
dio erat ossea, & versus fines cartilaginea,
sic etiam radii incipiebant durescere, sed ad
fines erant cartilagines, & ad extrema
erant partes adhuc membranosa, sic sit in
omni osse, sunt primo cartilagines, quae
sensim durescunt in osse.

§. 23. Hanc *Osteogeniam* methodo de-
scripta addiscere ex scriptis, & libris non
est adeo commodum inopia bonorum Aucto-
rum, habent enim observata quaedam, i sed
ordinem, & quae inde sequuntur vix. Di-
cam tamen ordine, qui de hac re scripsere.

Theodorus Kerkringius Amstelodamensis
Vir Anatomia partim & Chemia clarus, edi-
dit anno 1670. optima quaedam, quae ite-
rum impressa sunt 1673. tractatus in quarto
titulus est *Specilegium Anatomicum & Osteoge-
nia fetus*, prima editio est melior, ultima habet figuras meliores, sed in hac plurima
vitia, ut plerumque fit, irreperunt in
hoc tractatu describit, (non perfecte, sed
quantum ferè nullus fecit, alii enim minus
fecerunt) originem ossium, & quae muta-
tiones ipsis accident ab embryone usque ad
integram perfectionem. Edidit etiam idem
Auctor anno 1670. aliud tractatum in quar-
to cuius titulus est *Antropogenie Ichnogra-
phiæ*

phia hoc est delineatio describens hominis genesis successivam, in eo describit ab ovo fœcundo usque ad nonum mensem successivam corporis humani mutationem. Tractatus hi sunt elegantissimi, sed non soli Auctori adscribendi etiam, non ita tum temporis unus homo callebat Anatomiam, sed iste usus multis observationibus Anatomicis aliorum qui Amstelodami tunc erant; unde hæc opera construxit. Ejus etiam opera jam citata possunt inveniri in *Bibliotheca Anatomica à Domino Maneto conscripta*.

Tum ad eam rem legi potest *Malpighius* qui optimius est in *Tractatu posthumo*, ubi commendatur de natura ossium, tum etiam in *historia illa* ubi de cornu in collo bovino crescente scribit, ubi docet optime, quod papillæ nerveæ complicarentur & protrudarentur, & sic complicatæ osseæ forent, unde quidem videmus quod ossa prius ex vasis; ille quidem non cogitavit de hac re, sed videamus, an ex ejus systemate non verum sit, quod ossa prius erant vasa nervea; erat enim bos ergo jugo assuetus, ibi loci, ubi jugum imponebatur, filamenta prius erant ad sensum, quæ tandem compressa ab inferioribus protrudebantur, & sic tandem ad superiora continuo plus & plus compressa, iterum etiam extrudebantur, ita ut sic illa

pars ad collum esset nervea , superius cartilaginea , & hic ad fines ossea , donec tandem omnino ossea facta fuerit ; itaque hunc virum quis potest super hac re videre primo in posthumis & secundo in epistola ad Sponium ubi scribit de illo cornu , quod in thesauro Aldrovandino asservabatur , tertio in scriptis de ovo incubato ubi perfuntoriè narrat , quomodo ossa fiant in pullo .

Videatur etiam *Carolus Drelincurtius in Tractatu illo in 12.* hic *Lugduni Batavorum edito apud Boutestein anno 1685.* cuius titulus est *conceptus de conceptu humano ,* egregius certè est supra hac re libellus ; ibidem etiam habemus diversitates plurimas circa ossa notatas .

Omnium maximè supra hac re dixit egregia *Dominus du Verney ,* vir incomparabilis in Anatomia , sed dolendum est semper , quod magnus Vir tantum de suo otio sumere noluit , ut inventa sua in lucem ederet , sed ejus discipuli hinc inde plura inventa ejus , suppresso semper magni viri nomine edidere inter quos .

Dominus le Clerc , qui scripsit *la Chirurgie complete* in parte Osteologiæ , omnia sunt *Domini du Verney ,* sed tamen gratias illi debemus , quod nobis tradiderit inventa hujus magni viri , Osteologia ejus bona non est , nam Vespa-

Vesaliana melior est , sed ejus *Osteogenia* egregia est , nam de mense ad mensem ossa annotat , & indicat , quo tempore ossa adsunt , & quomodo stella fiat.

Quantum jam hæcce ad praxin faciant , nemo non videt , quomodo enim respiciendum erit in infante , si nesciamus quomodo ossa se ibi habeant , nam tractare debeo infantis ossa aliter ac si essent ossa adulta . Qui hæcce scire recusant , certè nunquam pefecti erunt medici ; ergo qui progressus in hoc studio facere cupiunt , hac methodo jam illam historiæ ossium partem aggrediantur.

II.

Osteographia.

§. 24. Quum noverit Medicus quomodo ossa nascantur , jam opus habet , ut cognoscat , quomodo ossa jam facta sint in sua structura . Hoc est quomodo os sit unum corpus , non etiam adhuc quatenus jungitur alteri .

Jam ut Medicus noscat fabricam ossium debet statim distingere os . 1. In corpus ossis . 2. In adnatum ossi .

a. *ossis corpus vocamus quod una fibrarum serie à stella illa ossea enascitur.* β. *adnatum ossi*

*ossi est, quod ad juncturas hæret, id est illud caput
Cartilagineum, quod ita manet.*

I.

De Corpore ossis.

Corpus ossis consideratur dupliciter $\alpha.$ ut durum solidum. $\beta.$ ut cavum. v. g. Volo os humeri examinare, jam ab Apophysi ad scapulam, & ad radium excutio. Hisce capitibus excussis habebo corpus ossis, illud jam habet $\alpha.$ partes solidas, $\beta.$ cavas. Jam primo occurrit velamentum externum, quod est *Periosteum*, grāce ὄξεος significat os à πέπλῳ circa, hinc per *Periosteum* intelligitur *hymenium membrana circa os*. Illud etiam *Periosteum* est 1. æquabile & 2. inæquabile.

*Si est æquabile tum est omnium vasorum se-
intra os immersantium, & ex eo emergentium
textura; est ergo textura vasorum, quæ jam
jam intrabant os ad ejus vitalitatem & nutri-
tionem, sed præterea est textura excuntium
arteriarum, venarum lympharum, nerva-
rum &c. vasorum: nervos etiam hic vo-
co etenim cum in ipsa medulla sensus acutus sit,
adeoque & nervus æquabilis jam dicitur *Pe-
riosteum*, ubi sine tumore æquabiliter ubi-
que ejus fibræ decurrunt, & sic æquabili-
ter os involuit, & hoc sit, ubi nullus
muscu-*

musculus, neque ulli adnectitur musculo, nam si musculus adnectatur æquabilis non est.

Quid inæquabile jam sit Periosteum, dicam, concipiamus. I. Periosteum æquabile, tum ponamus musculum ossi affigi, hoc fit per tendinem, quæ sæpe parallelo situ accumbit Periosteo, tum suas fibras illi jungit, tum sæpe se subducit infra Periosteum, & hinc videtur Periosteum hic crassius, quod jam plures & minores museuli circa aliquam partem, ed periosteo plus & minus inæquabile; hinc intelligitur jam questio Anatomica de Periosteo & Pericranio, nam Pericranium ubique est idem, sed ubi musculi v. g. temporales sunt, ibi eorum tendines se jungunt pericranio, hinc crassius fit, unde plura nomina membranæ circa ossa capitis ut Periostei, Péricranii, sed quod variet Pericranium est tantum ob rationem dictam.

Auctor jam, qui hoc animadvertis, & descripsit fuit *Riolanus*; sed hanc rem nemo accuratè descripsit præter *Clopton Hawers* in suis prälectionibus ad societatem Britannicam prälectis.

Sequitur nunc ut consideremus os, ut solidam substantiam, tum ut cava habens, tumque ut apophyses habens, & tum ut aliis junctum. Descriptionem osium incepimus ab

ab iis quæ extrinsecè ossi adhærent, vasaque
ossi afferunt & ex eo deferunt: verum jam
ipsam ossium descriptionem quomodo eam
addiscere debeamus demonstrare pergo. In
ipso ossis corpore spectatur ipsa ossium sub-
stantia dicta, hoc nomine intelligo tantum hoc
durum siccum, friabile, leve seu minus pon-
derosum omnibus vasis orbatum corpus quod
vocabamus os. Hæcce ossium substantia (hac-
ce definitione primo intellecta) est in me-
dio corpore ossis, 1. semper & ubique so-
lidissima, 2. maximè compacta, 3. maximè
unita: verum ad loca extrema ubi juncturæ
sunt, & ubi os alteri ossi nectitur, ibi ipsa
ossum substantia est minus solida, valde
porosa, atque multi intercapelinibus, hoc
est spatiis vacuis intermediis non unita. Ibi
ergo prope circa juncturas, (hocque in om-
ni semper osse observabitur) illa substantia
non est unita, quia spatia intermedia
sunt. Hic tantum ossea substantia conside-
ratur nihil de vasis sanguiferis, medullatis,
lymphaticis &c. dicendo tantum de ossium na-
tura, quot ossa dicuntur, præcisè inquirendo.

Nunc quæ dixi statim de ossea illa sub-
stantia, verà sunt, sed dicetur; unde con-
tingat quod os, v.g. femoris in medio suo
ibi solidissimum & compactissimum sit &
ponderosissimum? Respondeat de hac re
nemo,

nemo, nisi bonus *Havertius*, qui demonstrat, quod omnia ossa, ut in Osteogenia visum est, fuere strata membranacea, sibi mutuo imposita; hæc strata per vim arteriarum fuere compacta ad se mutuò, quatenus arteriæ periostei, & quatenus arteriæ per illas membranas percurrentes adhuc pulsu suo omnia illa strata ad se mutuo compingere valent; ergo ubi illæ vires pulsantes fuere validissimæ, ibi illa compactio erit maxima, demonstrat *Havers*; quod arteriæ Perosteæ & ad medullam pergentes in medio ossis sunt maximæ; ergo illæ hoc stratum medium condensantes compingent; hinc in medio suo sunt ossa durissima solidissimæ: verum circa juncturas arteriæ sunt divisæ in ramos minores; hinc ibi causæ comprimentes minores; hinc ex ea Mechanica (uti patet) sequitur quod solida ossis substantia in medio ossis sit solidissima maximè unita & durissima. Huc accedit quod observat Auctor, quod os v. g. femoris si sumpseris & fideris per medium juxta totam longitudinem, tum in medio ossis sunt æquè multæ lamellæ sibi mutuo impositæ, quam circa extrema ossis, cum tamen circa extrema maximè expansum sit os in sua substantia & majorem etiam habeat diametrum, hæque lamellæ hic ad extrema, minus sunt compactæ;

pactæ ; hinc plus distantes , plus spatii occuperant ; ergò ossa ibi plus sunt expansa ; hinc quo majus est os cæteris paribus , eo plus lamellæ sunt distantes ; ergò dedit hic vir , quod ossium sit structura , ut sit densissima ab hac causa , quod arteriæ in medio lamellas plus comprimant , sed versus extrema singuli arteriosi rami dispersi intra lamellas eos disjungunt , & faciunt sic os crassius sed minus solidum . Hisce nunc positis sequitur , quod in loco ossium medio & densissimo , ubi perfecta sunt ossa , primo vasa decurrant omnium minima inter lamellas , sed ubi lamellæ remotæ sunt ; ibi vasa sanguifera habent spatium , ut se maximè extendant , etenim ubi vasa sunt ita compressa propter lamellas tam firmiter ad se invicem complicatas , ibi illa debent omnium minima esse , sed lamellæ proximè sibi incumbunt in medio osse ; hinc videimus in omnibus ossibus , quod si ea findamus juxta longitudinem , ibi in media ossea substantia vix vasa etiam Microscopio reperiemus , sed ad ossium extrema plurima apparent vasa inter lamellarum spatia , quæ omnia sunt plena vasorum , non tamen quod in origine ossis in medio æquè tanta fuerint vasa , minimè , (videtur tantum quod Kerkringius circa ea observavit) sed propter causas enarratas statim

tim comprimuntur ibi vascula , suo liquido emunguntur , & concrescunt , sed ubi lamellæ minus comprimuntur , ibi expanduntur se adhuc vascula .

2. In substantia durissima ossis est candor , & ad extrema rubedo . Findatur iterum os quodcumque uti femoris per medium , videbitur , quod in medio ossis substantia sit solidissima & candida circa juncturas etiam , ubi callosa & spongiosa est substantia , ibi ea appareret rubra propter vasa omnia sanguifera , ibi adhuc plena .

3. In medio nunc durities summa , circa juncturas compages mollissima , nam ibi facilè possunt in pulverem conteri ; ergo friabilis est . Quæritur quid boni hoc faciat ? mechanices peritus facile responderet baculum si quis velit frangere , & illud in medio apprehendat , non potest illud frangere , si etiam ad utrumque extremum illud teneat , & in medio sustentaculum habeat , jamque vim faciat in illud sustentaculum , tum rumpitur baculum , & sic nostra ossa etiam sunt ut vectes , ad utraque extrema retinentur , interim moventur , & in medio maximam vim recipiunt , unde facile ibi frangerentur , nisi essent durissima . Eo nunc deinde posito sequitur , hinc ultimo ; in medio vix aliquid deprehenditur liquidi intra lamellas

circa extrema omnia plena sunt. Si iterum findatur os, & sumatur etiam microscopium, & inspiciatur substantia ossis circa medium, vix aliquid observabitur liquidi, sed videatur circa extrema omnia liquido sanguineo osseo, medulloso plena substantia ossea, attamen in medio etiam liquida sunt & vasa, sed ita compacta, ut vix videri queant; & hinc liquida ferunt tam tenuia, ut vix appareant. Si tamen quis vult videre, quod etiam in medio ossis in ossea substantia hæreant vasa; sic agat, sumat os femoris animalis, curet fragmentum excindi secure, liberet illud ab omnibus externis incumberitibus vasis & membranis; sumat tum Microscopium, videbit liquidum adesse; conjiciat tum illud fragmentum in ignem, videbit quod ardeat, transudet medulla, & cum combustum sit os, habebit spatia intermedia in sua substantia; unde liquet prius ibi fuisse vasa.

Ultima proprietas & consideratio est hæc quod cum æqualem substantiam in medio ac versus fines ossa habeant; ergo in medio debent cavum relinquere, ad fines non. Ita se res habet, lamellæ omnes in medio osse sic compressæ sunt ad se invicem, ut solidissimum ibi os sit, & tamen æqualis copia lamellarum, ac versus fines ad sit; ergo si plus comprimantur quam ad fines ibi cavitatis

tas remanere debet , circa fines etiam non una cavitas adest , sed plures intra hanc nempe & illam lamellam ; hinc ossa in mediò habent puram cavitatem , ad fines etiam non puræ sunt cavitates ; ergo medulla apparet in medio non ad fines , cum tamen adsit medulla , sed plus dispersa inter lamellas ; hinc in mediò medulla in unum aggregatur molem , sed ad fines apparet minus olei , sed plus vasorum liquidum secernentium . Hæc jam sunt , quæ Medicus scire debet de ossibus , nec scio aliquid plus desiderare de substantia osseum cognoscendum , & hæc sunt etiam fundamenta in Chirurgicis ad morbos osseum , hinc patet , cur facile os ruptum circa medium reponatur , & concrescat . Cur etiam circa fines putrescat ; hinc etiam videtur , cur caries ossis tenacissimè hæreat in medio , sed facile abraditur , circa fines etiam difficillimè , reliqua quæ ex his deduci possunt facile dabit meditatio , hæc etiam sunt , quæ Medicus curaturus ossa partim observare debeat . Nunc si quæ in Osteogenia dicta sunt , conferantur cum hisce ; habebitur clara structuræ osseum cognitio : verum in corpore ossis non est tantum & sustentia illa media solida , & porosa ad extrema , sed & sunt etiam clavi intermedii os-

se in ipsa media substantia detecti. Si quis medullam ex ossium cavis educere velit, cultro suo aliquando ad fines usque provenire nequit, quia adsunt trabes & clavi in cavō ossis, quæ una parte cavitatis ad alteram vergunt, & lamellas sic sustinent, ne os facile frangatur, neque recedere lamellæ a se invicem possint, ut Architecti in exstruendis ædificiis faciunt, ut enim una paries ad aliam non cadat, interponunt trabes, quæ hoc impediunt, sic noster Opifex ossibus tales trabes dedit, sed non omnibus equidem, sed illis partim qui sustentant pondus corporis, ut ossi femoris, tibiæ, sed radio atque ulnæ non ita, nam hæc ossa etiamsi exerceant motum pondus sustinere non debent.

Quid sint hi clavi & hæc trabes, jam hoc demonstrat solus *Havers*, quod nempe lateriales quædam series lamellarum ossearum, cum adhuc non omnino ossæ sunt, deprimantur propter incumbens corporis pondus, nam si quocunque corpus fibrosum sustineat totum pondus, facile fit, ut hæc & illa fibra deprimatur sic itidem hic internè in ossibus illis & illa depressa, si alteri occurrat ab altera parte ossis etiam sic depressa, tum oriuntur inde hujusmodi trabes. Et hi sunt illi clavi, qui intus in quibusdam ossibus reperiuntur, sunt quidem absque ordine ib

positi, sed tamen omnes ex stratis dictis ita depresso. Jam considerari debet medulla; hinc dabo exactissima cogitata circa hanc rem, de qua alias ita disputatur, omnia ossa motibus destinata habent duplex cavum, ut vidimus, si os findatur, reperitur, enim cavum in medio ossis & aliud genus cavitatum in ipsa ossea substantia. Illud cavum intermedium continet intra se in omni animali, α sano, β quiescente, γ bene saginato, & δ juvenili, suavissimum, blandissimum, tenuissimum, insulsissimum, subtilissimumque sanguinis oleum. Jam dixi quod ossa habeant duplex cavum, nempe α in medio, & β circa juncturas in substantia ossea, in iis scilicet quæ motibus destinata sunt, si tum sanum, quiescens, juvenile, (hæc enim tertio requiritur) fuerit animal, tum cavitas illa media repletur materie, quæ dicuntur medulla, est oleum blandissimum, est minimè acre, subtilissimum id est in toto sanguine oleum tam mobile, flexible non reperitur, & præterea nullum oleum tam insulsum quam illud datur, hujus medullæ tota hæc est historia. Ex periosteo per densitatem lamellarum; facta sunt foramina obliqua, per quæ foramina arteriæ magnæ ex periosteo exeuntes se insinuant, ultimo desinunt in cavitatem internam

nam & medium ossum. Per cava ipsa ossa simulac se insinuarunt, suos ramos applicant superficie concavæ ossis, atque ramis intertextis infinitis faciunt membranam crassam, quæ est periosteum internum ossis, quæ obvelat totum cavum ossis internum & medium. Sumatur enim ex ovillo armo, & ex ovilla coxa os femoris & coxygis, videbitur tum quod membrana adnata in osse per medium fissa, superficie concavæ adhærens est rubra sanguinea, sed in medio cavo est medulla. Ex hac membrana facta rami infiniti excurrunt quæ anastomosibus suis faciunt globos & sphæras membranaceas cavas, quæ sphærulæ ergo tantum fiunt à membranis quibusdam, quæ sunt intertextum opus harum arteriolarum, sanguis arteriosius jam delatus per vasa perforantia ossis substantiam, quæ fecere periosteum internum, fert tenuissimam suam partem versus has membranas in medio cavas, quæ recipiunt oleum descriptum quatuor illis proprietatibus donatum, illudque continent his sacculis. Hi jam omnes sacci communicationem inter se habent & deponunt tandem illud oleum per quosdam canales, sed quo versus? membrana iterum hæret circa medullam, ubi omnia illa emissaria saccularum se ad hanc membranam applici-

plicuere, faciunt novam membranam, quæ investit medullam; ergo hæret medulla in vagina membranosa, quæ est tenuissima constans ex emissariis medullosois intertextis, est enim tantum illa ordinata omnium medullosorum emissariorum aggestio; sic igitur arteriæ feruntur ex periosteо externo versus interiora ossis, & tandem usque ad medullam ubi (ut in aliis omnibus arteriis fit) secretæ deponunt succum tenuissimum.

Quoniam versus feruntur nunc venæ & ubi hærent; Respondetur facile venæ incipiunt, ubi arteriæ desinunt, ergo recipiunt sanguinem hoc oleo privatum; hinc constituitur membrana illa interna seu periosteum internum ex venis & arteriis, arteriæ pergunt, (ut dictum est) venæ etiam iterum exeunt per alia cava quam arteriæ & desinunt in periosteum externum.

Quæritur nunc ubi maneat medulla, & quo versus deferatur? possem plura meditata dicere supra hac re, sed unum tantum experimentum afferam: sumantur v:g: in castris duo equi, si unus fuerit bene saginatus & fortè læsus, ut inde moriatur; ossa ipsi erunt plena medullæ: verum alter equus si erit sanus, sed cucurrerit multum per tres quatuorve dīes; si tum læsus moriatur, sumatur os quodcunque ex eo,

hinc cavum non erit repletum medullâ, sed simplici sero tenui, si verò idem animal post cursum per aliquot dies stabulasset iterum, habuisset rursus medullam in ossibus, quod itaque docet oleum hoc posse expelli, si multum moveatur animal; ergo non semper manet hoc oleum in ossibus; sed distribuitur & hoc quidem ad triplicem locum.

1. Per lamellas suas ad vasa sua, sed nobis invisibilia; hinc transudare nobis apparent medulla: sumatur enim v:g: armi ovilli os, quod nobis humeri est, privetur ab illo omni externo adhærentè, tum ad ignem calefaciat, videbitur quod per substantiam osseam transudet medulla; sed hinc dicetur forte; inde non patet, quod feratur per os medulla, sed quod transudat tantum ex cavo versus exteriora; sumatur ergo hoc secundum exemplum, os fissum privetur ab omni medulla & membranis internis, imponatur carbonibus ardentibus, tum videbitur, quid transudet ad exteriora, quod quidem non foret, nisi essent ibi vasa, tum enim per locum apertum exhalare posset; in sceletis idem videtur, postquam ossa bene ita depurata sunt, ut albescant, post mensem incipiunt iterum flavescere, ita ut intra lamellas clarè appareat oleum; hinc nunc videmus quod medulla ex suis vasis ad membran-

branam illam tenuem eam investientem arachnoideam omnino defertur inde in periosteum internum & sic tandem ad lamellas: hoc est primum iter medullæ, & facit hoc, ne ossa fragilia fiant, nam os siccum potest conteri, si verò illud os exsiccatum immergatur oleo, non frangitur, sed durum iterum sit; sumatur iterum os ovillum, comburatur, erit os friabile, ponatur tamen in aqua, fiet jam durius, si verò in oleo, tum longè melius iterum erit.

2. Versus periosteum nam ibi fertur & redit in venas, patet iterum, nam in osse cremato, apparent foramina, per quæ fertur medulla ad periosteum; patet enim quod si animal multum currat, oleum illud versu extrema hæreat, hoc oleum etiam facit, ne sacci membranacei conterantur contra se mutuo.

3. Tertium iter hujus medullæ, & illud maximè notabile & maxima copia est versus cava juncturarum. Eo etiam defertur, ut lubricentur & mea biles ibi sint partes junctæ & mobiles supra se mutuo, ut sine attritu & sine dolore supra se invicem commodè moveri queant; hinc nunc quò animal movetur plus, eo plus indiget hoc oleo, quod eo plus consumitur illa medulla, adeo ut tandem deficere incipiat, ut sentimus post validissimos & diuturnos motus, quod ri-

gidæ incipiunt fieri illæ partes, tum incipit deficere illa medulla, & aliquando crepitant partes, ut in rotis curruum, dum incepit deficere illud serum, quo illiniri solent, tum incipiunt crepitare, si pergatur, tum atteritur axis & rota, & utrumque sæpe inflammatur. Quod est triplex iter & triplex munus hujus medullæ. Jam verò causa medullam afferens est arteriosus succus; loca continentia eam sunt acini hi medulloſi, causæ quæ medullam factam propellunt ad tria loca enarrata sunt, omnis motus quicunque validus arteriarum, quæ semper increscit, quando valido motu movetur animal, adjuvat hæc medulla motus animalis, & sanguinem oblinit, ne acer fiat motu suo, tum temporis etiam viget motus animalis juncturarum; & hinc etiam augetur motus per vasa ossium & medullæ. De medulla etiam si quis velit legere *Auctores tunc hi sequentes sunt eligendi.* Palmam i. omnibus præripuit clarissimus ille Medicus Britannicus *Klopton Havers in osteologia sua edita Londini in 8. anno 1691.* qui liber habet tractatum unum dicatum medullæ describendæ.

Tum *Clarissimus du Verney;* sed tantum in privatis suis scriptis; unde tantum à non nullis ejus discipulis sua habere debemus, pro inde

inde invenientur ea *du Verneyana* in primis
tomis *du Journal des Scavants*.

Deinde apud Palfynum in sua *Osteologia*,
ubi illa traditur, tum etiam in memorato jam
libello Domini Le Clerc: nempe *la Chirurgie*.
Complette, quod opus etiam *du Verney* im-
primis debetur.

Scripsit etiam supra hac re *Malpighius* in
posthumis; hinc inde sed tamen non absolvit
hocce, uti reliqua sua polire solebat.

Aggredior jam alteram partem ossium
nempe *Epiphyses*. In omnibus ergò ossibus
ferè ad extrema atque etiam hinc inde ad la-
tera, adhærent ossa accreta, quæ *Epiphy-*
ses dicuntur ab Anatomicis.

Dico præterea quæ dicta sunt de perios-
teo, de ossis corpore, de medulla, de capite
ejus, sunt, inquam, *adhuc alia ossicula accre-*
ta ossi, & dicuntur *epiphyses*. Accrescunt
duobus locis diversis. & ad extrema ossium.
Sed β etiam ad latera. *Epiphysis* est vox Græ-
ca & significat aliquid *supranatum*, est ergò
ac si dices *os ossi supra natum & supra accre-*
tum, adhæret epiphysis suo ossi ope jun-
cturæ, quæ ex natura sua vocari debet in-
dentatio, si enim quis sumat femur v: g:
ovis, videt, quod caput istius ossis possit ex-
cuti, illa tum excussa pars vocatur *Epiphysis*,
hanc examinet epiphysim; patebit, deinde
quod

quod ea parte, ubi accretum erat illud caput ossi femoris, habeant plura cava, & plures emineant dentes in totâ illâ separata superficie, ut & ad margines; sic tum etiam os cui adhærebat hoc caput, si examinetur, inveniuntur ea parte, ubi separatio facta est, plura cava & similes dentes eminentes, ac in capitulo dictum est, adeoque unum recipit alterum & recipitur simul ab altero & fibræ sunt inter hos dentes necentes unum ad alterum; est hæc una species Epiphyseos, quæ nempe ad extrema ossium hæret.

Altera species Epiphyseos est, quando *ad latera ossium supranaescuntur alia officula*, ut in osse femoris, ubi nempe duæ tuberculæ sunt, unum qui dicitur Trochanter major, alterum verò Trochanter minor; repetiuntur intra cervicem istius ossis; hæc tubercula etiam in indentationibus adnexa sunt ossibus majoribus.

Hæ Epiphyses ergò per indentationem & tum etiam per cartilaginem adhærent, & ille nexus ope cartilaginis vocatur *Synchondrosis*: Verum cum adolevit os, tum omnia ita comprimuntur, ut totum fiat osseum, quod prius erat cartilago, & junctura etiam disparet, tum vocatur *Apophysis* hoc est *appendix* quia os adnatum est alteri ossi, sed non per juncturam, sed per continuitatem, & in

in quodam processu; his conceptis intelligi-
tur quænam sint Epiphyses, sunt nempe os-
sa circa juncturas & ossa circa insertionem
juncturarum adnata; ergo de Epiphysibus
notanda sunt duo. 1. Modus jungendi cum
aliis ossibus, qui est indentatio, 2. Deinde
ope cartilaginum quæ se interserit; verum
in quem finem hoc factum sit? Optimè
magnus illæ Anatomicus *Columbus* hoc con-
siderasse primus videtur, ubi scilicet os alte-
teri ossi jungitur, adest ligamentum, quod
semper diversum est à periosteo, *nam pe-*
riosteum est membrana continens vas a intran-
tia & ex euntia us, ergo differt multum à li-
gamento, hoc ergo ligamentum, quod circa
juncturas reperitur, non procedit ex perios-
teo juxta longitudinem natum ad os: verum
intra Epiphysin & os ubi jungitur exeunt
fibræ quæ amplectuntur Epiphysin alterius
ossis, & se inserunt juncturæ utriusque os-
sis, & sic fibræ illæ ligamentum constituen-
tes neant unum alteri. Ratio etiam, cur
hæ fibræ radicantur in juncturis apophysí-
cum, non ad extrema ossum est, ne oc-
calescant facile, cum motus partium exercita-
tur. Finis ergò apophyseum est duplex. &
& ut os neant ossi, & ut tendines mus-
culorum neant ossi, quæ altera est specu-
latio. Ubi scilicet musculi affixuri sunt
ten-

tendinem suum validum alicui ossi, ibi excrescit tuber osseum, videamus modo trochanteres in osse femoris, in quem finem adfunt: ut punctum directionis emergat supra reliquum os, hisce enim tuberculis affiguntur tendines muscularum, qui debent femur invertere æquale ad interiora quam ad exteriora, quum ergo puncta haec ita emineant, demonstratur facile ex mechanica, quod directio tractationis longè facilior & melior fit, quam si chorda & tendo trahens planum ossi applicaretur, id patet in pluribus ossibus; Epiphyses haec ad extrema ossium teguntur cartilagine, ne coalescant facile inter se juncturæ; quod etiam non sit nisi in valde senibus animalibus, sed cartilagines haec sunt elasticæ; hinc facile resiliunt ab omni compressione, inde sit, ut non facile compressæ ibi maneant partes, sed se restituant & ut major sit mobilitas.

Non ossescunt tam cito illæ cartilaginiæ ibi propter liquidum ibi affluens nempe 1. mucosum ex glandulis mucosis ibi positis & 2 medullosum ex medulla eo delata ut docuit *Havers*.

Supra hac re legi potest *Realdus Columbus capite de epiphysi: & junctura ossium.*

§. 25. Omnia haec nunc descripta de periosteo, ossium substantia dupli, de Epiphy-

physibus, apophysibus huc usque tractata
vera sunt de omnibus ossibus, ea lege ut
variis locis, variis formis & modis admodum,
eadem se ubique habeant ut v: g: videre
est in ossibus cranii; in crano dicitur vul-
gò cerebrum se habere pro medulla crani, ^{os}
sed falcissimum est, nam singulum os crani
est proprium os sibi cum periosteо suo inter-
no & externo, & unum est epiphysis ra-
diatim adhærens alteri, sed prius erat ibi in
nativitate intermedia membrana, quæ facta
est cartilaginea, postea ossea & talí modo
constituta, ut indentata iterum ibi sit junctu-
ra, & hac ratione omnia magna crani ossa co-
hærent, loca ubi junguntur, vocantur suturæ
& illæ sunt in hunc finem constitutæ, ut
exitus daretur vasorum ex crano vergentium
ad periosteum externum & ex partibus exte-
rioribus ad periosteum internum, & sinus
duræ matris tendentium; ubi ergò est me-
dulla horum ossium? in diploë, non est
cerebrum, sed si secatur os hujusmodi tran-
versim, tum apparet clare, quod constitu-
tur ex duplice lamella, & inter utrasque la-
mellas est cellulosa & medullosa substantia,
quæ Diploe dicitur.

§. 26. Hisce nunc probè instructus ani-
mus accingat se synostologiæ addiscendæ.

Synosteologia nempe seu synostosis est ossium
iz-

inter se pro efficiendis motibus connexio considerari hic jam debent sequentia, 1. considerari debent epiphyses (consideratio etiam ossis ipsius hic non multum facit ad intelligentias juncturas, nam horum ope non fiunt.) 2. Apophyses, 3. Tubera, 4. Capita, 5. os-sium cava, 6. Ossium carinæ seu κοτυλαι ut vocarunt Græci tum. 7. Crustæ cartilagineæ quibus capita obducuntur, tum. 8. Ligamenta & denique, 9. modi juncturarum. Hæc omnia sunt consideranda antequam quis claram ideam juncturarum habere poscit, nam omnis junctura sit per extrema ossium, sed extremæ ossis semper est epiophysis, quæ postea sit apophysis; ergo nemo intelliget juncturas nisi apophyses cognoscat, & sic optimè qui discendaæ Anatomiaæ se tradit, poterit demonstrare, quomodo ejus prima pars inter partes dividatur, & has iterum partes dicto modo assequi, ut clara sit cognitio.

Tum cognoscenda sunt Tubera, Carinæ cava & κοτυλαι, sic optimè scripsere veteres, omne os quod movetur facilitate summa, adeo ut nullibi in natura à priore demonstret ullus Mechanicus hujusmodi Instrumentum, ubi tam egregius est accommodatus, ut v: g: videmus in scapula ibi non est cavum sed est aliquod planum potius, cui os humeri,

ri, quod est adeo rotundum, ut cum motus sit, illud caput rotetur supra hoc planum facillimè, & ut uno tantum puncto semper tangat, unde motus facillimus; sed exorbitaret jam facilè de suo loco: verum posuit Deus cartilagines; ergo corpora sunt elastica, hæ cotylai, seu carinæ efformantes exsurgunt è latere superciliæ ossis & sic os movendum ad latera in substantia semper reprimente hæret, adeo ut cum motus pellat hæc latera, tum ab iis in locum reprimatur. Tum addidit etiam Deus ut dixi duplex liquidum glandulosum scilicet medullosum. Illa ergo debent addisce clarè, tum debemus videre, quot crustæ cartilagineæ, & quot ligamenta ibi sint; & quid mirabile est in istis ligamentis; sunt glandulæ, quæ iis adhærent eâ parte, quâ ossa spectant, non enim tantum sunt fibræ uti veteres putarunt, quæ ossi os nectunt, sed ut *Clopton Havers* demonstravit, habent glandulæ eâ parte, quâ spectant juncturas, quæ stillant liquidum lubricans; ergo sic ligamenta debent cognosci; modi quoque quomodo jungantur ossa facillimè & distinguendi & concipiendi sunt: verum si aliter fiat, hic certè magna erit confusio.

Os cum jungitur alteri & minimum tantum habet motum vocatur articulatio, quæ

dicitur fieri. 1. οὐνάρθρωσιν hoc est per *inter medium carnem*, ut v: g: scapulæ adnectitur costis ope muscularum: verum ille non est nexus, qui vocari potest articulatio, nam necditur tantum scapula costis, ut trahi possit, & tamen manere in loco, sed non articulatur cum costis ad motum; ergo propriè non datur hujusmodi species junctorum, quamvis veteres dixerint, 2. per οὐνάρθρωσιν hoc est per *vinculum & ligamentum medium*, sed neque hujusmodi species nota est.

3. Per συγχόνδρωσιν hoc est per *cartilaginem*, id est quod *cartilago intermedia ex uno osse in aliud transeat*: Verum hi tres modi, non possunt dici esse modos ad nec-tanda, ossa movenda, sed quod simpliciter nec-tanda ossa aliis ossibus non etiam pro motu; ergo non videbantur referri ad articulationes nunc omnium ossium, quæ ad motum exercendum; junguntur junctorum modus hic est. α ; vel modus tan-tummodo flexus & extensionis. β Ratio-nis & tum semper si modus jungendi sit ad rationem, unum cavum in uno osse quod recipit, & unum caput extuberans in alte-ro osse quod recipitur. Vocatur hæc jun-tura nunc propriè *Euanarthrosis sive inarticula-tio*, uti est ossis femoris, ut & etiam os-sium

sum Metacarpi supra carpum: verum alii ut diximus tantum modi sunt, ut flectantur retrorsum & antrorsum membra, sed tum duo sunt cava, & duo capitula, quæ recipiuntur ut ad motum digitorum supra os metacarpi, nec non etiam talis est junctura cubiti ad os ulnæ cum osse humeri, & vocantur hæ juncturæ γίγλυμα Ginglymi.

Reliquæ juncturæ ab antiquis dictæ sunt quando junguntur ossa sine motu, ut suturæ, symphyses, harmoniae, Gomphoses. Sutura dicitur, quando unum os dentibus emissis occupatur ab altero osse in cavo quodam.

Sympysis dicitur, quando unum os alteri increscit non dentatim, sed superpositione ut os temporale cum osse bregmatis, sed proprieta lis junctura nulla est, nam sunt dentes etiam, quæ hic juncturam faciunt. Harmonia etiam nullum exemplum est, nam iterum per indentationem fit. Gomphosis dicitur quando unum longum corpus in quodam cavo insertum juncturam facit uti contingit inter dentes & maxillas.

Jam si quis velit Auctores, qui optimè super hac re legi merentur, brevi indicabo, sed editiones postea dicam.

Sunt etiam primarii Vesalius liber in folio, Columbus; & Fallopius, tum le Clerc; Riolanus, & Philippus Ingrasias.

Alibi indicabo quo ordine hi legendi sint.

§. 27. Postquam nempe omnia, quæ ossa spectant enumeravi, atque imprimis designavi Auctores, qui ad addiscendam quamlibet partem Osteologiæ idonei sunt) id est Auctores ipsi, qui hæc invenere & primò benè descripsere) perventum est ad novum quoddam nempe Juncturas ipsas.

Observatum est ab omni sæculo inter extre mas ossium partes & lubricas cartilagines, quæ ibi apponuntur, inveniri liquidum quoddam quod nec aquosum, nec sapidum nec oleosum, nec etiam glutinosum est, sed quod si inter digitos tractetur utique etiam libricum & tenax est, sed tamen non cum magna cohæsione pellucidum quoque est, & inter omnes juncturas quorumcunque animalium reperitur, hoc liquidum vero si deficiat, advertitur quod juncturæ crepitent ad motum, & quod motus earum etiam retardantur, tum ita ut removeri nequeant, quod contingit in scorbuto, in morbo hypochondriaco diurno, ut & in Iue Neapolitana toties invenit nunc egregius ille Anatomicus *Clopton Havers* hujus liquidi naturam, hujus etiam doctrina circa hoc negotium hæc est, ossum structuræ dupli ci se habent modo.

ꝝ Vel sinum habent exsculptum in me-
dio cavo inter juncturas, ut os unum ab
osse moto contingi nequeat. β. Vel sinum
habent nullum, ita ut os motum ubique
contingat alterum in suo motu.

Os femoris v: g: jungitur ita cum osse
coxendicis, ut caput suum intra cotulam
recondat, sed in medio cavo illo (quod ca-
vum fit à juncturis ossium) ibi in medio
cavo istius ossis innominati est cavum, quod
retrocedit, ut innascatur ligamentum teres,
quod jungit os femoris acetabulo medio;
intra hunc recessum sic exsculptum hærent
glandulæ, quæ tantum digito pressæ trans-
sudant liquidum unctuosum nullo modo
tamen oleosum, sed pellicidum, quod le-
quidum dum movetur os, solet sic lente
exprimi, hoc liquidum ita expressum mis-
cetur oleo medulloso, quod transudat per
ossa, dum major fit motus, quod fit dum
movetur pars; ergo etiam partes ossis tum
moventur. Hoc oleum medullæ occurrit
huic glutini, illi intimè permiscetur, quæ
tum liquida utraque permista, constituunt
oleum lubricans ambo ossa, ne in motu
se mutuo conterant, atterant, & calef-
cant à nimio motu.

Alia ossa sic junguntur, ut se immedia-
tè contingant, uti os humeri cum plano

in hæmoplate, & majore supercilio cartilagineo retinetur, sed ibi nullum cavum reperitur, propter hoc magnum, secus ac in osse coxendicis cum osse femoris, nam hic mutuo ossa se contingunt, & in medio cavo nullus est simile ligamentum recipiens, nec glandulas continens; sic etiam os femoris ubi necditur ossi tibiae, nullum cavum in medio cavitatis os femoris recipientis habetur.

Quid nunc observatur? omnia ossa, sic junguntur, ut cavum os recipiens in se alterum sinum non habeat; ibi ligamenta sunt, quæ necdit os recipiens ossi recepto, & in his ligamentis, quâ parte os spectant, sunt glandulæ, quæ liquidum hoc fundant, ita ut ligamentum hujusmodi prudenter solutum, si paululum prematur digitis, transsudet hoc liquidum mucilaginosum dictum ab *Hawertio*, hæ sunt illæ glandulæ mucosæ & glandulæ mucilaginosæ huic viro. Ergo glandulæ in hoc ligamento, quod ossa inter se necdit semper ad-sunt; sed ubi ligamentum est in cavo acetabuli ibi in utroque sunt glandulæ nempe in cavo, & circa cavum; sed ubique ligamentum teres in cavo non est, ibi hæ glandulæ sunt in parte anteriore ligamentorum ossa necditum.

Harum nunc glandularum effectus est, separare hunc mucum, nam planè hujusmodi insipidus pellucidus moderatè tenax liquor est; hujus liquoris nunc effectus est. 1. Derivare hoc liquidum intra cava juncturarum, quando ossa circa ligamenta etiam moventur, tum exprimitur hoc liquidum; & fluit intra cava juncturarum. 2. Effectus est misceri cum oleo medulloso. 3. Effectus est, cum ita intimè admistus est ope motus ossis, cum oleo medulloso componere tertium corpus, quod nec tantummodo oleosum, nec muscosum est, sed conflatum ex hisce duobus. 4. Hisce tribus positis motu ossium, tum fit subtilius nam hoc motu debet atteri & attenuari multum, & sic tum attenuatum hoc liquidum per vasa resorbentia auferatur & miscetur iterum sanguini, quod etiam si non fieret, oriaretur hydrops interosseus, & colligeretur ibi liquor, ut in Practicis saepe observatur.

Videatur ergo de hisce ille *Clopton Havers vel in actis Londinensibus* ubi per partes perlegit hanc doctrinam societati Londonensi vel etiam in suo libello edito titulo *Osteologie novæ & glandularum mucosarum descriptio*.

Hisce omnibus peractis tam de Osteo-

genia, Osteographia, & synosteologia, & his omnibus bene explicatis superest, ut dicam de præcipuis Auctoriibus sub uno capite qui hic requiruntur. I. Primarius omnium est *Andreas Vesalius Bruxellensis incomparabilis Anatomiae Restaurator*, *cujus libri de corporis fabrica*, nunquam satis sunt commendandi, ita ut Bibliotheca Medici illis carere nequeat, quin primario instrumento se instruendi privetur, editus est ejus liber *in folio Basiliæ apud Operinum anno 1543* & iterum *ibidem apud eundem anno 1555* primæ editionis figuræ & icones sunt nitidissimæ, sed etiamsi ligneæ sint, tamen præferendæ sint figuræ primæ editionis, nam in secunda editione Crenæ, quæ umbras facere debent, magis sunt confusæ, unde sæpe maculas habent loco linearum: verùm in secunda hoc damnum facilè compensatur, nam textus est exactus & emendatior multo quam in prima editione supervixit auctor scilicet 12 annos primo suo operi, objectiones plurimas audiverat, hinc supplevit plurima, emendavit alia, & nitidius fecit opus; hinc qui utramque editionem sibi comparare posset, secundæ textum & primæ consulere Tabulas sed nunc prodiit *tertia editio*, quæ non solum ejus anatomiam sed opera ejus omnia complectit, quæ cura Hermanni Boerhaave &

Bernhar-

Bernhardi Siegefried Albini est edita Lugduni Batavorum 1725. ejus nunc liber primus de fabrica hac ossium est elegantissimus, & nullum opus in Medicina unquam plures laudes meruit quam hicce tractatus nam ibi habetur quidquid vetustas unquam de ossibus noverit.

2. Johannes Riolaenus Parisiensis, filius; Pater enim ejus fuit Professor Regius, edita sunt ejus *Opera Anatomica in folio Parisiis anno 1650.* illo libro nemo Medicus etiam carere debet, nam si oporteret, ut munus Professoris Anatomiae excoleret, non deberet vescundari, si tantum ordinem hujus Auctoris sequeretur, nam ibi reperitur quidquid ad eruditum Anatomicum pertinet; ibi enim invenientur ea, quibus alii se ornaverunt, editio illa in folio commendanda est, licet forsitan quaterdecies fuerit impressus liber, sed semper cum multis erroribus, namque scripsit avidissime contra *Harvæum*, sed tandem circa finem vitæ debuit illi cedere, & edidit hoc opus, tumque emendavit optimè, estque certè opus summi pretii in Anatomia, habet tractatum unum hic liber, quem vocavit *Commentaria in Galenum*: hinc si quis cupiat videre plusquam *Vesalius* dixit, videat eum, nam cum ejus opera edita sint ferè centum annis post *Vesalius*, habet ex eo

& ex aliis quidquid boni fuit, vir fuit valde deditus Galeno & non facilè aliis cedens; hinc omnia retorsit in sententiam Galeni, quem volebat omnia scivisse, sed hoc facilè huic condonamus propter usum quem præstít in Anatomia ingentem. Si quis huic addat *Vesaliū*, optimè faciet, nam *Riolanus* figurās nullas habet; hinc debet addere *Vesaliū* pro figuris & *Riolani* textum legere, tum in *Riolano* quidquid ad perfectionem studii in hoc casu desiderari potest.

3. *Realdus Columbus Cremonensis*, qui fuit discipulus *Vesalii*, *Vesalius* quidem plerumque degebat *Pataviæ*, sed non erat ibi Professor; verum patiebatur se accersi jam in hanc jam illam Academiam, quo transfībat & ibi per sex aut octo septimanās Anatomiam docebat, & tum omnia, quæ docuit in unum illum egregium librum transtulit, habuit etiam plures Auditores, ut *Gabrielem Fallopiū* & hunc *Columbum* hicce liber editus est ter de re *Anatomica* uno volumine in folio impressus venetiis anno 1559. quæ editio est rarissima, sed absque figuris, vel etiam comparari potest editio ejus in octavo, apud *Wenzelium famosum* illum typographum quæ facilè acquiritur.

4. Memorari hic etiam debet *Johannes Philippus Ingrassias Siculus*, ille scripsit Com-

mentaria in Galenum de ossibus, qui liber for-
rè rarissimus omnium quos quaerimus, edi-
tus est anno 1603. Panormi in sicilia, apud
Joannem Baptis tam Maringbum 1603. in fo-
lio, & iterum venetiis in folio apud societatem
anno 1604. nam mox per totam Europam
venditus fuit, sed iterum editus, commen-
tatus est in Galenum de Ossibus, sed nullus
liber est, qui curiosius collecta omnia vete-
rum contineat; verum raro habetur, nam
latet hinc inde in Bibliothecis, & vix spes
est eum iterum impressum iri propter magni-
tudinem voluminis; hinc si acquirere quis
potest, emat, sed non Auctor essem, ut
tanto pretio emeret, nam Riolanus, qui qua-
traginta & septem annis postea vixit colle-
git etiam omnia ex eo; inde omnia ejus
optima in Riolano inveniuntur, unde nescio
cur periti tanto labore eum querant, & tan-
to pretio emant, quia omne quod eximii ha-
buit in suum opus transtulit Riolanus.

5. Hisce Auctori bus addatur Exiguus libellus
Medici Regii Domini le Clerc: editus titulo Osteolo-
gie Complette anno 1706. Parisiis in octavo;
nullus est omnium librorum, qui brevius in-
servire possit memorie ejus, qui priores no-
vit. Bonus neutram est pro discipulis in-
struendis, nam caret figuris & brevissimus
est textu, sed incomparabilis est liber ei qui
Osteo-

UNIVERSITY OF MARYLAND LIBRARY
Founded 1836

300 Methodus discendi
Osteologiam jam novit, nam egregie refri-
cat in memoriam, habet enim duo ille li-
bellus.

a. Ubiique accuratissimè nova inventa ha-
bet, & non novi aliquid deficere, & habet
emendatissimè ea omnia, ita ut *Vesalio Rio-*
lano, Columbo anteponendus sit. β. Sed al-
terum est egregium in eo quod nempe de-
signet ad apicem digiti, ubi aponeuroses seu
tendines musculorum se ossibus inserunt,
& hoc brevissimè peragit. Nam non potest
unum verbum demere, quin statim pe-
reat totus sensus, & hoc consulo, ut non
semel quis eum perlegat, sed si accuratus sit,
sæpius hoc faciat, & charta alba si involu-
tum habeat pro adversario inservire poterit
eorum quæ leguntur apud Auctores.

6. Editus est similis libellus nempe opus
Pafyn Lugduni Batavorum titulo *Osteologia,*
apud vivie, anteā quidem Gandavi est im-
pressus, omnia etiam Duverney inventa sive
Duverneyana uti Dominus Le Clerc con-
tinet.

7. Hisce tum addatur *Clopton Havers Osteologia nova, Londini anno 1691.* verum est
tantum pro iis, qui linguam Anglicam no-
runt, nam editio quæ est translata in lin-
guam Latinam; hinc inde deficit, quod
non

non assecutus fuerit translator textum auctoris.

Hi sunt libelli , quibus carere non debent Medici tyrones , si hoc ordine eos legant, habebunt intra bimestrem cognitionem harum omnium , quæ Medici scivere hactenus de ossibus , & si possint videre simul sceleta , jucundissimè & optimè omnia brevi cognoscent, quæ hic requiruntur ; hinc si quis sibi proponeret intra paucas septimanas Osteologiam omnino cognoscere , quotidie deberet tantum binas horas impendere in hisce auctoribus , & bis in septimana adire theatrum publicum anatomiaæ colligendo & conferendo ibi in sceletis ea quæ legit , & in memoriam revocare , an invenire possit, quod legit , & hoc modo brevi haberet scientiam perfectissimam eorum , quæ hactenus haberri possunt pro morbis ossium à Chirurgis & Medicis ; dico eorum , quæ hactenus haberri possunt , nam scopus hoc tantum est, omnia quæ hactenus nota sunt demonstrare, & viam indicare , quomodo ea acquirenda sint , de iis etiam quæ postea adhuc inventientur adhuc sermo hic non est. Absolvi pensum illud de studio anatomiaæ addiscendo de ossibus.

ANATOMIAE

PARS SECUNDA.

CAPUT II.

Myologia.

§. 28. **O**Rdo nunc exigit ut futurus Medicus addiscat omnia, quæ spe-
ciant musculos & hæc pars Anatomicæ scien-
tiæ vocatur *Myologia*.

Nempe græce μῦς est *mus*, notavere etiam latini hoc nomine *animalculum quadrupes*, & ab hoc nomine vocarunt *musculos*, eas partes, quas alii *anatomici* vocarunt *Lacertos carneos*.

Nomen hoc re vera musculis dedere, quia musculus cum tendinibus suis separatus non absurdè formam muris exhibet, nam brevifindo est, quasi caput, tum est pars carnosa eminens quasi corpus repræsentans, & caudatum repræsentatur per tendinem longiorem.

Et hinc nunc Medici divisere musculum inter partes ex hac origine vocis, nempe di-
xere est *mus*, hinc habet *caput*, hoc intel-
ligentia

ligebant breviorē tendinem, habet corpus, hoc intelligebant partem carnosam eminentem, & habet caudam seu tendinem longiorē; hinc ea nomina muscularum tantum orta sunt.

Omnia consilia jam ad studium Anatomicum dirigendum, quatenus musculos spectat dividuntur in duas partes.

I. In *Myologiam* seu *Myographiam* hoc est descriptionis omnium eorum, que pertinent ad historiam muscularum.

2. In *Myotomiam*, illa est descriptio accurata ordinis & modi, quo cadavera debent tractari, ut musculi non turbati possint reddi conspicui.

I.

De Myographia.

§. 29. Prima pars *Myographiae*, hoc est descriptionis omnium eorum que pertinent ad *musculos*, docet muscularum I. Materiem.

Dico prima pars *Myologie* dicitur propriè *Myographiae*, hæc dividitur in partes & prima pars explicat muscularum materiem.

Prima Pars Myographie.

Illa Materies I. est arteria, deinde venit nervus,

nervus , tum lymphatica Vasa , quæ sœpe
voco arteriosa & venosa. Tum tendines ,
tum pinguedo cum suis vasis tandem mem-
branæ. Hæc considerantur ut materies
constituens musculum. Arteria in muscu-
lis dividitur , ut alibi in corpore in sangu-
feras & lymphaticas , & fortè etiam in spi-
rituosas. Rem dicam ut se habet , arteriæ
feruntur plurimæ ad musculos , dividuntur
in ramos , sunt tum ubique venæ , quibus
occurunt , & in quas abeunt in lymphatica
vasa arteriosa , sed fortè ad horum fines sunt
etiam tandem spirituosæ arteriæ , quod ut
suspicio , certè sunt rationes plurimæ , quæ
me hoc credere instigant , ut nempe in cerebro
sunt arteriolæ ultimæ , quæ spiritus ferunt ,
si etiam fortè ubique ad ultimum tubulum ar-
teriosum oriatur canaliculus , qui tam tenuis
est , ut liquidum modo ferat tam tenui , ut
est spiritus , & si hoc unquam detegatur ,
(nam sunt plures rationes , quæ instigant ,
ut hoc asseramus) tum arteria spirituosa
erit vas spirituosum , & venæ erunt etiam
spirituosæ.

Nervi etiam vadunt ad musculos , & fi-
brillæ eorum junguntur aliis fibris ; unde
oritur structura musculi nervosa. Pingue-
dina vasa adsunt , quæ intra spiras & fi-
bras carneas inseruntur uti medulla intra la-
mellas

mellas ossreas, & est idem usus, nempe cum moveantur inter se mutuo fibræ, possunt atteri & partim exsiccarentur, sed exprimitur pinguedo, cum exercetur motus, ut defendantur fibræ ab attritu & motus faciliter. Inter hæc decurrent membranæ, quæ fiunt ex vasculis minimis intertextis & reliqua, quæ in musculo sunt, vocantur fibræ, quæ tantum sunt ultima vasa recta & minima.

Vidimus jam quod tota historia musculorum in duas partes dividatur. Prima pars (ut vidimus) tres iterum habet partes, quarum prima exponit partes, musculum constituentes, quænam etiam illa sunt, brevi compendio vidimus.

§. 30. De structura hac enarrata musculorum legendi sunt sequentes Auctores.

1. *Richardus Lowerus in Tractatu suo de Corde*, ille enim ferè primus ideam dedit claram, quanam ratione omnis fibra carnosa abiret in unam fibram tendinosam & carnosam, & tendines suos appositos partibus appositis semper affixos haberet, quod nemo ante eum tam exactè fecerat.

2. Videndum super hac re pariter est *Guilielmus Cowperus Anatomicus Britannicus edidit libellum in 8. Londini anno 1694. Anglice*

306 *Methodus discendi
idiomate, in qua præfatione de structura ulti-
morum muscularum plura egregia habet.*

3. Huic addatur *Henricus Ridleus* pariter *Britannicus*, edidit libellum in 8. quem vocat *Anatomiam Cerebri*, in eo itidem habet capitulo de musculari motione, in qua plurima egregia supra eadem docet.

Hi sunt nunc primarii quibus lectis multam referemus utilitatem, ut intelligatur historia muscularum, quatenus partes constituentes musculos quærimus.

SECUNDĀ PARS

Myographiæ.

§. 31. Altera pars *Myographiæ* docet muscularum nexus ad bases suas firmas & ad partes movendas.

Prima pars explicuit, quid sit musculus, quod Anatomico primò est sciendum, hoc facto, debet nunc demonstrare nexus muscularum ad suas bases, ubi immobiles quasi adhærent, & alios nexus eorum ad partes, quas movere debent, nimirum nullus est musculus major dempto corde, quin ossi cuidam affigatur, & partes habeat præterea firmas: verūm quas trahit solum cor pellendo, liquoribus non movendis partibus dicatum, unam

unam partem firmam modò alteram liberè suspensam habet , itaque musculi dum movent partem , semper partem eorum firmam quam basin vocamus movent , loca illa utraque ubi inseruntur , puncta vocantur , quamvis puncta non sint , itaque etiam Anatomicus debet hæc duo in musculis considerare.

Illæ partes muscularum , quæ junguntur ossibus vocintur Aponeuroses voce Antiqua Greca , veteres enim vocarunt tendinem veūpō scilicet nervum , quia Galenus & alii putarunt tendinem nervum esse , sed Steno demonstravit , quod nervus non esset , sed aggregatio tantum & compactio fibrarum ipsius musculi , Aponeurosis nunc musculi ergo est pars tendinosa , quæ basi nervea quasi , & puncto mobili musculos locis appositis affigit & Aponeurosis propriè notat enarrationem seu exitum nervi , nam ut dixi , putabant illos tendines esse nervos ; nulla nunc pars accuratori studio addiscenda est , quam hæc , nam scire locum ubi inseruntur tendines est habere animum instructum in Chirurgicis , & etiam in Physiologicis pro medicina facienda .

Scripsere etiam de hac re multi Auctores Anatomici .

1. *Vesalius* quo post *Galenum* nullus melior , imo huc usque nullæ tabulæ editæ

sunt, quæ magis assimulantur ratione *Myologiae & Osteologiae*, secundus ejus liber dicitur muscularis, quos egregiè pertractat & demonstrat; verùm habet unum & alterum errorem, ad quem attendendum, uti est ille error de musculo recto abdominali, non condonatus certè quia semper insurgebat contra *Galenum*, quod ut hominem demonstret, Simiam sumeret: verum ipse bonus Vir hunc musculum rectum depingens describit ac si recta usque ad claviculas seu supremum sterni transiret, quod in brutis quidem verum est, sed non in hominibus tum etiam describit musculum collum flectentem, & elevantem costas, qui quidem in brutis iterum reperitur, ubi claviculæ non adsunt, sed non in homine, in quo claviculæ adsunt, quæ costas elevant ope cuiusdam musculi. His erroribus condonatis Author ille optimus est in Anatomia, sed tamen non est bonus pro incipientibus & pro discipulis statim instruendis, quia secundum eum memoria retinere non possunt musculos partibus singulis dicatos, quia non dat nomina muscularis ex functione, & potius partibus quibus inserantur, sed tantum ex ordine quo sese præbent, ut v. g. dicet musculus ille est flectentium brachium superior & inferior, & primus musculus brachium elevans

elevans , & sic nomina à solo ordine petita sunt & ita damnum intulit suo lectori & inusitatem tanti operis , sed in ultima editione hoc est correctum.

2. Habetur itaque ut hoc damnum resarcitur *Gabrielis Fallopius* , qui accurata descriptione & nitore non modo *Vesalium* est assecutus , sed ferè præivit , non vidi aliquem unquam clariore & distinctiore sermone proponentem , quam ille de iis , quæ invenit & plura certè invenit , ejus opera edita sunt tribus Voluminibus sed uno Volumine in folio anno 1584. Venetiis , sed rara hæc est editio , verum mox iterum edita sunt anno 1596. itidem Venetiis , sed ambæ editiones illæ raræ sunt ; verum etiam edita est Fran-
cofurti apud Heredes Wechelii anno 1600. cum appendice adjecto , & hæc edito est commen-
datissima quod nempe plenissima sit , in eo libro , qui naturam volunt addiscere muscu-
lorum , desiderio suo satisfacent , & hoc habet boni , quod corrigat *Vesalium* , & quæ no-
va invenerit addat ; hinc tam egregiæ ejus obser-
vationes in *Vesalium* sunt , nam ibi quidquid Ve-
salio deest , supplet , & ubi errat , corrigit :
verum hī bini Auctores non faciunt , ut me-
moriâ retineantur musculi , sed hoc quidem ,
quod si habeamus cadaver , & in cadavere
investigamus , omnia inveniemus , sed non in

memoria eos musculos habebimus, nam ipse
Fallopis hoc damnum non supplevit.

3. Hinc haberi simul debet *Johannes Riolanus filius*, quo carere Medicus non potest, opus est in folio editum Parisiis anno 1650. in hocce libro *Anthropographiam* habemus in quo acquiescamus, quid enim continetur? fuit Vir *Riolanus*, qui secuerat supra centum & quinquaginta cadavera antequam scripserit hoc opus; adverterat non posse muscularum tot nomina retineri; vidi defecisse *Vesaliū* in eo, quod à serie numerorum muscularis imposuerat nomina, quod memoriam non firmabat: unde hicce optima imposuit nomina; hinc figurās *Vesalii* ejusque textum, tumque partim *Fallopii* egregium textum consulere debemus, qui sua plurima addidit; tum apud *Riolanum*, accuratissima excogitata, & à functione si fint solitaria, ut in muscularis temporalibus, & à basi firmâ & parte movenda nomina inveniemus; hinc tam egregia nomina muscularum ab eo reperiuntur, si v. g. sumamus *Styloglossum*, cum ita vocarit, quia affigitur basi firmâ processus styliformi, & parte mobili laterum lingua; ergo nomen habet ab hoc *Stylo*, & à lingua, quæ Græcè dicitur γλῶσσα: illum jam musculum nunquam quis obliviscetur, si ita addiscat, idem est

si consideretur musculus basioglossus , seu qui hæret ad basin linguae , nempe puncto fixo in osse hyoide , & puncto mobili ad medium ferre lingue , si ergo ex Osteologia quis norit hæc puncta , hoc est cognoscat ossa , habet claram rationem , cur hujusmodi nomina fuerint imposita , hæcque tum facile memoriaræ implantat suæ , sic : v. g. Coracohyoidei musculi facile retinentur memoria , si tantum noverimus scapulam habere processum quemdam quasi rostrum , quod Græcè dicitur *κόπαξ* hoc est *rostrum* , & si cognoscamus os hyoidis , jam *musculus Coracohyoideus* affigitur puncto fixo illius rostri scapulae , & puncto mobili ossis hyoidis ; hinc *musculus Coracohyoideus* est ille *musculus* , qui trahit os hyoidis versus processum scapulae , hoc debemus magnifico illi Viro , quod nomina muscularum tam egregiè invenerit .

Scio quidem quod in *Isagoge sua Jacobus Sylvius Anatomicus Parisinus* jam quædam nomina exposuerat , sed maxima parte deficiebant : verum omnia supplevit *Riolanus* ; ergo ex *Vesalio* petere debemus figuræ ; ex *Fallopio* descriptionem muscularum ; & ex *Riolano* eorum nomina , & hi tres Auctores haberi debent conjunctim , si etiam unum demamus , accuratè non addiscimus historiam muscularum : nam addiscere non tantum

312 *Methodus discendi*
ita voco descriptionem videre muscularum sed
eos ita intelligere ut memoria retineri queant.

4. Non melius etiam quis nomina muscularum designat, ut facilius memoria retineri possint, quam *Dominus le Clerc.*, sed tum eum consulere debemus simul in *Chirurgia ejus completa*, & in *Osteologia ejus completa*, & de *musculis* hos duos tractatus simul legere debemus.

Absolvi jam secundam partem *Myologiae*.

TERTIA PARS

Myographiae.

§. 32. *Tertia Pars Myographiae explicat usum id est effectum muscularum.*

Atque optimi in hac parte legendi sunt sequentes.

1. *Ricardus Lowerus de Cordis muscularis.*

2. *De musculo in genere*, *Vesalius*, *Fallopianus*, *Riolanus*, *Le Clerc*, & omnium maximè *Gabriel Cowperus in Myologia ejus reformata*, ibi enim paucissimis verbis usus, quam optimè muscularum post singulos musculos definitionem tradit, & meretur etiam, quod post reliquos hunc commendem; ratio est illa, quod plures mirabiles observationes circa usum muscularum habeat

v. g. musculi obliqui ab omnibus tantum pro comprimentibus abdomen habiti fuere , ille verò qui Mechanicos Anglos optimos consuluit super hoc , docet , quod dum oriatur musculus obliquus ex tota spina ossis ilei , faciat , ut corpus firmo manente eò ad basin possit inverti ita , quia tum costas hic musculus movet , sic etiam musculus rectus ad flexuram corporis versus interiora , non tantum compressioni abdominis inservit , sic de pluribus musculis habet rationes exactissimas , & cogitationes supra horum usum.

3. Supra hunc scopum etiam consulendus *Alphonſus Borellus* in *Tractatu de Motu animalium* nemo enim est , qui lumine hujus carere non potest , nisi in tenebris degere vult , quæ habet de musculis sunt certissimè egregia , scripsit enim in *Pisano solo* cum *Florentiae* versabatur , ibi etiam erat *Steno* , qui non plus excelluit quam in musculis : aderat quoque *Fins* ex *societate Londensi* tumque *Marcellus Malpighius* , & hi omnes sua inventa & demonstrata ad oculum *Borello* exhibenda dedere ; unde sua tum composuit , ille enim hoc opus nunquam solus potuisset absolvere , nisi cum iis auxiliis ; itaque sufficerit nunc hoc ad studium huic parti *Anatomiae*.

II.

De Myotomia.

§. 33. Auctores sequuntur, qui optimè de Myotomia scripserunt, hoc est quinam legendi sunt medicinæ Studioso qui non tantum ab aliis musculos cernere cupit, sed ipse Artificum instituere vult, quo invenire distinguere, separare, spectabiles musculos reddere potest.

Scripsit optime *Magnus Vesalius*, ita & *Johannes Riolanus*, qui internecinus inimicus ei fuit, dixerit tamen neminem melius hoc docuisse; ordo etiam ejus est, ubi primo describit musculos v. g. abdominis octo, (nam nonum & decimum *Fallopianus* postea modo invenit) dicit enarratis his muscularis, si invenire omnes velis, sic pergas, sic tollas pinguedinem, tum sic seca, tum sic subductis digitis infra primum separa & pervenies ad secundum, & sic porro. Idem etiam dixit *Riolanus*, sed tamen nemo melius hoc fecit, quam *Cowperus*, scripsit enim disertè non ita pro demonstrandis muscularis quam pro secundis; hinc minutissimas circumstantias accuratè addidit.

Videatur etiam *Michael Lyserus* in cultro
Anato-

Anatomico edito Hafnia anno 1653. & iterum editus anno 1665. tumque Francofurti anno 1679. & trajecti ad Rhenum 1706. Vir fuit juvenis qui collegerat sibi methodum cadaveris dissecandi, & etiam agit, ut nos doceat, quomodo præparari debeat v. g. calvaria, ut optimè servetur, & sic porro ut quomodo agendum sit, ne inter operandum unus musculus obsit dissectioni alterius, omnia hæc ibi inveniuntur.

§. 34. Pro tabulis muscularum etiam, hoc est pro musculis addiscendis, quando non sunt præsto cadavera, vel etiam inquirendum est in cadavere, indigemus quoque tabulis, impossibile enim est Anatomiae junioribus tantum textum in memoria habere, sed debent quoque quoddam habere Schema, ut v. g. si brachium quis examinet, tum debet habere tabulam ut videre possit brachium, cui detracta est primo cutis quod tum sic apparet, ut conferat cum brachio cadaveris, tum in secunda tabula brachium cui pinguedo est ablata, sic apparet, tum in tertia tabula apud *Vesalium* v. g. videre sic situs est hic musculus; & videre an in brachio sic etiam se habeat, & qui insurrexere in usum tabularum in suis exercitiis hoc tantum egere, (ut *Fallopianus* & *Riolanus*)
quia

quia fortè impensa ferre non potuerint
aut quod artem hanc facilem reddere nolue-
rint.

1. Hic est *Vesalius*, sed non contractus ille
Vesalius, nam in illis tabulis deficiunt mul-
ta, ut ipse protestatus est, cum eas publicè
editas viderit.

2. *Spigelius Amstelodami editus est anno 1645.*
à *Joh. van der Linden Medicinae olim Professore*
*Lugduni Batavorum sunt propriæ tabulæ Cas-
serii*, quæ pervenere ad *Spigelium*, erant *Pla-
centinæ*, & detectæ sunt per *Dominum Bu-
cretium*, & tum ad *Spigelium* pervenere: ve-
rum quoad figuræ modò optimus est, hicce
Auctor, non quoad textum.

3. Huc referantur *Clarissimi Bidloï tabu-
læ quæ habentur elegantissimæ*, *editus est*
eius liber Amstelodami, & mox divenditus
fuit, sed reimpressus est *Londini* ut dixerat
nomine *Domini Cowperi*, sed fuit certè tan-
tum furtiva seductio *Cowperi*, & dolendum,
quod tantus vir eò pervenerit, *editio est an-
no 1685.* tabulas certè habet optimas, de-
scriptiones nullius sunt moventi: verùm
egregius est liber pro tabulis.

Iterum Londini fuit impressus anno 1698.
& substituto nomine *Cowperi*, qui quidem
multa addidit, ut fatear, sed tamen totum
opus est *Bidloï*, *editio illa optima est*, sed
tantum

tantum illis, qui Anglicam linguam intelligunt, & meretur præferri primis editionibus, quia litteras multas addidit *Cowperus*, ubi deerant, & quia egregia observata Chirurgica post singulam partem adjunxerit.

Sed jam deveniendum ad tertiam Anatomiae partem scilicet Splanchnologiam.

A N A T O M I A E

P A R S T E R T I A.

C A P U T III.

Splanchnologia.

§. 35. **H** Isce cognitis jam ordo vocat ad intellectum viscerum.

Vocant enim hanc partem *Anatomiae Enterologiam* nam ἔντερον, non tantum designat intestinum, sed omnia viscera; hinc *Enterologia* (λογός enim est sermo) est dissertatio de visceribus internis, vocatur quoque *Splanchnologia* nam σπλαγχνον est viscus.

Dicet quis forsan, an non studiosis tuis effet *Angiologiam* seu *distributionem vasorum* prius indicare? sed certè quomodo hoc fieri posset, cum vasa viscera plurima

tran-

transcant, iisque adjaceant, nam quomo-
do arteria pulmonalis, arteria magna, ve-
næ portarum &c. possint describi, nisi descrip-
ta prima essent illa viscera, ubi transeunt,
& oriuntur; hinc Medicinæ Studiosis optimè
consultum habetur, si post Myologiam
adjiciatur hæc Anatomiae pars.

§. 36. *Viscerum nomine intelligitur ma-
china major vasorum constans cuius effectu mu-
tantur humores in emolumenntum totius corporis.*

Multa ubique ajunt de viscere, sed quid
est viscus? dicant hoc, est machina notabilis
in corpore vasorum constans, cuius machine ef-
fectu mutantur liquida in conservationem cor-
poris sic: v. g. Pulmo est viscus, quia hu-
mores chylosos mutat, & vasculosa ma-
china est mutans in elementum corporis,
nam sanguificat sic hepar, Lien, Cerebrum
&c, sunt viscera.

Cum dicimus est machina vasculosa tum
ab ossibus & cartilaginibus distinguimus,
quæ tot vasa non habent distincta.

Quum dicimus est machina mutans hoc
fit, ut distinguamus à musculis, nam illi e-
tiam corpora admodum vasculosa sunt.

Quando dicimus mutans &c. hoc fit, ut
à reliquis glandulis distinguamus; jam egre-
gius campus sese offert de inventis circa vis-
cera, sed brevi compendio tentabitus enar-
rare

rare omnia inventa, quæ inclaruere supra
quæcunque viscera, tumque Auctores ad-
jungemus.

Viscus etiam (ut jam dictum) est *Machina*
quædam composita constans ex diversissimis va-
sorum generibus atque contextâ, cuius machi-
næ effectu humores in nostro corpore mutantur
imprimis. Data jam definitione percurren-
da erunt omnia viscera, & quinam Aucto-
res de illis scripsere.

De Corde.

§. 37. Solet memorari inter viscera Prin-
ceps *Cor*, quod quidem propriè non vocan-
dum est *Viscus* adeo ex definitione data,
quam quidem musculus dici meretur potius;
hinc ejus substantiæ quatenus musculosæ
cognitio ex *Myographia* haurienda est. Sed
tamen qui accuratè hoc viscus quatenus nu-
meratur inter viscera cognoscere vult, legere de-
bet libellum *Loweri* antea citatum de *Corde*, in
quo libello cordis integumenta, substantia, va-
sa &c. descripta continentur melius quam
alibi: verùm tamen fatendum est illum præ-
termisssse quædam quæ postea ab alio descrip-
ta sunt, hinc huic addatur *Raymnudus Vien-
sens observationes de Cordis structura interiori,*
vasorumque non ita descriptorum & detecto-
rum

*Methodus discendi
rum in libro in folio de Neurologia; quædam
de Cordis structura inveniuntur, ille liber
statim commendabitur.*

Verum præter hunc tractatum eadem lon-
gè melius descripsit in libro de principiis misti
qui liber est in quarto, & in quacumque Bib-
liotheca meretur contineri editus Lugduni in
Gallis anno 1688. titulus est de principiis
misti à pagina 79. hujus libri usque ad pagi-
nam 120. Auctor occupatur in describendo
corde, eò titulo nihil minus expectaretur,
quam aliquid de Corde, sed tamen in eo
libro egregiæ sunt observationes de cursu
vasorum & fibrarum & efficacia ipsius cor-
dis; fateor quidem quod sententias propo-
nat omnibus non semper arridentes, ut de
fermento Cordis, sed non faciunt hæc ad
illud quod quærimus, cum structuram tan-
tum velimus; hinc quatenus Anatomicè
tantummodo agit, multa egregia habet, ibi
videbimus quod cor trudat & transsudet san-
guinem in ipsa cava cordis, quod antea ne-
mo, quantum novi, observaverat, quod scili-
cket per arteriam coronariam non modo in ve-
nas coronarias & in auriculam dextram pro-
truderetur sanguis, sed etiam quod liqui-
dum injectum per arteriæ Coronariæ fines
in cava cordis & cava auricularum, non
modò per arterias sed ductus sinus transiret;
hinc

Hinc in corde duplex detegitur circulatio
nempe. & Cor sinistrum pellit in arteriam
Coronariam , quæ ubique defert ad venas
Coronarias ; hinc omnes Auctores dicunt ,
quod sanguis arteriæ coronariæ receptus in
venas coronarias , & auriculam dextram de-
feratur ; verum β. ejus observatio primò
quantum scio constitit , quod pressus san-
guis in arteriam Coronariam consuetissima ,
frequentissima & maxima via per venas Co-
ronarias emungatur ; verum per arterias quas-
dam etiam sanguis in cavitates Cordis pro-
trudatur ; hinc duplex sanguis in cor stillat ,
1. qui per auriculam dextram in cor dext-
rum , & per auriculam sinistram in Cor-
sinistrum effunditur , & 2. qui per arteriæ
coronariæ fines ultimos in cavitates cordis
immittitur . Hæc verissima esse etiam pos-
tea hic per experimenta plurima probavit in
thesi sua inaugurali de circulo sanguinis in Cor-
de A. C. Thebesius anno 1708. hoc experi-
mento etiam stabilisunt fermenta , quod sci-
licet unus ille sanguis , qui per vasa illa mi-
nima in cavitates cordis stillat permisus al-
teri , esset fermentum mutans sanguinem
postremum , qui per auriculas influit ; hæc
est Vicussentii sententia , quæ certè non est
probabilis , neque ullo ratiocinio neque
ullo experimento hanc etiam demonstrat , sed

quo ad detectionem vasorum egregius est Auctor. Qui præter hosce de corde scrip-
sere non multi sunt, qui novi & boni
quoddam habeant, sed *Clarissimus & inde-*
fatigabilis Anatomicus Fredericus Ruyschius in
descriptione cordis & præparatione ejus con-
sulendus est, ubi videmus quam ingenti
nostro vasorum Arteriosorum & Venoso-
rum cor constet, & qui hos conatus vult
persequi, cor coquat, sanguine orbet, pin-
guedinem auferat, suspendat tum in aqua
tepidâ & aquam renovet continuo, hocce
modo pergar per aliquot septimanas; tum
fit glomeru vasorum, pinguedo enim sen-
sim tollitur & fibræ extricantur a se mu-
tuo, unde clarissima & distinctissima cor-
dis oritur idea.

Absolvi jam hoc caput, & certus sum
quod ex hisce tribus Auctoribus omnia
quæ de corde tradita sunt, invenientur.

De Cerebro.

Non possumus recte Cerebrum pro vi-
cere sed pro motore ad viscera tantum
habere, non enim ita sanguinem mutat,
quam quidem liquida promovet ad totum
corpus: verum quia Auctores omnes ad
hunc animalium motum credunt quod vis-
cus

visci^ra retulere; hinc licuit nobis ad eandem classem revocare.

§. 38. Cerebrum voco omnem massam simul sumptam, quæ intra cranium & vertebrarum thecam continetur. Utor hac voce cerebri, quum vocem aliquam habere debeo, quâ hoc viscus exprimam tamen hoc totum quod dixi intelligo; sed quando cerebrum distinctè contra cerebellum dicere volo, tum vocabulum quoddam addimus, ut Cerebrum animale, Cerebrum Vitale pro Cerebello.

Si dicimus Encephalon, illud vocabulum est omniū commodissimum, eoquē usi sunt antea veteres; quia designat quidquid intra cranium seu caput continetur: Verum deboe jām nomine Cerebri, omnem appendicem, quæ à Cerebro orta est simul intelligere, tum appendicem, quæ per thecam vertebralem usque ad os coccygis penetrat.

§. 39. Ut cognosci possit quam exactissime Cerebri descripta fabrica, concipiendum est cranium & vertebræ; tum utræque meninges, tum cerebrum & cerebellum cortices & medulla utriusque, medulla collecta, medulla oblongata, medulla spinalis, nervorum egressus & nervorum distributio debet intelligi, nihil horum est

omittendum, nam omnia hæc faciunt ad intellectum cerebri hic allegati, & qui a liquid horum omittit, nunquam perfectè scire poterit, quid Cerebrum sit. Nunc legatur ab unoquoque qui de his institui vult.

1. Ratione cranii & vertebrarum accuratissimè scribens *Dominus le Clerc in sua Osteologia*, ille quippe accuratissima enumeratione omnia, quæ de crænio & vertebris in minima particula accidunt quatenus ad arterias, nervos cerebri ejusque undas faciunt, exponit; hinc primis quatuordecim diebus hunc tractatum debet legi, quantum exponit cranium & vertebrae, nam licet ante annum intellectus fuerit, jam non ita in memoria hæredit; hinc tres quatuorve diebus recapitulationi ille solus sufficit, nisi adjungere quis voluerit *Johannem Palfynum*, quantum etiam exquisitè ad calvaria scribit, quando hæc tibi incident animo, tum legatur *Thomas Willisius de Anatome Cerebri, maximè editio Londinen sis anno 1670.* si acquiri possit, illa enim optima est quo ad textum: prius jam *editus fuit ille liber Londini anno 1664.* sed in ea editione in tex tu aliquid hinc inde deficit, quod postea additum fuit: sed utriusque editionis figurae tam vivæ sunt cujuscunque partis, ut nul-

nullus liber in figuris tam egregius sit, nam Dominus Christophorus WRen summus in Anglia Mathematicus & Reginæ Britan-
niae Architectus, designavit ipse sua manu par-
tes Anatomiae; quas vidit apud Lowerum &
Willisum, in editionibus hujus libri; quæ in
Batavia excusæ sunt, textus quidem valet,
sed mirè mutatæ sunt figuræ, ita ut omni-
no decipient, sed notandum, quod de pri-
ma parte hujus libri hactenus tantum locu-
ti sumus, nam ibi tantum de hoc materia
agitur.

2. Quando quis legerit accuratè præce-
dentes; tum adjungat Raymundi Vieussensi
Neurographiam Universalem, qui liber edi-
tus Lugduni in Galliis anno 1685 in folio
& hæc editio licet triplo carior illa, quæ
est in 4. tum ematur potius, quia eam pro-
curavit Auctor præsentibus cadaveribus in
Academia Monspeliensi, certè in Anatomia
& Botanica præferre debeamus editiones
ipsorum Auctorum, quia postea æmulantur
figuræ sicut possunt, & non percipiunt
sepius mentem Auctoris; hinc depravan-
tur illæ editiones.

Hi sunt duo Auctores primo legendi;
um legat Medicus, nec eo carere potest
clarissimi Ridei Anatomiam cerebri, editam
Londini in 8. anno 1695.

Non possum pulchrius dare consilium, ut res intricatissima intelligatur, quam ut legantur hi Auctores, quia in hisce figuris tam vivæ sunt; ac in ullo cadavere videri possunt, ordo in his libris est etiam quam optimus.

Willisius præcedit Vieußens, hinc Vieußens nonnulla observavit, quæ Willisius non habet v: g: quod sanguis a cerebro redux, non tantum in quinque sinus deferatur venosos, sed quod tota basis cranii, tot sinus insculptos habeat, quæ vasa venosa recipiebat, ita ut quatuordecim sinus venosos distinctos exhiberet, de decursu fibra rum in dura Matre, quas non Willisius ad nervos magis festinans descripsit, habet Vieußens & Ridleus; præterea Vieußens cerebrum dissecatum variis modis egregiè in figuris repræsentat, adeo ua pigritia sit tantum, si Anatomici hodierni non bene demonstrent hanc partem. Willisius in figuris integris cerebrum non dissecatum exhibit, sed Clarissimus Vieußens dum Cerebrum exhibit dissecatum secundum longitudinem obliquè &c. tantum etiam involutum cerebrum repræsentat in figuris: Verum Vieußens adhuc nactus est Censorem Ridleum, nempe qui suffultus observationibus Willi si & Vieußens addidit egregia; nempe fi bras

bras duræ matris, vasa lymphatica in plexu choroideo & mirificos ductus per ceram repletos in eo plexu; ergo ab his Aucto-ribus dissectionem de crânio, miningibus cerebri, horum arteriis, venis, sinubus, quæ nosci possunt, habere possumus: 2. discemus apud eos omnia, quæ de appara-tu mirifico vasorum arteriarum &c: ad cerebrum vadentium habentur, videbimus ibi quomodo ille apparatus ante ingressum extra cranium, quomodo intra cranium se habeat, *Ridleus* præsertim demonstrat, quo-modo in ingressu hæc se habeant, *Vieu-sens* etiam, sed præsertim quomodo intra se habeant, habetur apud *Ridleum*: tum i-terum de egressu horum apud *Willisum* vi-deamus.

3. Descriptionem figurarum, situs, mo-lis partium, distributionis appendicu-m corticis, medullæ, medullæ oblongatæ, me-dullæ spinalis, cerebri atque cerebelli & a-arginis nervorum habebimus: & hæc om-nia in demonstrationibus Anatomicis horum virorum observari possunt.

Dico situs cerebri & cerebelli discatur ex *Ridleo* & *Willisio*: nam quæso, quare ex-tra cranium glabrum est, internè verd ru-pibus & eminentijs scatet, ut eminentiæ Cristæ Galli, cui bonæ miremur ad basin

cellam Turcicam, ad latera cavitates vide-
mus, ad posteriora quasi cornua reperiun-
tur: tota basis cranii horrescit ubique qua-
si prærupta rupes; videamus modo os cu-
neiforme scabrum, vel hoc unum quo-
modo se habeat, ignorabimus semper nisi
horum trium Auctorum observata perle-
gamus: necessitatem harum cavernarum in
quibus reconditur sanguis refluus, ne com-
primat vasa cerebri, non intelligeremus.
Quis nos docebit; cur dura mater tanquam
velum pendulum ad has eminentias cranii
affigatur uti videmus ad ingressum arte-
riæ Carotidis ad cellam turcicam ubi hæ arte-
riæ ingrediuntur; hinc suspenditur hoc velo
cerebrum, ne comprimatur suis vasis arteriosis.

4. Quartum scilicet quod inde discimus
est, quod hi viri habeant commenta egre-
gia de usu enumeratorum, qui nisi intel-
ligatur, nihil boni intelligemus de natura
horum viscerum, & notandum quod ult-
ima correctio & major semper sit & prior
superet. 2. Jam alterum quod consi-
dero de cerebro. Ubi quis suo intellectui
impressit accuratam speciem seu ideam hu-
jus apparatus cerebri & cerebelli ad hoc
spectantem; hisce cognitis superaddet do-
ctrinam ipsius structuræ in substantia ce-
rebri compertæ; etenim tres præcedentes
- 155 -

Auctores omnia externa docent, sed quænam structura sit intimæ substantiæ ferè nihil vel quæ de hac dicunt, scripsere ex laudandis Auctoribus. Hinc duo sequentes superaddantur. 1. *Fredericus Ruyschius* in *observationibus suis sparsum editis tam Anatomicis quam Chirurgicis* sed præsertim in *thesauris suis*, ubi hinc inde figuræ præparatorum partium & membranarum, partis corticalis &c: ut & modum distributionis vasorum sanguiferorum pér hasce partes exhibet. 2. Sed nemo specie rationis carere potest *Malpighio*, qui videndus erit 1. in *tractatu de natura glandularum* & 2. in *tractatu de Cerebro*, ubi naturam fistularum nervosarum, quæ medulloſæ vocantur exhibet.

Ubi quis hos binos legerit, poterit discernere cum judicio, quid cogitandum sit de medulla & cortice cerebri.

§. 40. Quicunque edoctus præcedentia impressit sibi accuratissimè, doctrinam illam intelligendis nervis horum substantiæ originis, egressus ex cerebro, distributionis intra cranium & thecam vertebralem, egressus ex crano, & commissuræ vertebrarum distributionis deinde per musculos, viscera & loca sententia indagare debet.

En hæc debet esse studii ratio, ut ac-

curatè discere & retinere hanc doctrinam
quis possit, sic agendum est, Primo sub-
stantia addiscenda est medullæ cerebri, ce-
rebelli, & medullæ quæ prolongatur in ra-
mos laterales; hinc substantia horum ner-
vorum in cerebro, hoc est in substantia
cerebri est ubique æqualis mollis, verum
ubi ad exitum venit, acquirit duram matrem;
unde durior fit ab absita membraña callosa:
verum tum decurrit illa propago in cere-
brum, non acquirit duram matrem, nam
recurrens *Willisii* non accipit duram ma-
trem, sed ubi nervi transeunt foramina,
ut cranium exeant, ubi accipunt vaginam
duræ matris, & cum ea progrediuntur;
verum ubi ingrediuntur musculos, visce-
ra vel organa, tum deponunt duram ma-
trem, & pergunt cum pia matre; sed ubi
nervus vadit ad loca sentientia; eo perven-
tus deponit membranas suas, & sese expli-
cat in pulposum quoddam corpus. Si ner-
vi redeant ad cerebrum, tum iterum depo-
nunt membranas, & fit mollis substantia.
incepimus dare methodum faciliſtam ad-
discendam ea omnia, quæ ad nervos spe-
ctant; considerabam ibi primò unumquem-
que debere prius sibi formare ideam sub-
stantiæ nervosæ; quod scilicet unus sub-
stantia nervosa in cerebro sit ejus medulla,
quod

egrediens recipiat membranam , quod illud nihil habeat quam hoc, ita ut ibi durissimum & in cerebro mollissimum sit corpus, quod tum etiam ubi hinc nervus ex commissuris cranii & vertebrarum exit, semper transeat ubi dura mater, & ejus productio est, & cum hac dura matre pergit , & defendit illa mollem nervum ; ut tuto perveniat ad locum. Duplex vero est locus ubi vergit nervus α, vel ubi sentire debet, ibi deponit vaginam , quam acquisivit in transitu ossis, & iterum mollior & tenerior fit , & explicat se , quasi in corpus mucosum , id ubique advertitur , videamus nervos olfactarios , postquam os cribrosum transivere, & distribuuntur per sinus nasi & membranam pituitariam , tam molles sunt, ut si stimulentur parum , statim sternutatio observatur , videantur etiam nervi optici &c: & ipsi deponant piam matrem , & faciunt choroideam & uream , tum eorum substantia medullosa distribuitur , ac si esset mucus , sub epidermide reperitur *corpus mucosum Malpighii* , quod nihil est quam papillae perfecte nervosae pia & dura matre orbatæ , dispositæ ita ad recipiendum motum objectorum. β Vel motus inserviunt , sed hinc non videntur deponere piam matrem ; hinc in

in musculis duriores sunt nervi quam ubi distribuuntur ad quinque sensus. Alterum quod observandum dicebam, erat origo nervi, quæ in genere incerebro, cerebello & medullâ spinali latet. Jam quænam sint distributiones, separationes, conjunctiones, recursus nervorum & iter ad viscera, videantur sequentes Auctores.

Willisius in parte posteriore ejus tractatu de Cerebri Anatome, cui subjungitur nova nervorum descriptio.

Hæc est ea pars in qua origo, distributio modus separandi, coeundi, & finis nervorum optimè describitur: ita ut *Gale-nus* nunquam neque *Sylvius* qui ita de suis tabulis quibus etiam meruit neque alii possint suas figuræ comparare cum hisce, ut cunque etiam *Riolanus* jactet de suis: Verum hæc scripta *Willisii* inserviunt ad describendos nervos, ad sensus, ad viscera, & 3. quæ circa collum distribuuntur. Plus ex *Willisio* non debet discere, sed in hisce est optimus, ille enim ferè tantum descripsit ex cranio ortos nervos & hi ad loca hæc distribuuntur, hinc ille sufficit.

Verum si nervos; qui ad musculos pedum, Brachiorum &c: distribuuntur scire quis cupit, tum amplificandus erat tractatus *Willisii*; inultum hoc etiam jam præsti-tit

tit Raymundus Vieussens in illo libro in folio
jam commendato de Neurologia, ille frequen-
ti dissektione invenit & depinxit accuratis-
simè nervos, qui ex medullâ spinali ortos
vadunt ad singulos musculos corporis, ille
quippe cum tentaret hos omnes nervos des-
cribere, debuit assequi omnes nervos accu-
ratissimè, & sic hac occasione ad ultimos
fines ubique perventum fere est; hinc cer-
tè huic ab accuratissimis hodie anatomicis, hoc
laudis datum vidi, ut si persequerentur a-
liquem nervum secundum ejus descriptionem,
nunquam decepti fuerint; cum jam figuræ
ejus egregiæ sint, & systema brevissimum;
hinc est quod contenti hisce duobus de-
beamus esse, ex his enim discemus omnia,
quæ per compendium prius recensiui.

¶. 41. Postquam nunc nervi sic accu-
ratissimè sunt descripti, quatenus propagati-
ones sunt cerebri, quid restat. Sumamus vil-
cera v: g: Fauces quæ maximè merentur
hic recenseri propter admirabilem structu-
ram.

De Faucibus.

Agimus hic ordine de structura faucium,
quo nomine intelligo velum Palatinum, sci-
mus enim hoc duplex esse Palatinum nem-
pe pars ossea rugosa, & ad posteriora ve-
lum

334. *Methodus discendi*
lum est expansile & contractile, in cuius
medio est uvula, & ad latera sunt Ton-
sillæ, & deinde explicatur hæc pars in suos
quatuor musculos, quos descripsit Fallopius;
& deinde alios Palati quos *Valsalva* inve-
nit. Hinc si quis velit scire, quid admir-
abile in hac parte sit, tum legat prius
Valsalvam, de *Æsophago*, de *musculis sal-*
pingostaphiliniis ($\sigma\alpha\lambda\pi\gamma\xi$ enim est tuba, &
 $\sigma\tau\alpha\phi\gamma\lambda\eta$ dicitur græcè *uvula* ob similitudi-
nem cum racemo *uvularum*) hoc est cuius
tendo unis & extremitas *uvula*; altera tu-
ba *Eustachianæ*, quæ ex cavo auris ad pa-
latum vergit affigitur; ergo primo inspi-
ciendus *Valsalva*. Videatur tum præterea
de hisce partibus *Conradus Victor Schneide-*
rus de catharris liber editus Wittebergia anno
1660; illè tractatus primo emissus est, cui acce-
dit tractatus secundus, tertius, quartus, hinc
illa editio tum incēpit anno citato; illud o-
pus diffusæ structuræ abundantem doctrinam
continet. Videmus ibi totam membranam
narium, faucium, *Æsophagi* esse membra-
nam repletam glandulis quæ mucum lubri-
cantem stillant & rationem discernimus simul
tot morborum ibi, esset irreprehensibilis
tractatus, si non esset tantæ eruditionis,
nam quod duobus foliis potuisset exponere,
tot voluminibus in 4. conseripsit, sed ta-
men

men quæ de Anatomia horum partium ha-
bet sunt egregia.

De Pulmone.

§. 42. Pulmo quid sit, rite qui scire
vult, incipit semper à Larynge mirificum
caput, quod est asperæ arteriæ musculis in-
stinctum; ut nulla in corpore tam parva pars
ad tot motus destinetur si de ejus Cartilagi-
nibus, & ligamentis legere quis velit, sumat
librum in folio Falii Cafferii, excellentis-
simis figuris ornatum, & traditionis maximæ,
explicat hanc fabricam in corpore humano,
& omni ferè genere brutorum; nobilis sed
parus est tractatus, cuius bona nulla est edi-
tio nisi Itala Patavii; nam reliquæ habent
figuras pessimas, hæc editio est in folio reli-
quæ non sunt in folio sed contractæ.

Postquam quis légerit de Larynge, debet
novas eas addere observationes, qua in penul-
limo & ultimo tomo monumentorum Academiae
Regie Parisinae habentur, ibi demonstrantur mus-
culi glottidis claudentes & aperientes non
esse musculos carneos, ligamenta alba, &
optimè demonstratur illud. Verum ubi Pul-
mo quod bronchiis, arteriis pulmonalibus
arteriis, venis, plexu vasorum & vesiculâ-
rum constat. Videatur tum Thomas Bartho-
li-

linus de substantia pulmonum ejus que motu editus Hafniæ anno 1663: aut aliter Lugduni; Batavorum anno 1672 in 12. in eo tractatu accuratissimus ille Anatomicus prosecutus est omnia, quæ alii scripsere de Pulmone. Postquam hoc evolutum erit scriptum, addatur Marcellus Malpighius, cuius epistola prostat de Pulmone in operibus Posthumis: dendum quod Britanni non addiderunt figuræ quæ in Lugdunensi editione reperiuntur, quod mirum.

Tum etiam addendus est Ruyschius pro Bronchiis Arteriis de qua scripsit exiguum tractatum.

Et suppleri debet quod ab omnibus auctoribus omissum est, quod venæ Bronchiales non in auriculam dextram, sed in venam $\ddot{\alpha}\gamma\mu\gamma\omega$ redeant ex Rario.

§. 43. De ventriculo, intestinis, illisque quæ eo spectant, si quis velit ordine tractare, sic incipiat.

1. Glissonius de *Ventriculo & Intestinis in 4. Londini anno 1678.* sed etiam in 12. verum multum differt a præcedenti in eo tractatu ille vir, qui omium Anatomicorum fuit exactissimus, ut incomporabilis tractatus de hepate nobis persuadet, omnia quæ de æsophago & ventriculo eo tempore nota erant optimo ordine & absque confusione describit.

2. Tum

2. Tum *Conradus Peyerus*, quo cadere non possumus, si leḡnda alicujus sint opera, licet aliis distractus negotiis Anatomiam deseruerisset, certè ille erit legendus; quæ *Glissonius* non habuit, possumus confidere, quod in eo tractatu reperiemus; *Tractatus est in 8. dictus exercitatio medica de Glandulis intestinorum editus Schaffu, & in Helvetia sed hæc editio evanuit; verum impressus est in Parergis ejus *Anatomicis*, elegantissimæ sunt observationum egregiarum collectiones in Anatomia brevissimo stylo & nervoso conscriptæ, editæ Amstelodami apud Weistein in 8. anno 1682.*

Huic tractatui addendus est ejus *tractatus de Ruminantibus*, *Basiliæ in 4. anno 1685* in hoc libro omnia ferè, quæ rarissima possumus optare de Æsophago, ventriculo & intestinis fide optimâ reperiuntur.

3. Hisce addendus est etiam *Hieronimus fabricius ab aquapendente Tractatus de ventriculo & varietate Intestinorum*, qui tractatus egregius est, & eximio stylo à professore illo Patavino conscriptus, non modo humanum ventriculum, sed etiam aliorum animalium describit, ut Anatomiam anseris, anatis &c: *in folio editus est Lipsiæ anno 1687 titulus est optima Anatomia & Physiologia Heronymi Fabricii ab aquapendente cum præfatione Clarissimi Bohnii in eo libro*

338 *Methodus discendi*
bro reperitur citatus tractatus quo carere non
possumus.

4. Unus potest addi nempe *Thomas Willisius in Pharmacia Rationali*, edita Londini
& Oxoniae in 8. ubi antequam purgantia praescribat, historiam prius ventriculi & Intestino-
rum describit.

5. Tum *Ruyschii observationes, in epistolis*
& *Thesauris* ubi de lymphaticis vasis arte-
riosis & venis ventriculi egregia habet.

De Splene.

§. 44. Ad naturam splenis intelligendam
legere debemus.

1. *Thesis Inauguralis maximi Medici Caroli Drelincurtii, filii magni istius Anatomici*
Caroli Drelincurtii, qui Lugduni Batavorum Medicinae fuit Professor laudatissimus, titulus
est de *Lienosis* in 8. *Lugduni Batavorum* editus habetur in ea quidquid in anatomiae Practicae observationibus ab omni tempore usque
in illum diem circa illud negotium reperiri potest, est ingens & egregius tractatus summi & senilis ingenii opus, & videtur pater suum filium in hoc opere adjuvasse. Huic addatur *Velthuysen de liene* editus Ultrajecti in
12. anno 1675. in quo tractatu lien descripsit in imitationem *Glissonii de Hepate*. Hisce

evolutis addamus *Marcellum Malpighium*, qui colophonem imponit, & ultimam struc-
turam explicat. Tum observationes *Clarissimi Ruy schii de Splene*, quæ iterum tribus diver-
sis locis quærendæ, dolendum quod non con-
junxerit omnia, habet enim plurima, & quæ
extra crisi; non dico in ratiociniis de fi-
bris, vasis, cellulis *Malpighi*, in observatio-
nibus *Anatomico-Chirurgicis* in litteris proble-
maticis & in suis thesauris.

De Pancreate.

§. 45. Pancreas sequitur ordine indagare, de hac re sperandum esset, quod tractatum haberemus *Vir sungi*, qui eum promiserat, sed ab infami scelere sicâ fuit percussus ex homi-
num invidiâ, quod ductum illum Pancrea-
ticum invenerat. Sed habemus *Regneri de*
Graaf Thesin hic loci defensam, tunc in ejus
operibus habemus tractatum de Pancreatis na-
tura & usu.

Tum quæ *Malpighius* circa *Pancreas Ani-*
malium insectorum observavit, & tradidit
in suis operibus *Posthumis*, pro illustratione Pan-
creatis in hominibus dedit observationes de
Pancreate animalium.

Tum legatur *Conradus Brunnerus* de Ex-
perimentis circa *Pancreas institutis*.

Tum iterum Peyerum in Parergis Anatomicas suis.

Ex hisce nimirum quodcunque haec tenus notum est de Pancreate, expiscari poterimus. Sed non possum omittere unum Auctorem nempe Thomam Whartonum, qui in tractatu mox laudando usque ad pondus & minimum nervum examinavit.

De Omento.

§. 46. De Omenti natura pro rudiori intellectu Anatomiae legatur i. Hieronimus Fabricius ab Aquapendente.

Tum Thomas Bartholinus, in editione ejus Lugduni Batavorum apud Hackium. Sed deinde iterum legi debet illustris Marcellus Malpighius in epistola de Omento & adiposis ductibus & usu, de qua re litigatur apud alios.

De Mesenterio.

§. 47. Circa hanc rem non potest brevius absolvi negotium, quam legendo Hieronymus Fabricius ab Aquapendente, qui de visceribus abdominalibus scripsit.

Legatur pariter Bartholinus in tractatu de Vasis Lymphaticis.

Tum Gaspar Asellius in tractatu de vas

sis

sis lacteis tot editionum evulgato, addatur Clarissimus Wharion de glandulis unitis & vagis in Mesenterio.

Hi sunt primarii, qui quidquid in hac re observatum est tradidere.

De Hepate.

§. 48. Hujus visceris structura differt à fabrica omnium reliquorum viscerum, quum enim reliqua omnia viscera sanguinem, quem mutant, recipiunt per arterias, hepar illum recipit ex venis.

Hoc ita animadversum fuit ab omnibus anatomicis sed 1. *Franciscus Glissonius nobilis ille Britannicus Anatomiae professor*, structuram illam descriptsit nitidè in nobilissimo illo & incomparabili tractatu de *Hepate*, cui præmit-tuntur quædam generalia ad Anatomiam spe-ctantia, & ad finem adjungitur tractatus de *vasis lymphaticis* itaque plurima continet, & etiam prodest illis qui publicè rebus Anatomicis operam dant, editio optima est Londini anno 1654 in 8. sed & Amstelodami fuit im-pressus anno 1665 in 12. quæ editio etiam valde accurata est; qui hoc scriptum evolvit, nam melior Anatomicus non scripsit, nihil ratiocinii inveniet, & desinit, ubi A-

342 *Methodus discendi*
natomia desinit, non ultra pergit, hisce perceptis
intelligetur hepar in majoribus partibus.

Tum adjungatur *Malpighius de Hepate*,
ubi fatetur, quod cum nesciret, ubi tandem,
& quid inter ductus biliros esset, detexit
esse acinos glandulosos: verum etiam in *ope-*
ribus suis Posthumis impressum hoc est, &
ibi plura contra *Sylvium* habentur; nam
cum *Malpighius* scribebat *de Hepate*, natæ sunt
plures objectiones & hisce per egregia Ana-
tomica respondet.

Tum legatur *Clarissimi Frederici Ruyschii*
observationes Anatomicæ quas dedit, ubi ten-
tat demonstrare, quod illud quod *Malpighius*
acinos vocat, tantum sit *structura vajorum*:
verum hac occasione dedit egregia de hepate
experimenta.

Jam esset splanchnologia absoluta, nisi
quis vellet ad viscera referre organa genera-
tioni inservientia, possunt etiam revocari ad
Adenographiam hoc est *descriptionem glandu-*
larum: verum nos ea hic tantum visceribus
adjungemus.

DE VASIS SPERMATICIS.

i. *De Virorum Organis.*

§. 49. De Vasibus genitalibus, viris solis
ferè

ferè propriis, horum orgine prima circa lumbos, horum exitu ultimo circa lumbos, & in Viris in Urethram, in fæminis in vaginam, de horum vasorum indole, distributione, decursu, effectu, optimè scripsere sequentes. Primo legendus est *Regnerus de Graaf Delfensis Sylvii Discipulus dexterimus*, qui promiserat plurimum emolumenti rebus Anatomicis nisi fatali peste tam subitò consumptus nobis abreptus fuisset *omnia ejus opera edita sunt latine Lugduni Batavorum in 8. anno 1677*: cum figuris elegantissimis, de generatione, ejusque organis; tractatus Belgicè etiam in 8. prostat, ubi figuræ plus laudantur, ibi videbuntur Organa maris & fæminæ egregiè demonstrata, ille enim multa detexit prius, & plura nova explanavit.

Tum hocce cognito legendus est *de Organis Virilibus Professor ille Patavinus Leat Lealis*, cuius rarissimus tractatus Patavii editus est titulo πέρι τῶν στεφματίζοντων ὄργανων, libellus ille, qui egregia experimenta Anatomica continet & singulatim observata; & venalis amplius non erat de novo impresus est *mea Cura Lugduni Batavorum anno 1707.* apud van der Linden, & invenitur post opera Eutachii eodem anno de novo edita.

Tum præterea circa hanc rem habemus

Guillelmum Coverum, ejus nempe bind o-
puscula (de organis virilibus loquor) unum
reperitur in *Myographia ejus reformata*, ubi
ad finem plura de structura membra virilis
& ejus glandula habet.

Tum habemus ejus tractatum de glandu-
lis in 4. Londini editum, qui rarus utcun-
que est, ibi etiam de glandulis huc spectan-
tibus etiam observationes habentur, nec
non etiam observationes istius viri circa
hanc rem inveniuntur in actis Societatis An-
glicanae.

Post hunc legi meretur Morgagni ille
*Clarissimus Romanus Anatomiam edidit li-
ber in 4. Padavii est editus 1719 duobus
voluminibus cum figuris titulus est adver-
saria Anatomica*, ubi multa continentur rara
& praetermissa aliis Anatomicis de novo
impressus est ille liber *Lugduni Batavorum
in 4. anno 1723.*

Tum videatur etiam *Clarissimus Ruyschius
in suis observationibus*, nam ibi 1. repertum
fuit, quod caput penis sit tantum produc-
tio spongiosa Urethræ, ibi videmus quod
caput nihil communicat. Cum corpore pe-
nis, sed quod urethra producta ad finem
corporum nervorum reflexa, tum & ex-
pansa faciat caput, nobile est inventum &
ipsi

ipſi viro ſoli debitum habet etiam in ſuis
theſauris egregia circa hanc rem.

De Testibus.

Scripsit 1. Dominus Clarius Datyrius de
Testibus, in Aprugno in Italia, in Aula He-
trusca: huic ſi addantur Lealis Lealis ope-
ra; perfecta habebitur deſcriptio harum par-
tium.

2. *De forminarum Organis.*

Primò Regnerus de Graaf, ille enim op-
timam dedit ideam de partibus illis oculo
non denudatis.

2. Sed præterea multa egregia circa ſtru-
cturam vaginæ, uteri, utriusque oris tuba-
rum Fallopianarum jam habemus apud Ve-
ſalium. Tum Tubarum uteri apud Fallopium
egregia habentur in obſervationibus Anato-
micis.

Hicce addatur tractatus Swammerdam,
Clarissimo Tulio dicatum Miraculum natu-
ræ. Tum Hieronimus Fredericus ab Aqui-
pendente in tractatu de pullo incubato, &
egregia, quæ eo ſpectant habet, ibi enim
plus invenietur quam à tam Antiquo Au-
ctore ſperaretur.

Hisce rite perfectis legatur *Guillelmus Harvæus*, in ullo nulli unquam comparando tractatus de generatione Animalium, si *Carolus Primus* diutius vixisset, & Anatomico suo *Harvæo* sumptus suppeditasset, ut jam inceperat, egregia habuissimus, saltem ita constat, ut melius opus non habeamus, quam egregios duos tractatus ejus, sed fatali bello civili, omnia combusta & perdita fuisse. Unde caremus hoc dono, gaudemus tamen quod hoc possideamus, hinc *Harvei libello* non potest carere, qui præcedentes Auctores pertractavit.

Post hunc addamus *Carolum Drelincurtum* de fæminarum ovis, de fatus tunicis, de Umbilico; de humore fætus, atque *Priarchas* seu *conceptus de conceptu*, Auctori hinc possumus confidere, observationes etiam egregiæ sunt, quemcunque tractatum horum, ubi quis poterit acquirerere, emat.

Post hunc addendus est *Raymundus Vieus-sens* in libello illo in 8. de Vasorum in corpore humano structura.

Tum *Antonii Nuckii* descriptionem Uteri editam *Lugduni Batavorum* in 8. anno 1697. Pro colophone debet addi *Marcelli Malpighii* epistola de Utero, tum in posthumis de Uteri structura & generatione, & in binis epistolis de ovo incubato.

De Renibus.

Renes jam referimus ad hocce capitulum propter magnum nexus & exortum vasorum spermaticorum, de iis itaque primo legendus erit magnus ille & illustrissimus Romanus scriptor *Bartholomeus Eustachius inter. ejus nempe opuscula Anatomica nihil plus eminet quam tractatus de Renibus*, at ille liber ita latuit, ut quindecim & viginti florensis constiterit, sed edendum illum curavi *optima editio in 8. anno 1707*: ubi simul adduntur figuræ æneæ, quæ latuerant in bibliotheca Principis in Italia. hic etiam Auctor est incomparabilis, & habet jam ea omnia de Renibus, quæ pro novis nunc à Neotericis traduntur, est etiam antiquus Auctor, vixit enim cum *Vesalio*.

Tum *Laurentius Bellini tractatus exiguius de Renibus*, editus Florentiae, sed hic iterum elapso nuper anno *Lugduni Batavorum recusus est*, licet Bellinus multa habeat, quæ *Eustachius* jam habuit, nam hinc se ornaverunt plurimi quod ita latuerat ille liber, nam clam subduxerunt illum glorioſi anatomici, quod publicè edere aliquid ex eo haustum vellens, tamen habet quædam egregia, cæterum continet certè ferè tantum quæ *Eustachius*.

Stachius dixit , neque rationem video, cu-
Bellinus eum librum ediderit , nisi quia *Eu-*
stachius non amplius reperiebatur.

Tum etiam videatur *Marcellus Mal-*
pighius de Renibus.

Deinde *Fredericum Ruysschium* tam in ob-
servationibus quam in thesauris diversis locis.

A D E N O G R A P H I A .

Seu *Glandularum descriptio.*

§. 50. Historiam de Glandulis postposui
visceribus ex hac ratione , quia inventio glan-
dularum Veterior est ea viscerum , quæ tan-
tum ut plurimum glandulis constant.

Hæc historia vocatur *Adenographia* , quia
ἀδν græcè significat *glandula* & γράφω scribo ,
de glandulis etiam legendi sunt.

Primo *Eminentissimus* ille *Anatomicus*
Thomas Wharton gravissimæ auctoritatis in
Anatomia & bonæ fidei optimæ laudis , &
non multum ratiocinans , sed valdè cultro
anatomico fidens , scripsit *Adenographiam* ,
qui liber editus est in octavo Londini anno 1654.
quæ editio optima est propter figuræ , editus
deinde est Amstelodami 12. anno 1659. quæ
editio tamen satis bona est , nisi quod figu-
ræ non tam benè exaratæ sint , nullibi plus

de generatione animalium de testibus , vesiculis seminalibus & prostatis quam apud eum ; hinc qui de iis publice & cum laude dicere & scribere vult, meliorem non potest consulere auctorem.

Post hunc de glandulis videte tractatum de glandulis congregatis ad societatem Britannicam marcelli Malpighii , in ea epistola quæ omnium maximè egregia est earum , quæ seorsim editæ sunt in actis Londinensis , exactissima habetur descriptio , & puto plusquam decies editam esse.

Post hæc legatur *Adenographia Antonii Nuckii edita Lugduni Batavorum in 8. anno 1692.* non quod putem *Nuckium* præstisse aliquid , cum tentat refutare *Malpighium* : verum hac occasione nova detegit , quæ à Wharton & Malpighio omissa erant.

Tum *Malpighii castigatio ad Nuckium* potest videri.

Tum etiam laudatus tractatus *Guillelmi Cowperi de glandulis Londini editus.*

Denique *Fredericus Ruyshius in suis observationibus Chirurgicis, Thesauris & Epistolis.*

Glandulæ vero nonnullarum partium ut Palati ad loca illa , ubi membrana Schneideri est , videri possunt apud Schneiderum , glandulæ uteri apud *Malpighium* & eos qui de utero scripsere , inveniuntur ; hinc non opus est , ut de

de his seorsim agamus: *Glandulae intestinorum apud Peyerum & illos*, qui de illis partibus scripsere, itaque iterum absolvi hunc tractatum.

A N A T O M I A

P A R S Q U A R T A.

C A U T . IV.

A N G I O L O G I A

Sive vasorum propriè sic dictorum descriptio.

§. 15. **V**asa corporis propriè vocantur *Canales*. 1. Qui ducunt humores à corde acceptos ad quodlibet internum & externum punctum corporis &c. 2. Qui liquores referunt ab hisce punctis iterum versus cor; & tum. 3. Qui humores ibi & delatos & secretos in se stagnantes aliquamdiu continent, uti quidam sinus, vesiculos; folliculos vocant nihil refert. Ergo continent vasa, omne Arteriarum, omne venarum, vesicularum, follicularum, sinuum &c. genus.

De Arteriarum ortu, natura, distributione, & usu duo quæri possunt, & in usum Chir-

Chirurgicum nempe, β. in usum Theoreticum, Chirurgis enim magnæ Arteriæ notæ esse debent ad eas vitandas cum alicubi secant, & ad curandas eas in vulneribus.

Qui nosse vult Arterias per totum corpus distributas inspiciat i. *Tabulas Vesalii libro tertio pagina 483. ibidem*, quippe est Tabula fidilissima omnium, quæ editæ sunt, non est quidem perfecta, hoc sperari ab eo tempore non potest, sed tamen uti est, est bona.

Verum post hanc Tabulam adjungenda est tabula tertia *Guillelmi Couperi in appendice ad Bidloianum opus magnum in editione Londini*, ibi enim ex fœtu cera injecto, totum systema Arteriarum habetur accuratissimè.

Clarissimus Ruyschius per partes etiam hujusmodi edidit tabulas.

Hi tres Auctores optimè satisfaciunt ad hoc quæsitum, sperandum quoque foret, ut figuræ Couperi ederentur in usus communes pro illis nempe qui ejus opus non habent, constat enim ingenti pretio.

Præter hos etiam legatur *Antonius Leeuwenhoekius in tomo tertio observationum suarum*, ubi optimè fines & exitus arteriarum in venas delineabit.

Dixi de contemplatione naturæ arteriæ
legen-

legendum esse librum *Frederici Ruy schii*, qui nempe implevit Arterias cera, quæ frigefacta præbuit fines antea incognitos.

Sed etiam commendavi *Leevenhoek* in omnibus suis quidem operibus depingit vasa sanguine distenta, ita ut ibi videamus quomodo in ipsis animis alibus vivis se habeant.

Pariter ad titulum de *microscopiis in actis societatis Londinensis* supra hac re continentur plurima in *Appendice* etiam ad opera *Bid loiana*.

Si distributionem arteriarum ultimarum cognoscere quis velit, videatur, *Bellinus in opusculis postremis seu Epistola ad Pitca- nium*.

In his habetur quidquid ad hoc negotium desiderari potest.

Si distributionem venarum cognoscere quis velit, tum videat apud *Vesalium pagina 450. libro tertio*, ibi habetur Tabula quæ exhibet omnium in corpore venarum distributionem, nec meliorem novi apud Auctores: verum si arteriarum venarum conjunctionem simul, ut per corpus decurrunt videre velimus, tam accuratè ac in cadavere reperiri potest, tum illud habetur iterum apud *Vesalius pagina 505. libro tertio*. Ex illis unus quisque quatenus satis fidei hæ tabulæ sunt, poterunt ideam insculpere sat claram.

Sed

Sed si Valvulas accuratè designatas in vasis quis cupiat, tum videat Hieronimus Fabricius ab Aquapendente capite de venarum valvulis.

Absolvi hoc Thema, & certus sum si præscriptos Auctores hoc ordine quis legat quod inveniet supra eo hæc omnia necessaria.

De vasis Lymphaticis.

Auctoris sententia.

§. 52. Qui Consilium dabit optimum de addiscendis vasis Lymphaticis? verum in hac re opus est prius aliquid dicere de sententia quam super hac re foveo, & quam credo omnibus placitaram, quid Medici vocant vasa Lymphatica; vascula oculo nudo conspicua, in quibus liquor limpidus deprehenditur.

Scimus enim quod omnia Vasa hactenus descripta apud Auctores vocantur ea, quæ oculo nudo discerni possunt, si sufficeret scrutatori Anatomes hæc scire promptum opus foret ex sequentibus auctoribus ea addiscere, sed nihil nos docent, nisi quod in corpore sint quædam vasa satis magna, quæ talem

354 *Methodus descendit*
lympham ferant: verum sunt hæc omnia
tantum venæ, quod demonstrabo.

Vena enim est Canalis liquorem motum con-
tinens, qui movetur iterum versus majores ve-
nas & Cor adeoque ferunt liquidum redeuns à
communi fonte versus cor.

Jam dico omnia Vasa Lymphatica hacte-
nus ab Anatomicis descripta sunt meræ
venæ.

Demonstratur sic 1. *omnis canalis in cor-*
pore qui ex Angustiis deducit versus ampliora
spatia est vena: jam omnia vasa lymphatica,
(videantur omnes figuræ, legantur omnes
Auctores) sunt vasa, quæ ex minoribus
ramis in ampliora ducunt, talia sunt omnia
vasa sympatheticæ hactenus descripta.

Verum 2. *væ per laterales canales*
recipit liquidum seu canalis in quem alii canales
minores se exonerant: nam omnis vena gracilis
acciens à ramusculo grandior fit per no-
vum canalem ad latus insertum: sed cerna-
mus omnia vasa lymphatica hactenus descrip-
ta, omnia à radicibus invisibilibus graci-
lescant, & majoraque tandem fiunt accer-
sione lateralium vasorum, quæ se in majus
exonerant: verum ex iis è majori truncō in
lateralia vasa nihil omnino potest derivari;
ergo omnia vasa lymphatica hactenus ab A-
natomicis descripta, quæ nobis apparent,
funt

sunt meræ venæ , & nobis tantum apparent, quando plures graciles in unum magnum vas se evacuerunt.

3. Omnia vasa lymphatica habent valvula (loquor de illis hactenus descriptis) verum nullibi in corpore in arteriis valvulæ periuntur nisi in arteria aorta & arteriæ Pulmonalis initio, quas si sedulo intueri lubuerit, constabit eas non propriè pertinere ad substantiam harum arteriarum, sed cordis ; ergo in arteriis non sunt valvulæ sed in venis, & ubi metus est ; ne præcedens sanguis impediret liberum transitum subsequentis , ibi maximæ sunt valvulæ , & est hæc ratio omnium valvularum in corpore ; venæ enim in initio tenuissimæ sunt, postea majores fiunt ; demonstrant Mathematici , quod si liquidum perpendiculariter ascendere debeat , tum tota series perpendiculariter obstat motui inferioris ; hinc cum comprimantur facile venæ, non transiret sanguis ; hinc ne liquidum pressum, ubi major est vena , omnes minores impediret , ibi sunt valvulæ , videatur Ruysschiuss in venis ubique sunt valvulæ , & vix progredimur , quin valvulas inveniamus ob necessitatem mox dicendam : verum q. vena est vas quod ab extremis liquidum in manus infusum versus cor reddit ; arteria contra vide arteriam & omnia lymphatica vasa à Rid-

leo in cerebro , videantur omnia lymphatica vasa à Lowero detecta in externo & interno capite, quæ ad glandulam pituitariam reddunt suum liquidum venis jugularibus, videantur omnia vasa lymphatica Thoracis, quæ se exonerant in Ductum Pecquetianum , in venam subclaviam , in sinum venosum , in venam $\ddot{\alpha}\zeta\gamma\tau\omega$, videantur Bartholinus, Lowerus, Malpighius de vasis lymphaticis abdominis , omnis ea lympha fertur & versus Cisternam ; hinc in Ductum Pecquetianum ad originem ejus , videatur Nuckius de vasis lymphaticis femoris , ea ad superiora in venas lacteas maiores se evacuant , & sic videmus , quod hæc omnia vasa lymphatica mediantibus vasis majoris cordi reddunt ; ergo concludimus omnia vasa lymphatica hactenus exarata & descripta meras esse venas.

Sed nulla est vena , quin debeat habere suam arteriam hoc est nullum vas potest deferre versus cor , quin ab alio vase hoc liquidum deferendum receperit , nam quod versus cor movebitur liquidum , debet prius à corde accepisse liquidum ; ergo debeat vena ab aliis vasis suum liquidum habere , sic vasa lymphatica , quæ versus cor reducunt , debent ab aliis vasis suum liquidum accepisse , & non possunt illa vase esse venæ , nam venæ recipiunt à vasis lymphaticis hactenus

ab Auctore nullo descriptis ; ergo debent accipere à quibusdam arteriis , uti omnes venæ ab arteriis recipiunt ; hinc uti vides mus venas lymphaticas esse, sic etiam sunt lymphaticæ arteriæ, &c. hæ si à nobis ita considerentur , tum arteriæ cruentæ erunt itidem , dico hoc fieri nequit , nam si hoc dicas , jungis tum arteriam lymphaticam trunco , dico ubi incipit vena lymphatica , ibi non potest, sed ubi eam vides ibi major est , quam ultimâ lymphatica vena , nam Microscopia demonstrant , quod infinites minores dentur , & facilè ratio insliti potest inter venam lymphaticam visibilem oculo , & ultimam visibilem Microscopio , sed illa cum microscopio videtur ultima adhuc esse nequit ; ergo ex alio vase invisibili adhuc ori- ri debet : verum unde oritur ergo illa minima vena lymphatica ? an ex sanguinea arte- ria ? non , nam tum ferretur in eam liquor crassior sanguine , qui semper ruber est docente microscopio ; ergo vas illud unde pri- ma vena lymphatica oritur , debet esse vas , quod ex arteria cruenta recipiat liquidum tenuius quam est sanguis ; ergo debet esse vas minus arteria cruenta hoc est lymphatica arteria , sed ubi cruenta arteria ultimo desinat , ibi non est conspicua ; ergo minus hæc arteria lymphatica erit conspicua , sed si ro-

ges, cur tamen arteria illa lymphatica non est microscopio conspicua? quia sunt pellucida illa vasa non minus ac in Pediculo, ubi à posteriore novimus infinita esse vasa, tamen ob pelluciditatem nobis haud licet videre; ergo hæc est sententia nostra, ad omnem locum ubi transmittitur sanguis ruber ex arteria in venam, ibi oriuntur canales infiniti ad minimum decuplo minores diametro arteriarum rubrarum eo loci; docent hoc globuli liquidorum per microscopia inspecti, nam globuli sanguinis rubri non intrant in illa vasa lateralia & si coriarentur cum globulis lymphaticis; ingens erit differentia, nam dum applicatur sanguis ad vasa ea lateralia, premit in illis liquidissimum, quo orbato transit rectâ in venam, in hanc verrò arteriam, inquam, transit liquidissima pars, voco arteriam lymphaticam, & certum est, quod feratur per hanc liquidum motu arterioso, *hoc est ex lato in angustum*, non aggregat ex minoribus in majus vas, sed ex majoribus fert in minora, tum desinit prolongatum in venam lymphaticam, quæ non conspicua, sed aggregata ex minoribus conspicua fit, tum ibi demum incipit initium venarum lymphaticarum; & puto porro quod arteriæ lymphaticæ ubi in venas transibunt, dent laterales canales tanto minores sibi, quam

quam ipsi minores erant ultima arteria rubra, unde oriebantur, suntque hæc nobis vasa lymphatica secundi generis, & sic porro quoque etiam hoc pertingat, ignoramus, sed eo usque hoc pertingit, ut vasa lymphatica sint omnium minima; hoc certè novimus.

Sunt ergo arteriæ lymphaticæ & venæ lymphaticæ, sunt arteriæ lymphaticæ arteriarum lymphaticarum & harum iterum alia, uti jam sanguis redit in sanguinem sic lympha primi generis redit in venam lymphaticam primi generis. lympha secundi generis, in venam lymphaticam secundi generis, & sic porro, hacque ratione omnia derivantur ex arteriis à Corde in venas, & redeunt in Cor.

Dicit quis, est ne hoc necessarium in corpore? omnino, advertat ad cutim, tendonem, membranam, ossa, loca glandulosa, vix sanguinis rubri aliquid in venis adesse, tamen crescit hujusmodi pars ut pars rubra, imo quod plus est, in initio omnino non reperitur sanguis ruber in illis, & tamen tum plusquam in alio termino crescunt; ergo primo debent illæ partes hoc est vasa quibus constant impleri, sed 2. debent nutriti hoc est debent repleri & applicari ex eo liquido tantum quantum fuit perditum, quod non fieri potest, quin ad omnia puncta corporis applicetur hoc liquidum: verùm docent micros-

copia, quod maxima corporis pars sanguine
careat, si enim pes ranæ ad microscopium
instar grani sabuli magnus applicetur, in me-
diis locis non reperitur sanguis ruber, tamen
ibi nutritur illa pars vasis; ergo ibi esse de-
bent vasa, quæ recipiunt, receptum pro-
pellunt, sed hæc vasa tantum possunt esse
arteriæ, hoc est *conferunt ex lato in angus-
tum*; ergo arteriæ lymphaticæ requiruntur.
Sed 3. debet corpus flecti, nec flexibile ma-
nere nisi ex partibus infinitè parvis constet,
sed vasa quæ sanguinem rubrum ferunt, non
sunt partes infinitæ minimæ, sed illa quæ
liquidum tenuius quam sanguinem ferunt,
videamus v.g. ad cutim, quæ omnium ma-
xime flexilis pars est, ibi vix vasa sanguini-
fera, sed minora reperiuntur; si haberem
corpus, quod constaret ex partibus tam mag-
nis ac quinque digiti mei simul sumpti,
non posset flecti hujusmodi corpus absque
separatione partium quarundam *hoc est rup-
tura*, sed si constaret illud corpus ex parti-
bus tam tenuibus, ac unus meus digitus est,
tum possent partes adhuc in contactu mane-
re, licet flecteretur corpus; hinc quò vasa
ad majorem tenuitatem reducuntur, eò faci-
lius flecti possunt; hinc requiruntur vasa,
quorum membranæ infinitè tenuiores sunt,

quam

quam membranæ arteriarum ; hujusmodi etiam sunt vasa lymphatica.

Ex his verò vasis jam totum corpus constat , nam membranæ majores sunt flexiles, quia membranis minoribus constant , & hæ membranæ sunt flexiles , quia ex minoribus canalibus conflantur , & illi canales sunt flexiles , quia ex minoribus adhuc canalibus componuntur. Jam quæritur quotuplicia hæc vasa sint , hoc ignoramus , tamen puto majorem esse subdivisionem , quam imaginemur.

Hactenus Anatomici dixere corpus ex arteriis & venis constat , nihil de lymphaticis dixere : verum jam arteria & vena lymphatica subsistit , sed pergit divisio ; donec omnes partes æqualiter parvæ , & liquida æqualiter divisa sint ; hinc puto hæc omnia tandem desinere in vasa tam parva ac origo nervi est , nam tenuiora liquida , nec vasa haberi possunt.

Hinc hoc sensu nervi ubique sunt , & oriuntur non ex cerebro tantum , sed ex ultimis arteriolis ubique , & à quibusdam lymphaticis nascuntur etiam lymphatica ubique ubi plexus vasorum reperiuntur hoc est ubi arteriæ fiunt venæ.

Hæc premittenda putabam antequam de Auctoribus dicamus , quia apud eos illa nul-

libi inveniuntur, sed jam eo melius nos eorum inventis uti poterimus. Jam ubinam ultima arteria lymphatica desinit dupli loco. $\alpha.$ Partim extra corpus in vacua, $\beta.$ partim in venas corporis; in vacua se exonerat, ut extra ad cutim, & in cavitates corporis intus, illa iterum, quæ in cavitates effunditur lympha, ubinam manet? Pono ubique vasa esse absorbentia uti *Bellinus* demonstrat, & quomodo tota cutis perspirat juxta *Sanctorium*, sic tota cutis perspirat juxta illius experimenta: verum sicut in cute, sic in omnibus membranis interioribus ubique.

§. 53. Jam restat agere de Auctori bus, qui de vasibus lymphaticis quæ nos jure merito venas lymphaticas vocamus, scrip- fere.

Ludovicus de Bils Dominus de Koppendam, qui nobili stirpe natus à primis sanè ephæbis totum se dedit studio Anatomico partim animalium vivorum, sed hoc ei obfuit, quod operam neque litteris, neque lectioni auctorum dederat, edidit anno 1661. & iterum 1669. *Rotterodami tractatus exiguo de labyrintho atque ductu suo rorifero dicto*, & dedit figuræ æneas, prout Molossi vivi anatome ipsi dederat, liber est raro acquisitu, tamen aliquando invenitur, describit bene vasa lymphatica thoracis, putabat illa da-

re rorem , originemque esse ductus chyli-
feri , & ex eo per totum corpus , ut & ad
mammas vasa transire , & sic postea chylum
in sanguinem ; verum in eo deceptus fuit,
ut postea demonstratum est, alter, inquam, qui
bene scripsit , si absque parte laus dari possit,
est Olaus Rutbeckius Suecus Upsalensis fuit,
ejus quatuor opuscula de vasis lymphaticis
habemus , primum opusculum est *nova exer-*
citatio anatomica ductus aquaticos hepaticos
exhibens tabulis tredecim delineatos, sic scripsit
titulum , liber hic est editus Lugduni Batavorum
anno 1654. in 12.

Alter tractatus licet criticus sit tantum cum
Thoma Bartholino , & inde dedit titulum
quia Thomas Bartholinus cum eo contendebat
egregius etiam est , & vocatur *Insidie stru-*
cta de Ductibus Aquosis Hepatis à Th. Bar-
tholino, editus est etiam Lugduni Batavorum
anno 1654. partim in 8. partim in 12. Ter-
tius tractatus vocatur pro *Ductibus Hepatis*
contra Thomam Bartholinum , etiam Lugduni
Batavorum anno 1654. in octavo.

Quartus vocatur *Epistola ad Thomam Bar-*
tholinum de vasis serosis , ea est omnium opti-
ma Upsaliæ edita anno 1657. in 12.

Hi sunt hi egregii tractatus qui tam raro
habentur , in quibus tamen optimè scrip-
sit.

Sed

Sed emendus est liber dictus *Messis Aurea Anatomica collecta ab Heemsterhuys in 4.* in eo etiam libro quod minus exspectaretur illa *Kutbeckiana* habentur, ut & *Bartholiniana*, & *Bilsiana*, ad eo ut si hic liber habeatur, non indigeamus hisce opusculis antecedentibus.

Sequitur *Thomas Bartholinus*, habetur nempe in ejus libello de *vasis lacteis & lymphaticis apud Blaeuw Amstelodamii editio anno 1616.* in 8. opusculum quod vocatur *vasa lymphatica nuper Hafniæ in homine inventa*: verum quoniam & ille liber non ita prostat, ematur iterum *Messis Aurea Heemsterhuys*, nam in eo libello etiam invenitur.

Legendus est Princeps in hac re *Glissonius anno 1654. editus in eo nempe tractatu de hepate ad finem habetur tractatus de vasis lymphaticis.*

Præter hunc Auctorem de his lymphaticis etiam scripsit egregiè præsertim contra *Bilsum*. *Joannes Jacobus Pauli titulus est, Anatomia Bilsiana, circa vasa meseraica, Ductus Bilsianos roriferos Argentorati seu Strasburgie anno 1665.* sunt rara opuscula & scripta eò tempore fervore Anatomico.

Videndus est pariter *Clarissimi Frederici Ruyschii* nunquam sanè satis laudandi, liber de *lymphaticorum vasorum valvulis.*

Gloria illi debetur ejus inventionis, editus est *Hagæ comitum anno 1665.* fuit primum opus ejus Anatomicum.

Hi sunt Auctores primarii, qui diserté scripsere de vasis lymphaticis, & quidquid hodie scitur de hisce vasis, hoc illis debetur, hæc omnia collecta habentur apud *Heemster-huys in ejus Messe Aurea.*

Marcellus Malpighius de glandulis congregatis, & in operibus posthumis pariter plurima detexit.

Tum *Clarissimus Nuckius, imprimis in tractatu de Anatomia uteri, & in Adenographia plura de vasis lymphaticis habet.*

Hi sunt, qui de hac re primarii, sed nihil inveniemus, nisi venas lymphaticas quomodo ferantur ad glandulas, an ex iis oriantur, & quæ plura scitu necessaria, sed nihil habent de arteriis lymphaticis.

§. 54. Primo dicam quinam Auctores ex iis, qui generalem scripserunt Anatomiam commendandi sunt, nam non omnibus convenit omnes emere.

1. *Andreas Vesalius, quo nemo carere potest.*

2. *Realdus Columbus.*

3. *Spigelius in folio charta regia.*

4. *Johannes Riolanus.*

5. *Bartholomeus Eustachius Romæ editus.*

6. *Tho-*

6. *Thomas Bartholinus ejus Anatome, opus in octavo Lugduni Batavorum editum anno 1686.*

7. *Philippus Verheyen anno 1210. Bruxellis duobus voluminibus in 4. ubi omnia compitata recentiorum habemus familiari sermone exposita.*

Enumerandi jam restant auctores, qui de singulis partibus scripsere ut

De Oculo.

Plempii Ophtalmographia quæ habetur, & in operibus ejus, & seorsim edita Lovanii in-folio anno 1659. tractatus ille est bonus.

Tum Nuckii *observationes de Ductibus aquosis & humoribus oculi* *Lugduni Batavorum* 1686. in 12.

Tum *Clarissimus Hovius* in *dissertatione inaugurali ultrajecti habita de oculo*, ubi plura egregia habet, quamvis non omnia admittuntur.

Fredericus Ruyshius in *observationibus suis & in thesauris plura, & egregia nullibi certè reperiunda habet de oculorum tunicis.*

Tum etiam *Clarissimus Briggs* *Opthalmographia* in 12.

Hi sunt principes, qui de hac parte videnti, nam reliqua apud collectores facile inveniuntur.

De Aure.

§. 55. Merentur duo Legi.

Bartholomaeus Eustachius *Lugduni Batavorum* *in octavo 1717.*

Tum *Clarissimus Josephus du Verney* in suo tractatu de Louye, edito in 8. Paris, in Germania verò in linguam latinam translatus est; verùm quoad figurās pessimè descivit, & quoad textū etiam non omnino assequitur, hinc emenda est illa editio Parisina, perfectissimus est ille libellus de Ductu Fallopii & distributione nervorum in aure, unum & alterū vitium habet, cæterum optimus est, Vir enim fuit consummatus in Anatomia & dolendum est, quod invidiâ adversariorum suppressa fuerint ea scripta, quæ de reliquis organis sensuum digeslerat, dixit enim ipse se de quinque organis sensuum scripsisse.

Possimus adjungere Italum illum *Antonium Mariam de Valsalva*, sed nihil scripsit de Aure, quod non antea *du Verney* scripserat, nam possent duodecim paginæ contineri quod præter Duverneyana habet, sed tamen propter egregias quasdam observationes potest comparare sibi illum tyro Medicus.

Schel-

Schelhamerus potest addi, sed qui *Duverney* & *Eustachium* habent facile reliquis care-re possunt.

De Lingua.

§. 56. Duo sunt notissimi.

Nimirum *Clarissimus Laurentius Bellini de gustus organo Lugduni Batavorum 17:1.*

Sed nihil habet ille si conferatur cum *Malpighio de lingua*, quæ accuratè illam descrip-sit.

Quæ *Fraccassatus* addidit, multum molis sed parum nervorum habent.

Absolvi quidem omnes scriptores Anatomicos, qui ita scripsere, ut fides & honos illis habeatur.

Verùm quærere jam possumus quinam sint, qui optimam Encheiresin, hoc est *dissec-tionem cadaveris* docuerunt, sive quinam optimi sint, qui docent in dissectione, quo-modo prosequendum sit, ut prior sectio non obstat.

§. 57. Demonstratores sunt tres :

I. *Michael Lyserus*, in cultro suo *Anatomico edito in 8.* Auctor ille per totam ferè Europam peregrinatus erat, & in omnibus ferè locis stipendium meruerat, ut prosector *Anatomicus*, Domum tandem redux scrip-

sit illum libellum de dissectionibus anatomicis cadaverum.

2. *Magnus Vesalius* post singula capita sua docet, quomodo demonstranda & exponenda sint omnia, & nullus est scriptor cum eo comparandus; hinc illa in uno capitulo describenda essent à Tyronibus in eorum usum.

3. Verum qui linguam Britannicam calent, legant *Cowperum in demonstrationibus suis in Myotomia reformata*, qui etiam ad junxit ex *Fallopio*, aliisque & etiam *Duverney* inventa.

Nunc dixi de toto studio Anatomico dirigendo, qui nihil nisi his instructus pergit, non tam citò fateor, sed tutò progre di poterit, nec facilè in errores incidet.

Hinc omnia, quæ requiruntur in medico absolvi; sed duo restant, ut scilicet de Theoria & Praxi dicamus, vocabula illa ita in usu sunt, aliter diceremus de speculatione & de facienda medicina, si ita loqui liceat.

Circa duo hæc quædam erant observanda, ne decidamus in errores; ergo novum opus aggredior.

C A P U T I.

D E

U S U P A R T I U M ,

Sive

Theoria Medica.

USus denotat nihil aliud, quam effectum quem præstat unaquæque res ad utilitatem & ad bonum aliquod; itaque dicere de usu partium nostri corporis est propriè explicare functiones seu actiones nostri corporis partium; nam omnes corporis actiones exercentur per suas causas & instrumenta, quæ partes corpus constituentes sunt; ergo qui scit usum partium, sciet Theoriam Medicam de hac re.

§. 1. Qui ex Mathematicis, Physicis, Chemicis, Botanicis & Pharmaceuticis dicit actiones naturæ, quæ obtinent in omni corporum genere, & quæ exercentur legibus naturæ omni corpori communibus, ille instructus est primo generali scientiâ ad Medicinam requisita.

TURIO

2. In-

2. Instructus est & aptus ad explicandas actiones, quæ in corpore humano fiunt, hoc clarissimè intelligitur.

Hoc primum ratum esse debet, quid enim jam est actio? *motus*, qui exerceatur à parte tali, quæ concurrit ad constituendum corpus, sed omnes illæ actiones fiunt ex iis, quæ primo communia sunt omnibus corporibus, secundo ex illis, quæ nostro corpori singularia sunt.

Prima illa petuntur ex Mathematicis, Physicis, Chemicis, Botanicis, & Pharmacuticis, quia illa nos docent in genere, quid in natura contingat.

Si nunc quis simul noverit corporis humani ideam, & fabricam, quoad omnes partes & hæc conferat cum generalibus illis scientiis ille scire potest, quid corpus humanum & ejus partes agant, & dicere potest aliis. Qui præter hæc duo aliquid advehit, semper errabit; quod enim summi Viri erraverint, est quod discesserint ab his duabus regulis ita v. g. *Clarissimus Borellus, nobilis Bellinus, & Johannes Bernouilli*, tum magnus Mathematicus *Keylins*, hi viri tam benè gnari methodi de detegenda veritate non errant, quamdiu sua propria assumunt, sed si quid assument, quod non demonstratum est, ut terra & salia opposita in san-

guine , statim miserrimè errant , v. g. *Borellus* omnia egregiè demonstrat de musculis eorumque actione , sed reliqua de causa , quā agunt vana certè sunt , uti de omnibus auctoribus qui de hac causa scripsere , verū est nequidem systemate Geometrico Stenoniano excepto.

Sed *Borellus* vidit musculum tumescere , pallescere & mole augeri quum agebat , ergo dicit , aliquid adferri , & propria substantia expandi debet , aliquid adferri nescivit , ergo dicit , expanditur substantia musculi , quomodo etiam hoc fit , assumit ex generalibus scientiis oleum vitrioli quæ salia sunt apposita , si misceantur sibi invicem , effervescentiam excitant , & si vase flexili contineantur , illud inflant ; ergo in natura est aliquid , quod statim ac alteri corpori admiscetur , motum facit , ergo dicit in musculo hoc fit ; quali sequela quæso ? cognitum effectum in natura assumit , & applicat causæ incognitæ Phænomeni cogniti ; ideo etiam hic nihil boni affert ; hinc totus error hic oritur , quia tantum ab anatomia descivit , & assumit aliquid , quod in ea non inventitur.

Videatur *Bernouilli* in tractatu de musculorum motu , qui in nova editione *Borelli* reperitur , assumit pro postulato in musculis suc-

succum nervosum , & arteriosum conjungi, sed certè hoc est supponere aliquid, quod nullibi demonstratur , nam ubi arteria effundit suum liquidum, non potest nervus suum liquidum infundere , nam arteria est causa, cur etiam nervus prematur ; ergo pressio in vase arterioso major est quam in nervoso , ergo nervus non potest premere in arteriam, igitur nimia licentia est hoc assumptum hujus Viri postulatum.

2. Assumit spiritus sic attenuare sanguinem , ut terra tum liberetur ex sanguine, sicque se expandat certè ingens Lemma ; nam quomodo illud demonstrabit , certè nullus Mathematicus hoc intelliget , ergo puto quod illi Viri errant , quia plus assumunt, quam demonstrari possunt.

Sic etiam *Keylius* ubi explicavit motum muscularum assumit partes liquidorum se mutuo attrahere tumque terram inter partes minus premi , & se expandere , est certè ingens postulatum quod nullibi demonstratum puto neque demonstrari posse ; ergo in studio Theoretico condendo semper tuto assumerem debemus argumentum , unde ratiocinemur , semper clarè demonstratum esse debet in Mechanicis , Physicis , Chemicis , quid sit , & ibi sit , ubi quæstio est (v. g. *Borellus* debet demonstrare quod tales sales

oppositi in sanguine sint , tum fides ei adhibetur non prius) & demonstratum ex Botanicis & ex Medicamentis , & ex Anatomia solidorum & fluidorum patere debet.

Quæ ubi assumimus , modo bene argumentemur , nunquam errabimus . Ergo juxta hæc sex capita (Mathesin , Physicam , Chemicam , Botanicam , Pharmaceutical , & tandem Anatomiam puto) dirigendum erit studium Medicum . Theoreticum de usu partium corporis humani .

Perventum est ut dicamus , quinam auctores legi merentur pro nobis explicandis actionibus animalium .

Dixi eam partem Medicinæ quæ hoc explicat à multis vocari *Theoria Medica* , quod nomen tamen convenit omnibus partibus Institutionum Medicarum vocatur etiam *Physiologia* , hoc est sermo de natura , seu naturalis , expositio quo-rundam Phænomenon in natura constituentium , sed nec hocce nomen etiam tam accuratum est , quia non strictè Phænomena corporis humani spectat ; hinc cum Galeno vocabimus hanc partem , tractatum de usu partium .

Dicendum jam quinam auctores sic scriperint , ut ex veris causis atque indubitos proprios effectus benè cognitos descripserint .

Difficile non erit magnam Bibliothecam eorum colligere , qui sibi suscepserint expōnere actiones naturales & vitales, sed paucos enumeremus , qui fidem meruerint.

Ratio cur aberrarunt plurimi est hæc ; omnes qui ante annum 1628. à Christo natu-
to aliquid in his egerunt nullibi bene scrip-
sere ; sive consuletur magnus ipse *Hippocra-*
tes sive *Galenus* sive *schola Graeca*, sive *schol-*
a Arabica, nihil boni in hoc negocio præsti-
tare , ratio hujus est , quod circulationis Har-
væna nondum erat detecta ; hinc eam igno-
rabant , atque illa est una causa princeps ,
unde desumendi sunt illi effectus , quid e-
nim juvabit me scire structuram partis, nisi
sciam perpetuo & indubitate ordine , eo
perpetuo deferri liquida , atque hoc tantum
cognitum fuit , cum *Harvæus* circulationem
demonstravit , quod modo ille anno citato
fuit , sumamus ante *Harvæum* optimum
Physicum & Theoreticum puta *Danie-*
lem Sennertum , videamus quomodo ex-
plicat usum partium & mirabimur quam
frivolæ causæ afferantur effectuum notissi-
morum.

Verum altera est ratio non deploranda sa-
tis in medicina , quod nempè adjumenta,
per quæ poterant demergere, detimento fue-
rint , nam requirebatur fabricæ liquidorum,

quoad naturam cognitio : verùm tum tem-
poris emersere Chemici , qui omnem actionem
à Chemica actione putarant penderè,
unde omnes libri ab *Harvæi* tempore vacil-
lant ab hac parte. Sumatur enim optimus
ex his Auctoribus dicet hæc fieri & per ef-
fervescentiam & per fermentationem , & per
præcipitationem , ad hæc tria capita referunt
omnem actionem , atque si demonstrari pos-
sit uno experimento , fermentationem non
dari in sanguine ; ergo supra hoc ædificatum
opus nullius est momenti.

Tertius ordo superest qui subnixi anato-
micis assumptis propriis mechanicam voluere
actionem explicare , sed illi plerumque sunt
Cartesiani & omnes confisi huic viro totam
Physiologiam ejus methodo explicuere.

Sed videamus quid ille procreavit , voluit
totum hominem explicare in *illo libro* , quem
scripsit de homine , sed si comparetur ille
tractatus de homine editus cum notis Domini
la Forge , videmus quod assumat bullulam
fermento plenam , quæ ex virga Viri effun-
ditur in uterum fæminæ , & demonstrat to-
tum hominem inde fieri ex fermento assidue
enato ex propria substantia , nemo non po-
test non mirari , quomodo homo , qui præ-
luxerat in Mathematicis uti certè ille , assump-
serit pro dato hujusmodi , quæ repudiasset

antea

antea & scholaistica ipsa secta ; videamus enim illum explicare functionem v. g. cordis, illud considerat , ut ollam & lebetem igni, impositum , cui instillatur una gutta fermenti , unde tum expansio & rarefactio oriri debet, unde ejus dilatatio dicit, & expulsio sanguinis ex corde , & secundum illum causæ omnium motuum per corpus ; verum cum videbant nihil inde effici posse ad secretiones & mutationes humorum assumptere poros , sed non ita in medicina argumentandum est de poris, nisi sint demonstrati pori , sed demonstravit *Archibaldus Pitcarnius* ex hoc loco quod pori sint ubique iidem , sed flexiles sunt , hinc eorum figura nihil fit ad secretionem , quæ non tantum fit pro una particula semper simul , sed fit secretio liquidi à liquido hoc est plures transeunt simul , adeoque secreto non pendet à poris, sed pori se accommodant transeunti liquido , nam idem canaliculus , porus vocetur idem est , qui hodie transmittit tantum urinam , cras poterit accedente reliqua causa transmittere sanguinem.

Verum præterea statuere Ætherem hoc est materiem subtilem, sed omnes rogati cur Æther vocatur, semper loca transit ubi cogitur, & cur non potius vagatur ad loca, ubi facile transfire potest , respondere nihil , sed statuere causas

& attrahentes & determinantes eo versus
quas probare non poterant.

Itaque ante *Harvæum* nihil sperare possu-
mus in hac parte , post hunc habemus Che-
micos & Cartesianos sed utriusque assumpere
principia , quæ statim explosa fuere.

§. 2. Proinde ad commendandos Au-
tores circa hanc Medicinæ partem , hac opus
prudentia est , ut eos solos dignos habeamus
& lectu & perscrutatu , qui pro datis assump-
tione nihil nisi , quod sensibus certò explora-
tum esset , & pro principiis argumentandi
nihil omnino nisi quod à Mathematicis
Physicam explicantibus demonstratum fuit.

Nunc etiam jam præmonui , quod sensus
nos doceant vires corporum Physicorum in
genere & corporis in specie , quidquid nunc
ex Physicis , quæ exposui , nec non ex An-
atomicis , Chemicis , Botanicis , &c. expo-
sitis à me demonstratum sit semper obtinere ,
hoc datum sit , hoc assumatur liberè , vel
quod continetur in illis , ita ut statim inde
fluat , assumatur pro dato ; ergo in expli-
cando quodam Phœnomeno , semper assu-
menda pro dato ea sunt , & quæ primò
data sunt , & quæ in propositione continen-
tur , ita ut si bene consideretur , statim se-
quatur . Hinc si Physiologiam quis velit
condere , colligat statim ea , quæ in natura
demon-

demonstratæ sunt semper & indubitato contineri, sed cum tanta res sit, quæ hoc exponat, hinc colligat sibi hæc omnia in adversariis, quod ut facilius perficiat, legat modo *Clarissimum Lockum de adversariis conscribendis*, est *Amstelodami nunc editus cum Gallico Auctore.*

Pro Exemplis etiam hujusmodi collectio-
num legatur *Verulamium in tractatu de ven-
tis & calore, & sylva sylvarum seu collectio-
ne experimentorum*, invenietur in his duo-
bus tractatibus modulus secundum quem
possunt dirigi collectiones.

Alterum quod requirebatur in his Au-
ctoribus, qui Physiologiam condunt, est,
ut cum argumentantur, nihil assumant, nisi
de his, de quibus scrutatores optimi nun-
quam dubitarunt atque hæc sunt principia
mechanica; ad mechanicam nunc quæ per-
tinent & hydrosticam sunt Auctores, qui
demonstrationes tantum adeo claras dedere,
ut fidem unusquisque qui modo intelli-
git, adhibere necessariò debeat.

Ergo qui explicabit functiones, debet
primo hujus corporis fabricam non finge-
re, sed ex Anatomiâ describere, deinde
debet motum liquidorum describere ad eam
partem non fingere, sed ex Anatomicis ex-
perimentis & injectionibus partim vivo-
rum

rum animalium, ex his tum si deducere causas abditas voluerit, potest adhibere, quæ Mathematici & Mechanici demonstrarunt.

Et sic liberè possunt argumentari & applicando hæc generalia ad specialia non errabunt.

Pro exemplo demonstrat Anatomia quod arteria sit conica & quod remotior sit à corde, eò angustior fiat, quod elastica sit *hoc est extensa*, se retrotrahat, quod continuò det arterias laterales, quæ eodem modo se habent, quod liquidum per eas arterias fluat continuò ex latiore in angustum, de illis nemo dubitat, qui tantum Anatomiam novit: demonstrat enim Anatomia quod sanguis pellatur per arterias ex motu cordis accepto: Jam erit hoc datum, si jam medicus velit expandere, quid ex hoc liquido in tale vas propulso sequatur, debet jam assumere quid Geometræ demonstrarunt, quod nempe unum quodque punctum vasis istius tantum virtutis recipiat, quantum momentum est lineæ liquidi in hoc arteriæ punctum ruentis, & quod ita sit in omni puncto istius arteriæ, quum absolutè plena sit, & quum arteria illa sit elastica; ergo eadem virtute illud liquidum retropellit omni momento, hincque deducunt nullam partem sanguinis manere posse in eodem situ, sed omnia continuo vario motu

motu inter se inoveri, quum varia arteriæ puncta vario modo retrpellant, & hinc ipsa liquida vario modo in se mutuo ruerre faciant. Hincque tum deducunt li- quorem in nostris arteriis sanis non posse con- crescere, sed è contra fluidiorem reddi; hinc jam errare non possunt, nam licet Geome- træ motum hujus liquidi generaliter assu- mant hoc est ex quacunque causa ortum, idem est, tamen movetur illud liquidum per hujusmodi vas, & interim vas erit, quod in arteria linea liquidi in hoc punctum ruens retrpellatur ab eo hoc exemplo videmus firmatas leges secundum quas scribere debet, quo functiones corporis humani describere vult, quinam sunt jam qui de hisce scripsere?

Vir ille Neapolitanus *Johannes Alphonsus Borellus* in opere illo elaboratissimo *de motu animalium* ad quod opus Auctor tot annos omnes vires impendit, jam alibi diximus de hocce tractatu ad calcem hujus adjectæ sunt *Johannes Bernouilli meditationes Ma- thematicæ de motu muscularum* hoc est in e- ditione Lugduni Batavorum anno 1710.

Commendare non possum Auctores hos, ac si non contra has duas leges præmissas peccassent, peccarunt enim, sed tamen ha- ctenus sunt optimi.

Peccavit enim *Borellus* contra primam quando assumit plus quam *Anatomia de-*
mon-

Bernoulli assumit, quod nullibi demon-
stratum est, quod scilicet spiritus & san-
guis in unum vas effunderentur. Hoc sup-
positum ergo non assumendum est, quia
nullibi datum assumendum est, quin demon-
stratum sit.

Post hunc sequitur Laurentius Bellini de
urinis & pulsibus, & missione sanguinis &c.
editio est in 4. Bononiae anno 1684. quæ op-
tima est: verum ea, quæ Francofurti & Lip-
siae per Bohnium est edita anno 1685. æqua-
lis bona est, nisi quod Charta non tam bona
sit, hic Auctor discipulus Malpighii in A-
natomia, Borelli in Mechanica, & Mathe-
matica castissimus est auctor & raro con-
tra has binas leges peccat, raro assumit ea,
quæ in Anatomia non demonstrata sunt:
verum tamen & in eo sunt nonnulla ubi
his legibus descivit, à lege prima quando
expansiones & rarefactiones in motu mus-
culorum assumit, nam certè hoc nullâ de-
monstratione Anatomicâ constat; si verò
assumpsisset vir ille, quod clarè Anatomia
docet nempè sanguinem & liquidum ner-
vosum ad musculum ferri, licet per diver-
sa vasa, tamen tumor oriatur per aggrega-
tionem sanguinis, atque hoc non fecit; hinc

erravit; verum pauca hujusmodi in eo Au-
tore sunt loca, & video quod ipsum hoc
prænotuit in lemmatibus quæ habet in o-
peribus ad Pitcarnium: verum raro palino-
diam. cantant eruditi viri; hinc credo ip-
sum tractatum intactum illum reliquisse.
Legantur accuratè ejus Lemmata, quæ opti-
mè præmittuntur hoc est antequam ad tex-
tum veniat, scribit brevissimè ea, quæ spe-
ctant ad motum muscularum respirationis,
cordis &c: ea enim exponit laconico tex-
tu lectu dignissima, quæ sæpe aliter præ-
tervideri solent. Deinde legatur ejus ra-
rissimus tractatus de motu respirationis, quam
scripsit ad Ferdinandum Magnum Ducem
Hetruriæ est epistola exigua edita anno 1670
nec nullibi apparens nisi in actis seu epheme-
redis Germanicis anno 1671 tomo secundo.

Legantur postea ejus viri opuscula aliqua
de motu cordis &c: ad Pitcarnium scripta,
edita anno 1696 in 4. apud Bontestein, est
cygneus cantus ejus Auctoris; unde priva-
mur spe alicujus operis promissi Anato-
mici, nam ex Rhedio & Malpighio com-
posuerat opus, quo expliquabat actionem
partium quod opus fuisset certè defæcatis-
simum, quantum patet ex operibus ejus ad
Pitcarnium, nam ibi non peccat contra le-
ges statim datas.

Sequitur tum *Archibaldus Pitcarnius* in *dissertationibus Medicinalibus collectim editis in 4.* *Rotterdami anno 1701.* scripta hæc optima sunt, & perfecta partim de motu sanguinis per pulmones, in aliis opusculis; hinc inde etiam egregia adhuc habet partim in ultimo tractatu de *Opio.*

Præter hanc habemus *Mattheæ Georgii Elementa scientie naturalis, Lucæ (Lucques) in Italia edita anno 1707 in 4.* ubi principiis satis certis theoremata condit, quæ prodesse possunt in *Physiologia* condenda.

Tum si quis intelligat Italicam linguam, videat alterum tractatum quem ille etiam edidit, *Della ratione vera & temeritate in Medicina, editus est Genevæ anno 1709 in 8.* scitissimus est sanè libellus & ad finem perductus.

Huic addatur ejus *Phlebotomia edita in 4. Genevæ 1697,* si libelli ponderatim scripti sunt, & quidem libertate Philosophica ex *Anatomia & principiis mechanicis* sed tum non plus attribuit quam ex effectu constat.

Post hunc sequitur *Ascanius Maria-Bazekallibe, cuius liber editus est Parmæ in Italia anno 1701 titulus est, novum sistema Physicum, mechanicum de Tumoribus, Discipulus fuit Borelli & Bellini, ut patet, ha-*

habentur ibi expositi effectus violentæ circulationis & majoris attritus, hanc sententiam jam docui, sed nescivi tam egregium tractatum supra hanc rem scriptum esse nisi ante aliquot menses.

Tum Guillelmus Cockburn in *Economia animalium* in 8. edita Londini, ante aliquot annos in litteris promisit alteram editionem.

Verum propter hunc omnino his, qui felicius versati sunt in Mathematicis, commendabo *Clarissimam Johannem Keylum de secretione animalium lingua Britannicâ*, qui liber continet pulchrius quid quam in Mathematicis unquam vidi, peccavit tamen contra primam regulam, sed non obstat, quin in hoc libello duo incomparabilia dedederit nempe demonstrationem, quod ex Logarithmetica Calculo sanguinis tarditatem invasis supputare possumus, & tum dedit explicationem pondorum, quibus premitur sanguis in pulmonibus.

Addantur jam *Clarissimus Bernouilli meditationes Mathematicæ de motu muscularum, quæ in actis lipsiensibus & etiam in ultima editione Borelli Lugduni Batavorum 1710.* ut quidem alibi diximus, prostat. Post enarratos & jam notatos Auctores sequitur nobilis ille *Gallus Pereauſt* in tentaminibus
Bb suis

suis Physicis, Essays de Physique valuit inge-
nio, excultus erat studio Mathematico, in
Chemia versatissimus, & usus consuetu-
dine & demonstratione maximorum viro-
rum ut l'Emery, Duverney, Petit;
hac occasione hæc scripsit uti de quinque
*sensibus &c: omnia ejus opera *Physica &**
**Mechanica* edita sunt duobus voluminibus*
in 4. Lugduni Batavorum anno 1721,
quæ editio elegantissima est.

Pertinent huc dissertationes Anatomicæ
una cum litteris & Annotationibus super
hac re habitis Domini l' Amy Paris titulus
est *dissertations Anatomiques par l' Ami Docteur*
de la faculté de Paris anno 1685. illa edi-
tio optima est, & ultima.

Hunc libellum composuit omnino quod
probare non possum in hac occasione nem-
pe, cum Medicus ille l' Ami, quem Rex in-
stituerat, plures dissectiones instituebat,
postea hæcce conscripsit, liber ille in par-
te posteriori defensionem habet, surrexit
enim Duverney contra hunc librum est in 8.
editus Bruxellis, est liber satis rarus. Recen-
seri hic quoque meretur *Guilielmus Kook de*
secretione animalium Tentamen editus Oxonia
in 12. anno 1674. iterum impressus Hagæ-
Comitum 1684 in 12. sunt hi Auctores,
qui lectu digni, & satis fidi sunt, quan-
do-

do quis vult studere de Actionibus viralibus animalium, adeoque totum opus Physiologicum non potest addiscere nisi ex his.

Ne quis etiam miretur, quod Physiologiam Galeni hic non recensem, rationem antea dedi, cum nempe functiones tantum sint actiones circulantis liquidi, & cum ille ignorayerit lymphatica liquida horumque vasa; hinc hisce satisfacere non potuit. Nunc functiones quædam in Physiologia à nonnullis singulatim exponuntur ut.

De Visu.

§. 3. De objecto Visus, radiorumque & colorum proprietatum uno modo bene scripsit ut nunc patet princeps nempe ille Philotrophorū Isaacus Newton in tractatu de coloribus, & quidem in ultima editione, quæ lingua latina prostat, in priore editione lingua Britannica non sunt ea, quæ ab Auctore superaddita sunt; ille solus in his sufficit, nam quæ alii dixerunt, demonstrat, quod non in re, sed in imaginatione tantum consistant.

Verum Christophori Scheineri oculis seu fundatum opticum editum O. noronti (Wynberg) in 4. anno 1619 & Wittebergie 1660.

inservit; si quis velit applicare hos radios oculo; rarus est liber, sed satis egregie explicat Phænomena visus pluri quam eo tempore expectaremus. Huc pertinet *Catoptrica Cartesii & Dioptrica Hugenii*. Illi pro hoc capite sufficiunt.

D E A U D I T U.

seu

Functione auris.

§. 4. De natura soni ejusque proprietatibus si quis velit legere, legendus erit Athanasius Kircherus in folio titulo *Phanourgia* & addere duos egregios tractatus ejus de musicis, omnia ejus opera Romæ edita sunt.

Postquam etiam sic natura auditus intellecta erit, sunt nonnulla experimenta addenda, quæ inveniuntur apud Bercenum. Tum super hac re egit egregie Newton in *Philosophia sua admirabilis principiis Mathematicis*, quibus experimentis determinatur quantum tempus à puncto sonoro usque ad organum auditus intercedat.

Ubi attente jactum est hoc fundatum ex Mathematicis illis, ut applicetur, tum structuræ auris legantur hi quatuor.

1. L'Ami dissertationes Anætomicae.
2. Pereault de Essays Physique.
3. Tum imprimis illustris Josephus du Verney.
4. Tumque imprimis tandem Clarissimus Valsalva cujus liber in eo est libro Du Verney adhuc anteferendus tantum, quantum de Theoria auditus agit accurate, quomodo scilicet sonus laminæ spiralis applicetur.

De Gustu.

§. 5. Legendi imprimis tres Auctores nempe Carolus Fracassatus Medicinae Professor Italus in epistola de lingua ad Malpighium habetur ea in operibus Malpighii, continet propriè naturam eorum corporum, quæ propriè sapida sunt, & nullus Auctor meliora experimenta super hæc re habet, explicuit etiam hoc in ea epistola.

Tum si hæc ad organum gustus applicare velimus, legatur Marcellus Malpighius de Lingua.

Tum superaddatur his Bellini nova experientia de gustu nunc Lugduni Batavorum nuper edita.

Ex hisce Auctoribus omnia intelligentur, sed addi potest illustrissimus Robertus Boyle in tractatu de saporum productionibus, est ferè ultimum ejus opus: etiam in Mechanico

De Olfactu.

§. 6. Videatur *le Clerc de Osteologia*,
ubi habetur id quod *illusterrimus du Verney*
invenit, dat enim præsertim structuram
ossis narium.

Post hunc pro intelligenda membrana su-
pra hanc ossam fabricam tensa aptus est
Schneiderus de Calhariis, & deinde Mecha-
niuum optimum olfactus. Hisce addatur *Jo-
hannes Palfyn in nova descriptione ossium*,
quam ideo hic commendo, quia *Duyer-
neyanum Methodum ibi inveniemus.*

De Tactu.

§. 7. Quia ratione hicce fiat, legendus
solus *Marcellus Malpighius in tractatu de
Cornibus, organo tactus, de lingua, de cute.*

Enumeravi Auctores qui de functioni-
bus Physiologicis omnium optimè tradide-
re & castè differuere, hoc est manserunt
intra leges Anatomiæ.

Restat ut de generatione quinam opti-
mè scripserint, agamus.

De Historia Generationis.

§. 8. Quomodo mirabilis illa propagatio
fiat per quæ instrumenta, per quas actio-
nes, per quam materiem, quomodo mute-
tur illa, nunc egregia dici possunt veteribus
incognita.

Hinc si accuratè hoc negotium quis ve-
lit intelligere, legendi sunt citati Auctores
Anatomici de Organis generationis v: g: de
ovi in feminis, origine, fabrica, materie, ma-
turatione, disceptione, & decerptu, transiū
in tubas Fallopianas, transitu per hasce Tubas
ingressu in uterum, mutatione in utero, ex-
clusione ex utero; de hisce omnibus (quot
capita singularia sint) legi meretur maximè
Carolus Drelincurtius in libello in 12. Lug-
duni Batavorum apud Boutestein edito, titulo
conceptus de conceptu, vir enim ille tota vita con-
gessit, digessit, expolivit hunc libellum, vir
certè eruditissimus, perspicax & candidus
circa finem vitæ tradidit libellum hunc.

De seminis in viro ortu, secrezione, collec-
tione, maturatione, facundatione; expulsi,
legi debent, (non ut Anatomico conside-
re, sed ut Physiologico) Clarissimus Leal
Lealis.

Tum Clarissimus Guillelmus Cowperus, tum

Clarissimus *Fredericus Ruysschius*, atque tandem *Leerwenhoekius*, illi nempè habent elegantissima supra hac re ubique experimenta, adeoque palmam præripiuere fere omnibus.

De *Conjunctione*, *mutatione*, *maturatione* *seminis masculini* cum ovo *famineo* legendi sunt Clarissimus *Hieronimus Fabricius ab Aquapendente* in tractatu suo de *Pulli ex ovo generatione* *Patavii* edito in folio 1669. Tum *Marcellus Malpighius* in egregio tractatu de *Bombyce*, idem in duobus tractatibus præferendis omnibus de hac re, epistolis nempe binis de *observatione circa ovum incubatum*, ita mihi visum fuit cum has legerim, me vidisse ultimum terminum, quo constans observatio hominum pervenire potest, est simplex tantum narratio ac si oculus videret, sed tædio nulli intelligenti erit, propria manu pinxerat figuræ & simulacra quæ per microscopium viderat, & tantum laboris his impedit, ut totus exhausitus emarcuerit suis observationibus.

Sed addendus est *Guillelmus Harveus*, de *Animalium generatione*, quem librum jam commendavi in *Anatomia*: verum majorem longè laudem in *Physiologicis* meruit, vir etiam ille cui natura dederat sublime ingenium, & ardorem tribuendi aliis quæ invenerat, totum se dederat dissectioni equorum,

rum, damarum &c: Tum animalia illa ^{DUVERNEY} i. duobus post coitum diebus vel ultra aperiebat, sicque absolvisset rem egregiam omnino cum exorta calamitate regni omnia eversa & combustæ chartæ fuerint, unde tantum parvum illud opus quod superest, sed maximè egregium & incomparabile habemus, nam ex eo tantum novimus ovaria esse, quod veteres testes appellare solebant, illud opus per experimenta tantum, non ratiociniis Philosophicis rem tractat, ideoque est pretiosissimum; observationes circa genituram, & omnia quæ hactenus diximus habentur congestæ in historia Academiae Regiae Parisinae, nunc enim l'Emery, nunc Duverney, jam aliorum habentur observationes fœtuum hic & ibi deprehensorum, nunc accretorum ad Testes seu Ovaria, nunc deprehendens in media tuba, denique in Hernia facta Uteri, ubi tuba Fallopiana ingreditur adeoque, quæ possunt circa hoc negotium requiri antea incognita, reperiuntur ibi.

En Schemi Auctorum quos, si Physiologiam Medicam intelligere vult tyro Medicus, emat & legat.

CAPUT SECUNDUM.*Pathologia.*

§. i. **P**athologia apud Medicos significat eam partem Medicinæ generalis, quæ docet generalia, quæ spectant ad cognitionem morborum, horum præsentiam, differentias, causas, effectus. Illa nunc pars, quæ morborum naturam explicat in Pathologia dicitur *Nosologia* hoc est descriptio morborum tantum.

Quæ differentiam morborum explicat etiam ad Nosologiam refertur: Verùm quæ causas explicat dicitur *Aitiologia*, quæ vox occurrit apud bonos Auctores, ejusque pars quæ generales causas exponit.

Verùm pars quæ effectus explicat est *symptomologia seu descriptio symptomatum*.

Hisce præmissis nunc requiritur, ut enarem Medicinæ scriptores, qui hanc partem ita bonæ fide excoluere, ut mereantur legi, & ex eorum verbis fiat sententia nostra: verum admodum pauci sunt, ita ut perfectum ferè nullum nominare possim. Et quamvis in institutionibus meis, Pathologiam post Physiologiam posuerim neutrum mihi placere hoc potuit; nam ut be-

ne hæc digerantur, debet Pathologia alicuius partis post istius partis Physiologiam sequi.

Nec Medico plus laudis redundare posset quam ut veteres Pathologiam redigeret ad Neotoricorum Physiologiam, debet enim sequi Pathologiam ex Physiologia & hoc ordine ponи debet, atque nullibi adhuc factum hoc est.

§. 2. Optimus vero est in hisce *Johannes Bernelinus*, egregium lumen Medicinæ, Gallus erat pertissimus Matheseos: atque inde motus ad Medicinam docendam incepit excutere *Galeni* sententiam, vidit *Hippocratem* optimum esse ad fundamenta & observationes, *Galenum* vero errare ratiocinando, incepit ille rem deducere ad simplicitatem, sed caruit lumine *Harvæano*, hinc cespitat adhuc pluribus in locis, & dicit morbus enim est tantum læsa actio & dispositio lædens actionem, sed actio prius integra haberi debet, antequam morbus intelligatur, sed illa pendet tantum à circulatione humorum ad ea loca: verum hanc non novere veteres; hinc in Pathologia hoc in casu errarunt, non ad observationes, sed cum voluere redigere ad aliquod systema: Editio ejus optima est Genevensis anno 1697 in folio, adeo hicce auctor excelluit licet in

Galenum scripserat, quamvis eo tempore pro *Galeno* certarent omnes, ut viderit quod *Hippocrates* & *Bernelius* tantum legerentur. vidit se citatum ut *Hippocrates*, illius libri de Pathologia sunt optimi, vidimus generalem hanc doctrinam Pathologiarum ponere prius cognitionem generalem actionum & pauci Auctores de hac re optimè scripserunt.

Inter eos qui merentur commendari, est Princeps *Daniel Sennertus*, Clarissimus ob summum ingenium, maximam scientiam & diligentiam, & lectu ideoque dignissimus, gnarus enim veterum & Chemicorum sententiarum nomen meruit *Galeni Germanici*; hinc multoties excussus est, optima ejus editio est in folio Lugduni anno 1667. sex vol: ex hoc Auctore poterimus discere in Pathologia omnia, quæ vetustas Græca, Romana, Arabica de *essentia* & *natura* morborum intima, de diversis morbis, de classibus diversis causarum &c: posuerant adeo, ut hic Auctor lectioni & attentioni nunquam satis commendari possit.

Verum dolendum quod neque magnus *Bernelius* neque *Sennertus* hic satis fecerint, quia divisiones tam subtiles habent, ut fundatum capere non possimus & verbosissimis sint in exponendis his omnibus:

Hi tamen bini viri tantum possunt commentari

mendari in hoc studiò, nam si neotericos
commendo, illi levi pede transeunt rem
magni momenti innixi suis hypothesibus ut *Syl-*
vius.

CAPUT TERTIUM,

Semeiotike.

§. I. σῆμα & οὐμέτον vocatur *signum*,
οὐμεῖον designo, per signum doceo, σημειοτικη
ergo signum in Medicina & Medicina per
signum docens seu indicans est.

In σημειοτικη jam traditur, quomodo per
præsentia, præterita & futura Phænomena,
præsentia, præterita, & futura vitæ sanitatis
aut morbi signa possint inveniri, & hæc est de-
finitio σημειοτικης seu cognitionis symptomatum.

Pro exemplo, si sciam hominem sanum
heri se violentissimè movisse, & nihil om-
nino bibisse, est præteritum Phænomenon,
quod cognosco (Phænomenon autem Medi-
cis est omnis mutatio quam sensus externi ob-
servant in homine) sequenti die licet non at-
tingam pulsum, scio, quod sit durus & ce-
ler, quod homo anhelet, sicut summo-
perè &c: habeo jam præsentia Phænomo-
nico unde concludo, quod laborat incepien-
ti inflammatione: verum si hodie audiam
heri contigisse illud, dico tum illum ho-
mi-

minem matutino tempore urinam reddidisse planè rubram, nec fallor, ex præterito Phænomeno concludo hoc præsens, sed si heri cum se ita moverat, potuisse dixisse, cras reddet hujusmodi urinam, tum ita ex præsenti Phænomeno concluderem futurum, & sic ex præterito hodie etiam possum concludere futurū, & prædicam hominem illum brevi sensitum dolorem per totum corpus ac si fistibus vehementer fuisse exceptus & sicut habiturum magnam, dixi Phænomenon vitæ &c; in definitione, ergo συμειοτικη habet pro objecto, æqualem describere conditionem vitæ præsentis & sanitatis, præsentis, præteritæ & futuræ quam in morbo, quid nunc in hac definitione est signum! illud Phænomenon præsens, præteritum & futurum unde concipio, quod præsens esse debeat, & præteritum fuerit, & futurum adhuc sit, ergo est Phænomenon præsens præteritum & futurum cognitum sic, ut me aliquid doceat de aliquo jam non apparente fortè, quod tamen adesse debet præteritum, & futurum est.

Signatum ergo quid est illud, nempe, quod sic per præteritum præsens & futurum cognoscitur: Videmus nunc quod nulla pars in Medicina sit, quæ prior fuit hac parte; & adhuc omnium maximè necessaria est & pri-

prima. Nam si accedamus ad ægrum, pri-
mum quod inquirimus sunt signa de statu
morbi, an plus prævaleat quam vita & mi-
nus: verum etiam fuit omnium prima pars,
nam Medici primi nesciebant quid esset
morbis, videre v: g: dolorem lateris cum
difficili respiratione, pulsu celeri, siti mag-
na &c: hoc omnia erant tantum signa,
quid etiam esset ipse morbus internus, ig-
norabant adhuc; videbant post duos &
tres dies hujusmodi homines spuere sangu-
inem, reddere urinam crassam, & sic. ite-
rum sanitatem redire. videbant alterum mo-
ri, sed prius latus livecere; videre tum in
cadavere, quod totum latus gangrenatum
& suppuratum esset, tum potuerunt con-
cludere, qualis esset morbus in ea mem-
brana lateris nempe vehementis inflammatio,
quæ tum illis dicta fuit Pleuritis.

Hoc adduxi ut ostenderem quid optimum
in Medicina à veteribus descriptum est certè
est σημειοτικη, hodie omnium minus elucescit,
quia systemata tantum singuntur, & non
ex signis deducuntur, nam v: g: Chemi-
ci non inquirunt in signa, sed tantum quo-
modo est curandum, & querunt Medi-
cinam universalem, semperque curare vo-
lunt.

Ab Harvæi tempore nulli sunt, qui be-
ne

400: *Methodus discendi*
ne de *τυμεῖοτικη* scripsere & tamen nihil
plus certe est necessarium; melius esset om-
nino nil de Medicina scire quam *τυμεῖοτικη*
ignorare. Huic igitur parti incumbe: de-
bet Medicus practicus & totum se dede-
re.

§. 2. Hi ergo sequentes Auctores le-
gendi sunt in hac parte, & semper legen-
di erunt per totam vitam, licet quis ad
centum annos perveniret nunquam pene-
bit.

i. *Hippocrates*, qui ita legendus est or-
dine quem præscribam, ut fundamentum
faciamus firmissimum in dignoscendis mor-
bis, non enim legendus est absque bono
consilio, nam opera ejus ordine debito non
ponuntur.

a. Legendus liber qui dicitur *Prognosticos*, qui ita est *translatus de Prænotionibus*
unus tantum liber est, qui tam optima
continet, ut nullus certe liber ei unquam
sit comparandus.

β. Post hunc legatur liber *πρόφητικων*,
& qui transfertur de *Prædictionibus*: sunt
libri duo, nulli libri melius sunt conser-
vati quam hi, est aliud quid quam præ-
notio, nam dicit hic quid amicis & ægris
prædicendum sit.

γ. Tum
20

γ. Tum 3. legere debemus κακας προγνωστες ut latinè vocant *Coacas prænotiones* est liber mirificus longè alias quam præcedentes tres sed non intelligi potest nisi præcedentibus intellectis, hicce Aphoristicè non Dogmaticè est conscriptus, accurate prævisiones, prænotiones futurorum exhibit, prima lectione non placebit, sed postquam alios Auctores legerimus, & tum illum addiderimus, tum mirabimur quam egregius sit, v: g: in capite de *Angina*, *Pleuritide* &c: videbimus ibi omnes species *Anginæ*.

δ. Tum legemus librum περι κρισιων, seu de *Judicationibus*: est liber unicus, sed egregius, hic patet quo tempore exquisitè, & quibus Phænomenis mutationes morborum fiant.

ε. Tum legatur liber περι κρισμων, sive de diebus judicatoriis.

ξ. Tum liber septimus των ἐπιδημιῶν. Seu de morbis populariter grassantibus. Hic examen habemus studii Hippocratici valde commodum & utile.

Si omnes præcedentes libros hoc ordine quis legat, & tum Epidemicum inspiciat, videbit ibi exempla hujus & illius morbi quorum in præcedentibus libris tractavit.

Hæc est vera Methodus operam dandi Hippocratico, & credo, quod hoc modo

fructum facile ex eo acquirere poterimus.

2. Tum *Claudius Galenus in Tomo quarto
suum operum editionis venetiarum, anno
1669. apud Juntas; quæ omnium optima est,
sed duobus malis laborat Galenus.*

1. Nimia subtilitate divisionis, nam inspiciamus modo eum de *Urinis & Pulsibus*, quæ omnia subtilitate Peripatetica divisit.

2. Alterum vitium est explicatio signorum ex principiis peripateticorum ex quatuor humoribus; utinam hæc omisisset & ordinatum schema dedisset textus *Hippocratici*.

3. Ille quem commendando & quo carere non possumus est *Ludovicus Duretus in Coæcas Hippocratis liber in folio editus Parisiis anno 1658.* est optima editio, altera tamen etiam quidem valet, habemus hic thesaurum æstimabilem, sparsa enim *Hippocratis* reducit ad unum locum, eo certè minus carere quis potest, quam binis præcedentibus, hoc enim habet egregium, quod obscura *Hippocratis* explanaverit, utriusque enim linguae, latinæ scilicet & græcæ gnarus erat, & manuscripta legerat, unde quasi alter *Hippocrates* explicat *Hippocratem*; verum ut cognoscamus libri usum, sciamus nullibi meliorem indicem dari.

Quartus qui commendandus est, est *Desiderius Facotinus, qui commentaria in coæca*

Hip-

Hippocratis scripsit; rarissimus est, & singulis diebus non prostat, neque singulariter, sed latet alio titulo; hinc si quis possit acquirere *Jacobum Hollerium in Coacas Hippocratis* tum habet simul *Desiderium Facotium* est liber editus *Lugduni anno 1576.*

Lis fuit inter filium Dureti, & Facotium quod patris opera ediderat, nam *Facotius prius* non prodiit, quia *Duretus* prius resuscitavit *Lectiones Hippocraticas* & *Facotius* fuit ejus Discipulus, sed *Duretus* opera sua in vita non edidit, verum à filio fuerunt edita.

5. *Prosper Alpinus* *Lugduni Batavorum* in 4. editus anno 1710. de præagienda vita & morte agrotorum, utinam etiam haberemus ejus opus de præagiendis morbis in sanitate, scripsisse tamen illum librum constat, sed adhuc non potui assequi, habetis interim in hoc opere omnia Hippocratica, Galenica, Arabica, quæ habentur de præagiendo bona, itaque diu noctuque legendus auctor.

6. *Laurentius Bellini* de Urinis & pulsibus, qui docet jam veram methodum ratiocinandi circa hæc, examinet enim urinam intra corpus mutatam, & extra corpus mutatam, confert causas utriusque, & tum concludit.

7. Et ultimo *Georgius Baglivius*, cuius
Cc 2 ope-

opera omnia edita sunt Lugduni in Galliis anno 1704. non quidem accedit hicce ad va-

lorem præcedentium minimè , sed tamen hoc boni habet, quod licet signa tumultua-

riè proponat , habet tamen quædam quæ nullibi de signis traduntur.

CAPUT QUARTUM.

ὑγείειν seu de Diætetica.

§. 1. *ὑγείειν* græcè significat Deam sani-
tatis hinc etiam vocatur *ars conservandæ sa-*
nitatis boneæ, Describit autem , quo usu
rerum intra & extra nos positarum præsen-
tem bonam valetudinem tueri possumus.

§. 2. Hinc omnia quæ in nos agunt huc
referri debent. Hinc etiam retulimus 1. ad
ingesta. 2. ad gesta & in animo & in cor-
pore. 3. ad excreta & retenta. 4. ad ap-
plicata extrinsecè ad corpus. Ergo in justo
regimine horum quatuor hæret tota Hugiene.
Vetus dixit quod consistat in sex rebus
non naturalibus & sex classes ut notum est
constituerunt : Verum hæc quatuor capita
commodissima sunt.

§. 3. Commendo hic. *Hieronimum Car-*
danum Bononiensem Medicum, mirificum
il-

illum scriptorem (quo uti dicit eruditissimus quidam scriptor, sapientior nemo, ubi sapit, dementior nullus ubi errat) in libro scripto de *sanitate tuenda*, qui liber rarus est, sed si quis habeat, placebit multum, reperitur etiam in operibus ejus quæ edita sunt *Lugduni decem tomis in folio anno 1663.* una cum præfatione de vita *Cardani* quæ certè tam jucunda ut plus sapiat quam *Comœdia & Tragedia unquam scripta*.

Johannes Bruyerinus de re cibaria sunt libri XXII. Lugduni in gallia editi anno 1560. in 8. *Melchior Sebisius* (est enim alter qui dicitur *Michael Zeb*) egregius scriptor summae eruditionis, maximè occupatus in *Praxi*. pervenit ad centum ferè annos, & sanitatem bonæ fruens scripsit librum in 8. quem si quis possideat, habet quidquid hic desiderat, *libri sunt quinque de alimentorum facultate Argentorati editi anno 1651.* vix auctor datur, cuius major distantia inter tempora scriptorum habetur. Cum enim vigesimo ætatis anno incepit scribere, & nonagesimo anno adhuc scripsit, ergo tantum tempus intercedit, unde sequitur, quod ejus opera debeant esse polita.

Scopus meus est hic rarissimos quoque dum simul auctores utiles sunt indicare, atque ille *Bruyerinus* nec non etiam *Sibisius*

sunt, qui ex eruditissimis totam rem, quæ ad hoc negotium spectat absolverunt & partim Bruyerinus.

Claudius Galenus in libro de tuenda sanitate, qui liber non modò de re cibaria & potulenta sed & regiminis optimi sex rerum non naturalium ideam dat; unde de *Frictiōnibus* &c. quæ Medici agnoscebant pro mediis de tuenda sanitate tractat, tum & de aëre &c. est unus ex ejus eruditissimis scriptis & tractatibus. Nunquam deserendus *Sanc-*
torius in Medicina statica, si liberè est di-
cendum, nulli qui ante eum scripsere, car-
dinem rei ita attigerunt, ille docet, quâ
viâ assumptâ facile per vires transmutentur
in indolem simillimam nostri corporis, ille
docet quinam cibi ad eam subtilitatem redigi
possunt, ut exhalent sine fæcibus, quinam
cibi in debili homine, quinam in robusto
conducant, & nullus liber in re medica ad
eam perfectionem scriptus est. Huc perti-
net quoque *Cornarii*, nobilis veneti rarus
tractatus *Lauda della sobrietate seu Laus so-*
brietatis seu regimen perveniendi ad centum an-
nos licet corpus debile sit, Italico sermone
conscriptus est liber, tractatus verò egre-
gius licet stylo poëtico, tamen in abscessu
multa recondita habet bona, multis linguis
translatus est.

Referemus huc quoque illius illustrissimi auctoris Baconis *Verulamii apherismos de prolonganda vita*, ut & historiam vitae & mortis certè ibi mirabilia habentur pro ut desiderari possunt.

Recens in Anglia editus est liber anglica lingua nempè *Descriptio vitarum nonnullorum hominum*, qui in Britannia longissimam & sanissimam duxere vitam; est, in 8. tradit methodum vivendi horum hominum: huc quidem non spectat, sed tamen Medicus qui hæc legit, ex iis singularibus methodo Verulamiana speciem conclusionis universalis deducere potest.

Ultimo hic commendo *Hyeronimum Mercuriale de arte gymnastica Veterum* sunt libri sex editi Parisiis anno 1577. in 4. quæ editio optima est, ille Italus Parisinus Professor eruditissimus extricat exercitia, quibus utebantur Veteres ad roborandum corpus ad expellenda morborum initia, & ad præcavendos morbos, paucis nervosè absque ambagibus rem explicat, & dat ideam claram omnium exercitiorum Veterum. Absolvi consilii Medici hanc partem & hæc sufficiunt, reliqui qui scripsere, fuere ferè descriptores horum omnium, hinc non omnes citavi, tantummodo Principes.

Sequitur ut hoc studium concludamus

C A P U T . V.

•
Therapeutike.

§. 1. *Est caput pars institutionum Medicarum, quæ docet ex ægris discere, quibus morbis laborant, & deinde ex his præceptis discere quænam requirantur ad curationem remedia, & quomodo applicanda.* Re vera hæc est Therapeutike, quæ docet in ægris cognoscere quo morbo afficiantur, & vocatur hoc invenire Indicantia Indicationem & Remedia.

Habet imprimis eas partes, ut 1. Indicantia Indicata & sic porro & deinde instrumenta explicet.

Instrumenta Medicinæ sunt *Mechanica Chirurgia & Remedia*, quæ intus assumuntur. De materia Medica, de materia Chirurgica, de que ejus applicatione, dicemus quædam in Praxi, videatur tamen §. 10. in Conciliis Chemicis. Optimè autem de his Instrumentis legi possunt.

§. 2. *Fallopianus.*

Samuel Daele, Londini in 8. Pharmacologia. Marcgravius, de materia Medica contracta. Hi ad hanc partem ferè sufficiunt, addantur

tur simul ea quæ in consiliis Botanicis dedi.
§. 3. Altera pars Therapeutices versatur
in explicatione Methodum Medendi.

Methodus Medendi autem est *Doctrina*,
quæ proponit regulas, quarum indicio Medicus apud ægros præsens Indicata, Indicantia, contraindicantia contraindicata, concordantia & repugnantia. &c. potest invenire.

Sequitur ut dicamus quinam de his imprimis merentur legi, & certè non ita facile est illud definire, quia ante *Harvæum* omnis methodus innititur deprehensæ constitutioni bilis, sanguinis, atrabilis, facultatibus, gravitati elementorum &c. v. g. si *Galenicus* scriptor consulatur, quomodo quis apud ægrum præsens indicationem invenere possit, dicit omnes morbes pendere i quatuor elementis humoribus facultatibus &c. hinc Medico videndum, an prædominetur terra, aqua, aër, ignis, an peccet iqua, pituita, bilis, an calor, frigus &c. hinc dicit supplendum quod deest, & tolendum quod supereft, hinc tota Methodus est in eorum facultatibus indicantia inquirere, Videamus modo *Joannem Argentarium*, cuius opera prostant in folio, Venetiis apud *Funtas*, fuit suo tempore maximus inter Methodistas, sed fuit vir omnium inelicissimus in cognoscendis & curandis mor-

bis: nempe suum sistema expolivit quam optimè, sed cum falsum esset nihil aliud fecit quam faceret Mathematicus qui falsa assumeret, & inde egregiè ratiocinaretur.

§. 4. Verum qui benè incepit scribere de hac re, est egregius ille idem Melchior Sebisius in collegio Therapeutico ex Galeni Methodo Medendi deprompto ac in disputationes XXV. redacto argentorati. 1634. 1638. in 4. melius adhuc, sed compactius, & egregio Romano stylo scripsit de hac re Bernardus Zvalve, *disquisitio Therapeutica generalis*, in 12. Amstelodami edita anno 1657. adeoque post circulationem inventam, hinc pro tyrone non est vituperandus libellus.

Scripsit etiam Fredericus de le Boe Sylvius opus omnium eorum, que edidit optimum est *Methodus Medendi exiguis est tractatus & adhuc maximè defacatus ab acido & alcali est tantum in ejus operibus in 4. editis*, non in ejus praxi, quæ in 12. prostat, nec in ejus disputationibus, meretur legi, nam plura bona habet, scripsit etiam de hac re Wallens *Lugduni Batavorum olim Medicinae Professor, Methodum medendi brevissimam: libellus est in 12. editus Augustæ Vindelicorum (Augsbourg) apud Welschium anno 1619. fuit vir in arte summus, ut patet ex duabus epistolis Anatomicis ad Bartholinum, scripsit etiam*

etiam praxin & Methodum Medendi illam, explosis Galenicis secundum circulationem *Harveanam* accommodatam, sed difficile acquiritur.

Ultimo Daniel Sennertus.

Sunt nunc jacta fundamenta dirigendi totum studium Medicum, restat ut ad praxin addiscendam citissimam, fidelissimè propnam.

Itaque auctores, qui in Medicina facienda seu praxi mihi occucurrerunt, ut consilia vera deprehendenda apud eos viderim, enarrabo.

C A P U T VI.

De Praxi.

§. 1. **Q**uid est *Praxis Medica*, seu quid est facere *Medicinam*? Est in quolibet singulo agro per singularia signa morbum ejus singularem cognoscere, & deinde per singulare hic remedium & per singularem Methodum curare. Differt ergo vocata *Exercitatio Medica* seu *praxis* ab *Institutionibus* in eo, quod medicus in *Institutionibus* generales pronuntiet regulas quæ *Medico*, qui nunc faciendæ *Medicinæ* se dedit, inhærent, & observatæ sint, ut his utiqueat.

§. 2. Hinc

§. 2. Hinc praxis est totius Medicinæ perfectio seu pars summa; ergo tota praxis medica in binis hisce consistit. 1. In cognoscendis in ægro singula per singularia signa morborum singularium. 2. In curando singulares morbos per remedia singularia & methodum singularem quod semper attendendum: nam nulla generalis regula de Methodo & de morbis curandis datur.

Uno Exemplo demonstratur, Video hominem deficere animi deliquio, dico si à me curetur, non considero in genere animi deliquium, sed quid hic animi deliquium sit, nam forsan illud patitur a re horrenda visa, si verò dicam in genere est animi deliquium; hinc potest esse, & à defectu sanguinis & à defectu virium cordis, alter habebit à moscho subolfacto &c. sic porro, sed aliter curo, si à defectu sanguinis quam si a moscho subolfacto; hinc videmus quod exercere Medicinam est tantum singularium rimari causas morborum ita quidem ut generalis in animo sit Medicus, sed ita ut hic singularissimè munus obeat.

Est ergo praxis Medica cognoscere, & deinde curare Morbos.

Hoc posito dico curatio omnis sit per
quæ-

quædam instrumenta, quæ morbum & causes ejus & effectus debellare valent.

Verum Hippocrates & Celsus ad hæc tria revocant Medicamenta, quod omnis Medela fiat, & Manu, & Victu & Auxiliis.

Hinc tota Medicina, quæ clinica seu practica est consistit in Chirurgia, Diætica & Pharmaceutica invenienda, præscribenda, applicanda.

§. 3. Ita tota praxis Medica propriè loquendo duas partes habet. 1. Chirurgiam, quæ morbos externos comprehendendos curat. 2. Morborum internorum curationem; Chirurgia jam verò quid est? Illa pars Medicinæ practicæ, quæ docet cognoscere & sanare eos morbos, quos manus mediatè & immedia-
tè attingere potest. De hac re ergo primo agere debemus.

C A P U T . VII.

Consilia in Chirurgiam.

§. 1. **C**hirurgia quum vocetur illa pars quæ manus applicatione morbis currandis inservit, patet ergo quod Chirurgia pro objecto suo eos tantum morbos habeat, quæ ab applicatione manus possunt suscipere sanationem, hos jam omnes vocabimus Chirurgicos. Sunt

Sunt jam plurimi; si v. g. quis in extre^mo corporis inflammationem habuerit, quæ in tumorem album transierit, debet curari apertione hujus tumoris, qui tumpus effundet; ita pariter luxatum os humeri ex eminentia scapulæ, si quis habuerit, erit morbus iterum externus, nam Medicamenta interna hoc nihil restituerent, sed debemus tantum ipsi benè extendere brachium, & elevare, ut respondeat cum cava^te, unde excidit, tum si illud sibi permittamus, retrotrahitur à musculis in suum locum.

Ergo hi propriè morbi vocantur Chirurgici, quæ applicatione manus tantum, & non per Diæteticam Pharmaceuticam curantur.

§. 2. Illa jam Chirurgia quatenus discimus ex scriptis est quadruplex, non loquor de Institutionibus Chirurgicis, sed ut Auctores scripsere. 1. & Systematica. 2. & de nonnullis morbis singularibus agens. 3. & operationes solas describens. 4. & observationes rerum factarum colligens. Omnes scripsere bona mala promiscuè, ut jam quidquid in hanc horam usque scriptum est, sed debeo omnes scriptores etiam in quatuor colligere classes.

α. In Systematicos hoc est lege *Doctrinæ scribentes.*

β. In eos, qui de certâ definitâ parte tantum quidem scripsere & melior in ea parte quam systematici fuere.

γ. Et

γ. Et in alios , qui omnia omittentes operationes tantum hoc est *opus manus seu methodum sua dextra utendi scripserunt.*

δ. In classes eorum Chirurgorum, qui descripsere casus Chirurgicos, qui sibi obvenierunt.

Prima Classis Chirurgorum.

§. 2. Systematici vocantur, qui generalia omnium Morborum, Chirurgicorum, horum naturam, differentiam, causas, effectus, signa, & remedia, quæ spectant absolute pertractant. Horum autem illos tantum commendabo, non qui fuere compilatores, & forte non visis morbis nihilominus in musæo eos descripsere: Verum qui annos à praxi excelluerent dum vivebant, & simul Anatomes periti fuere.

§. 3. In hac parte Systematicorum secundum præscriptas conditiones princeps omnium est *Hippocrates in sectione sexta operum*, pro ut Phœsius edidit, fateor est aliquando obscurus propter vetustatem, & quia impressa manuscripta tamdiu sperata fuere, hinc tandem apparuere, & supplere nonnulla debuere, aliter est egregium opus illud, & videtur *Hippocrates maximus fuisse in Chirurgia.*

Verum inter legendum hunc si quis ve-
lit eruditionem summam , addere debet Com-
mentaria Galleni *Chirurgiae Hippocraticæ*, ratio
quod hoc suadeam , est quia *Galenus* fuit
Græcus, & *septimi severi* sub imperio vixit ;
hinc distat 1500. annos , à tempore *Hippo-
cratis* tamen eo tempore adhuc manuscrip-
ta *Hippocratis* apparebant ubique allegat ,
sed si quis unum legat absque altero vix
emerget ex difficultate .

Aurelius Cornelius Celsus omnium Veterum
Princeps & etiam hodiernorum in Chirur-
gia : quæ enim jam pro novis traduntur ,
apud eum inveniuntur , vixit sub *Cajo Ti-
berio* , sumamus ejus opera de *calculo* , de
fistula lacrymali , tantas manus & Instrumen-
torum invenientur ibi subtilitates , ut hodie
meliora non tradantur , & sic per totum
ejus opus ; ejus præterea scripta eleganti , &
purissimo sermone scripta sunt.

Post hunc sequitur *Gabriel Fallopius* in
suis *Chirurgicis operibus* gravissimus vir
dexterimus , *Anatomicus* , *Anatomæ Pro-
fessor* & *Chirurgus* solertissimus . Deinde
Johannes Andreas à Cruce , non ita plu-
ribus notus , sed pro complemento totius
artis habetur , cui innotescit , fuit *Italus* &
Venetus & *Chirurgus Classiarius* tandemque
Pro-

Professor publicus, apud eum cum summō candore & sine fastu habentur omnia, editus est Venetiis Italico sermone sed translatas in linguam Latinam, Germanicam, Gallicam & quod tamen mirūm hodie vix cognoscitur Auctor, egregia tamen habet quo ad rationē, quo ad partes Anatomicas de Instrumentis ex cogitandis; liber est in folio gallicē dicitur Jean de la Croix (croce voce Italica) sed editio Venetiarum optima est, editus est hic liber Venetiis apud Robertum Mejettum 1596. in folio. Pariter inter Principes recensendus est Hieronimus Fabricius ab Aquapendente; ille superavit omnes & nemo illi hanc disputat gloriam, editio Patavina in folio est optima, sed Vir fuit, qui per totam Italiam suo tempore ita inclaustruit, ut incredibile sit imprimis in Chirurgia, omnes morbos Chirurgicos ponderat, horum originem, speculationem, & eventum prædictit, in instrumentis est incomparabilis & in Fulcimentis, per plures casus omnibus potius quam hocce carere possumus, partim ubi magna operatio Chirurgica est instituenda, si tum aliquem consulere velimus, hunc perpendere supra hac re debemus. editus est Patavii anno 1666. & Lugduni Batavorum anno 1723. Huic addatur Marcus Aurelius Severinus, Neapolitanus

Professor egregius, de quo nonnulli dixerunt, quod fuerit Machaon & Podalirius horum temporum, Bartholinus dicit se stupidum fuisse, cum viderit Operationes ejus, fuit per-
tissimus in Anatomicis & Medicis, pariter summus Philosophus & ab ephæbis Chirur-
gicâ manu operans, ejus opus de Tri-
membri Chirurgia editum est Francofurti
1653. in 4. alterum opus de Chirurgiae effi-
cacia Francofurti editum 1646. in folio. Hi
bini tractatus sæpius legendi partim Medico
versanti in praxi, ultimum docet quomodo
igne & ferro, alterum quomodo Medicamen-
tis & victu curentur vulnera, hocce
difficulter acquiritur; alter etiam impres-
sus est bono cum fructu post observationes
Chirurgicas Fabricii Hildani. Hisce adda-
mus Ambrosium Pareum in folio Parisiis edi-
tum anno 1582. Gallico sermone, sed etiam
jam in linguam Latinam, Belgicam &c. trans-
latus est, illa autem editio ab ipso fuit per-
fecta & à Domino Du Puy edita, & idem
opus eodem tempore latinè fuit editum;
mirum est, quod trium Regum à corpore
Medicus in Gallia huic operi potuit vacare
hicce Auctor *Johannes Riolanus* licet om-
nium scriptorum verus censor narrat, quod
in favore trium Regum fuisset, & in expe-
ditionibus semper usus sit hac auctoritate,

ut

ut persuaderet & cogeret alios Medicos spe remunerationis apud Regem, ut casus exquisitissimos colligerent, qui tum suppresso eorum nomine exirent in suum nomen, & sic egregium illud opus consecit, sed ipse etiam Vir fuit eruditissimus, qui plura vidit, cum Castra saepius secutus sit.

Sequitur *Johannes à Vigo Italus*, sed debemus fateri & alii etiam peccarunt in eo quod omnia sine ferro & igne voluerit sanare, ut alii contra ferro & igne voluerunt, sed fallit sapientia, cum consulit, ut sine ferro & igne illudi tractetur, & ut hoc & illud Medicamentum Chemicum applicetur, opus est in 4. pluribus editionibus.

Kidus Kidius olim tum Professor notus scripsit 4. libros de Chirurgia in folio, editio Francofurti anno 1667. ibi Videntur uno auctore collecta, quæ sparsim apud alios inveniuntur.

Pro compendio autem habebatur *Systema Chirurgicum Johannis Hornii*, qui Lugduni Batavorum fuit Professor ante Drelincurtium. hic liber Lipsiae est editus 1708. Pariter huc spectat *Paulus Aegineta de rebus Chirurgicis*.

Hi sufficiunt pro systematicis scriptoribus.

Secunda Classis Chirurgorum.

§. 4. Chirurgi sequuntur, qui de singularibus morbis singulatim scripsere, qui pluris faciendi sunt quam systematici saepe. Multum hic laudatur *Jacobus Berengarius* *Carpus de Fractura Cranii*, elogia ejus plus quam centies vidi, est idem ille, qui in Italia fuit primus omnium instaurator Anatomie, idem gloriabatur ingentem massam Auri ex Mercurio produxisse, nam primus fuit qui luem venereum inunctionibus ex Mercurio saneret, editus hic liber *Lugduni ab Hermanno Conringio*. *Marcus Aurelius Severinus de abscessuum natura* hoc est de Miris collectionibus humidorum & naturalium & præternaturalium in certa quædam loca, nam ille abscessum vocat uti *Hippocrates recessum materie in quendam locum*; adeoque ibi reperiuntur de Scirrhosis, Cancrosis & omnibus humoribus, editus est hic liber *Neapoli 1632. in 4. Francofurti 1643. & Lugduni Batavorum 1724.* De Gangrena & sphacelo legatur *Fabricius Hildanus* qui singulares tractatus perfectos de gangrena & sphacelo scripsit.

De Combustione per ignem & sclopetarium

&

& Chemicum & Culinarium &c. vidatur idem Fabricius Hildanus.

De Meliceria seu Stillicidio molesto in ulceribus, etiam tractatulum scripsit Fabricius Hildanus optimum.

De Tumoribus in genere optimus tractatus est Gondelii; Schelhamer Oncologia parva seu de tumoribus corporis humani Jenæ edita anno 1695. ibi sine ullo temporis dispendio hæc inveniuntur.

De moribus Oculorum unus Auctor est emendus Maitre Jean traitè des Maladies de l'oeil Paris anno 1707.

De Aure optimè omnium scripsit Clarissimus Josephus Du Verney in tractatu Phylogico-Therapeutico de Auditu Gallicè conscripto & edito Parisis 1683.

De morbis ossium omnibus præripuit palmam famosus Parisinus Petit in eo tractatu l'art de guerir les maladies des os edito Lugduni Batavorum apud Haak anno 1709. nunc adest nova editio multo auctior duobus voluminibus in 8. Parisiis anno 1723. tractatus hic nunquam sibi patem habuit, omnia quæ ad fracturas & dislocationes spectant, & ne quidem mutationes muscularum tum omituntur, sed scriptus tantum est pro eruditis, nam omnia quæ ad rupturas luxationes pos-

sunt occurrere ad Vasa sanguisera, ligamenta &c. addidit.

Tertia Classis Chirurgorum.

§. 5. Chirurgici observatores sunt illi, qui enterrant singulares historias casuum singularium, qui ipsis occurrerant.

1. Est Fabricius Hildanus liber in folio observationum Chirurgicarum centurie plurimæ, opus lectu dignissimum.

2. Forestus in libro Chirurgico primo enim exponit historiam, sed in scholiis adjungit lectiones Auctorum supra hunc & illum morbum.

3. Dominici de Marchette Nobilissimi Patavini opera Chirurgica.

4. Roonhuysen Chirurgia belgice conscripta titulus est Chirurgicale Aenmerkingen.

5. Schultetus qui plurima singularia habet in armamentario suo Chirurgico in '8.

6. Fredericus Ruysch in quarto observationum Anatomico Chirurgicarum Centurie, ibi audacissimæ operationes Chirurgicæ inveniuntur à famoso Boekelmanno & Petro Adriano instituta, liber in quarto editus Amstelodami 1691.

7. Stalpert van der Wiele observationes Chirurgi-

rurgicæ Latine & Belgicè conscriptæ duobus voluminibus in 8.

Suntque hi præcipui, qui circa observationes merentur legi, sunt quidem plurimi, sed eadem recantant; hinc primarios tantum allegavi.

Quarta Classis Chirurgorum.

§. 6. Annnumerantur hic Chirurgi, qui tantum solas encheireses seu operationes manuales descripsere.

Primo commendandus est *Johannes Palfyn Gandavensis Chirurgus liber est quarto editus Lugduni Batavorum anno 1713. sed bellico sermone conscriptum nunc galicè editum Parisis duobus voluminibus in 8. anno 1726.* ibi habetur imprimis accuratissimi à *Josephi Du verney Methodus* sicut in cadavere quotannis absolvebat.

Tum tractatus ille operationum Chirurgi galli *Dionisi*, qui operationes annuales, quæ in usum Chirurgorum jussu Regis Ludovici XIV. quotannis siebant, continet, nunquam liber editus est, qui tantum nominis & elogii in hac re metuerit, ibi invenimus omnia, qnæ Chirurgi Parisini invenere nova. Titulus est *Cours d'Operations de Chirurgie, demonstrees au jardin Royal. à Paris 1716.*

in 8. Deinde Cornelius van Solingen, operationes Chirurgicae Lugduni Batavorum editæ anno 1714.

Tum Antonius Nuckius qui etiam scripsit operationes Chirurgicas; Lugduni Batavorum editas anno 1714.

De calculi sectione videatur Tolletus qui ab aliquot annis edidit libellum supra hanc re, utebantur antea Chirurgi Parisini alia methodo: verum sic recentissima habetur methodus.

De extirpationibus Dionisius iterum optimus est.

CAPUT OCTAVUM

Altera pars Praxeos,

Quæ

Diaetetica dicitur.

§. 1. Diaœta quidam propriæ Regulariæ victus designat, sed hodie significat totum regimen ægri circa sex res non naturales.

§. 2. Pauci etiam in hac re sunt boni, & sunt tantum Hippocrates in tractatu de victu, idem in tractatu de victu in acutis.

Huic addatur Galenus de victu ægrorum forsitan nullibi melius quam in hac parte se præstítit.

Tum videtur Petrus Girardet Parisinus, est liber

liber in octavo, Parisiis editus anno 1631. titulus est *Commentaria in Diatam acitorum Hippocratis.*

Arnoldus de Villa nova, famosissimus Italus Medicus huc quoque referri debet, fuit Medicus Pontificis scripsit opus de modo praeparandi cibos & potus infirmorum in acutis, habetur hic tractatus in operibus ejus in folio tribus tomis editis.

Hisce unicum addo *Thomam Sydenham*, ubique totius fere hujus consilii fructus exponendus restat nempe Auctores, qui optimam navarunt operam in describenda curatione morborum internorum.

C A P U T . I .

D E

S T U D I O P R A C T I C O .

Seu

D e C o n s i l i o f a c i e n d æ M e d i c i n æ .

Hic imprimis sollicitus commendabo auctores; nam errores hic erunt lethales aut periculosi; hinc quos ipse tanquam optimos

mos exdissi, & qui communi suffragio laudantur, commendabo; in hac re non licet progredi nisi pede fixo.

§. 1. Omnes Auctores, qui pertractare morbus internos docent, dividuntur in tres Classes & in Bibliotheca etiam sic disponi debent in commodissimum usum. 1. Sunt Systematici. 2. Qui singulares morbos descripsere. 3. Denique qui observationes descripsere, de hisce pauca quædam præfari debeo.

a. Systemata vocantur ab eruditis, compages quædam integræ, digestæ, & ordinatae cujusdam artis, in qua instruëtio omnium eorum, quæ necessaria sunt, ut morbi cognoscantur & currentur, reperitur; ergo auctores qui tales tractatus scripserint, in quibus inveniuntur ea, quæ requiruntur in quocunque morbo singulari & observatione cuiuscumque casus systematici vocantur. Auctores nullibi plures quam in hac parte, si spectemus promissa, & nullibi pauciores si expendamus verum meritum, & an steterint promissis.

β. Descriptores qui in quocunque morbo quidquid eo spectant, enarrant, & tractant illum morbum, cuius descriptionem tradunt, ita ut nihil de ejus morbi naturâ nihil de ejus origine prægressa eventu &c. dicendum restet.

Ergo quidquid primi boni habent, tantum

ex

ex hisce secundæ classis habent, nam ex his, si generalia excerptantur, fit systema.

γ. 3. Classis horum auctorum complectitur, dico observatores, qui nempe non hunc illumve morbum, sed quemcumque obvium in suo actu, progressu, eventu remediis, pertinacia contra remedia mutaciones varias describunt, ut in singulo casu contingit.

Illi ut statim videbimus, & suere observatores eorum quæ contigerunt in vita, & eorum, quæ deprehensa sunt post mortem; qui omnium optimi sunt, qui observavere ea, quæ in vita contingunt, sunt v.g. Hippocrates, sed qui examinavere cadavera post mortum, hi optime meruere; explicandum jam venit, quinam in singula parte meruerint palmam.

C A P U T II.

Medici systematici, & primo Græci.

§. 2. Primus omnium est Hippocrates in hisce suis scriptis (vastum autem hoc opus legi quodam ordine debet, non uti digestum habemus.) 1. In Aphorismis suis, ibi enim habemus axiomata practica ad quæ omnes medici hactenus provocavere certantes inter se

se, nonnullas Aphorismos excludimus fortè intrusos & depravatos, sed aliter nonnullis exclusis continent indisputabilia *hoc est. casus Medicos semper obtinentes*, non ratiocinatur, sed pro ut natura exhibet, ita describit; verum scripsit *Hippocrates* stylo tali, quem vix quis intelligit, quod videbit, qui textum Græcum expendet; qui eum in linguam Romanam transtulere, fecere hoc pro suo captu, sed qui eum græca lingua legunt, illi difficultatem habent in assequendo sensum auctoris; hinc aphorismorum horum commentatores debent eligi; qui primò versatissimi Medici fuere, non qui in musæo excogitaverunt, sed apud ægros omnia viderunt, tum qui linguae Græcae peritissimi sunt, tertio versatissimi lectione auctorum antiquorum, non debemus habere commentatores nisi his tribus conditionibus prædicti sint, qui scilicet Græcam linguam optimè intelligunt, qui illustrent textum Hippocratis propriis observationibus, & citent auctores qui vixerent cum Asclepiade familiâ adhuc viguit. Hi sequentes viri sunt omnium sanè Principes.

1. *Galenus*, qui in Aphorismos Hippocratis commentatus est, & ita ut impleverit tres hos præcedentes titulos.

2. *Jacobus Hollerius Parisinus Professor & Medi.*

Medicus restaurator medicinae.

3. Francisci Vallesii commentaria in Hippocratem.

Hos ubi quis habebit facilè & sine damno carebit reliquis. Nam recenciores omnes scribunt ex sua hypothesi, nos verò tantum laudamus eos, qui ex observatione ipsa explicant sensum auctoris, notetur quod *Valesii opus est in folio*, fuit etiam Archiater Rex Hispaniæ.

2. Legendus est pariter *Hippocrates in Praeceptionibus Medicis*, ubi generalia quæ unus quisque Medicus in curatione morborum observare debet exponit, tum tertio in sectione quarta editionis Phœsiane ubi enim agit primo de victu sanorum in genere, 2. ægrorum, 3. acutorum, 4. de insomnis, 5. alimentis, 6. officio medici. Hinc sectio hæc quarta egi & perlegi debet ab unoquoque, antequam medicinam faciat, format enim animum medici, ut semper præsto generalia optima habeat, & semper per animum præsentem apud ægros habeat.

Secundus hic systematicus Practicus est.

Aretæus Cappadox quem credo proximum Hippocrati, cuius opera habemus in folio apud Stephanum 1567. Quantum enim apparet ex monumentis historiæ non fuit diu post Hippocratem. Scripsit de morbis acutis, & alterum

rum tractatum de morbis lentis. In utroque sanè aggressus morbum, dogmata, medicamenta tradit, sed partim, quæ Hippocrates per observationes tumultuariè congesserat, ordinatim digessit, hinc ferè omnes morbos systematicè absolvit.

Hujus ergo Viri Auctoritatem Hippocrati æqualem habemus, in hoc etiam elicuit supra Hippocratem quod ad suas classes & capita sparsa Hippocratis redegerit; Auctor hic difficilè acquiritur, omnium editio est optima illa in octavo Græcè edita ex typographia Regia Parisijs; editio etiam est in folio Ausgusta Vindelicorum 1603. quæ rarior adhuc, ibi habentur Cappadocis opera omnia, & ibi habetur commendatissimus textus secundum omnes codices.

Reliqui jam omnes hos ferè descripsere tertius systematicus est Aurelius Cornelius Celsus, qui vixit sub Augusto & Tiberio, & hinc auctorum proximus Hippocrati post Areteum (nempe de Practicis hic loquor & systematicis quidem nam Ruffi Ephesii opus & parva Epistola Dioclis Caristii hic non facit ad rem) si careremus hoc auctore millesies deberemus cespitare in scriptis Hippocratis sed Vir ille Romanus & Aulicus græca didicit, fuit Alexandriae, ubi egregia scripta adhuc Hippocratis erant, pulcherrimo tum Romano

no stylo scripsit, hinc si quis latine deberet differere de rebus medicis, hunc debet asse- qui; omnia Hippocratis & Aretai collegit, & brevissime & nervosissime egregioque stylo tradidit, utitur summo judicio in omnibus morbis, & est unicus ex quo videmus, quo- modo curare morbos veteres solebant, pau- ca medicamenta videmus interna, sed fric- tiones, Exercitia, &c.

Optima est editio Elzeviriana anno 1657. in 12. Auctore Johanne van der Linden Lug- duni Batavorum Professore, laudatur etiam editio in folio Antiquissima, sed hoc est antiquitatem nimis venari, nam certe ibi quod bonum erat, collegit van der Linden & addidit etiam, quid ex codice Parisinæ Bi- bliothecæ Regiæ excerpere potuit.

Quartus est Paulus Agineta scriptor Græ- cus, longè posterior Galeno, nam vixit cir- citer anno 300. post Christum natum; ergo inte eum fuit Galenus, & ante eum Aure- lius Cornelius Celsus.

Ægineta scripsit librum, cui titulum dedit de re medica libri septem, sed scripsit merè galenicè, ideoque non multa de ratiociniis Peripateti- corum omisit, & Galeni diffusissima conges- sit, confusa fidissimè digessit, sed adhæret tantum adhuc semper dogmatibus Galenicis. Editio omnium optima est græca in folio apud Aldum

Aldum anno 1538. sed hodie vix acquirendā cum ubique in Bibliothecis Britannicis lateat.

Quintus & sextus si *Galenum* loco quartō ponere volimus, est *Aetius Amidenus*, πέπτηραβιβλος ιατρικος, hoc est *scripsit tetrabiblon seu quatuor libros Medicos*, quoties quis vult de morbo quo^cunque scribere, semper in indice prius evolvat *Aetium*, nullus enim est scriptor, ex quo possimus discere quid *Hippocrates & Galenius* de morbis censuēre, quam ex *Aetio*, nam uti *Justinianus* cum Pandectas juris peritorum colligeret, jussit prius evolvi omnes scriptores, sic etiam fecit *Aetius*, nam in illo infinitos invenimus Auctores, quos ignoraremus, sed habetur hic Auctor rarissimus, *optima autem editio est lingua græca Venetiis apud Aldum in folio anno 1534. post Christum natum.*

Superest adhuc *Alexander Trallianus* scriptor græcus sequens ætate priores memoratos, cuius scripta innituntur partim *Galenicae Auctoritati*; quamvis tamen plura egregia ipse habeat, *editus est typis regiis Parisiis in folio tantum Græco textu, sed facillimè intelligibili; verūm aliter in usum eorum, qui non ita in lingua græca versati sunt, editus est etiam Basiliæ in octavo anno 1556. græcè & latine.* De eo Auctore possimus notare quod

quod in remediis præscribendis ad unum quemque morbum sit omnium optimus, habet enim simplicissima & egregia, habet etiam tractatum de *Lumbricis*. editum Venetiis 1570. in 8.

Tum *Oribasius* scriptor sequentis. sœculi & Medicus *Juliani Apostatae Imperatoris* collectit omnia, quæ sparsim scripta sunt apud omnes Medicos de omnibus morbis; hinc pretium intelligitur libri, dedit enim operam Imperator, ut unum Volumen conscriberet, ut ex quocunque optimo medico exponeretur sententia, editus est *Basilie in octavo anno 1557. tribus voluminibus*, est scriptor omni occasione comparandus, quia apud eum commodissimè sententiæ veterum Medicorum, & placita de quocunque morbo invenientur; hinc meditanti opportunitatem dat, & medicamenta singularia, optimus etiam est in materia Medica.

Sunt hi Auctores Græci quorum merita talia sunt, ut lectioni & Bibliothecæ Medicorum sint commandandi, & habebunt Auctores sufficientes in praxi, partim si editiones citatas acquirere possint.

Desinit hic Græca Schola, nam ea, quæ *Arcularius* & alii habent, nescio an commendare auderem: non memorabo nunc exiguos Auctores, hinc inde citatos, nam ci-

Quum Auctores hi rarissimè venales sint,
& cum græca plurimis Medicis (quod do-
lendum) raro legantur utrique huic suppe-
tias tulit , quæ potuit *Henricus Stephanus* ,
qui vir magnas suas perfudit opes & ad ino-
piam se ipsum rededit pro republica , ille
Principes Medicorum post *Hippocratem &*
Galenum , uno & altero Volumine dedit, ibi
enim hos omnes jam citatos Auctores , ex-
ceptis *Hippocrate & Galeno* , & plures etiam
alios auctores habemus , ut *Marcellum Em-*
pyricum & alios , sed præterea habet Indi-
cem incomparabilem , ita ut nullibi existat
medico Thesaurus melior quam in hoc In-
dice aliquando exstat duobus tomis.

II. Romani.

§. 3. Inter latinos habetur *Aurelius Cor-*
nelius Celsus , sed hic etiam *Cajus Plinius* me-
retur memorari , quamvis Medicus non fue-
rit , tamen ex 1000 aliquot Voluminibus
tempore suo nempe *Vespasiani* collegit , quæ
potuit & rededit in historia sua naturali , cu-
jus editio optima est *Daleschampii Medicinae*
professoris & Botanices Galli , non possumus
carere eo Auctore ideo quia memorat plura ,
quæ

quæ reliqui non habent, & cum parum post *Dioscoridem* vixerit ; hinc habet adhuc plura , quæ ille omiserat. Desinunt hic Romani. Post hos certè vix scio systematicos, quos commendare adhuc debeam, antea jam *Ballonium & Hollerium* commendavi, cæterum omnes sunt merè Gallenici , adeoque versantur tantum in demonstranda philosophia peripatetica, quod scilicet utilis sit in medicina.

Alii qui paulo inferiores ætate , omnes sunt Arabes , postquam nempe Vandales eruptione facta per totam Europam litteras omnes deleverant , & Mauri in Hispaniam irruperant , & ibi spoliaverant omnes Bibliothecas , quæ tum tantum ibi collectæ erant , & spolia detulerant in Africam in Urbem *Memphim* , quod contigit sæculo septimo, octavo & nono , tum tota scientia tantum in Africa fuit , ubi nempe *Maroko* Academæ exstructæ sunt , & cum hi populi sint astutissimi docuere ex Auctoribus , quos ex Europa detulerant , unde tum ibi magni Viri surrexere , ut *Averroes* , *Almansor* , *Rhasis* , & etiam transtulere opera *Hippocratis* & *Galenii* in *Arabicam* linguam ; & hinc tota medicina fuit facta Arabica , & cum omnes hi dediti essent Philosophiæ *Aristotelis* , quem instar numinis colebant , & *Galenus* totus

Aristotelicus erat, hinc tota medicina pure Galenica facta fuit.

Hinc qui à saeculo sexto post *Oribasium* ad saeculum decimum quintum vixere medici, omnes Arabes fuere; hinc jam est quod post Græcos tantum ferè duos latinos medicos habeamus.

Reliqui ergo sunt Arabes, oportet tamen ut unum auctorem ex Arabibus habeamus optimum, ille est autem *Hieronimus Capivaccius seu Kapo di Vakka Medicus* famigeratissimus per totam Italiam, qui mox nominandos fecit discipulos, scripsit de *Medicina practica* libros septem qui liber anno 1549. *Francofurti editus est*, omnium morborum systema, ut & curationem accurate describit, & omnium minimè philosophatur: fuit ille Vir, qui tot honores meritis suis conciliavit, fuit ille qui docuit per indicantia signa præsentia in ægro cognoscere, & ex indicantibus quomodo, & quo ordine deberet agere medicus.

Magis systematicus hic laudari potest *Felix Platerus*, scripsit librum titulo *Praxeos Medicæ*, in quo vix aliquid habemus, quod desiderare possimus, nisi quod nimis abundant remediis, cæterum in morbis describendis palmam meretur, opera ejus prostant tribus Voluminibus in quarto, Basiliæ anno 1656.

hæc editio est optima , filius nempe auctoris postea opera paterna revisit , in eo etiam auctore Arabica commenta vix invenimus.

Huc pertinet præterea Nicolaus Piso pater ejus Nobilissimi Caroli Pisonis tractatum scripsit de cognoscendis & curandis præcipue internis humani corporis morbis , quæ editio est Francofurti apud Wechelium in folio anno 1580. & 1585. in 8.

Systematici nunc sequuntur rursus scriptores , nam exsurgit iterum Græca Medicina quæ nempe in Gallia resuscitata fuit , viderunt nempe Galenum multa dixisse , sed pauca bona , hinc iterum se converterunt ad græcam medicinam , quæ pura erat.

III. Græco - Galli.

§. 4. Jacobus Hollerius hic primò nominandus qui librum scripsit hoc titulo , *opera Practica cum notis Ludovici Dureti* , Nobilis & Aureus est liber , estque opus absolutum , fuit nempe Vir eruditissimus , omnium linguarum fere peritissimus , scripsit gravis ætate , consummatus experimentis summa fide , opus est editum Genevæ in 4. anno 1623. & 1635. Reliqui Galli tantum in Hippocratem

Sunt nunc nonnulli adhuc auctores , qui ad systematicos referendi sunt, & nonnulorum Populorum propriam scripsere medicinam , dixit merito Philosophus quidam nihil plus polire ingenium , quam peregrinari apud omnes populos ; hinc malum judicium de bono & malo non tam facilè ferret, qui plures vidit mores , quam qui tantum patrìæ suæ mores solos viderit , sic pariter in medicina non scio, quam si variam medicinam ut Græcorum , Italorum , Indorum , Persarum &c. legamus.

De Medicina Ægyptiorum.

§. 5. Scripsit Prosper Alpinus Italus natione , qui ut addisceret primam medicinæ sedem , quæ non est Græcia , sed Ægyptus , unde eam Hippocrates ipse hausit , Ægyptum petiit , dogmata eorum populorum collexit , & inde hoc opus condidit , & ex eo videmus quid Hippocrates pluribus locis valuerit, editus est in quarto Parisiis anno 1646. & Lugduni Batavorum.

De Medicina Indiæ Orientalis.

§. 6. Scripsit Jacobus Bonius Medicus Lugduni

duni Batavorum, qui suscep*to* ingenti itinere ad Indias Orientales & Persiam addidicit, veram sententiam *Sinensium* Persarum & Indorum de omnibus morbis ibi occurribus, & non videmus auctorem, qui per simpliciora remedia majores morbos curare docet, *editus est etiam in 12. Lugduni Batavorum titulo Medicina Indorum*, verum etiam cum *Prospero Alpino* editus est.

De Medicina Indiæ Occidentalis.

§. 7. Scripsit *Guilielmus Piso*, Medicus Amstelodamensis Batavus librum cuius titulus est *de medicina Brasiliensi*, invenietur hic tractatus in ejus operibus omnibus editis Amstelodami anno 1648. in folio.

Ubi pariter reperientur *Georgii Marcgravi de Liebstad opera quæ conscripsit in itinere Brasiliensi cum Pisone*, Medicus fuit Principis *Mauritii* & cum eo Brasiliam petiit, ubi omnia accuratè examinavit.

De Medicina Sinensium.

§. 8. Scripta optima inveniuntur Medici *Ten Reyn* Batavi ; qui suscep*to* itinere per plures annos ibi Praxin exercuit, & arcana rimatus est eorum populorum.

En Bibliotheca instructa optimis auctori-
bus systematicis.

Sequitur jam secunda classis Medicorum
Practicorum, qui nempe de his nonnullis
morbis scripsere, ita ut legi mereantur.

C A P U T . III.

M E D I C I,

*Qui de morbis quibusdam singula-
ribus scripsere.*

§. 9. *Hippocrates.*

1. In suis libris de affectionibus, 2. inter-
nis, 3. morbis, 4. internis, Galenus, Are-
teus Cappadox, Cælius Aurelianus, scriptor
de quo dubitatur quamplurimum quisnam
suerit; stylus ejus ignoratur, saltem vix in-
telligitur: scripsit lingua latina, sed ita bar-
bara, ut vix assequamur, tamen ejus ma-
teria est optima, scripsit de passionibus ce-
leribus & de passionibus tardis: scripsit ad-
huc plurima Chirurgica & Medica, quæ
perdita sunt, sed Dominus Ammannus Me-
dicus Helvetus edidit nuper ejus opera de Passio-
nibus Amstelodami apud Wetstenium anno 1722
& hinc jam facile habetur; sèpius hunc

Aucto-

Auctorem h̄adui pro *forano Ephesio*, quamvis nonnullæ rationes obstent, sed ferè crediderim *Boranum Ephesium* h̄æc scripsisse in Africa, & *Cælium Aurelianum* ea trans-tulisse, sed de hoc certus non sum omnino adhuc.

Ille saltem omnium Auctorum græcorum & latinorum scripta accuratissimè examinata laudabili ordine congregavit ad unum caput, meruit hoc nomen, quod nemo omnia signa morborum, loci affecti, atque eventus futuri eorum morborum, quos describit, accuratius scripsit.

Post hunc Auctorem sequitur ille maximus in Medicina Vir *Guilielmus Ballo-nius*, cuius opera edita habentur Parisiis anno 1643. quatuor volumibus in 4. quotquot sunt, qui hunc legerunt & Medicinam intellexerunt, laudaverunt eum unanimiter, & nullum Auctorem inveniemus in Medicina qui floridiori & elegantiori stylo Romano sua scripsit, & etiam brevius & accuratius *Hippocratica* redegerit, vir fuit consummatissimus in praxi, cui nihil accedit in vita quam ægrorum lecto adesse, & in musæo sedere, scripsit de morbis virginum mulierum & de Epidemicis est liber quoquaque pretio moderato sibi comparans.

Tres sequuntur Britannici Medici commendandi, *Richardus Morton*, *Harris*, *Listerus*; illi tres uno volumine in 4. in Anglia inveniuntur.

Primus est scriptor, qui plura vidit, accuratè observavit, & candidissimè tradidit. *Harris* scripsit tractatum de morbis infantum editum Amstelodami 1715. in 12. cuius similis in suo genere non invenitur ut demonstrat, quod pendeant imprimis eorum morbi ex indigesto durescente caseo lactis.

Tum sequitur *Thomas Sydenham*, ille deposita omni opinione & systemate morborum videtur observasse Methodum græcorum, nempe attendebat, quid contingebat in ægris, sive medicamenta sumpsissent sive non assumpsissent, & raro consilium etiam interponebat nisi prius benè nota ipsi esset natura morbi; Methodus, in qua occupatus ita erat, ut morborum ita tradiceret naturam, & nullum ratiocinium, nullum auctorem de eo lectum admiseret, sed tantum ipse annotabat, quid observabat, nempe quid morbum præcesserit quid secutum sit, quid adesset, & tum ex iis describebat naturam sic v: g. morbus incepit tali tempore cum illis symptomatis, factum fuit hoc, & secutum est hoc &c: ipse tantum simpliciter narrat, hoc facto

facto sequitur illud, tum hujus morbi observat exitus, qui primò sunt in sanitate & mortem & alium morbum, videatur v:g: egregium exemplum in tractatu de *variolis*; hæc exactitudo post *Hippocratem* nemini quām à *Sydenhamo* observata fuit, & hoc quia alii Medici semper præoccupationem habuere: sic etiam eventus morborum in alios morbos, & sanitatem pariter, nulla circumstantia omissa hic describit.

Non modo hi tribus eminet *Sydenham*, & certè rarissimè Medici characterem tam inveniemus, ille primò agebat nihil, aut si quid agebat, perdebat plerumque ægros, ut ipse fatetur; hinc ait si nova febris exoriatur confisus præcedenti curationi non possum cavere quin unum & alterum perdam: sed postquam audierat aliquem morbum ex iis causis antecedentibus ortum; & hoc & hoc factum fuisse, tumque hoc illudve secutum fuisse ex illis tum excogitavit curam, tum observavit quænam facta & omissa reddidissent morbum tutissimum & vehementiorem, atque hac ratione ejus Methodus vix fallit. Hoc mali tamen habet, quod indigeamus longo tempore antequam aliquid cognoscamus de morbo, hinc quis objicit; ergo tum non

non juvo ægrum: verum est, sed etiam hanc Methodum in omni morbo sequi non debemus, sed sanè plures sunt generales morbi, ubi semper eadem Methodus observatur ut v: g: perfecta inflammatio ut ipse fatetur jam ab *Hippocrate*, quomodo curatur sectione venæ larga, clysmate, & vesperi compessatione per anodyna, & sic omnis perfecta inflammatio curatur: adeoque non debemus sanè tam rigidè adhærere illi Methodo, ut omnes morbos sic inquiramus, sed licet generalia in usum advocare, særissimè videtur etiam epistola menitoria *Sydenham*, quam circa vitæ finem conscripsit, non cogitemus etiam quod tamen non licet nobis legere alios auctores, ille quidem dicit, tempus quod alii impendunt lectioni Auctorum propriis ego observationibus transegi, sed tamen sunt egregii Auctores qui etiam optimè de morbis scripsero, ut v: g: videmus in Pleuritide, licet sit morbus ad quatuordecim aliquando dies se extendens, tamen accurate omnia quæ occurrunt, describit, sed non de exitu, non de signis ejus aliquid habet, sed sunt certè egregii Auctores etiam alii, & sic debemus conferre observationes ejus cum aliis bonis, & etiam ille bene fecisset, si ita fecisset, sed tantum bis & ter fecit in

in Pestè, quia ab aliis Medicis accusaretur quod alios Auctores non noverat, hinc ibi unum & alterum egregiè citat.

Hinc Methodus ejus quidem esset bona, si tantum inciperet Medicina, sed cum & alios Auctores & generales etiam curationes habeamus itaque illis uti licet.

Ergo non ita eum imitari debemus, ut totam vitam nostris propriis observationibus teramus, & non cogitemus, quod alii boni ante eum non fuissent.

Post hunc certè heteroclitum commendo scriptorem nempe *Christophorum Bennet*, *Londinensem Medicum*, edidit libellum in 8. Londini anno 1654. qui iterum Londini biennio post editus est & iterum recusus *Francofurti*, & *Lugduni Batavorum* 1714. in 12. suis libris primo Londini editus titulum dedit *Vestibulum ad Theatrum tabidorum*. Londinenses qui impresserant secuti sunt, ejus titulum, Germani quidam, ut consulerent sibi, scripsere *Theatrum Tabidorum*, sed certè ille libellus ex eo Auctore nondum apparuit, promiserat quidem sed non edidit, Germani tamen spe lucri hoc ita fecerunt, sed est idem libellus; de Charaktere hujus libelli hoc addo; scripsit de Phtysi, sed plus scribit quam promisit, nam describit ille morbos, Pulmonum eorumque originem, naturam,

se-

secretionem sputi, ille unus bene descripsit: consideravit vir ille attentione summa quidnam ciborum genus in qualitate, in copia, in corporibus relinqueret materiam quæ non posset in perspirabilem sanguinem converti, & quum hoc absolvit, demonstrat quod partes sanguini ingestæ, nec superabiles hærerent hinc inde in corpore, ut facerent morbos suæ naturæ, ut Arthritidem, Nephritidem &c: si in pulmonibus tum aggestionem, respirationem læsam atque inde & inflammations & tusses perpetuas, & in vomicas inciderent, unde consumptio, & in omne sputorum genus, certè si quis bene in Phtysî scripsit, fuit ille, nam Phtysis partim, ut demonstrat, nûnquam curatur, sed quamdiu colligitur, curari debet, nam unitis viribus non profligatur: distinctionem etiam egregiam dat, quomodo si lac hunc Phtysicum sanet, quomodo perdat illum, ipse laborabat, Phtysi, hinc incidit in descriptionem hujus libri, hunc autem libellum quis poterit facilè intelligere, si modo velit ad quemcunque periodum aliquantulum hærere & meditari.

Post illum æqualis Heterochitus in stylo commendabo *Hermannum van der Heyden*, qui Wallonica lingua scripsit, sed est eodem

dem stylo ac Dominus Montagni (notatur autem quod non sit ille qui de Thermis scripsit) etiam hic Auctor miras observationes super quosdam morbos, ut de Rheumatismo, de Diarhaea &c: & demonstrat morbos illos melius refrigerantibus quam calidis sanari, scripsit etiam mirifica virtute aquæ frigidæ intus & extus, hic libellus editus est Gandavæ in 4. sed etiam editus est libellus per frusta in parvo 8. & magno 12. non est autem ille van der Heyden qui de metallicis scripsit.

Huc etiam pertinet Conradus Victor Schneidarus de morbis Catharrofis.

Sequitur Johannes Baptista Helmontius, qui de nonnullis morbis etiam satis bene scripsit & neminem inveni, qui fidelius de Lithiasi scripserit, sed cum prudentia & judicio legendus est, praxin ejus vix commendو quia nimirum fissus est Chemicis, sequitur tandem Bellinus, qui de morbis catarritis, pectoris, & de febribus scripsit, non autem de Methodo curandi, sed optimè de Diagnosticis & Prognosticis horum morborum, non dat nisi morbi definitionem, cum enumerat antecedentia, concomitania, & subsequentia, hisce factis advocat auxilia Anatomica, ergo in tali parte est, in-

inquit, talis materiæ & talis efficaciæ morbus ut sic de vero ratiocinio in curandis & cognoscendis morbis advocando recentendus est. Potuisse in Semeiotike de illo tractare, sed melior est ubi tractandi ipsi ægri sunt sequentes jam Auctores commendandi etiam sunt.

De Lue Venerea.

§. 10. Et de omnibus morbis eo spectantibus scripsere multi viri, quæ omnia *Aloysius Luisinus* in libro dicto *Aphrodisiaco* sive de lue venera in duos tomos bipartito edidit in folio venetiis 1566 est opus egregium à viris peritissimis collectum, habet antiquissimos & recentissimos auctores usque ad tempus editionis, qui scripsere de Medicamentis venereis; rarus est admodum liber, sed integrum Bibliothecam supplet in hisce morbis.

Hisce positis sequuntur qui scripsere.

De Morbis Mulierem.

§. 11. Ubi nimirum omnium 1. commenda

dabitur *Guillelmus Ballonius* qui de *Partheniacis* scripsit optimè & nervosissimè.

2. Meretur supra hac re etiam legi *Ludovicus Mercatus de morbis Virginum*, cuius unica tantum est editio. *Egregius est Morisau (Mauriceau)* in dupli opere, quod edidit i.egregio opere de morbis gravidarum & parturientium, de inde altero plenissimo observationibus optimis de morbis *Gravidarum parturientium* & *Puerarum* scripti sunt sine eruditione, sed post annosissimam experientiam millesorum certè casuum & experimentorum, en igitur iterum Index designans Auctores, qui comparari merentur, & digni sunt qui legantur, fidemque meruere, ut eos sequi nobis liceat.

Sequitur jam tertia Classis Auctorum Practicorum, qui nempe observationes scripsere.

C A P U T IV.

Medici.

Qui observationes scripsere.

§. 12. Notum est observationem tantum

F F

esse

esse simplicem, naturalem, veram enarrationem eorum omnium, quæ in ægro quodam sensibus externis potuere cognita reddi; putat quisque facilius nihil esse quam hujusmodi observationes facere: verum nihil facilius est, sed etiam difficilius nihil, & hinc cum commendabo observatores, eos citabo, qui post longam experimentiam norunt, quænam in morbis scribi & non scribi queant, non verò eos qui eventus adscribere solent suis medicamentis, nam hi totam historiam turbant, sed tantum eos, qui simpliciter historiam exponunt.

Videamus autem sæpe infinitas observationes Medicas & Chirurgicas scribi in hunc finem, ut subsecuta observatio ostendat curationis alicujus & medicamenti præstantiam, sed hi nostro scopo non satisfaciunt: verum tantum hos debemus habere, qui licet medicamentum fuerit applicatum & non tamen describunt morbum sic & sic terminatum fuisse.

§. 13. Occurit 1. *Carolus Piso illustris Medicus Lotharingius*, qui scripsit jam ante *Harvaum*, scripsit tractatum de morbis à colluvie serosa oriundis, qui liber hactenus prætervisus editus est anno 1618. Bi pontio (*Deuxponts*) est una tantum editio in

4. hanc Auctōr recensuit, prodūitque elegan-
tior cum lateralī indice anno 1650. in 8.
Lugduni Batavorum & iterum 1714.
in 4. de ejus charactere oportet ut
discamus; fuit Auctōr eruditissimus latina
græca Arabica lingua à primis annis me-
dicinæ applicatus fuit, nam filius erat Ni-
colai Pisonis, deinde ipse peregrinationibus
ferè perfectus fuit in Medicina, atque dein-
de propria experientia instructus incepit co-
gitare de libro, est candidus Auctōr, &
nugarum destructor; ita ut *Galenum* &
Arabes expugnat, licet eo tempore scripse-
rit, est Modulator secundem quem, qui ob-
servationes scribet, se gerere debet.

Ordo ejus est hic, annotat primo eo
omnia quæ antecedunt morbum, tam ea,
quæ in ægro quam circa ægrum contin-
gunt, tum attendunt, quomodo morbus
incipiat, quomodo pergit, quomodo sana-
tus fuerit, si moriantur v: g: tum exactis-
simè describit ea, quæ in cadavere reperiun-
tur, & tum de natura hujus morbi con-
clusionem fert; scripta ejus non tantum me-
dicè erudita sunt, sed etiam ad litteratu-
ram egregia.

Post eum sequitur Petrus Forestus, sed
tamen non cum eo adhuc comparandus,

vir hic fuit, qui primò medicinam introduxit *Lugduni Batavorum*, cum primus in hac Academia prælectiones publicas dede-
rit medicas, postquam jam quinquaginta annos Medicus fuerat, artem in Gallia in Italia, *Lovanii &c:* didicerat & exercuerat, tandem *Lugduni Batavorum, Alkmariae, Delphis* & per totam Hollandiam praxin magna-
nam habuerat, scripsit observationes magna-
cum fide, & postea cuilibet observationi scholia adjunxit, quibus proponit quidquid veteres Græci & Romani Arabes boni dixerunt de illo morbo, cuius casus tractatur, ita ut sane hoc opus completissimum sit, in quo etiam dissertatio quædam egregia ha-
betur. *Eius opera omnia in folio edita sunt Rotomagi (Rouen) anno 1653*, est optima editio reliquæ quidem bonæ sunt, sed hæc omnium est purissima.

Sequitur *Theophilus Bonnetus* in suo se-
pulchreto *Anatomico duobus & tribus volu-
minibus in folio Geneva 1700.* quo certè
carere non possumus, nam diligentia incomparabili ex omnibus auctoribus, qui obser-
vationes scripserant de *Cadaveribus post
morbum apertis*, optima collegit & rediget ad capita, ita ut hic liber index sit ingen-
tis Bibliothecæ & narrationem historiarum,
quæ in indice continentur, semper præmit-
tit

tit brevem historiam symptomatum, & tum cadaveris præbet historiam exactam.

Johannes Schenkius scripsit *observationes Medicas* in folio rariores, ibi omnium generum *observationes Medicas Chirurgicas Anatomicas* habemus, editus liber hicce Lugduni 1643. in folio. *Nicolanus Peclinus*, cuius prostant *observationes Medicæ Anatomicæ* in 4. editæ & deinde in Germania, multa bona continet, plura latinitate & fide conscripta.

Nicolai Tulpii observationes, consul fuit Amstelodamensis amplissimus, & medicus annosus qui supra octoginta annos implevit, scripsit ad filium suum Petrum *Tulpium* *observationes* quas viderat, & excerptis tantum memorabilia Exempla, editiones sunt variæ, nempe in 8. 1672. apud Elzevier Amstelodami, sed ultima est optima in 8. *Lugduni Batavorum* 1716, nam in aliis editionibus non sunt tot centuriæ *observationum*, sed in hac ad-sunt, & adhuc adjunguntur monita medica & loca *Hippocratis* citata.

Felicis Plateri observationes etiam commendandæ sunt, vir fuit, qui ad maximam ætatem pervenit, sed filius post ejus mortem perfecit hoc opus, optimi sunt libri tres in 8. Baylea 1608.

Hi sunt proprie Auctores, qui observationes scripserunt & privati Medici fuere.

§. 14. Sed ad hoc caput etiam referuntur, qui undique collectas observationes scripsere; hinc commendo *Miscellanea Curiosa seu Ephemerides Eruditorum Germaniae Academicae Leopoldinae*; instituit nempe *Imperator Leopoldus* Academiam cui nomen dedit *Academiam Curiosorum*, misere ejus membra dispersa per Europam, Asiam, Africam, & quæ obstrictæ erant legibus ad Præsidem mittere omnia, quæ observabant quæcunque digna erant notatu. Hocque quotannis in 4. tum emittebatur & quidem partim *Medica*, *Chemica*, etiam *naturalia*, multæ quidem insunt nugæ, tamen hoc tempore, nemo qui scire cupit quo usque Medicina proiecta sit, hoc libro carere potest, desit tamen ab aliquot annis ejus editio, quod dolendum, nam communicationem habebant egregiam, ita ut quidquid in minimo angulo Europæ siebat hisce patefieret.

Tum *Zodiacus Medico-Gallus*, *Nicolai de Blegni*, Chirurgus fuit & Medicus, qui ad ad aliquot volumina quæ in 4. conscripsit hunc librum editus Parisiis anno 1695. ille nempe vir *cum le Journal*

nal des Scavants componebatur, collegit omnes observationes Parisiis contingentes, & commercium habebat cum eruditis sive digessit hoc opus. Hi sunt qui merentur quam maximè hicce legi.

Sunt adhuc centeni qui observationes scripsere, sed vix placuere. Dicit *Sydenham*, nihil plus pessundare Medicinam, quam observationes scribere, nam medicus plures casus videt, sed sequenti anno alter alios videt casus, hos emittet & sic obruitur scientia tantum. Restant auctores qui scripserunt de consilio Medico.

C A P U T V.

Auctores.

Qui de consiliis Medicis scripserunt.

§. I. Multi in Medicina Auctores sibi idem ac ego dederunt negotium, ut indicarent per scripta medica cogitata sua de dirigendo studio Medico. Verum & nonnulli descripsere Aucto-

res β alii tantum dedere consilia utendi hisce Auctōribus. De binis hisce dicendum erit. De studio Medico dirigendo scripsit.

Johannes Georgius Waltherus in libro dicto *Sylva Medicina*, edito Budæ in 4. anno 1579. *Hermanus Conringius*, vir incomparabilis eruditissimus fuit Germanus, qui cum pluribus nationibus unus certabat de palma: & pauci sunt, qui plus excelluerunt, titulus est, *Introductio in universam Medicinam singulasque ejus partes* Helmstädiæ anno 1654. in 4. de hoc libro quædam sunt dicenda, vir ille qui in Academia Lugduni Batavorum fundamentum suorum studiorum jecerat incomparabili diligentia, non modo multum legerat, sed etiam in memoria omnes Auctōres retinuerat, & tanti fuit ingenii, ut à Professoris munere quod mirum fuerit) vocatus ad maxima negotia Politica Germaniæ, ita ut à nostro studio fuerit distractus, hunc etiam librum cum notis edidit in 4. *Spiræ Gualterus Christophorus Schelhamer* cum notis egregiis, & deinde comprehendemus 3. in eo libro.

Gasparum Bartholinum de studio Medico itidem Petrum Castellum Romanum qui fuit summus Medicus in Sicilia Messanæ nempe Pro-

Professor, docet quinam Auctores in qualibet parte optimi fuerint, continet tum etiam 5. Johannis van der Linden manuductiōnem ad Medicinam & 6. Johannem Rhodium, qui etiam scripsit Introductionem ad Medicinam qui liber alias nullibi habetur. In eo nunc libro ubi simul habebimus sex Auctores, habemus fere compendium omnium Auctorum, qui bene de consiliis Medicis scripsere.

Ultimo hic recenseri debet liber ille nempe Gualterus Christophorus Schelhamer editi viam Regiam ad artem medicam Hellestadii 1681. in 4. in hoc libello aperit candidè consilia sua de derigendo studio medico, & gaudeo quod hunc librum huic nostro operi adjungere possent tyrones Medici.

Hi nunc sunt Auctores qui de consiliis & libris simul scripserunt.

§. 2. Sed alii integrum prospectum omnium Auctorum dedere.

Huc pertinet Johannes van der Linden de scriptis medicis editus Lugduni Batavorum, sed iterum in Germania, quæ editio melior est. Alter est Lipperi Bibliotheca medica in folio ubi Auctor pluribus adjutis sumpfit

tantum morbos functionis cujuscunque &
ad hunc titulum omnes optimos Auctores
enarrat, sed inter lineas relinquit spatia, ut
si novi Auctores prodierint, adjungi possunt
à lectoribus.

F I N I S.

fig. 1.

C ————— α ————— B




fig. 2.





fig. 3.



α ————— $.fig. 4.$ ————— B






fig. 5.



D ————— $.fig. 6.$ —————









fig. 3.^a




fig. 4.^a




fig. 5.^a











fig. 6.^a







22

INDEX

CAPITUM

ET

SECTIONUM.

Quæ in hac methodo continentur.

§. 1. D E Medicina in genere &c.	7
2. Definitio Medici.	9
3. <u>Quænam Medico cognoscenda sunt.</u>	10
4. <u>Quid prius nosse debeat Medicus.</u>	idem
5. In medico requiritur cognitio generalis corporis.	12
6. Cognitio corporum in genere redigitur ad tria capita & quæ sint.	idem
7. <u>Quomodo formetur idea corporis in genere.</u>	14
8. <u>Quomodo id fiat à mente humana.</u>	15
9. <u>Quid primo examinare debet Philosophus & Medicus.</u>	16
10. <u>Quatuor propriæ corporis in genere qualitates.</u>	17
11. <u>Quid sit propriè corpus.</u>	19
12. <u>Quid</u>	

I N D E X.

§. 12. <u>Quid vocatur natura corporea & proprietates corporeæ.</u>	21
13. <u>Vera corporis in genere definitio.</u>	23
14. <u>Caput tertium de Extensione, quid sit.</u>	
	24
15. <u>Quid sit Impenetrabilitas.</u>	id.
16. <u>Differentia extensi & impenetrabilis</u>	31
17. <u>Omne impenetrabile est mensurabile & proinde divisibile.</u>	32
18. <u>Omne impenetrabile divisibile in infinitum.</u>	33
19. <u>Omne corpus eget aliqua causa ad cohesionem.</u>	idem
20. <u>Quomodo vocatur causa in cognitissima cohesionis.</u>	37
21. <u>Quid vocatur Durities.</u>	38
22. <u>Quid vocatur Atomus & elementum corporeum.</u>	39
23. <u>Quid vocatur perfectum solidum</u>	42
24. <u>Quid vocatur ejus Porosum.</u>	44
25. <u>Materia Corporea in quocunque spatio habet eam proportionem ut pondus est illius molis ponderatæ.</u>	46
26. <u>Ex ipsa natura corporum habetur idea diversitatis.</u>	50
27. <u>Primum quod quidem Medicus clare & distincte distinguere debet ex Philosophicis.</u>	52
28. <u>Quare recapitulantur hac concepta.</u>	53
	29. Aug-

I N D E X.

- §. 29. *Auctores ad hoc studium scilicet corporis in genere.* idem
30. *Ex cognitione naturae generalis & communis corporum sequitur corpora finita esse.* 56
31. *Medicus cognoscere debet superficies & quare.* 59
32. *Contemplatio figurarum necessaria medico, & quid sit figura.* 60
33. *Quomodo cognoscantur omnes superficies*
idem.

G E O M E T R I A.

- Quid consideret Geometria.* 61
34. *Auctores legendi ad Geometriam.* 69
35. *Quomodo intelligantur figuræ & superficies corporum curvæ & non regulares.* 71
36. *Quid requiritur ad mensuranda corpora.* 76

T R I G O N O M E T R I A.

37. *Quid sit, & in quo consistit.* 78
38. *Ex Angelorum proportione oritur cognitio rationis inter latera per tractatum de sinibus tangentibus & secantibus auctores in hanc rem.* 80
39. *Quid*

I N D E X.

- §. 39. Quid sequitur ex propriis præmissis, 81
 40. Hic cognitis præcedentibus debent cognosci mutationes quam maximè possibles. 87
 41. Quid sit unum corpus proprie dictum. 89
 42. In uno corpore simul accepto ut uno, nulla potest accidere mutatio, nisi locus rotius & figuræ & unitas sunt mutata. 91
 43. Prima proprietas motus localis est primum genus mutationum. 93
 44. Secunda. 94
 45. Tertia. idem
 46. Quarta. 96
 47. Quinta. idem
 48. Sexta. 97
 49. Septima. idem
 50. Divisio corporum sive secundum genus mutationum. 99
 51. Pars non attacta requirit causam sistentem & retropellentem saltem majorem absoluta quiete. 100
 52. Hæ binæ cause quò majori nisu seu visi sibi opponuntur è violentior fit separatio partium hoc est destrucción totius. 103
 53. Tertium genus mutationum. 105
 54. Ergo pars veteris cohesionis supererit, & post separationem cohesionis nova introducta erit. idem
 55. Quidnam corpus vosatur flexible, 107
 56. Quid sit mollities. idem
 §. 57.

I N D E X.

- | | |
|---|------|
| §. 57. <u>Quid vocatur corpus elasticum.</u> | idem |
| 58. <u>Quomodo fiat vis motus, qui in rerum natura est.</u> | 138 |
| 59. <u>Quid sit mechanica.</u> | 110 |

PRIMA PARS MECHANICES.

- | | |
|---|------|
| 60. <u>Quid dicitur corporis cuiusdam vis.</u> | 111. |
| 61. <u>Quotuplex sit illa vis, nempe duplex, quomodo vocatur à Newtono.</u> | idem |
| 62. Sex requiruntur demonstranda ad inveniendam relationem impetum facientis & relationem resistentis. | 115 |
| 63. Auctores legendi in hanc rem. | 118 |
| 64. Secunda Pars Mechanices hæ sex proprietates deinde demonstrandæ sunt in corporibus perfectè elasticis. | 119 |
| 65. <u>Qui Viri, & quomodo invenere has leges.</u> | 121 |
| 66. Hæc edocitus addiscat gravium corporum leges in perfectè elasticis, | 123 |
| Quinam auctores legendi sunt ad hoc studium. | idem |
| 67. Postea dicendum quid valeat figura seu instrumenti motum communicantis in aliud cui motus communicatur. | 125 |
| 68. <u>Quid sit hydrostatica quæ sequitur addiscenda.</u> | 128 |
- §. 69.

I N D E X.

§. 69. Auctores legendi in hanc partem. 130

HYDRAULICA.

70. Quid sit Hydraulica que sequitur ad-
discenda. 132
71. Auctores legendi in hanc partem. 134
72. Septima Pars Mechanices quae sit, eam
discere debet Medicus. 135
1. Quid sit Physica. 139
2. Quomodo acquiratur hæc scientia & di-
vidatur. 140
3. Quid sit historia naturalis seu experi-
mentalis Physica. idem
4. Quid propriè & tantum describat hæc
Pars Physices. idem
5. Quid sit altera pars Physices nempe Phy-
sica rationatrix. 141
6. Auctores legendi supra hac parte. 142
7. Historia Philosophorum illustrium à de-
cimo sexto saeculo & primo de Bacone
Verulamio ejus operibus, 145
8. De Robert Boyleo ejusque operibus.
146
9. Præcipui alii Physici auctores Physici qui
sequendi sunt secundum seriem temporis. 147
10. Methodus utendi hisce omnibus præ-
dictis auctoribus. 160
11. Auctores in hanc partem legendi. 162

§. I.

I N D E X.

- §. I. Definitio Chemicæ & quid exhibeat. 168
2. Quid indagat primo Chemia. 169
3. Quid describat. 171
4. Quid tandem indagat in genere. 172
5. Quid primo debet doceri Medicus in hac scientia. 174
6. Auctores qui optimè docuere pertractationes Chemicas. idem
7. Auctores qui experimenta Chemicæ instituerunt. 175
8. Auctores legendi qui partem aliquam Chemicæ Medicinæ inservientem tractaverent. 178
9. Auctores optimi in Pharmacia Chemicæ & primo quid sit Pharmacia. 186
1. Medicus omnibus præcedentibus instrutus debet addiscere simplicia, unde petitur materies Medicamentorum. 200
2. Auctores optimi de materia simplicium. primo pro tyronibus, & secundo pro vectioribus. 203
3. Hi auctores sufficiunt si legantur ordine dicto, & si ex his excerptamus omne quod attinet ad studium medicum. 206
4. Consilia ad Botanicam propriam, & pri-
mum consilium maximè utile. 207
5. Si Magister indicans Plantas non sit op-
timus

I N D E X.

- timus quid faciendum. 21
- §. 6. Quomodo vocatur methodus doctrinæ planarum. 211
7. cognoscenda methodus Johannis Raji. 216
8. Optimi auctores de historia antiquitatis plantarum. 28
9. Auctores dignissimi ut brevi studio & minoribus impensis cognoscantur vires Plantarum. 221
1. Medicus prædictis scientiis instructus potest aggredi suum proprium studium. 223
2. Indo. sequitur quod his instructus Medicus primum debet incipere ab anatome, quomodo hæc vocatur, & quid sit. 224
3. Quasnam partes Anatome seu sectio artificiosa detegat in toto corpore. 226
4. Quomodo se ipsam distribuat anatomia. 227
5. Quid detegat prima pars anatomie. 228
6. Quid faciendum ut noscatur tota natura harum firmarum partium. 230
7. De partibus solidis quot sint hæc partes que sunt prima elementa nostri corporis. 231
8. Nulli adhuc scripsere de natura harum partium ultimarum. 236
9. Tum debet addiscere tyro quid sit fibra minima partium firmarum, que non potest

I N D E X.

- potest alterius resolvi nisi in elementa
 descripta; (6. 7. & 8.) idem
- §. 10. Ex quibus constet hæc ultima fibra. 237
11. Supra hac re nulli hæc tenus (quantum
 notum est) scripsere. 238
12. Postea docendus est tyro Medicus cana-
 lium minimorum (9. & 10.) descrip-
 torum texturam. idem
13. Vascula minima corporis nec oculis nu-
 dis nec per Microscopia visibilia reddi
 possunt & quomodo possunt cognosci. 241
14. Quomodo sciri potuit dari talia vascu-
 la proinde repetenda paucis historia
 Microscopiorum. 242
15. His cognitis rebus debet Medicus dige-
 rere suum studium Anatomicum quid
 in eo addiscet. 247
16. De qua re debet agere prima pars Ana-
 tomiae. 249
17. Altera pars Anatomia agit de musculis
 dicitur Myologia & quare. 250
18. Tertia pars agit de visceribus & voca-
 tur Splanchnologia quid sit propriè viscus.
 251
19. Quarta pars agit de Vasibus, & dicitur
 Angiologia quid sit vas. idem

I N D E X.

OSTEOLOGIA, ET PRIMO OSTEogenesis.

- §. 20. *Quid sit Osteogenesis.* 253
- 21. *Recapitulantur jam dicta de Osteogenesis.* 257
- 22. *His explicatis quid ulterius videndum sit.* 259
- 23. *Difficile est hanc Osteogenesisam ex auctoribus discere & quare, auctores etiam legendi ut optimi in hac.* 264
- 24. *Postquam Medicus haec norit, debet discere fabricam ossium & quid ad haec sit requirendum & auctores legendi.* 267
- 25. *Omnia jam dicta de ossibus vera sunt de omnibus ossibus & qua lege tamen.* 286
- 26. *Deinde addiscat Medicus Syncosteologiam, quid haec sit & auctores legendi.* 287
- 27. *De juncturis ipsis ossium.* 292

Tum demum primarii Auctores legendi
de ossibus in genere.

- 28. *Ordo agit ut Medicus jam addiscat Myologiam, quare ita vocatur,* 302
- 29. *Est Myographia, quid haec sit, & quid designet prima ejus pars.* 303

§. 30.

I N D E X.

§. 30. <i>Auctores legendi de structura musculorum.</i>	305
31. <i>Secunda pars Myographiae quid docent auctores de hac re.</i>	306
32. <i>Tertia pars Myographiae quid explicet optimi de hac re auctores.</i>	312
33. <i>Auctores qui optimè de Myotomia scripserunt.</i>	314
34. <i>Indigemus tabulis pro cognoscendis musculis, quando non sunt præsto cadavera, quomodo tunc tabulis usendum.</i>	315
35. <i>Fam intelligere debet tyro & addiscere Splanchnologeam.</i>	317
36. <i>Quid intelligatur nomine visceris, idem</i>	
37. <i>De corde, cor meretur potius numerari inter muscul. auct. legendi de hoc.</i>	319
38. <i>De Cerebro quid hoc sit.</i>	323
39. <i>Quid agendum ut optimè noscatur cerebrum auctores legendi.</i>	idem
40. <i>Quid agere debet is qui hac præcedentia est edocetus.</i>	329
41. <i>De Faucibus Auctores.</i>	333
42. <i>De Pulmone quid sit.</i>	335
43. <i>De Ventriculo & Intestinis auctores.</i>	336
44. <i>De splene auctores legendi.</i>	338
45. <i>De Pancreate auctores.</i>	339
§. 46. <i>De omento auctores.</i>	340
47. <i>De Mesenterio auctores.</i>	idem
48. <i>De Hepate differt structura hujus visceris</i>	

I N D E X.

ceris ab aliis visceribus auctores de hoc legendi.	341
§. 49. De vasis spermaticis primo de virorum organis auctores legendi,	342
De Testibus.	idem
2. De foeminarum organis auctor.	345
De Renibus qui hoc referuntur auct.	347
50. Adenographia seu glandularum de- scriptio auctores.	348.
51. De vasis corporis.	350
<u>Quotuplica sunt.</u>	idem
Auctores legendi.	351
52. De vasis lymphat. auct. sententia.	353
53. Auctores optimi qui de vasis lymphaticis scripsere.	362
54. De oculo auctores.	366
55. De aure auctores.	367
56. De lingua auctores.	368
57. Anatomici generales hoc est qui de om- nibus partibus in genere agunt & pri- marii in hac rem.	idem
1. Quibus rebus instructus est qui præceden- tia (scil. Mathematicam , Physicam, Botanicam & Pharmaceuticam) est edoctus.	370
2. Opus est prudentia ad commendandos auctores de hac re, & cur quinam ve- ro sint eligendi.	378
3. De visu auctores.	387
§. 4.	

I N D E X.

§. 4. De auditu auctores.	388
5. De gustu auctores.	389
6. De olfactu auctores.	390
7. De tactu auctores.	idem
8. De historia generationis.	391
1. <u>Quid sit Pathologia.</u>	394
2. Optimi auctoris in hisce.	395
1. <u>Quid sit Semeiotike & unde sic vocatur.</u>	397
2. Auctores legendi in hac parte.	400
Et quomodo legendi sunt libri Hippoc. id.	
1. Nomen & definitio Hygieines.	404
2. Divisio Hygieines.	idem
3. Auctores legendi in hac parte.	idem
1. <u>Quid sit Therapeutica prima ejus pars.</u>	408
2. Auctores optimi in hac parte.	idem
3. Altera pars Therapeutices que sit.	409
4. Auctores in hac secunda parte legendi,	410
1. <u>Quid sit Praxis Medica.</u>	411
2. <u>Praxis Medicina est perfectio.</u>	412
Praxeos divisio generalis.	idem
3. Due partes propriæ praxeos Medice.	413
1. <u>Quid vocatur Chirurgia & quot sint morbi Chirurgiae.</u>	idem
2. <u>Quotuplex est Chirurgia quatenus discitur ex scriptis.</u>	414
Prima Classis Chirurg. systematicorum.	415
3. <u>Principii in hac parte systematici.</u>	idem

§. 4.

I N D E X.

§. 4. <i>Auctores præcipui secundæ Classis Chirurgorum.</i>	420
5. <i>Tertia Classis Chirurgorum.</i>	422
6. <i>Quarta Classis.</i>	423
1. <i>Quid sit propriè Diætica.</i>	424
2. <i>Præcipui in hac parte Auctores.</i>	idem
1. <i>Divisio auctorum in tres Classes qui per tractare docent morbos.</i>	425
2. <i>Medici Systematici & primò Graci.</i>	427
3. <i>Romani.</i>	434
4. <i>Græco-Galli.</i>	437
5. <i>Auctores de Medicina Ægyptiorum.</i>	438
6. <i>De Medicina Indiæ Orientalis.</i>	idem
7. <i>De Medicina Indiæ Occidentalis.</i>	439
8. <i>De Medicina Sinensium.</i>	idem
<i>Medici de morbis quibusdam singular.</i>	440
9. <i>Auctores præcipui.</i>	idem
10. <i>Auctores de lue venera.</i>	448
11. <i>De morbis mulierum.</i>	idem
<i>Observatores.</i>	449
12. <i>Quid sit propriè observatio, & qui auctores optim. sint eligendi in hac parte.</i> id.	id.
13. <i>Enumeratio præcipuorum observat.</i>	450
14. <i>Auctores qui undique collectas observationes scripsere.</i>	454
<i>Auctores qui de Consil. Med. scripsere.</i>	455
1. <i>Auctores qui de Consil. & libris simul.</i> id.	id.
2. <i>Auctores qui integrum prospectum omnium Auctorum dedere.</i>	457
F I N I S.	

45

45





$$\frac{6}{f}$$

